





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1311/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1311/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1311/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1311/A


1311/
A


G


1-6


Christie
21/11/05.
75


12481
The shelf.













Viro Clarissimo

ADOLPHO VORSTIO,

Medico summo.

QUAM primum ad hanc
spartam ornandam ac-
cessimus, Vir Clarissime,
nihil prius aut antiquius
habuimus, quam ea orbi litterato
exhibere, quibus bonarum artium
& disciplinarum studia promoveri
posse existimabamus. In quibus
non ad typorum modo elegan-
tiam, sed accuratas recensiones,
& extirpanda errata, quæ plera-
que bonorum scriptorum editio-
nes fæde deturpaverant, sedulo at-
tendimus. Quod hic potissimum
esse non ignoras. Nec conatui
nostro viri eruditi defuere. Quo-

*

2

FIN

rum industriæ & diligentiae plurimum debemus. Et quanquam præstantissimos veterum autorum, in quibus cordatam sapientiam, cujus umbram vix hodie possidemus, latere accepimus, terfos emendatosque dare præcipue contendamus, non tamen ita antiquis insistendum est, ut recentiorum scriptorum, quos aut nostra, aut parentum ætas tulit, præclara opera negligere videamur. Quippe in iis plurima extare, quæ & ad illustrandam antiquitatem faciunt, & veteribus aut plane non, aut non ita tradita, aut ignota, nemo inficias ire potest. Sæculum unumquodque nova magnaque ingenia protrudit, quæ subinde aut paria antiquis, aut eos excedunt. Nec enim ætas ad sapientiam, sed animus facit. quem ubique locorum & semper suum quisque habet, sequitur & ostendit. Quæ causa est, cur in excudendo Hieronymi

ronymi Cardani de civilis sapien-
tiæ arcanis opusculo, eleganti illo,
ut omnium iudicium est, & eru-
dito, passi non sumus operam no-
stram desiderari. Et simul proli-
xum nostrum in te animum pu-
blice profiteri voluimus. Nec alii
quam tibi hoc ipsum debebatur.
Cardanum ad te ferimus, me-
dicum cum antiquis merito com-
parandum, cujus infinita & indu-
stria & doctrina & experientia cum
ingenio divino conjunctæ, & tot
æternis scriptis probatæ, eruditos
omnes in stuporem rapuere. Dif-
ficillimas in Medicina, Astrono-
mia, totaque adeo rerum natura
partes excutiendas suscepit, & mi-
rifice illustravit. Sed & ad vitam,
qua publice, qua privatim domi
forisque bene instituendam invi-
denda multa redolavit. Inter quæ
vel primum est, quod nunc da-
mus. Et tu quoque medicinam ita
imbibisti, (imbibisti autem pe-
nitus)

nitus) ut qui de cæteris bonarū artium atque disciplinarum partibus differentem audiverit, in omnibus probe subactum atque versatū non possit non statim judicare. Quod ingenii tui summæ felicitati, cum qua assiduam diligentiam conjungis, totum debes. Nihil jam dicimus de scientia herbarum, quam Botanologiam vestri vocant, in qua parem tibi Europa non habet: nihil de tot linguarum, etiam orientalium, cognitione; quæ laus tanto magis tua est, quanto minus eorum, qui medicæ artis scientiam sine hoc præsidio profitentur. Sciunt hæc omnes, qui te norunt, & docentem audivere. Ut suffecerit nobis tollendæ adulationis suspitioni ad famam publicam provocare. Accedebant ad ista tot non modo summi parentis tui, cui Academia nostra æternum debebit, sed etiam tua merita. qui totiens re consilioque nos juvisti. Et quia talem te
semper

semper experiri desideramus, ta-
lem etiam hic agnoscere debui-
mus. Proinde sit hoc & animi in
te nostri, & tuorum in nos meri-
torum perenne monumentum.
Vale, vir eruditissime, & publico
tuoque bono diu vive. Lugd. Bat.
MDCXXXIV. Octob. xv.

Fama tua aeternum

devoti

B. & A. ELZEVIIRII.

* 4

EPI-

T A B V L A,
Seriem Sectionum & Capitulorum
hujus libri proponens.

UNIVERSALIS INSTI-
TUTIO.

1. **C**ausa scribendi hoc opus, & nominis: tum generalia præcepta. Pag. 1
2. Ordo hujus libri: & de ordine multa. 15
3. Opus hoc propter quos factum. 23
4. Dubitationes quædam: & an divinitio utilis? 24
5. Fortunam in humanis rebus plurimum posse. 30
6. Hominis natura, ac mores. Et de causis nostrarum civilium calamitatum. 32.

QVIBVS NON OPVS SIT
HOC LIBRO.

7. Qui finem querunt, quem habere non possunt. 42
8. Qui finem querunt, quem habere non lunt. 43
9. Qui rem noxiam aut omnino turpem querunt. 56
10. Qui aliena à professione querunt. 47
11. Qui ea querunt quæ retinere nequeant. ibid.
12. De

T A B V L A.

12. De ineptis hominibus, & actionibus. 48.

P R A E C E P T A C O M M U N I A.

13. Necessarium esse ut sciamus finem, quem volumus. 49
 14. De duplici fine in hac vita. 50
 15. De summo bono in civili vita. 51
 16. Animum esse virtute instruendū. 56
 17. De temporis compendio. 58
 18. Locum tutum ad habitandum, esse eligendum. 61
 19. Ferenda esse multa in hac vita. 63
 20. Actionum & verborum divisio. 64
 21. De virtutibus extra nos. 65
 22. De solertia. 67
 23. De moribus. 69
 24. De comitate. 73
 25. De existimatione retinenda. 75
 26. Quae vitanda. 78
 27. Mala occultanda. 83
 28. Mala verbis mollienda. 86
 29. Sermone brevem esse debere. 87
 30. De juramento. 95
 31. Silentii laus. 96
 32. Lentum in deliberando esse oportere. 100
 33. Hominum mores scire convenit. 101
 34. Potentium de rebus opinionem sciri esse necessariam. 103
 35. Cognoscere quae in urbe aguntur. 105
 * 36. De

T A B V L A.

36. De preparatione. Vbi de modis pa- randi opes.	106
37. Familia.	110
38. Res domestica, & ejus conserva- tio.	121
39. Oeconomica distributio, & præce- pta.	137
40. Societas & conversatio: & de Officio & Pietate.	155
41. Amici.	165
42. Occasio.	169.

SINGVLORVM TRACTA-
TIO GENERALIS.

43. Quomodo animi & corporis firmitas servetur.	169
44. Quot modis homines in officio conti- neantur: & de beneficiis collocan- dis: Veneratio quid.	172
45. Scientia animi.	175
46. Homines singuli quibus capi soleant.	187
47. Homines singuli quomodo ad amici- tiam alliciantur.	ibid.
48. Tentandi homines ante necessitatē.	190
49. Quæ in eo quod quaritur sint confi- deranda.	ibid.
50. Cum quo negotium sit, adverten- dum.	192
51. Metiendas esse proprias vires ante omne negotium; & quomodo.	193.

GENE-

T A B V L A.

GENERALES MODI SPECIALITER DECLARATI.

52. De simulatione.	196
53. De dissimulatione.	201
54. De persuasione: ubi de dilemate.	203
55. De vi.	229
56. De natura.	232
57. De tempore.	233
58. Scientia rerum, morum, ac potentia.	234
59. De decore.	336
60. De executione.	239
61. Verbis pluribus quando uti liceat.	242
62. De dolo dignoscendo.	243
63. Captatores quomodo eludendi.	246
64. Quando à conventu discedendum.	254
65. Proxeneta.	255
66. Proxeneta quomodo in amicitiam alliciatur.	256
67. Proxenetae usus.	259
68. Quomodo cum tanta improbitate hominum cōversatio stare possit.	261
69. De his quæ definiri non possunt, nec habent caput proprium.	266
70. Historiam rerum præteritarū multum prodesse & ad ferendum, & ad deliberandum, & ad exequendum.	268
71. Res magna quomodo per Proxenetam tractan-	

T A B V L A.

tractanda; & de quodam alio nobiliore genere. 271

72. *Res periculoso quomodo tractanda.* 276

73. *Domesticorum sollicitatio. & cautio.* 277

74. *Quomodo homines ad magna pericula inducantur.* 298

75. *Verborum vis.* 303.

SPECIALIS AGENDORVM
EXERCITATIO.

76. *Homines quomodo captandi, juxta conditionem uniuscujusque.* 306

77. *Amicorum usus, & familiaritas.* 309

78. *De negotiatione cum amicis, magistratibus: & absoluteione impetranda.* 312

79. *De amicorum vitiis.* 315

80. *Ubi amicus tuo periculo erret.* 325

81. *De conversatione cum Principibus.* 327

82. *De calumnia apud Principes abolenda.* 341

83. *De servitute Principum.* 345

84. *Ubi te à Principis servitute subduxeris.* 350

85. *Ubi manendum sit in patria cum periculo.* 351

86. *De itinere.* 354

87. *De*

T A B V L A.

87.	<i>De habitatione extra patriam.</i>	357
88.	<i>De procuratore in patria relin- do.</i>	367
89.	<i>De hospitalitate.</i>	369
90.	<i>De existimatione civili.</i>	374
91.	<i>De captanda autoritate vel existi- matione apud populum.</i>	382
92.	<i>Artificum præcepta specialia.</i>	393
93.	<i>Ubi fortuna votis adversetur, quid agendum.</i>	422
94.	<i>Ubi cum impari colluctari necesse sit.</i>	424
95.	<i>Similibus præceptis, in diversis casi- bus uti oportere: Vnde ex aliis ca- pitibus petenda esse auxilia.</i>	427
96.	<i>Errores quomodo corrigendi.</i>	429
97.	<i>De consilio, & officio non numerata pecunia.</i>	434
98.	<i>De negotiatione cum minimis.</i>	438
99.	<i>De negotiatione cum incognitis.</i>	440
100.	<i>De communi sermone, laudeque propria, & suorum; & scomma- tibus.</i>	443
101.	<i>De epistolis conscribendis.</i>	463
102.	<i>De dolo ac seductione.</i>	469
103.	<i>De eripiendo ab iniuritis.</i>	472
104.	<i>De æmulis.</i>	475
105.	<i>De delatoribus.</i>	489
106.	<i>De insidiis: ubi de exploratore.</i>	490
107.	<i>De invidia abolenda.</i>	500
108.	<i>De contemptu & irrisione.</i>	501
	109. De	

T A B V L A.

109. De calumnia apud populum eradi- canda.	505
110. De contentione.	518
111. De injuria accepta.	520
112. De iudicio,	525
113. De hostibus, ubi de reconciliatio- ne.	531
114. De inimico exitiali.	533
115. De ultione.	535
116. Ubi in arbitrio sis negotiatoris.	538
117. Ubi omnia tibi sint adversa. & de maerore.	539
118. De his qui gravibus vitiis obstricti sunt.	543
119. De filiorum cura.	547.

D E D V B I I S.

120. Quum duæ conditiones simul re- pugnantes proponuntur.	553
121. De contrariis indicationibus.	554
122. Opes an honor preferenda.	559
123. De gloria.	561
124. Quæ sita circa gloriam.	564
125. Quantum decipiamur circa finem.	566.

D E H I S Q V A E S V N T S V P R A I N S T I T V T V M.

126. De <i>ἡδονῇ καὶ πόσει</i> , & fascito.	568
127. D	

T A B V L A.

127.	<i>De axiomatibus.</i>	572
128.	<i>De Geniis, Fato, Astrologia, & Fortuna.</i>	580
129.	<i>De divina natura.</i>	585
130.	<i>Exempla.</i>	587
131.	<i>De vita senum, quasi exemplari.</i>	596
132.	<i>Peroratio.</i>	601.

F I N I S.



EPI-

EPIGRAMMA

D E

HIERONYMO CARDANO.

*Spiritus hunc proprius versat, præ-
cordia raris.*

*Dotibus extollit, sidera clara mo-
vet.*

*Nescio quid dicam, mirabor: nil
latet istum;*

*Quam legisse putes scribere plu-
ra solet.*

HIERO-

HIERONYMI
CARDANI,
MEDIOLANENSIS
PROXENETA

SIVE
DE ARCANIS
PRUDENTIÆ CIVILIS.

Liber singularis.

CAPVT I.

*Causa scribendi hoc opus, & nominis;
tum generalia praecepta.*

QVum homo animal sit natu-
ra gregarium, (appellamus
id in illo civile) non solum
aliorū obsequio potentiam
suam auget, verum opus ha-
bet. Solus enim vel ab ipso ortu (ut Ari-
stoteles inquit) alieno auxilio indiget,
quia sibi non sufficit. Cum alia animalia
gregaria societate iuventur, atque gau-
deant; ipse homo agre solus, etiam vi-
ribus

ribus & ætate florens, vitam ducit; ut societate opus habeat. Cum ergo solus, propemodum nullus sit, tantum valet & potest, quantum aliorum auxilio fretus atque munitus est. Ea autem potestas multis modis paratur: hereditario jure, lege, vi quadam, conjuratione, societate, consanguineis, amicis, fociis, opibus, atque potentia, opinione hominum vulgari vel probitatis vel sapientiæ vel religionis, tum clientibus, & patrocinio, multisque aliis causis, quas enumerare longum esset. Atque in his plurimum posse dicimus, eos qui plurimos habent fautores, atque potentes; & qui diligunt eum valde: ipse vero sapiens, ac prudens, & utique efficax, nec adeo vehemens hostis. Persæpe enim, cum omnia alia adsint, hostis potens cuncta evertit. Porro omnia hæc aut nobis adsunt, aut comparantur. Et quibus adsunt, indigent solum ut uti eis norint; aliis necesse est, ut parent, & ut uti didicerint. Duplex labor. Ea igitur actione & parantur & exercentur. Cum vero corporis perfectio forma sit, formæ autem operatio; harum duarum partium vis tota in operatione atque ea erga homines, consistet. Oportet ergo dividere totam hanc rationem; in ea quæ supponuntur, ut sunt regnum, potentia, consanguinei, fonticus mor-

ARCANA PRVD. CIVIL. 3

morbis; & quæ parantur, ut amici, opes, authoritas: quæ etsi habeantur persæpe, plurimum tamen sunt in arbitrio casus, & omnium horum usura. Iam vero, ut omnia facilius intelligantur, finem ipsum proponere oportet. Hic finis est bene beateque vivere. Quod si illum adipisci sine opibus, amicis, potentia atque huiusmodi liceret, utique non solum melius esset, quam cum his, sed prope divinum. namque hoc ipso cælestes præferuntur longe nobis, quod nullis indigeant ad bene beateque vivendum. At conditio nostra etsi huiusmodi sit, ut in adipiscendo hæc, & in eorum usu, multa incommoda patiatur; multo tamen minus malum est, finem cum his consequi, quam sine illo, innerrem & sordidam vitam ducere. At Philosophi, maxime Stoïci, conati sunt quod Diis conveniebat, hominibus tribuere. Qua in parte dum admirabiles videri se putant; & falsi, quod ipsi alio more vivant, quam doceant; & inanes, quod facta verbis non respondeant; & impii, quod ea quæ Deorum sunt, mortalibus adscribant, deprehenduntur. Propositum igitur est, bene beateque vivere secundum conditionem & actionem, ut his quæ habemus, recte utamur; & eorum quæ non habemus, & tamen haberi possunt, partem illam, si

4 HIERON. CARDANI
ea opus esse duxerimus, adipiscamur.
Iam ergo finis unus est, genere, specie; at
valde differens: quippe regis, pauperis,
juvenis, valde senis, sani & morbosi.
Multa vero circa hæc contingunt dubia:
veluti primum, an præstet parare, aut
non parare? secundum, an necessaria sit
affectuum imminutio, postquam felici-
tas, etiam juxta Epicurum, est reposita
in indolentia. Hanc ergo libenter in in-
dolentia non solum præsentium reposue-
rim, sed etiam præteritorum, & futuro-
rum. Ut feliciter vivere, sit, nullis indige-
re, nec memoria præteritorum torqueri,
& securè vivere. An ergo valde utilis sit
quædam durities animi, adversus cala-
mitates? Videtur autem necessarium id
omnibus miseris, ut post quã non possint
quod velint, velint quod possint. Terriũ,
an oblatis, veluti senibus, felicitas con-
tingere possit? Quartum vero erit circa
rerum divisionem: Quintum circa or-
dinem. Est & unum Caput valde neces-
sarium in hac tractatione, scire quid sit
omittendum aut cognoscendum. Multi-
tudo enim confusionem parit; paucitas
impedit, ne omnia apprehendamus. Por-
ro de hujusmodi partibus, scilicet de ani-
mo confirmando, de parandis opibus, de
miserorum conditione, alibi tractatum
est: ut abunde sit, ACTIONES HO-
MINVM

ARCANA PRVD. CIVIL.

5

MINVM hic docuisse, VT AD CIVI-
LEM PERTINENT CONVER-
SATIONEM: scilicet ut potentiam,
gloriam, laudem, amicos, securitatem-
que comparemus; & ut fruamur his, quæ
nobis fortuna dederit. Cæterum ut in
his quæ diximus, recte versemur, adhi-
benda est ratio ex parte conditionis no-
stræ, & illorum cum quibus negotium
est; tum temporis, loci, quantitatis, mo-
di, & reliquorum omnium, quorum
mensura est decor & honestum. Etenim
meta necessariorum est, ad vitam hone-
ste ducendam. Hæc autem omnia con-
stituta sunt in solidis bonis; sapientia, in-
columitate, filiis, ætate, opibus, hono-
ribus, amicis, potentia, securitate, ut
contra, inania, importuna ultio, alea,
scorta, luxus, & talia; quæ numerum
certum non habent, quum bona sint de-
finita. Est autem exuberans felicitas,
quum quis abunde bonis fruitur; & im-
perfecta, quum quantum satis est; & pro-
conditione, velut senis, cæci, servi, pro-
cul à patria, inter barbaros degentis. Ha-
rum omnium una ratio est. Duarum reli-
quarum (sunt enim omnes quinque) al-
tera sub eisdem regulis propemodum
continetur, sed absurda & detestabilis
est; velut aleatorum, lenonum, parasiti-
torum; detestabilior sicariorum: altera

A ; etiam

6 HIERON. CARDANI
etiam ab his præceptis est aliena, qualis
Philosophorum. Rursus quum usus ipse
omnium in duobus consistat, scilicet
scientia & executione; SCIENTIA omnis
ad duo capita reducitur: EST, NON EST,
Vnde divinare in singulis non arduum
esset, nisi obstaret multitudo quæstorum
ad finem necessariorum. Velut, an obsiden-
da urbs? Primum, an suscipiendæ inimici-
tiæ? &, si suscipiendæ, an simul bellum
gerendum? &, si bellum gerendum, an per
incurSIONES, an toto cum exercitu, &, si
toto cum exercitu, an expectandus ho-
stis, an regionem ingredi melius sit? atq;
mille huiusmodi. Peccatur ergo, vel quia
non omnia assumimus ad divisionem, vel
non colligimus omnia post divisionem,
aut in deliberando in aliquo erramus:
& maxime circa tempus, locum, mo-
dum, atque mensuram. Contra ille opti-
me egerit, qui rem ad pauca redegerit,
simulque cuncta collegerit, & circa sin-
gula recte deliberaverit. At vero alterum
caput Est EXECUTIO: quæ juxta
conditionem eorum cum quibus agen-
dum est, variatur. Principum nempe,
nobilium, sacerdotum, populi, senum, ju-
venum, legum, consuetudinum, & (quod
maximum est, inimicorum, & eorum
qui non persuadentur, aut opinione, aut
feritate, aut odio; ut nescias unde ratio-
nem

ARCANA PRVD. CIVIL. 7
nem invenire debeas, aut inchoare ser-
monem. Omnino vero absurdum fue-
rit, credere artem esse conservandæ sa-
nitatis, & depellendi morbi, & navi-
gandi, (quæ certum non habent exitum,
& quasi sunt in Fortunæ arbitrio, aut
Naturæ;) & ubi cōsilio res agitur, facien-
dę vestis ad amussim corpori convenien-
tis; non esse vero artem bene vivēdi & ci-
viliter, cum ipsa civitas tota ratione atq;
consilio gubernetur; Eam itaque ratio-
nem & artem quum alterius auxilio me-
lius exercere & adjuvare liceat; eumque
qui id possit *πρωξενετιώ* appellare so-
leant, merito huic libro nomen PR O-
X E N E T A E imposuimus. Nam etsi hu-
jusmodi hominem variis nominibus vo-
cari in usu sit, ut in via itineris ducem,
ubi nihil agat, sed solum doceat; con-
sultorem in magnis rebus; qui sine pre-
tio nos juvat, amicum; in turpibus cau-
sis, lenonem; Proxenetam tamen dici-
mus, quod eum, qui id proprie agit, &
pluribus in causis hoc officio fungitur,
sic vocemus. Quantum vero profit hoc
studium, ex eo conjicere licet, quod in
omnibus negotiis pari viri fortuna con-
ditioneque, alii felicissimi & gloriosi
evadunt; alii obscurissimi, sordidi at-
que infelicissimi. Constat igitur, in ho-
rum cogitationibus atque vi agendi re-

8 HIERON. CARDANI
positam fuisse utramque sortem, & bonam & malam, (seu utrumque statum, altum & imum) aliorum, & mediocre. Plurimum tamen potest in huiusmodi, natura, etiamsi ad artem compareretur. Sed velut in Musica & Medicina plus potest absoluta ars cum mediocri natura; quam excellens natura cum mediocri arte. Est enim natura potentia similis, ars vero actui. Quapropter quantavis brevis, studio & promptitudine adjuncta, propter occasiones, utilior est ad actiones absoluta tractatione. Quam tamen ut legas, & in ea exercearis, laudo. Porro, ut dixi, principium tractationis atque cognitionis est ordo. Ordo autem ex separatione oritur. Separatio igitur principium est operationis, cognitionis atque scientia morum uniuscuiusque. Qui quaerit confusionem, omnino malus est, aut stultus. Qui quaerit distinctionem, veritatis amator est. Non est autem prorsus probitatis signum, veritatis amor; (nam & latrones cupiunt scire, an capti pecunias habeant) sed simplicior veritatis amor. Recte invexit Anaxagoras (nescio an ad hunc finem) mentem illam quae perpetuo segregat ac separat. Hoc ipso probos ab improbis dignoscere licet. Perverse occiditur, quisquis multis de causis non
una

ARCANA PRVD. CIVIL. 9

una occiditur. Sed multæ causæ animi
 malum ostendere possunt: factum
 non debet ita distorqueri. Propterea sa-
 piens hoc ipso signo perversitatem ho-
 minum deprehendet: item in disputa-
 tionibus & in libris, confusio argumen-
 tum semper est improbitatis, maxime
 ubi de utili tractatur; aut imperitiæ, ubi
 indifferens est argumentum. Porro con-
 fusionis multi sunt modi: permutatio,
 obscuritas, insinuatio, exclamatio, ira-
 cundia, simulatio, prætextus Reipubli-
 cæ periculi: non convenientium, non
 verorum commemoratio, loquacitas:
 impedire respondentem, deterrere de-
 fensores, adversus religionem inanis su-
 spicio: plurimorum testium vel impro-
 borum vel non ad rem facientium exhi-
 bitio, instantiæ iudicii: sed nihil mani-
 festius, quam cum ex pluribus calumniis
 diversorum generum conantur unum
 efficere crimen exitiale. Confusio deni-
 que ad quinque capita redigitur, tracta-
 tionem aut verba majora re ipsa; defen-
 sionis perturbationem, qualiscunque sit;
 corrupta testimonia, & simulationem
 suspiriis, gemitu, lugubri amictu, occla-
 mationibus. Memineris quoque condi-
 tionis nostræ, quæ undique angustis con-
 clusa est spatiis. Si felicitatem requiris,
 cohæret miseriæ; si spatia vitæ, mors,

A ; non

10 HIERON. CARDANI
non solum senectū, infantia jungitur; si
statum, humilior es & infirmior ceteris
animalibus, imo plantis. Propterea ve-
lis quæ possis; & moderare cupiditatem,
& adversa fer. Nullus mortalium sene-
ctutem sine magnis incommodis tulit.
Valeat Cato Senior: nonne & is filium
amisit juvenem, ut infantem superstitem
solum reliquerit? Ita esse, non esse, vel-
le, nolle, invicem junguntur. Quid asse-
qui posse speras, aut qua ratione, quum
nescis quid tractes? Etsi nil aliud esset
incommodi, exiguo bono quam magna
mala permutas, imo accersis! Singula
ætas tot experimenta adfert, ut non opus
sit exemplo. Ut ergo non confundaris,
etiam absque dolo confusio irrepit, igno-
rantia, celeritate, negotiorum multitu-
dine: ubi Ordo non nisi industria habe-
tur. Omnia itaque non solum apud mi-
nistros, sed etiam apud te ipsum ad con-
suetudinem sunt redigenda; velut vestes,
claves, supellex, certis semper locis col-
locandæ. Negotia horis (hoc vulgatum
est) imo statis diebus perpetuo exequen-
da: Si quid omittatur ex consuetudine,
literis mandandum, ne vel obliviscaris,
vel impeditum detineas animum: quem
perpetuo purum, ad majora & non ex-
pectata, maxime ob sycophantas, habere
oportet: Scire etiam quid maxime de-
vitare

ARCANA PRVD. CIVIL. II

vitare oporteat : ejusmodi est mors ,
non solum præsens , sed quæcunque vi-
tam breviorē efficiunt . Quid enim in-
terest seu vitam præscindas cum parum
jam superest , seu multo ante : nisi quod
in hoc latet te jactura ; quæ quanto magis
ignota est , eo gravius & inconsideratius
peccare soles . Atque hoc in juvene : in
sene autem descendantium vita & salus
potior est utcunque ; quo magis posteri-
tati consulere possis . Proxima huic ja-
ctura temporis est : quandoquidem id
solum vivimus , quo operamur ; Nam
perpetuo dormienti quid interest seu
post diem , seu post mille annos pereas ?
Tertio loco habenda est libertas , cum
vita & virtus in opere ipso constet . Duo-
rum vero quæ sequuntur , incolumitatis
scilicet atque virtutis , non una est certa
ratio : sed illud præponendum , quod , si
pereat , longius affert detrimentum : velut
Virtuti surditatem , claudicationem , im-
peritiam magis fugiendam dico . Post
sunt opes & gloria , de quibus suo loco
dicendum erit . est enim longa disserta-
tio . Ultimo loco sunt amici criticis viris
etiam propriæ saluti præpositi . Sed nos
trita sequimur , non imaginata solum .
Conandum est autem , ut non solum ,
quemadmodum diximus , omnia ad duæ
cogitatione deducas ; sed ut ita expedias ,
ut

ur ad contrariorum seu oppositorum necessitatem perducas, & verbo noveris explicare. Solet enim brevitās sermonis multa commoda afferre; & maxime quum negotium est cum prudentibus aut peritis negotii vel usu. nam ad fervos, & ancillas, & stupidos, forsan concisa brevitās inutilis erit: ad eos autem qui intelligere possunt, multis sensibus, paucis verbis coactis, majore impetu animum percellit, lucem affert, nec oblivione prima evanescere patitur, & fastidium non parit, auctoritatemque dicentis dum auget, auget & in audiente voluntatem gratificandi: unde in Lacōnibus tantum in honore habita. Quantum vero possit hac una ars, apparet vel in pila lusoria, quæ leviter icta non offendit; eadem à viro robustissimo impulsā nocet non parum; multum abest tamen à mortis periculo: eadem impulsu bellici tormenti transverberat hominem totum, ut ilico intereat. Ergo si homo eandem vim habeat, cur non idem faciat? Non ergo in rebus ipsis defectus aut vis, sed in agentibus. Anima ergo quum immortalis ac infinita sit, & mens; neque in ipsa, neque in rebus, sed in scientia atque usu defectus erit, ut non solum ad incredibilia, sed ad omnia etiam insperata pervenire possit. Gnaviger

ARCANA PRVD. CIVIL. 13

ter ergo amplecti convenit hæc præcepta,
atque exequi non dubia spe aut mente.
Namque res hominum, & actiones, &
vitæ, metam habent; ut persæpe quæ
omnino assequi non confidis, facile ob-
tineas. Signum autem malæ negociatio-
nis est, ut inquit Aristoteles, quod falsa
bona in temporis processu in vera ver-
tuntur mala. Ideo etiam fictas volupta-
tes refugere oportet, & veris insistere.
Neque enim illæ beatum faciunt, nec si-
mul cum his esse possunt: Vt alea, me-
retrices, ocium, societas adolescentium
& nepotum, crapula, poësis vulgata, assi-
dum Musicæ studium, pernoctationes,
piscatio, & venatio, spatiari, imitari mi-
mos, ludis & spectaculis adesse, Chymia
operam dare, adfabulari, cum suis vitam
velle ducere. Maximum enim axioma
statuere oportet; Improbum, stultum
esse: unde id, Sapientem, bonum esse.
Nam seu iudex furetur, rapiat, cruciet,
congreget multa; seu imperitus in arte,
in usu sit, celebretur, tu autem penitus
contemnaris, manet propositum. Feli-
citer ei cedant omnia. Primum est pe-
riculum legum, inde conscientia sceleris,
& metus ab his quæ feruntur post mor-
tem: Proclivis lapsus, ut necessario im-
pingas, velut impunita sit improbitas, di-
lapsis opibus seu vitiis propriis, seu aliena
vi,

vi, fraude, aut casu, ut nihil tibi supersit
 præter infamiam, consccleratum pectus,
 vel infortunium, ut partis postmodum
 uti non possis. Nil horum. Sed sit. Quid
 si filius non adsit? parasti inimicis. & si
 aliquando desinat stirps, inanis opera
 omnis fuerit tibi; non nisi peccata relin-
 quuntur. Supersit, ut sit æterna, & opi-
 bus abundans; nihil plus tibi, vel illis,
 quam insidiæ. Quæris uxorem castam?
 plus habet custodiæ opulentus, quam
 pauper. Sed vide quid ex aduerso? adul-
 teros potentiores & cautiores custodum
 perfidia; ut in eis malum sit: Lascivia ma-
 jor in opulenta femina: majorque pec-
 candi securitas; Occasio ex te major,
 meretrix, cinædus; ut nulla magis ex-
 re irriteretur mulier. An non hæc quin-
 que possunt plus uno? Delicatus vivi-
 tur: nihil est quod melius obsonet fame.
 Sed scis ubi error latet? Quod arbitraris,
 eos qui boni dicuntur, esse sapientes; vel
 stultos esse malos. Id quum arbitraris,
 certe magna omnium confusio oritur.
 Ut vero intelligas quantū ameris à tuis,
 vel his qui possunt; hi amant, qui tibi
 etiam metuunt; oderunt, qui metuenda
 fingunt non credere, vel non credunt;
 hoc minus est: vel etiam rident, quod
 natura medium est. Illius præterea me-
 mineris Cæsarei.

Nam

ARCANA PRVD. CIVIL. 15
*Nam si violandum est jus, Imperii
gratia*

*Violandum est: aliis rebus pietatem
colas.*

Quod si nec hoc verum est, aut iustum,
aut honestum, vel etiam utile; quanto
minus in frivolis rebus, in quibus non
repositum est quod optimum est; utili-
tatis vero & securitatis maxima pars
deest, nec ab ullo defendi, nedum pro-
bari vel excusari potest? In universum,
quum sint tria genera actionum: utile,
honestum, quod circa sapientiam, virtu-
tem cultumque Dei versatur; & jucun-
dum, quod circa voluptates; nec potis
sit mortalium quisquam omnia assequi,
præcipue senex, & qui domum non be-
ne constitutam ex suis habeat, quum
primum ad vitam sit necessarium, secun-
dum gloriosum, & finis ipsius hominis,
sine quo nec hominem esset præstet: o-
porteret, qui volet beate vivere, id est, sine
molestia, voluptatem sponte abdicare, &
eam in præcedentium possessione con-
stituire.

C A P. I I.

Ordo libri, & de Ordine multa.

OR D I N E autem exquisitissimo uti,
etiam in singulis, haud arduum est:
at in pluribus ordinibus, quique etiam se
com-

complicent, non facile. Exquisitissimus ordo est, qui ad unum omnia deducit: & in quo nec repetere, nec omittere quicquam cogimur. Vnde illa consequuntur quæ optimo ordini sunt propria: summa brevitās, claritas, ut memoria facillime omnia contineri possint, & ut quæsitā se statim offerant. Quod vero difficillimum esse in hoc videtur, (ut dixi) est complexio generum invicem: velut Aulicus ad Principem & æmulos refertur: & rursus æmulorum infectatio apud Principem & Populum. Porro quum in ordinibus à prioribus semper incipere conveniat: priora autem alia natura, ut Substantia Accidentibus; alia ordine, ut causæ effectibus, & simplicia compositis; & cognitione: Ea autem duplex; sensus, quæ ad tradendam doctrinam opportuna non est; & mentis, in qua generalissima præcedere necesse est: tum quia simplicia, (hæc autem compositis ordine priora;) tum quia idem sæpius repetemus: velut si dicamus, Quid est Homo? &, Quid est Equus? dicimus in utroque, Quid est Animal: at si Animal in Hominem & Equum dividerimus, non ita. In simplicibus quoque & causis; quamquam in naturalibus non eadem priora sunt; in his tamen non mutatur ratio, ut tam à causis

ARCANA PRVD. CIVIL. 17

sis & simplicibus, quam generalissimis sic inchoandū. Ergo à substantiis primum, inde generalissimis ac simplicibus inchoandum erit. Quæcunque autem in pauciora deducuntur, generaliora manent: ut Animal in perfectum & imperfectum; quod in bipes, quadrupes, apes, & multipes. Iuxta hoc ergo primum dicemus de his quæ in se & extra comparantur: Deinde dividemus ea quæ extra se comparantur, in actiones, verba, gestus & res: Tertio res ipsas in domus, apparatus, substantiam; amicos, inimicos, dominos, & consuetudinem. Vt vero habeamus, finis duplex: possidendi, & utendi tantum. Hæc autem vel ex nobis, vel alterius ope atque consilio. Cæterum quum duo sint habendi modi, emtio & transmutatio, de transmutatione hic proprie agendum est. Hæc autem triplex: rei, verborum, & actionis, tum quæ ex his componuntur. Rei in actionem; ut qui advocatum conducit: Verborum cum rebus; ut qui puellam abducit à matre pollicitationibus. Præparamur autem ad hujusmodi transmutationes cognitione rei, & morum, & potentiæ illius cum quo agimus, & occasione, & providentia, & simulatione, dissimulationeque. Executionis autem pars una est generalis, ipsum scilicet exequi: species

B

cies

18 HIERON. CARDANI
cies autem, persuasio, dolus, & vis: cau-
sa vero duæ fortuitæ quasi, scilicet natu-
ra ac tempus. Sunt enim hi modi habendi,
sed non in nobis.

In tractando autem viam ab Hippo-
crate traditam, quam obiter in libris De
dentibus servavimus, imitabimur. Con-
stituto enim uno tamquam exemplo
tam in omnibus, quam in specie, absolu-
tissimam illius faciemus tractationem; re-
liquosque ad eam normam reducemus.
Et quum de illius æmulis loquamur apud
Principem, eadem de æmulis apud Po-
pulum, tum etiam de existimatione apud
utrumque: & quæ de æmulis, eadem
de his qui frigide nos juvant, addita [di-
cenda &] intelligenda erunt: in quibus-
dam evidentioribus discriminibus plura
dicturi. Erit autem, ut reor, medici
exemplum satis accommodatum: quod
ars ipsa inter operarios sit nobilissima;
artifex vero inter plebejorum humilita-
tem, & patritiorum spiritus quasi me-
dius: disciplina, maxima solertia indi-
get: medicus cum pluribus versatur,
verba rebus commutare solitus. Vtrius-
que Fortunæ casus, & doli parem diffi-
cultatem faciunt, & mihi belle ex æquo
nota, opera atque operarius. Iuxta hæc
igitur septem servabimus ordines: quo-
rum primus erit institutionis totius ope-
ris,

ARCANA PRVD. CIVIL. 19

ris, in octo partes principales divisi, ad Aristotelis imitationem: quod pulcre Theodorus Gaza in sua Grammatica expressit. Dicemusque in eo ordine primum de necessitate, utilitateque ac ordine hujus libri; tum his, quibus non convenit hujusmodi lectio: & quæ præter hæc plurimum possunt, velut Fortuna; & quæ ad intelligentiam præmittere oportet. In secunda autem de his, quibus parum utilis est lectio hujus libri. In tertia vero de generalibus præceptis servandis, ut qui ex hoc opere fructum habere velint, præponant. In quarta de singulorum tractatione generali. In quinta de universalium tractatione. In sexta de singulorum speciali consideratione, atque executione: estque pars ob id merito longissima. In septima de dubiis. In octava de his quæ sunt supra institutum. Hicque ordo primus libri totius.

Quod ad tractationem autem ipsam attinet, secundus ordo est ipsorum ordinum, ut priores sequentibus anteponantur. Tertius, ut generaliora specialibus; donec ad ultima pervenerim. Quartus, ut quæ dicenda sunt de singulis, dicantur. Quintus, ut & in his quæ de singulis dicuntur, ratio ordinis ejusdem habeatur. Sextus, ut omnia hæc & quod

ad speciem attinet, & quoad ea quæ de illis dicuntur, ad illud exemplum referantur, & limitatione & conditionibus adjectis, in quibus differunt. Septimus ordo est, ut quartum & septimum ordinem eximamus, quoniam in species non deducuntur. Sed de quarto sufficit scire, quod alia quærentur possidendi causa, alia usus solum. De septimo, quod etiam diximus, transmutationes esse de tribus, re, verbis, & actionibus: & quod alia sunt simplices, alia compositæ. Rursus in hoc eodem ordine est, quod genera lia primorum trium ordinum duplicem habent tractationem; & propriam, ut deducuntur in sua membra, describunturque in suis locis; & generalem, ut in quacunque alia tractatione subintelligi solent. Est tertia pars etiam huius ordinis, quod quæ solum habent usum, suam habent tractationem, ubi de executione agitur; aliorum usus cum ipsa reparanda explicatur. Quo etiam fit, ut membra hæc diversimodè deducantur in Capita, non solum ob magnitudinem ipsorum, sed capitum quæ sub his continentur, multitudinem. ex quo orta est compositio Tabulæ, ut tractationem ordinatam facilius construeremus; & in illa, tamquam in speculo, reluceret tota Operis series; &, si quid opus esset invenire, facilius

cilius quærenti occurreret. Tanta fuit diligentioris ordinis necessitas in hoc Opere, quoniam natura ipsa nullus erat ordo, à quo solent juvari qui de Naturalibus aut Mathematicis scribunt. Quamobrem & hic omnibus generaliter utilis erit. Sed præter ordinem quædam adjicere, & ante necessarium fuit: quamquam & in primo ordine ex his septem, de horum uno dixerimus: scilicet non utilem esse hunc librum omnibus; & quinam sint illi. hoc enim extra ordinem est. Deinde quod quædam videantur sub multis ordinibus etiam reposita: ut domus apparatus, sub tertio, & quarto, & sexto ordine; ita & amici & substantia: quod & verum est. Attamen, ut dixi, hujusmodi sub tertio ordine collocabuntur, quod res illa quærat, non usus tantum. Et ut domus apparatus, hæreditate nobis relictus, triplicem habet usum; & ut eo alia paremus, ad tertiumque ordinem pertinet; & ut pareatur, si non habeatur, sicque ad sextum; & ut in ordinem redigatur, & ut fruamur: quoniam hæc omnia disjungi non poterant, & usus cum re conjungebatur, necessarium esse censui, ut ea pars ibi tractaretur, ubi primum de illius necessitate agendum esset. Simili ratione etiam, parare domum, & ad tertium, & ad sex-

22 HIERON. CARDANI
rum, & septimum & nonum ordinem
referri poterant. Sed nos, ut diximus,
quæcumque pro mediis essent necessa-
ria, ad tertium retulimus ordinem; quæ
vero nobiliora, ad sextum & octavum:
Vsum autem & executionem (quod ea
esset pars nobilissima) ad ultimum; ne in
unum plura, quam par esset, congere-
mus. Iam vero in re adeo difficili, exem-
plo utamur. Calumnia & casus & ab
inimicis & æmulis spargitur, & apud
Principem, aut Populum, vel Socios:
quæritur merito ob id, ad quem referri
debeat? Ad rem causamve, aut apud
quem? Videntur res pauciora habere ca-
pita, & facilius distingui; velut Calumnia
ab inimicis, æmulis; casus ad Principem,
Populum, Socios: At inimicorum tra-
ctatio plura habet capita, quam res atque
hominum ordines. E diverso, acciden-
tia substantiis distinguuntur; non sub-
stantiæ accidentibus. Calorem dividi-
mus, igne, sole, motu: quoniam quod
dividitur, rectius dividitur accidens per
substantiam; & quod unius est rationis,
per causas suas. Hoc est, quod difficul-
tatem facit. Melius igitur est, ut, quod
proprium est tamquam dividentes, ad
quod majoris est energiæ transferamus.
Ita singulis tractatio sua reddetur, & tra-
ctationes æquabuntur. Nam ubi plura
erunt

ARCANA PRVD. CIVIL. 23
erunt capita, ibi erit brevior tractatio;
velut de Calumnia generaliter suo loco
agemus: post vero de Calumnia ab ini-
micis, ubi de inimicis tractabitur; id tan-
tum superaddentes quod ad Inimicos at-
tinet: demum ubi de Principibus agitur,
& de Calumnia apud illos & ab Inimicis
conflata specialiter agetur. Recurrere in
huiusmodi semper ad generales rerum
tractationes convenit; vt in illis ad spe-
ciales similes.

C A P. III.

Opus hoc propter quos factum.

EGO fallendi artem, & non sancte viam
obtinendi, non ea ratione defendam,
quod Rhetores eam doceant; quam-
quam & perniciosiorem, ut quæ injuste
sæpe agere doceat: verum cum Aristo-
tele dicam potius:

Αἰσχρὸν σιωπᾶν, Ξενόκρατις δ' ἐᾶν
λέγειν.

(*Turpe est facere, Xenocratem autem si-
nere loqui.*) Quanto turpius, indoctam
plebem improbam, sapientibus ac bonis
illudere? Equidem fallere bonos haud
debet: recordantibus nobis, quam odio-
sa sit etiam sine metu scelerum memo-
ria; & quam brevis vita nostra, & hæc
elementaris regio, Cæli comparatione,
parva: cuius quod incolunt homines

24 HIERON. CARDANI
nullam habet prorsus quantitatem, sed
instar superficiei est; cuius etiam privatae
conditionis est, qui partem notatu di-
gnam possidet; sed vel tantillum. Casus
quoque mortalium, & instabilem For-
tunam, & factorum oblivionem ani-
madvertere decet; ut quam minimi mo-
menti sint hæc omnia nostra; quæ tamen,
quæ circa nos sunt velut spectatores (bea-
tam ipsi agentes vitam) videant; ut &
pudere & vereri malefacta debeamus.
Verum, quia multi improbi sunt, & licet
ἀλώπεκι ζειν πρὸς ἑτέραν ἀλώπεκα,
[vulpinari cum alia vulpe]
(Vt apud Virgilium:

*Olli; sensit enim simulata mente locuta;
Sic contra est ingressa Venus: Quis ta-
lia demens*

Abnuat?

Non exspectandum est, ut fallaris, aut
lædaris; sed huiusmodi viros præveni-
re oportet; quos fallere non tam utile
est, quam est gloriosum: at si eodem ex-
pectes, ut par solum pari referas, sæpius
succumbas.

C A P. IV.

*Dubitationes quædam: & an
Divinatio utilis?*

MERITO igitur dubitatum est an
liceat male agere? Consulto nequa-
quam.

quam. Sed tamen natura male agimus :
 inquit enim David : *Quia iustus nemo
 in conspectu tuo esse potest ; si à nobis exi-
 ges rationem actionum nostrarum.* Adeo
 prona est mortalium natura ad malum,
 oppugnantibus nos sensibus, tum mun-
 di illecebris, necessitatibus, incommo-
 dis, atque occasionibus. Vitanda præ-
 fertim odiosa Deo *ἀχαριστία* (*ingrati-
 tudo,*) sævitia in innoxios ac miseros, ra-
 pinaque in pauperes, impietas, & ambi-
 tio nimia. Quod si in aliis errare oport-
 eat, erremus minus quam possumus.
 Ad Deum legesque attendere debemus,
 & minimo periculo nostro rem perage-
 re; atque ita, ne frustremur ; ut sit etiam
 in malo quædam recti species; & in vi-
 tio, virtutis imago. Similiter & à vi po-
 tius, quam dolo, abstinendum; veluti à
 dolo potius, quam persuasione. Est enim
 persuasio, dolus amicus. Vis enim eri-
 pit ab invito; sed injuriam addit. Do-
 lus difficiliter evitatur, sed ultioni locum
 relinquit. Et generaliter, quum ad eos-
 dem referuntur, vis deterior est dolo.
 Dolus tamen erga amicos, vis in inimi-
 cos deterior habetur. Numquid autem
 veniat dolus quandoque; excusandus,
 quum in utilitatem utriusque cedit, aut
 unius voluptatem, alterius utilitatem,
 velut in comædiis, dubitatione dignum

est. Et certe si finis bonus est, ne periculum sit, ut parentes ob dolorem prius periclitentur, seu quod stupidiore ingenii, seu quod multos habeant filios, aut quia intelligant esse in maleficio beneficii partem, vel quod jam mortui sint, excusari potest & dolus & vis. Quocirca etiam aliqui tentarunt injuriam pecunia in hujusmodi sarcire. Verum satisfacere quovis modo omnino melius est, quam non satisfacere: nec damnatur quod bonum est, modo conjunctum non sit cum confidentia prioris sceleris, aut futuri. Persuasio etiam quum violenta fuerit, dolum apertum sapit; & tamen admittitur. Verum si non meliore ille conditione usus erat, dolus non dici potest. Eme quanti poteris: vendere cuique licet minore pretio quam justo. Multum refert cum quo liciteris. Fraus enim in imperitos, miseros, simplices, viduas, pueros, rusticos, numquam admittenda: sed nec cum filiis familias, & qui corio suo erroris poenas dominis luere coguntur, neque ultra dimidium justii precii: nam infra & in cæteris. Quamquam persuasio doli pars sit, permiserunt leges, ne tot contractus irriti fierent; levius malum ferendo, non probando. Quæ vero sit ratio bene agendi in flagitio? ut mitius, honestius,

nestius, occultius admittatur, quam fieri potest: in ipso reluceant virtutis partes magnæ; & virtutibus admistum sit, ut oliva sali. Rarius committatur: nec loquaris de illo. damnare enim stulti, gloriari pene impii, sane insolentis. Ornetur liberalitate, magnifico apparatu, disciplinarum liberalium exercitatione, prudentia, fortitudine, exemploque virtutis, gloriæ imagine, pietate, gratia: medicos egregios imitatus, qui multa præclara pharmaca, paucis miscentes venenis, generosam efficiunt antidotum, velut Theriacam: & qui aromatibus ac melle condiunt Aranciorum cortices, diu maceratos & coctos. Verum hæc tota ratio tribus absolvitur: ut adipiscaris, secure, atq; gloriose. Quanto igitur magis legibus talia sunt obnoxia, eo occultius tractanda, ac rarius; quo turpiora, gratiosius; quo difficiliora, diligentius. Constat igitur, & male agendi quandam esse rectam rationem, quemadmodum dictum est. Dubitari etiam solet an præter hanc, ad providentiam, & rectam agibilium rationem, sit aliud solertiæ genus; velut ex Astrologia, omnibus aut sortibus sumptum? Equidem divina ego prætulerim semper; hoc enim demonstratum: deinde quod nostra sapientia & tenuis admodum sit, & ex illa pendeat; nec finis ipse huma-

humanæ negotiationis certus sit: sed,
juxta Satyricum,

*Evertere domos totas, optantibus ipsis,
Dii superi.*

Scio quod optem, non quid utile mihi sit: &, si etiam utile esset, nescio an consequi possim. Eadem ratione somniorum monita nostræ huic solertiæ, quum contigerint, præferenda duco, quod iis nonnullis maxima contingere. Cæsar orbem occupavit: Galenus clarissimus medicorum factus est: Nos immortalitatem ex scriptis consecuti. Quæ humana providentia majora sunt. Dicam autem quid mihi contigerit nuper; ut intelligas quam minimis Deus servet aut perdat quem velit: (omnia enim sic se habere existimandum est; licet Deus non det, nisi ad exemplum, quibus vult: ut hæc intelligant.) Exciderat tertio ante die quum ex Mediolano discedere Bononiam versus decrevissem, altera cuspis seu clavus ligulæ laneæ thoracis: ea tamen, quod anterior esset, usus sum, licet incommode, per totam eam ac sequentem diem: tertia, quum discedendum esset, quasi fatigatus hoc tædio, fœcundiam meam reprehendens, & quod ligulas servarem in arca, ex earum genere, quas Bononiam deferri putarem; quasi avaritia tam exiguæ rei motus, ad ar-

cam

tam accedo; quæ non facile aperiebatur: eaque aperta, statim occurrunt septem libri Commentariorum in Hippocratis Aphorismos; duodecim Contradicentium medicorum; sex Theonosti: & in universum præclara tota illa mentis suppellex, propter quam Bononiam ire decreveram. Et si omissem tunc, quum nulla relinquerentur Papiam usque memoriæ semina; nec post recuperandi, nisi ferme toto emenso itinere, facultas; palam est, perditum iri. Videtur ergo in his, quorum est aliqua certa divinandi ratio, (et si non plane divina existimetur,) modo miraculi speciem præbeat, non ex artis imbecillitate error proficisci, sed potius ob imperitiam nostram. Quandoquidem quum actio ipsa, velut in sementibus, sole, & terræ auxilio, ac cultu ipso prodeat, observationem [putarim] nec impedire cursum rei, nec esse ejusdem rei: nec sine illa persæpe absolvi posse quod quærimus; seu naturalis sit, seu ex medioximis auxiliantibus proficiscatur. At fidere fortibus & vanis conjecturis, levibusque ominibus, tam stultum esse reor, quam juvari ab hujusmodi (scio enim qui Virgilianis fortibus assidue addicti, ad summos eventi sunt honores) eorum esse, qui quasi ludentem Fortunam in gremio habent.

Atque

Atque de divinis fortibus alibi dictum est: de Somniis etiam integro uno volumine: quid vero mihi evenerit ex observatione evidentis miraculi, in Paralipomenis, (lib. 7.) Laudo etiam, ut divinam supplicationem efficacem ac perbreve, ad numerum compositam, quæ te dirigat, feras. Nam vel fide continentiam & animi lucem augebit.

C A P. V.

Fortunam in humanis rebus plurimum posse.

V N V M hoc fat est, Fortunam plurimum posse, seu aliquid divinius. Sed poterat forsan hoc totum prætermitti: Verum veritati dum studemus, & illud commodi accedit, ut integre rem assequamur. Constat enim, etsi gnaviter rem geramus, nulla industria effici posse, ut feliciter res cedant: imo ut existimationem retineamus. Sed sufficit tunc exitium fugere, ac vitare exterminas calamitates: in quas exarmati virtute, impelluntur; fortes & prudentes tandem pervincunt (etsi ægre) & elabuntur: soli beati, evadunt: qui cum Fortunæ beneficio, & faventis Genii successu, virtute atque industria exornant quicquid quasi rude Dii obtulerint, aut fabricaverint. Equidem quum in Fortuna major sit vis,
non

non tamen adeo perstat in suis blandi-
mentis; neque potest quæ præstiterit ex-
ornare. Illud vero cavendum in adver-
sa Fortuna: *Tu ne cede malis: sed contra-
audentior ito.* Ne rem perperam inter-
preteris: nam bifariam peccari solet: vel
in virtutis certamine; ut in bello, aut
scientia, aut integritate cedendo: aut
in civilibus contentionibus, vel contra
Principum odia certando. Sed imitare
optimos naucleros, qui in magnis pro-
cellis, anchoras mittunt; aut etiam con-
tra quam ferebantur, ferri se patiuntur,
temporique cedunt. Illud advertendum,
quod quasi divinitus accidit animis tor-
por quidā, ac quasi desperatio omnium,
exitio proxima, vel signo, vel causæ: Et
si non occurras, certe si occurras etiam,
magno periculo. Est autem cacodæmo-
nis quasi indicium, urgentis, quum ante
calamitatem alacer est homo, & quasi in-
cautum opprimere volentis, post calami-
tatem decidente animo, ne se recolligat.
Quandoque tamen, (quum his omni-
bus præfinitum tempus est,) unicum
præsidium est in Deo confidere, & vir-
tute pugnare, nec se deferere; non solum
ob spem, quod finem habitura sint hæc
mala; sed quod nemo nolentem infelicem
facere potest; nec quisquam felicem. Ideo
utraque animi dispositio, velut & Fortu-
næ, debet esse suspecta.

C A P.

*Hominis natura, ac mores: & de causis
nostrarum civilium calamitatum.*

COGNOSCERE autem antea oportet humanæ naturæ conditionem: atque id præcipue. Sufficit autem Dei Providentia atque benignitas, ut intelligamus, vel singulis hominibus, vel universis utilius nihil esse. Nam secus, numquam potui intelligere, cur melius fuerit nobis nasci; quam cæteris animalibus hominum genus grave sit, & sibi ipsi majorum calamitatum etiam causa. Sed non est hic locus: ea potius consideranda, quæ ad institutionem nostram pertinent: quale id primum, quod cujuscunque hominis corpus, quantumcumque formosum sit, & per ætatem vel sexum commendatur, totum odiosum est. Sub cute enim fœdum & invisum: & quilibet sarcinam magnam stercoris atque vermium secum defert. Ut si quis recte consideret, ne mulierem quidem ullam corpori suo propinquam habere sustineat, nedum ut armare possit. Quum vero ad animos respicimus, cogita tanto magis parvum esse unumquemque, quanto magis sapit; ut bonum sperare non possis, nisi qui vitio naturæ, vel ætatis, aut sexus, aut alia quavis causa stupidior sit,

fit. Quum vero dicunt, hos homines illis esse meliores, ne credideris. Ex æquo enim omnes sunt pessimi: verum alii alio modo. Etenim differunt homines inter se, præcipue ætate, atque id maximum discrimen est; inde educatione; post gentium natura; demum familiis, ac sexu. Vitia vero maxima sunt, sævitia, avaritia, atque ambitio. Atque in his erga alienos, pates ferme sunt: nisi quod qui culti magis sunt, nec nomen Barbarorum habent, hæc omnia modestius agunt, blandioribusque verbis utuntur, minoribusque causis ab incepto desistunt; non quia meliores sunt, sed quoniam magis timent, & arctioribus legibus continentur, & verecundiæ capaciores sunt. In suos autem discrimen non leve est: nec id negaverim, quandoquidem Afri, fratres & filios vendant; Anthropophagi vero & comedant. Ergo beneficium ac fides, quæ duo sunt bona in humano genere, his fundamentis innituntur, amor, gloriæ, cupiditati, utilitati, simplicitati, metui, & sapientiæ. Amori quidem, ut in cognatis, & his cum quibus voluptatem Veneris, aut conviviorum, aut aleæ, vel venationis capimus: quoniam ab affectu vincimur. Gloriæ vero cupiditate, Reges boni videntur: atque eo magis, quod illa mini-

C

ma.

34 HIERON. CARDANI
ma eis videntur, quæ nobis magna ap-
parent. Simplicitate, pueri, mulieres,
vulgique major pars. Metu vero fidem
servamus potentioribus, vel ob leges.
Utilitati quæ fides est inter mercatores?
Nisi enim hoc vinculum custodiretur
communi quodam consensu, omnium
res periret. Demiror autem, quod, quum
amicitia tam utile esset bonum mortali-
bus, & multo melius, quam mercato-
rum consuetudo; & res nullius sumptus,
tam pauci tamen eam excoluerint: ut à
Menedemi & Asclepiadis ætate, tot jam
seculis interceptis, innumerarumq; gen-
tium multitudine, nullum exemplum
inveniat integræ amicitiae. Sed nec
illud Menedemi & Asclepiadis, suspicio-
ne assidui stupri caruit: quod si adfuit,
nolim ejusmodi amicitia gaudere. Nam
quæ de quibusdam refert Valerius Maxi-
mus Romanis amicis, non tam amici-
tiae, quam cujusdam iracundiae exempla
docet, quum alter alteri, unico illo actu
superesse nollet: quod etiam mulieribus
multis commune est. At vero aliud est,
cum alio perpetuo multis annis sine que-
rela vivere; sic, ut quod unus velit no-
litve, alter item velit nolitque; perpetua-
que fides vigeat inter illos. Multi enim
ex his, qui eo impetu morti se dederunt,
querelas, morositatem, fastidiaq; longæ
conver-

conversationis, ferre nequirent. At for-
 san dices, Nonne frater, aut filius, ami-
 ci officio fungitur; atque id frequens est.
 Fateor: atque id aliquid est, si cui beate
 contigerit. Sed nec tantam autoritatem
 habet, nec adeo solida est amicitia; ut
 quæ ex dissimilibus firmiter non coalue-
 rit. Sed si alter in alterius morte mori
 velit, desperatione æternitatis, aut impo-
 tentia amoris accidit. At tantum abest,
 ut hæc impatientia amicitie indicium sit;
 ut qui impatienter amant, amici esse non
 possint. Forsan amicitie exemplo pro-
 piores fuere Diocletianus & Maximia-
 nus: de quibus, quum Principes fuerint,
 non habeo quod dicam. Vnum mihi
 videtur, vix fieri posse, ut amicitia sit
 inter alios, quam inter sapientes, quos
 Philosophos dicimus. Hi enim, cognita
 mortalium rerum utilitate, tum vero
 omnium instabilitate, ac brevitate ævi;
 intelligentesq; quam Deo proprium sit,
 bene agere, omniumque divinorum in
 unum consensum; facile amicitiam inte-
 gre colere possunt. At sunt qui Cratem
 ac Polemonem Athenienses, velut par
 alterum, subungere audeant. Et hæc de
 generali hominum statu. Specialiter au-
 tem homo, qui Civilibus negotiis ope-
 ram dare vult, consideret humanæ vitæ
 brevitatem, instabilitatem hominum:

C 2

Quan-

Quantaque interponat Fortuna inter ini-
 tia atque fines negotiorum: Quemque
 sui boni causa facere: Non omnium
 mentes adeo esse perspicaces, ut quæ tu
 vides videant; contra, plures videre, quæ
 tu non videas: Illorum consilia, & eo-
 rum quibus credunt: Perturbationes
 quoque, & impetus, & quæ placent ma-
 ne tibi, non placitura forsitan vesperi, aut
 minus: Quodque, dum vivere cupis
 vel melius, vel gloriosius, ipsum jam
 quod vivis, amittas. Insidiis plena, quæ
 offeruntur, bona; quæ quærentur, im-
 pedimentis, difficultatibus, & laboribus:
 Similitudinem vitæ carere jucunditate:
 nova esse incerta, & periculosa: Ma-
 gna difficulter haberi; parva non satisfac-
 cere: Vtrum mala sint discessura, in-
 certum nobis esse, donec opprimant
 nos: Sine malorum experientia, nihil
 esse dulce homini: Gloriam tempus eri-
 pere; servos nos reddere: abjectum vi-
 vere, & in contemptu, nec tutum, nec
 suave: Hominum blanditias esse suspe-
 ctas: Iram timoris plenam: Ab inco-
 gnitis nihil esse commodi: Amicitias
 potentiorum graves esse, pauperum
 damnosas: Fidem cuiusque fragilem,
 aut suspectam: quam si tu serves, in pe-
 riculo verferis, ne decipiaris; si frangas,
 infamiae & legibus obnoxius es; si
 testes

testes requiras, ne irascantur, periculum subis: Denique, quod, maximum est, plures esse, quorum votum ac voluptas non alia sint, quam etiam precario lædendi & malefaciendi; in quos incidere, maximum certe est infortunium: Ut tandem intelligas, nihil haberi posse, nisi mera vi. Est enim vis, quum dolo, aut potentia, aut spe illi proposita, aut nimio affectu, aut nimia ejus verecundia, aliquid extorques. Omnia tamquam in tabula depicta, quovis momento præsentia habere te oportet, si velis hujus libri fructum uberem capere. Existimo autem hoc factum, ut esset vita beata, solius sapientiæ præmium: & ut sic ad cultum sapientiæ homines incitarentur: ex quo ad Dei cognitionem & venerationem pervenirent: ut tota perfectio humana tandem in unum & idem redigeretur. Causa autem cur homines adeo blandiri sint assueti, non est quod sic prudentes decipere posse sperent: (nota enim est techna:) sed quoniam adolescentes, pueri, mulieres non principales, homines rudes, ut rustici, atque operarii, & qui natura simpliciores sunt, tum qui beneficiis eos affecerint, hoc dolo decipiuntur: inde ex consuetudine etiam viros prudentes aggrediuntur; quos tibi & suspectos ob id, &

inimicos faciunt. Haud enim obscurum est, huiusmodi pessimum genus hominum esse, quod miseros quoque affligit; ibi suam exercens nequitiam, ubi misericordia & benignitate opus esset. Quapropter & in hoc postmodum falluntur, quum eisdem blanditiis utuntur erga prudentes; unde non aliud quam odium promerentur. Difficile autem est, mutare pro occasione mores. Mercatores autem, & opifices, præcipue qui ad divitias & existimationem cursu quodam continuo blandientis Fortunæ pervenerunt, tum etiam plerique nobiles, temporis serviunt. Quocirca & hanc esse viam ad ea perveniendi, existimandum est. Et huiusmodi homines omnes absque affectu erga te ullo esse credas; Itaque & tu erga illos talis eris. Quos tamen si læseris, quam graviter injuriam exceperint, intelliges: Sunt enim inexorabiles, nisi commodi proprii causa: atqui secus violenti sunt. Ex his pauci ad felicem statum perveniunt. Sunt autem omnes ad opprimendum alios, quam ad evehendum (ut recte inquit Dion) paratiores: nisi quam mutuam sibi præstent operam. Nam secus, ira, odio, æmulatione ad perdendum moventur: qui affectus magis urgent, quam amicitia, qua solemus promovere. Sed & facilius est
 everte-

evertere, quam evehere: eoque potius inclinamur: Ducimur & ad hoc consuetudine; & quod nobis atque aliis omnibus ferme profumus, quum quempiam evertimus; aut ne evehatur, obſtamus. Quod niſi obſtaret infamia, & metus eadem patiendi, vix cuiquam pateret via ad honores: ob id etiam occulte in his adverſari conſueverunt: neque periclitantibus jam; cui bono enim? Ob hæc etiam, juxta perturbationes plus vel minus controverſantur: Nobiles de honoribus, ob ambitionem & iram; pauperes ob rem: ſunt enim magis avari; leves, perfidi, latrones, & milites ſævi: Libido omnibus communis eſt. Verum potentiores, qui de Deo bene ſenſerint, longe meliores ſunt plebejis, ob naturæ ſubſtantiam. Sed tamen plerique, maxime qui adminiſtrationibus præſunt, mentem opinantur eſſe ſuperſtructionem principiis atque animæ per ea intelligenti; ut, quæ ſequuntur, quaſi in alimentum tranſeant: Et ut homo per calorem concoquit, ita animo per inſita principia unum fit cum ipsis intellectis; quæ (ut dixi) nutrimentum ſiunt animæ ſubſtantiæ: adeo parum differunt ab anima humana, quæ tenuiſſima eſt. Generaliter autem civiles homines metam juſti & honeſti, leges ſtatuunt: ut quicquid per

40 HIERON. CARDANI
eam licet, honestum esse contendant,
etiamsi sit horribile, & infandum: Velut
filium coram parente utroque innocen-
te, sed iudicio damnatum, occidere:
Servum crudeliter mori sinere: Permit-
tere injuriam inferri ei, quem occulte o-
deris: atque huiusmodi. Sed & circa leges
peccant: dum quæ secrete peragunt con-
tra illos (quia probari nequeunt) testibus
secundum leges peracta volunt. Ut illud,
secundum leges fieri, interpretentur,
quod iudicio legum damnari non potest,
non quod contra legem non sit. Ita exe-
cutionem legis pro lege ducunt. Contra,
aliquid melius aliqui peragunt, ut hono-
ris causam tueantur: hique præstantio-
res habentur: & rursus qui ex fide cum
suis factiosis agunt; quamquam id etiam
latronibus commune sit. Hæc sunt illa
duo, in quibus supra legem homines ha-
bentur meliores, illud unum, quod fre-
quentius evenit utroque horum, & in
quo magis peccant, quam ex aliis duo-
bus laudem mereantur; in quo sunt de-
teriores. Atqui hæc communis opinio est
eorum qui boni habentur: & nunc apud
omnes gentes, & olim, usque à tem-
pore Socratis (qui ejus autor fuit) in hanc
diem propagata. Cogita modo, quales
sint & esse debeant hi, quos malos sole-
mus appellare! Vnde ad hæc intentus,
&

& oculos semper habens, cum hominibus versaberis, negociaque exercebis. Causæ autem omnium malorum nostrorum, atque difficultatum, sunt tres præcipue: sinistra opinio de animæ immortalitate: leges pravæ, atque consuetudines: & præsentium securitas; tamquam neque mors, neque aliud quicquam malum futurum sit. Vnde homines pro præsentibus commodis ita pugnant, ac si perpetuo victuri essent: Ob idque bonis & egregiis viris & moderatis facessunt negotium, summis viribus decertantes. Qui si cogitarent quam prope sit mors, plurimi (si non omnes) mitius agerent; cæteris vero commodior conditio vivendi relinqueretur. Et leges quidem emendare liceret: Oblivio autem conditionis nostræ, cum affectu vehementi præsentium, non nisi aurea ætate cessare aut desinere potest: Expectatio quoque eorum quæ post mortem consequuntur, solum ab his intelligitur, quibus Deus id apertum esse vult: qui optimi vel eo indicio censerī possunt. Maximum autem, & quod cunctis bonis opponitur (dico pietati, religioni, iustitiæ, amicitia, decori, studiis, sapientum præceptis, virtutique omni, atque humanitati, & propter quod tot præcepta hujus libri frustra

C 5

con-

42 HIERON. CARDANI
conscripta videntur, licet falso) est hemi-
stichion illud Satyrici:

Quid enim salvis infamia nummis?

Ob id, quum aliquando periclitemur in
eligendo, spectare oportet præcipue ge-
neris nobilitatem, ordinem & actiones
illius: quæ si non conveniant, melius est
tuto agere, quam verecunde.

C A P. VII.

*Qui finem quærunt quem habere non
possunt.*

VERVM nec præsentis libri instituta
omnibus utilia erunt: oportet enim
ob difficultatem iudicio præditos esse:
aliis non. Nam his qui adeo stupidi sunt,
ut quærant quod prorsus illis denegatum
est, quid conferent? & quamvis excu-
sent se quæsisse negotiationem, non rem,
exercitationis solum causa, nil dicis.
Neque enim quæsisisti quod habere non
posses, sed quod facile. Huiusmodi con-
venit, quum per se negotiatio ipsa ju-
cunda est, aut gloriosa, vel utilis; qualis
est litigantium; & Romæ olim qui accu-
sabant & defendebant: aut si per illam
ad maiora promoveris. Hæc omnia cer-
te licent: modo in negotiatione ipsa non
turpe sit excidisse. Sed tunc non quæsisisti
quod habere non possis, ut dixi; sed quod
facile adeptus es.

C A P.

*Qui finem quarunt, quem habere
nolunt.*

SED neque his qui frui nolent, nescio
qua ratione ducti, quærunt: credo hoc
argumento decepti, quoniam eo quod
obtinere fruturi sint, si non habeant
quod velint. Hos sic refelles: Si enim
obtinueris, habes quod habere nolis:
tum maxime, quum quod obtinere vis,
cum eo quod jam habes, esse non potest;
ut si profitearis Papiæ, & Bononiam eas:
Si non obtinueris, victum te credent ho-
mines; nec non voluisse, quod tam
aperte sequi visus es. Equidem hoc ma-
lum consilium est; in quorum altero tur-
pitudine, in altero miseria est. Solum his
licer, quibus nec magnum est dedecus
vinci, etsi gloriosa res sit; nec magna ca-
lamitas, ubi obtinueris: sed rerum even-
tum Fortunæ libenter permittunt, quo-
niam incerti sint præsentis status, tum
vero futurorum commodorum: aut si
hæc agendo ab incommodis præsentibus
non paucis se liberent: tum etiam, quum
diversa ratione (atq; hæc præcipua causa)
aliis atq; aliis consulitur: velut si in patria
manendo, tranquillitati & studiis vacas;
extra patriam migrando, opibus, honori-
bus, & filiis; tum vero & quædam com-
moda

44 HIERON. CARDANI
moda expectas; quæ quanta sint, nisi
expertus, scire posse non speras: præci-
pue autem, quum ad priorem conditio-
nem tuto reverti licet: demum, si in ipsa
mutatione sit jucunditas.

C A P. IX.

*Qui rem noxiam, aut omnino turpem,
quærent.*

SIMILITER si noxiam rem, & tur-
pem, & cum periculo quæras, velut
alienam uxorem. Victoria enim hæc
atque industria nulli usui esse dici potest.
Quinimo si jam processisti, jam magna
es in spe, abrumpe quæ egeris: Melius
est partem periclitari, quam totum. In-
fausta est illa sapientia, quæ te ad exi-
tium ducit. Quomodo utilia tibi dicere
potes esse præcepta, per quæ periclita-
ris? Imaginare mala, quæ sequantur,
non ut nunc, quum optas, sed quum
potitus fueris, ac inutili voto satiat; &
jam execraberis, quod nunc adeo pro-
bas. Tales sunt uxores inconsulto ductæ;
atque omnes provinciæ negotiaque su-
pra vires nostras susceptæ; & quanto diu-
turniores. In quo genere etiam sunt a-
mores immodici rerum vetitarum, in-
constantium, vilium, turpium; damno-
si, atque labore pleni, jacturaque. Noli
cogitare, quantum ames, sed quantum
ameris.

ameris. Vbi tua te deseruerint; irrideberis, odiumque declarabunt. Ob id meliore es in conditione quod malum tuum non intelligis. Quod etsi amaveris, vide quid ames. Sarcina stercoreis est puella formosa, puerque: abducito cuticulam, plane sepulcrum est, & foedius etiam olet, & horribilius est. Cogita quot foedis viris ac sordidis se submiserit; quæ & qualia passa sit, osculando, & illuviem corruptam recipiendo. Si te solum amat, quod vix fieri potest; si præcipue te, quod raro evenit. Sit puer; si castus, non plus aliis omnibus pateris, si non possideas: si prostitutus, quis sanæ mentis ad hoc facinus impelli poterit; quantumvis ille sit Musicus, jucundus, scitulus? At quot millia hominum non potiuntur! nemone beatus ob hoc non est? Quam brevis, quam caduca, quam fragilis conditio ejus formæ, atque gratiæ! quæ tamen tota fucata est, & inconstanti ingenio, ob ætatem, sita. Tu illum amas perditæ: at ille quidvis aliud potius cogitat. Vnde & apud Virgilium:

Te Coridon, ô Alexi?

Dixerat enim ante de studiis puerilibus, venatione, capreolis, avibus, quibus denique omnes cupiditates explentur. In universum plus quam oportuit, dictum est, si mens medelam aliquam recipere

pere potest. Nam manifestum est, brevi omnes tales evadere, ut, quod agere cupis, si quis agere te cogat, pro supplicio sit. Tum vero utilis hic liber erit, quum non exitiale malum est in vitio, vel clavus clavum pellit, &c. ut, deferere [amicum] est perniciosissimum. At si res odiosa non mala; amplecti occasionem decet, non quærere: ut si latroni cor venti (prætoris jussu) eximatur; rogabimus ante, ut eo exempto significet, an cognoscat: nam si rite operatio ea perficiatur, aliquamdiu supervivet, etiam vocis compos: similiter an capite præciso aliquid videat [vel sentiat.] Hæ enim Indorum sunt contemplationes admirandæ; in quibus occasione utemur, ad definiendum quæstionem, de membrorum principatu, & animi immortalitate: non tamen curabimus odiosum factum. Et in universum terminus rei, tum modus, est honestum & tutum. Quidam enim adeo desipiunt, ut sapientes seipso existiment, quod (pietate & pudore posthabito) fallant suos, & benemerentes, aut etiam interposita fide: adeo ut, tamquam de pulcro facto, etiam gloriantur: quos aspernari decet. nam si sic; finis nullus huic disciplinæ impositus esset, sed eo ventum foret, ut quisque hoc sapientior haberetur, quo deterior & impuden-

ARCANA PRVD. CIVIL. 47
pudentior. At humana res non his constat; sed ut probari posset, & utilis esse: utilis aut honesta esse non potest, quum limites conversationis excesserit.

C A P. X.

Qui aliena à professione quærunt.

QVIBVS CVNQVE etiam aliena à professione sua quærentibus, quum ea nobilis fuerit, non est usui hic liber: quippe qui & gloriam artis evertant, & tempus (rerum omnium pretiosissimum) suffurentur, & minus fiant ad artis opera diligentes.

C A P. XI.

Qui ea quærunt quæ retinere non possunt.

QVI vero ea quærunt quæ retinere non possunt, his non juvantur præceptis. Stultum enim est tot præceptis quærere, ut & in quærendo perdas operam, tempus, pecunias; & postquam fuerit adeptus, cogaris relinquere; tum maxime, quod id raro accidit, ut sine dolore, iactura, dedecoreque finiri possit. At quam multi in huiusmodi decipiuntur! quoniam paucissimi recte) quod sapiens ille præcipiebat) finem negotiorum inspiciebant. Quædam enim sunt in mortalibus, quæ facilius comparantur, quam retineantur: ea sunt, quæ natura

48 HIERON. CARDANI
tura nobilia sunt, & cum pluribus con-
iuncta, ut amicitia, tum Principum maxi-
me; & consuetudo cum exteris. At con-
tra, quædam, etsi difficulter parentur,
semper nostra sunt: è quibus primum
est Virtus ipsa, deinde Opes. Vnde sa-
pientes his maxime duobus incubuere.
Quædam varie se habent; ut filii.

C A P. XII.

De ineptis hominibus, & actionibus.

INEPTI impatientes, inefficaces, per-
tinaces. Impatientes fiunt, vel quia ca-
lidi nimis natura sunt, vel quia ferre mo-
ram nequeunt, aut quoniam iudicio ca-
rent. Inepta actio est, non posse carere
his quæ nescis. Aspice quid detrimenti
afferat, non canere, quum inepte id agas;
si omnino abstineas, quam liber sis? non
poscis risus, contemptus, odium, ta-
edium aliorum, jacturam pecuniæ. In-
efficaces, minus periculosi. Infeliciores,
tum deteriores sunt, qui verbosi sunt.
Similiter ex impatientibus pertinacium
mala conditio, qui nolunt doceri: &
quum vita humana tota plena sit diverti-
culis, & obliquis callibus, dum in eodem
proposito perseverantes progrediuntur,
necessè est ut impingant & collidantur.
Nam de stultis quid est, ut dicam, quod
inepti sint; quandoquidem nulli rei apti
sint?

ARCANA PRVD. CIVIL. 49

sint? In universum, præceptis his non
juvantur vel generi inepti, stupidi, stulti,
seignes, rudes rerum, & inexperti; vel
vitiis immodicis laborantes, aleatores,
scortatores, avari, tardi, gulones, ebrii,
persuasibiles, pueriles: vel etiam lauda-
bilibus nimis incumbentes; ut studiosi,
justi, fideles, misericordes, honesti, pii,
contemplantes. Velut ergo, quamvis de-
prehendissem subtili via domesticum fu-
rem, dum per amorem & misericor-
diam differo missionem, ducentos co-
ronatos ille clavibus adulterinis eisdem
mihi sustulit, & aufugit. Sic impediun-
tur nimis timidi: Et iracundis etiam in
irritum res cedit: Loquacibus occasio
subtrahitur. Ut præstent impigri & ex-
perti, sine tot præceptis, & etiam secus,
multis vitiis laborantes, si solertes sint.

C A P. XIII.

*Necessarium esse, ut sciamus finem,
quem volumus.*

MANIFESTVM igitur, quod ei qui
optime vivere velit, & minore cum
incommodo, primum scire sit necessa-
rium quid velit: atque id tam generali-
ter in toto cursu vitæ, quam specialiter
pro singulis occasionibus. Et, si id prom-
ptum esset deliberare, plurimum pro-
desset. Attamen, ex his quæ dicta sunt
D de mul-

10 HIERON. CARDANI
de multiplici fine malo, & ex conjectura
eorum quæ sequuntur, tum longo usu
atque experientia, (unde sapientes solent
existimari senes, etiam in ceterorum
animalium generibus) persæpe collima-
mus.

C A P. XIV.

De duplici fine in hac vita.

HA CTENVS de his quæ in nobis,
dictum sit: quæ quamquam etiam
exterius diffundantur; ea tamen non
nisi generaliter attigimus. Alia est co-
mitas, aliique mores; quos habere decet
unumquemque, alii quibus uti oportet.
Sed quorsum? nisi hunc ipsum [finem,]
quod est in humanis atque extra nos
summum bonum, cognoverimus. Nem-
pe finem duplicem in nobis constituere
oportet: alterum (de quo in Theono-
sto,) qui est secundum virtutem; qui-
que vere optimus est, & totus in pote-
state nostra: eo magis recordantibus no-
bis (quod & in Paralipomenis, lib. 6.
sect. 2. dictum,) vitæ nostræ cursum fer-
venti in lebate aquæ assimilari: quæ
quantumvis intumescat, ubi magis pro-
cesserit, semper minor fit, & sicca-
tur. Quamobrem optima vita esset, sibi
ipsi vivere, conscientiæ, virtuti, ac sa-
pientiæ, beate ac feliciter. Atque id est
ad sum-

ARCANA PRVD. CIVIL. 31

ad summum sapientiæ ac bonitatis per-
venire, ut Genios imitemur, nullis indi-
gendo; & quibus delectamur, abundare.
Vulgari autem ratione magis dictum fit:
Finis noster quadruplex est: Dei cultus;
prolis procreatio, (aut fraternæ educa-
tio;) atque invenire aliquid, quod man-
datum literis humano generi utile sit:
ultimum est, aliquem alumnum relin-
quere, qui excellentis alicujus peritiæ
sit. Qui nihil horum fecerit, si quidem
virtute caruerit, tanquam cespes dici na-
tus est: sin autem insigni virtute prædi-
tus, sicut flos; qui mane oritur, vesperi
evanescit. Porro cultor Dei eximius, ut
suæ pietatis exempla relinquat, necesse
est. Illud sane gravissimum in hac vita
est, ut vel perturbationibus animi tor-
quearis à te ipso; vel si careas eis, ab aliis:
nam quietos, inquieti maxime aggre-
diuntur.

C A P. XV.

De summo bono in civili vita.

ALTERVM est multitudini jucun-
dus, civili vita vivere, & beatum
esse cujus (ut dixi) finis est multitudo
potentium amicorum, & cum illis arcta
conjunctio. Quod &, si ad hæc accedat
veneratio quædam in illum, & ut arbi-
rentur sine eo non bene esse posse, tunc

D 2

ad fasti-

52 HIERON. CARDANI
ad fastigium felicitatis & fastus humani-
is homo pervenit. Magna vero pars hu-
jus in sanguinis cognatione, & maxime
in affinitatibus, reposita est. Est enim re-
gnum humanum hoc animalium domi-
natione pulchrius, divino simile quodā-
tenus, verum longe vilius & infirmius.
At optimum bonum in regno, regnare.
Regnare igitur apud homines summum
etiam bonum erit. At regnare hoc ipsum,
est omnibus aliis posse imperare, atq; ab
illis coli: id fieri non potest, nisi cum illis
vinculo quodam conjuncti simus, nos-
que revereantur. Ut vero hoc fiat, ne-
cesse est ut vel unius causa vel plurimum
id agant. Metu quidem unius tot conti-
neri non possunt, tum maxime quod sui
sunt reges gentibus; nec nos reges insti-
tuimus; non enim illi hoc libro indigent;
plurimæque Civitates sine regibus sunt.
nec si omnes quorundam metu id agant,
poterunt & illi unius metu agere. Reli-
quum est igitur, ut summū bonum con-
sistat in amicitia (ut diximus) multorum,
atque potentiorum, arctaque, & cum
veneratione conjuncta. Hujusmodi e-
nim regnum in amicitia, & metu, ac ho-
noris exhibitione constabit. Quocirca
necesse est, ut, ubi non unus est rex,
ibi plurimos esse reges; imo (ut in-
genue fateamur) tyrannos. Quanto
quisque

ARCANA PRVD. CIVIL. 53

quisque ergo ab hoc summo bono humano remotior est, eo infelicior atque abjectior, & contemtior. Quicunque vero sine his, atque excellenti virtute, tum sumtu ullo, hoc bonum adepti sunt; hos admirari decet, tamquam homines, qui hac in parte multum profecerunt. Videntur ergo ad hanc felicitatis viam quatuor modi procedendi esse: opes, virtus digna, sanguinis conjunctiones, & ipsa ars; quæ omnibus præstat; quum reliqua, hujus præsidio destituta, jaceant. At vero non in hoc summum in humanis bonum, sed ad illud (ut dixi) via. hoc enim ipso etiam in invitos potentia comparatur; & opes, atque earum usus, & quæcunque in arbitrio hominum relictæ sunt. Studere igitur huic oportet. Verum de opibus, virtute, sanguinis conjunctione, quoniam non leve negotium est, parare, & parta habere oportet, atque ea virtute, qua hominum animi conciliantur, multiplex & longa erit disputatio; quoniam, quum nullo auxilio indigeat, ad hanc pertinet tractationem; reliquum est, ut de arte disseramus. Præsentant homines hominibus hereditario jure, ut Principes, legibus tam divinis quam humanis; religione, vi, seu bellica arte; & necessitate, ut medici. Quum igitur regnum in nostra potestate non sit;

D ;

Impe-

§4 HIERON. CARDANI
imperium medici non fit in integros vi-
ros, sed languentes solum: in una e tribus
præstare oportet; militati, religione, vel
juris prudentia. Sed militaris sola, reges
è privatis facit. Videntur autem plures
satis commode (ut sæpius apud Afros)
bellicam artem religioni conjunxisse.
Nam bellica ars sola actu imperium te-
net: quare sine illa nemo dominari po-
test. At juris prudentia non commovet
populos, neque redditus subministrat, ne-
que ea parte, quæ communis est illi cum
religione, autoritate par ei est, sed longe
inferior: quare necessario Fortuna in ho-
rum duorum conjunctione reposita est :
cujus facti infinita sunt exempla, etiam
apud nostros. Porro quidam utuntur,
quidam abutuntur, seditione introdu-
cta: quorum omnium finis plerumque
malus est, seu Deo invisa origine, seu
causis ad hoc non obscuris. At militaris
fortitudo ut mundior est, & præclatior,
ita etiam honestiores plerumque exitus
habet, & finem stabiliorem; maxime si à
tyrannica sævitia nō scædetur. Nostra ta-
men tempestate, propter tormenta, &
machinas igneas, quanto plus in Fortu-
na, tanto minus in virtute repositum est.
Tamen si autem hæc fit summa felicitatis
humanæ, memineris tamen sine prima
nihil esse : ea enim etsi non perfecta sit ;
sine

sine illa tamē nec perfecta, nec esse omnino potest. In universum porro, summum bonum in hac vita ex tribus præcipuis originem ducit; inventis novis, secretis, atque cautionum præceptis. Nova enim inventa, contemplationis fructus sunt præcipue; secreta, operantium; cautiones, agentium. Univerſa autem vita hominum in hæc tria distribuitur, ut plerique omnibus, sed diverso tempore, participant. Quumque in nobis omnia ex animo in corpus & fortunam proficiſcantur, manifestum est quod ex his perfecta felicitas nobis advenit. Aut igitur nullum in humanis bonum, (quod multi existimant, ob tantas turbationes, vitæ brevitatem, inanitatem ipsorū bonorum, ac inconstantiam, ut securitas omnis explodatur) aut ab his tribus pendet. Et quamquam in plerisque aliis aliud sit hoc esse ab hoc esse, ab his tamen est felicitas, atque in his felicitatis est perfectio. Est verò & aliud potentiæ civilis genus quasi nothum, quod nullis pene innitur bonis, sed conviviiis, alea, blanditiis, pompis, denique omni luxuria atque libidine refertum est; [ideoque indignum] bono viro; atque etiam periculosum, & sollicitudine ac anxietate plenum. Fundamentum habere solet à magistratu; namque cum eo facilius est potentiam

56 HIERON. CARDANI
comparare: sed & sine illo visi sunt aliqui
obtinuisse rempublicam. Constat maxi-
me tribus præceptis: annonæ abundantia,
& ludis, propter plebem; luxu & alia, ob
potentiores, sed juvenes; calliditate, con-
filioque, tum audacia, ob eos qui rempu-
blicam administrant. Adeo vero hoc ser-
pit malum, ut in quibusdam Italiæ civita-
tibus etiam per adulteria uxorum, conju-
gum (præsertim seniorum) vota adipi-
scantur: quum potius in contrarium res
cedere deberet; & sola suspicio injuriæ ir-
ritare animos illorum. Id accidit; quod
lascivæ uxores magis demulcent virorum
animos, ut in nullius magis sint, quam
adulteri potestate. Propterea amicitiam
mulierum obtinere, est in plerisque civi-
tatibus, dimidium earum possidere. Di-
cemus autem plura de hujusmodi præ-
ceptis suo loco. [seccione 47.]

C A P. XVI.

Animum esse virtute instruendum.

A N I M U S igitur primum instruemus
virtute summa, & ex virtutibus quam
maxime necessariis: patientia, consilio,
quod est prudentia patiens & efficacia.
Nulli infeliciores sunt in humanis, im-
patientibus, quod passim, velut indumen-
tis senres, quæ animum vellicent, sese
offerant: quæ si persequi studeas. non
aliter

aliter quam laquei sturnos, ad exitiunt
te perducant: multi, alioqui inclyti, dum
nimis studiosi sunt horum, perdidere
seipsos. Ob id tam laudata moderatio:
quæ patientiæ species est, à iudicio pro-
fecta. Aliqui tamen (eodem corrupti
sunt hominum mores) etiam impatien-
tes, fortunati sunt, quod plus præsidii in
efficacia & solertia, quam iacturæ in im-
patientia esset. Videtur enim naturâ quo-
quomodo efficacia patientiæ esse con-
traria. Tales, dum juvenes sunt, supe-
ratis periculis, felices sunt; in senectute,
quum vitium maneat, languescat virtus,
non ita. At si solertia aberraverit, in grâ-
des decidunt calamitates. Verum nec hi
omnino patientia carere: sed quod uni
plus concedunt domino, ab aliorum con-
versatione eripiunt. Tyrannicos habent
plerumque spiritus huiusmodi viri: nam
quod carius vendiderunt, ab aliis preca-
rio exigunt. Quamobrem fugere illo-
rum conversationem maxime oportet.
Humanitas quoque & civilitas necessa-
ria sunt valde: altera, ut conditionis no-
stræ meminerimus, reliqua, ut pro digni-
tate vivamus. Virtutes [hæ] sunt, quam-
vis animum indigum illorum intelligas:
nam boni per se [& c. virtutis] causâ exer-
centur. Necesse etiam est, fortem esse:
nam timidus multis occasionibus (nullo

D 5

spo

58 HIERON. CARDANI
fuo commodo) privatur: Tum vero etiam audaciam in his quæ digna sunt, præferre decet: Si quid occurrat, prudenter obviam ito: Si obſistere non poteſt, nihil [mali] cogitato: his duobus fretus; quod optimum eſt cuique quod Dei voluntate evenit; (omnia autem ſic eveniunt;) & quod brevi etiam omnia in idem redeunt. In reliquis, ſi licet, virtute vivendum eſt, velut liberaliter, magnifice; ſin minus, oſtentare; quod ſi nec hoc, ſaltem cavere, ne laborare deprehendaris his vitiis, quæ converſationem gravem efficiunt. Non parum etiam facit ad mores non ſolū ratio ipſa, & conſuetudo, ac ſociales, ſed etiam libri quos legeris, quid enim familiarius, qui diu noctuq; tecum ſint? Ob id impia quæque ablegabis, etiam fabuloſa, ut Apollonii vitam; & improba, ut Macchiavelli meditationes; & inſulſa quæque, velut pleraque, ſcripta nunc Italica lingua. Omnes enim ineptias ſuas in publicum magno malo produnt; eo ſibi ſapientiores ſe exiſtimantes, quo ſunt imperitiores.

C A P. XVII.

De temporis compendio.

Q V V M vero omnium actionum vita cauſa ſit; vita autem tempore conſtet: maximum ad præclara negotia peragenda

genda adiumentum, tempus est. Iuvat igitur temporis habere rationem: quæ constat vitæ lōgitudine; & ut quod superest, utilibus tantum præclarisque negotiis, aut necessariis impendatur. Porro de vitæ longitudine suis locis actum est; munusque præterea Dei videtur. At tempus colligere, magis nostrum est: non tamen ita, us prorsus nostrum dici possit. nam esse neque id, neque aliud quicquam vel cuiquam alii potest. Colligitur ergo tempus triplici ratione (atque in hoc demiror Senecam, quum pulcre de hoc argumento luculenterque scripserit, in tanta copia jejunum fuisse:) ut primum nihil temporis à studiis vel cogitatione vacuum transigatur: secundum, ut quicquid per alios fieri possit quavis pecunia, etiam id facias: tertium, ut in singulis industria, inventisque, tum auxiliis, quod facere instituisti, id possis quam celerissime absolvere. Ergo & edendo, & alvum exonerando, & antequam dormias, & quum expergisceris, & dum lavaris, dum fricaris, dum spaciaris, dum jocaris, dum alea ludis, meditare aliquid generosum, aut legendo, si potes, aut audiendo anagnostam: qui mos fuit antiquis, & nunc Phratrii observant in mensa: aut si decor aut commodum non ferat, cogitatione solum id ages. Relinquitur

unicus

unicus locus dubitationi, quum iter agitur, aut per civitatem itur: Idque tantum temporis liberum operi, ob periculum, relinquere vellem; aliud nullum. Si consilium petat nobilis, mendicus, aut ab utili amico transmissus, da: In reliquis exige historiam scriptam, aut lotium: Si causatur, aut producit, amanda. Si jam habet in historia, se prodet: in lotio, ad breve tempus consule; nam statim detegetur. Vnicum est, observare affectum. Et scias quod, ut temporis compendium, plurimum facit ad res præstantes, & virtutem assequendam: ita ad reliqua, velut opes, ornamenta domus, filios etiam, & amicos, jactura (ut ita dicam) illius est necessaria. Ut qui voluerit sequi Senecæ præcepta, (quæ ille tradidit vere, sed non ipse servavit) necesse sit aut carere multis commodis; aut illa habere, sed imperfecta, manca & incompta. Ob hoc ministri, qui ob voluptates, & ut desidiæ tempus habeant, præpropere mandata peragunt, prorsus sunt inutiles. Male enim cuncta absolunt; & compendium temporis in eis nihilominus perit.

*Locum tutum ad habitandum,
eligendum esse.*

ANIMO instructo, elige habitationem, ubi tutus sis à vitæ periculo: nam ubi timueris, etiamsi timor ille sit inanis; necesse est tamen ob id plures perire bonas occasiones; totamque vitæ rationem confundi, & cum dedecore vivere, aut saltem sine debitis honoribus. Quum vero quinq; sint maxime homini experenda; maximumque horum, quamquam non magnum, (quid enim hominis magnum?) procreatio filiorum, & ut illis insit amor generandæ sobolis: nam ex his duobus (si succedat) & Regna & Imperia necessario in stirpem suam concedent: quod & Moses vidit, & natura ipsa docet: Vnde libera ut sit procreandæ soboli via, oportet, quodque ad dulcissimam vitam pertinet, si temperate agatur. Christum vero intus gerere; quod & melius longe est, quam extra, ut nostris temporibus, quum summe miseri sumus. Tertium, ut opes parentur. Quartum, ut vitæ ac robori consulatur. Extremum, ut bene instituantur: quod quale sit infra docebimus. Homini- bus autem singulis non eadem; sed diversa homini erudito, aut in arte præstanti,

62 HIERON. CARDANI
stanti, aut qui in vitæ discrimine non le-
vi versetur, tutior est locus, ubi Prin-
ceps, & magnus, habitat, præsertim sa-
piens & bonus: nam tales ibi plures esse
necesse est: post sub paucorum poten-
tia, aut prope Principem: inde Repu-
blica multorum, aut misto genere. Ma-
gni Principes favent quibuscunque præ-
stantissimis. norunt enim; ab his so-
lis bona sperari posse, & gloriam: ne-
que etiam ibi adeo valent consuetudi-
nes pravæ; cum quibus vivere, qui re-
cte sentit, non potest; nec eas evertere:
Nam unum vincere etiam potentio-
rem, artificii est; consuetudinem evertere vel-
le, est populum vincere; præsertim si
advena sis: periculosum autem, si se-
nex. Impotens enim, etsi voto potia-
tur, fructu frui nequit. Consuetudi-
nes autem quæ à Principibus ortum non
ducunt; omnes malæ sunt: quoniam
ab imperitis & improbis nascuntur: qui
simplicibus dolis & assidua opera impo-
nentes, omnes vel vi in suam trahunt
sententiam: quos plebeji admirantes, ob
opes & existimationem imitantur; & in
Republica (ob factiones) habent defen-
sores; sed apud principes veritatis con-
scios plectuntur.

C A P.

Ferenda esse multa in hac vita.

ILLVD etiam tibi proponas, ubicun-
que, & quomodocunque vixeris, fe-
renda esse multa in mortalium genere.
Propterea multi in graves incidunt erro-
res, dum insolita sibi pati videntur. Ete-
nim homines, dum infanda se pati pu-
tant, quandoque ex levibus incommodis
in periculosas calamitates se ipsos pro-
trudunt. Vt summum certe bonum sit
in sapientia; non solum quod per illam
quæ ad felicitatem conveniunt, paren-
tur, & lenimenta dolorum offerantur;
sed multo magis, quod per eam intelli-
gamus, & esse ita, & necesse esse ut sta-
tuamus finem nostrum in his quæ sunt
extra Fortunæ arbitrium: quod etsi no-
uerimus facere, cogimur, ob brevissi-
mum tempus, in quo res mortalium sin-
gulas consistere cernimus: adeo ut ferme
omnia sint momentanea. Optimū autem
est, non solum ex adversis, sed & ex er-
ratis fructum colligere: atque eum tripli-
cem maxime: Vt ex malo bonum eli-
cias, quemadmodum in libris huic argu-
mento dicatis docui: Vt in posterum con-
stanter abstineas; edoctus, ipsa non so-
lum ab eo genere erroris aut occasionis,
sed etiam cuiuscunque similis [orta esse:]
Vt noxæ,

Ut noxæ, quam passus es, ita occurras, ut
eam multiplici numero sarcias. Veluti si
hospitē importune susceperis, per quem
& res perierit, & non bene dormieris;
non sufficiat rem reparasse, & summum,
sed duplum eorum quæ amifisti; reliquis
inutilibus non solum tunc speciatim con-
temptis, sed in posterum generaliter. Qui
sic studuerit, magna ex parte ab adversis
allevabitur. Quæ sarciri non possunt,
nec etiam in posterum vitari, æquo ani-
mo ferenda sunt, ut dixi.

C A P. XX.

Actionum & Verborum divisio.

C O N S I D E R A postmodum, quod
quum actionum nostrorum quædam
sint honestæ, aliæ turpes; turpium verò
aliæ adversus leges, quædam neglectæ
quæ adversus leges, aliæ pœna gravi mul-
ctantur, aliæ levi, aliæ nulla: liber hic
non de his est quæ gravi pœna à legibus
puniuntur, sed aliis omnibus. Quocir-
ca etiam nec omnibus communis esse
debet: quibusdam enim pro fida, aliis
pro veneno esset: verum bonis bona sunt
omnia, quum animus æquus est. Eique
tam diligenter intendendum est studio
& opere, quanta cum industria conscri-
ptus est. Actionum quoque atque ver-
borum aliæ bonæ, aliæ malæ: & utræque

quæ

ARCANA PRVD. CIVIL. 65

que ad rem spectant, aut ad honorem;
aut ad gratiam, vel ad fidem. Vnaquæq;
rursus trium ultimarum est vel temere
vel composito: nam quæ ad rem pertinet,
etiam dividitur: & in ea spectare oportet
non solum animum, sed & magnitudinem.
Non autem ad injuriam extenditur, quum
proprii census causa fiat; non ad injuriam
aut contemptum; nisi velut in vastatione.
Aliorum pessima est, quæ cum mala fide est;
& consulto; at post illam, quæ cum contemptu:
& deterior, quæ in exemplum transire potest.
Eadem distinctio in verbis adhibenda est.
Est & alia divisio horum: de qua posterius
dicemus: [12. Axiom.]

C. A P. XXI.

De virtutibus extra nos.

VIRTUTES autem in nobis omnes
sunt: operationes non ita. Sed aliæ
quidem quasi extra feruntur. Atque earum
aliæ sunt prorsus in nobis; velut patientia
in adversis; ex qua nullus alius, præter te,
juvatur, nisi exemplo; item fortitudo, pietas
erga Deum. Quædam prorsus erga alios:
liberalitas præcipue, & iustitia, & misericordia:
Et liberalitas in amicos; misericordia in pauperes;
iustitia in omnes; gratia in benefactores.
Quædam ex æquo nobis prosunt & aliis,
E ut tran-

ut tranquillitas. Sed aliqua tamen quum extra ferantur, nobis profunt præcipue; veluti prudentia, solertia, & artium peritia; quæ ad voluptatem sunt, ut sculptura, & pictura, & musica: ad alios enim referuntur; utiles tamen sunt nobis, non aliis. Et quamquam virtutes omnes utiliores sint possessoribus, quam aliis; (est enim virtus, quæ habentem perficit, & opus bonum reddit) nihilominus non nunc de ea utilitate nobis sermo est, quæ nobis ipsis intus convenit; sed quæ etiam si nostra tota esset, ad alios tamen refertur. Veluti tranquillitatis quum sint duæ partes: una quidem extra nos: quæ utilis quum sit his qui cum nobis versantur, at eo ipso etiam nobis amicos conciliat bene faciendo: altera est in bonis, qua quieti vivimus: non ab hoc tamen his digna est consideratione; verum quatenus cæteris sumus admirationi: Ut ex hoc non exiguum fructum capiamus & existimatione, & lucro, atque potentia. Hanc tamen quum vocamus virtutem extra nos, quæ in nobis sit: [hoc facimus] ad alterius partis differentiam; tum & aliarum virtutum, quæ & fine & consequentibus ad ipsum exterius diffunduntur.

De Solertia.

VIRTUTVM igitur, quæ extra nos sunt, ornamentum maximum est. Summopere vero ob id in illis exercere se oportet. Inter quas est prudentiæ genus illud, virtuti perquam simile, atque huic negotio accommodatum, (ob importunam actionum nostrarum celeritatem; in qua nec agendi tempus suppetit necessarium;) quod Solertiam vocamus. Nec tota sub prudētia continetur, quum etiam ad malum finem tendat: & est ex temporaneum consilium recte agendi. Et quamquam etiam solertia longa meditatione quandoque opus habeat, ob rei difficultatem; promptus tamen semper est solers. Quot periere, quamvis prudentes, quod solertes non essent! alii, ob occasionem quæ auxilium invenire non sinebat: alii, quod minus essent exercitati: alii, quod quæ agere oporteret, minus essent honesta. Atque his tribus à prudenti solers differt. Differt & solers ab eodem, quod tutiorem viam eligit, ille honestiorem: & quod solers quardā habet circa modos; prudens autem finem solum, & quæ sunt ad finem, spectat, non ultra rimatur. Salutii Princeps secretum quoddam propalaverat Præfecto, &

E 2 fami-

68 HIERON. CARDANT
familiari suo, dum simul adessent: Audi-
vit paullo post recitatum id esse in men-
sa à Mediolanensium Regulo. Questus
est cum familiari illo (quod Præfectus
extra omnem suspicionem esset) dete-
ctum esse arcanum suum: rogabatque
eum, quisnam prodidisset? quasi illum
malæ fidei insimularer; quandoquidem
constaret, nullum esse reliquum, in
quem conferri culpa posset. Cui fami-
liaris, Tu ipse, inquit. Obstupuit Prin-
ceps: rogavitque, Quomodo? tum ille,
Tu ipse, non alius, hoc propalavit. nam si
non dixisses, nemo sciret. Ita se liberavit
à suspitione: nec Præfectum vel tacite
insimulavit, sed Dominum potius stul-
titiæ. Neq; enim obscurum erat, perinde
fuisse, ac si dixisset: Ut nobis perperam
aperuisti hoc: ita & aliis. Nos quoniam il-
los, qui sint nesciamus, & roges, te ipsum
prodimus, quem solum agnoscimus, au-
torem. Ergo prudentia in hoc non satis
fecisset. Si enim hoc solum dixisset, Ne-
scio; ad tormenta adactus esset; si criminis
Præfectum insimulasset, nec innocen-
tiæ suæ fidem fecisset, & exitium sibi ab
illo comparasset. Quemdam de inimico
meo maledicentem, tacere iussi; admo-
nens, Collegium medicorum ablandiri
ei, & Senatum favere. Ita nec visus sum
augis his operam dare; & unum dede-
coris,

ARCANA PRVD. CIVIL. 69
coris, alterum etiam gravius insinula-
vi. Duæ autem sunt virtutes præcipuæ
homini ad felicitatem: prudentia apud
potentes in pretio: & fortitudo, apud
plebem & imperitos; est enim potenti-
bus metui, & apud sapientes eo minus
admirationi, quod proxima sit stultitiæ.
Porro solertia quum ad malum vertitur,
versutum hominem reddit. Vnde Poly-
bius de Agathocle: Neque aulica indu-
stria, nec versutia singulari. Quamvis
non admittant hoc verbum ut latinum.
Deinde ex versutis, quum ad extremum
devenerint, vafri appellantur.

C A P. XXIII.

De moribus.

PORRO quum alia de rebus ipsis
scribantur; atque in his diffuse &
clare scribere jucundum sit; alia de co-
gitationibus ipsis, cujusmodi quæ de mo-
ribus, & ex his quæ sciuntur, quasi su-
perflua videantur, [iisque] qui nesciunt,
onerosa: ob id ordinate breviterq; scri-
bere oportet; & ut usui tantarum rerum
brevis oratio satisfaciatur, etiam præcise.
Videntur autem mores, animæ virtutum,
ac vitiorum imagines. Sed exterius fe-
runtur aliter, quam intra sint: & quæ-
dam tam virtuti proxima, ut inter virtu-
tes adnumerentur; velut comitas & exi-
stima-

70 HIERON. CARDANI
stimatio. Plurimum autem interest in
his, qualis natura sit, ceu in lignis statua-
rum: venosa enim difficillime celari pos-
sunt. Vfus tamen cuncta domat. Quapro-
pter qui mediocres natura sunt, nec ni-
mis concitati, aut remissi, hi ad morum
institutionem apti sunt. At si qui nimium
in alterutro peccent, difficillime superan-
tur: & quamvis bene instituantur, mul-
tos tamen admittunt errores. Decet igitur
primum animum instruere, velut
equum freno, ut quaquaversum pro op-
portunitate facile circumagatur. Præfe-
rat pietatem, & veritatis studium. nam
& cultus ipse nos Deo gratos reddit, &
hominibus venerabiles. jam vero pluri-
mum absunt à legum metu, & criminum
suspensione: ob idque, etiamsi peccent,
raro deprehenduntur. Quibusdam etiam
suarum sortis oblitis, ad fallendum via &c.
Nam ut pietas optima est; & illius si-
mulatio his qui non tam sunt quam se
putant sapientes, ad homines fallendos
ansa gravis; ita inhumanum, & pror-
sus infelix, contemptus Dei. At verita-
tis cultus facit, ut melius mentiri scias,
& mentienti magis credatur: velut è di-
verso mendaci veritas fidem non ha-
bet. Etenim nemo tam belle & apposite
mentiri sciet, quam qui mendacium ve-
ritati assimulare noverit. Vnde illud in
Attici

Attici vita: *Mendacium neque dicebat, neque pati poterat.* Magis etiam circa gestus peccatur; quia homo facilius in eis labitur, & facilius deprehenditur, ut qui visui sint expositi. Quamobrem diligenter cavendum, ne incompti sint, aut præter regionis consuetudinem: aut enim rudem nimis, aut durum, aut stultum te existimabunt. Itaque ab omni extremo remoti ut sint, facias oportet. Cum regibus etiam ab intimis eos condisces. Præter reliqua, nec multum distorquere corpus oportet, nec inclinare, nec mimorum more celeriter movere, aut traducere, aut fœdam in speciem conformare. At caput nudare, modice flectere, decens est; & significationem &c. habet, & in potentiorum regum aulis familiare. Reliqua quoque à venustate non absint, motusque continui, & tardi, ut etiam si à consuetudine alieni sint, laudem tamen mereantur. Sermones quoque non præcipites [sint, sed] accommodati loco & tempore; ut in quibus potius aliquid desideres, quam sit quod abundet. Difficile est scribere semper quod satis est, tum maxime in huiusmodi argumento. Alii enim culpant ordinem, alii rem, alii modum, alii elocutionem, alii iudicium, quidam intempestivam festinationem. Hic vero nemo non

72 HIERON. CARDANI
conqueritur: vel quoniam superflua non
indigentibus, vel his qui indigent & sa-
piunt, numquam satis. Subtilis admodum
est hæc ratio: nec quisquam tantum illi
credat inesse subtilitatis: imo etiam stru-
cturam exigit absolutissimam, difficil-
limamque: quoniam de his est, quæ
non sunt. Media autem est ratio histo-
riarum, atque huiusmodi quæ non sunt,
fuerunt tamen. Has delectat legere, pro-
ut de rebus magicis aut artificiosis fuere:
minus tamen ab hominibus requirun-
tur, minusque delectant, quam, quæ de
his quæ sunt, scilicet artibus, tractant.
Ob hoc (quod ad subjectam attinet ma-
teriam) tractatio de moribus humilis
est atque despecta; quod ad finem, non
ita. Videndum est igitur, ut mores sint
graves, suaves, benigni, æquales, com-
pti, jucundi, mansueti. Tantum enim
possunt, ut illud jam in proverbium ces-
serit; *Sui cuique mores fortunam fin-
gunt*: quod in Attico apparuit. Ad beni-
gnitatem in universum declinare oportet:
improbitas enim, non, quod multi
putant, ob bonum est habentium, sed ob
aliorum supplicium. *Dii enim* (ut Hippo-
crates inquit) *maxime humanum genus
odere.* &c. Verum quum nil tam salutare
homini sit, quam recta animi institutio,
& patientia quædam, & virtutis ac veri-
tatis,

ARCANA PRVD. CIVIL. 73

tatis, & pietatis syncerus quidam amor, quibus Deo & viris &c. [aut viris sanctis] conciliamur; quieti mente vivimus, adversa æquo animo toleramus, non commovemur inepte, neque intempestive, neque supra modum: multaque ridemus, quæ secus acerbe essemus vindicaturi: famam nobis bonam comparamus, & ad agenda liberi atq; muniti accedimus, quum etiam multos ex hoc nobis amicos paremus; & multi sint, qui nobis fidem tribuant, & sponte se subiciant; tam lenibus etiam verbis ac moribus demulceantur; tractarique se permittant. Id maxime consequemur lectione eorum librorum in quibus talia exempla continentur; velut præcipue in literis sacerdotum B. Pauli ex India transmissis. nos magis movent, quod nostri temporis sint: & ex antiquis Martyrum vitæ, & patientia; & Patrum in Eremitico conversatio.

C A P. XXIV.

De Comitatu.

EORVM autem quæ extra sunt, optimum est comitatem in omnibus (existimatione illæsa) præferre. Est autem comitas, mansuetudo quædam compta, atque jucunda, exhibita juxta rationem personarum, loci, temporis, le-

E s gum,

74 HIERON. CARDANI
gum, consuetudinis, atque cæterorum
necessariorum, ad quæ respicere oportet.
Tantum vero potest una ipsa comitas,
ut ea sola (modo in aliis non peccas)
plures amicos tibi sis comparaturus;
quam si, ea ipsa carens (etiam si non delin-
quas circa illam) optimis alioquin mo-
ribus sis institutus. At bonos amicos
non ita paraverit. sed opinione, quod
potens sis, & officiosus. His ergo tri-
bus, (modo vitio careas) constat tota
hæc ratio humani fastigii adipiscendi.
Sed illa extra propositum, nunc de co-
mitate tantum agentibus. Constat igitur
comitas in agendo, negando, excipien-
do. Infimum ergo leviter salutabis; no-
bilibus præsentibus: nil tamen vetat, ne
eum seductum, comiter excipias: alium
monebis, ut tum discedat; si quid habet
negotii, redeat; constituens diem ho-
ramque. Præter omnia cave, ne post-
quam expectaverit, excuses: est enim
malevolentis animi. Quosdam recipies,
sub conditione, si breve sit negotium;
aliter, ut redeant, horam non consti-
tues: plus enim iusto tribues ei, quàm cæ-
teris; nisi sit amicus, aut illi debeas. Si-
militer & in petitionibus aut da, aut dif-
ficultatem ostende statim: nam negare
promte, nisi amicis aut prudentibus non
debes: animum enim tuum malum esse
puta-

ARCANA PRVD. CIVIL. 79

putabunt, qui tam promte negaveris. Sed & quod das libenter, non tamen statim dabis: minuit enim rei hoc existimationem: Et quod negas, ita negabis, ut invitum te id agere credat. Constat præterea comitas vultu, verbis, gestu, convivio domestico, exiguis donis; non solum si des, sed, si recipias; denique salutatione illius, atque suorum. Æquales, velut digniores, excipies: honore illos afficiens. Est & Principibus comitas; quæ in quadam jucunditate, & officiorum promptitudine consistit: & si te minime indignabundum deprehenderit.

C A P. XXV.

De existimatione retinenda.

PORRO existimationem retinebis, si tuæ conditionis in conversatione memineris; & severitatis, in comitate; & in gravitate, facilitatis. Vnde illud de Attico, qui ea ætate fuit exemplar civilis prudentiæ: *Ut difficile esset intellectu, utrum cum amici magis vererentur, an amarent.* Fac etiam, ut postquam per comitatem cogeris plus aliis tribuere, quam debeat, tum in consuetudine, tum in affabilitate & honoribus; ut homines intelligant, magnam tibi cum illo intercedere amicitiam: nam hoc & illi faver, & jucundum erit, & lenitatem tuam

excu-

76 . HIERON. CARDANI
excusat. Cæterum non nisi tamen cum
æqualibus aut potentioribus versaberis:
aut, si nō potes te explicare, è tuis quem-
piam illi adjunge. Tum vero equis, fa-
mulis, vestibis, ornatu cujusvis generis,
moderatione, gravitate talem te exhi-
be, ut plus ab his, si tales essent apud
alios, quales apud te sunt, distare vi-
deantur, quam vere distent: ut dici rur-
sus de te queat, quod ille de Attico suo:
*Hic sic se gerebat, ut communis infimis,
par Principibus videretur.* Atque inter ce-
liqua actionum rationem habebis, ut sint
generosæ, & à conditione tua non alie-
næ: nam quum omnia ad ornatum fa-
ciant existimationis illius, tamen nobi-
litas & magnitudo tota ex operatione
pendet. Dictum enim Philosophi est,
quod operatio est causa cognitionis for-
mæ. Ad existimationem autem perti-
net non parum, ne dicas aut scribas quod
optime exercere non noveris, velut in
musica & arte militari. Vnde etiam il-
lud scite ab Hannibale dictum celebra-
tur adversus Philosophum de bello agen-
do differentem. Similiter ut ne (quod
multi faciunt, existimantes, fidei, au-
toritatis atque amoris opinionem auge-
re) proponas lucra, aut honores incer-
tos. Delusus enim plus vanitatis in te;
quam si successerit, gratiæ, conseque-
ris.

ris. Tametsi enim amoris tui erga illum magnitudinem testari videaris, plus tamen consequeris gravitatis opinione, et si mediocriter amari se putet, quam si eximie, cum levitatis aut fuci, quorum alterum in te esse necesse est, existimatione. Nec solum auctoritatem, sed & cauti atq; periti opinionem retinere decet: ut dissimulare tantum conveniat cum his, quorum fidei summam rerum committere oportebat, ut minore jactura maximum periculum redimas; vel si in minimis occulte facias experimentum de his quos amovere licet. In cæteris, etiam principalibus, non solum privatis, retinere existimationem, non modo expedit, sed etiam exemplo Scipionis & Sertorii, augere. Quoniam decipi, vel contemni, damna affert, quæ corrigi non possunt: quæ etsi ulciscaris, non tamen adeo deterret ultionis exemplum, quantum audaciæ præbet, aliorum temeritas: neque eorum damna jacturam tuam resarcire possunt. Itaque ut incauti est, non dissimulare prudentiam; ita in his quæ summam quandam referunt calliditatem, & in quibus à communi consuetudine deviandum est, qualiscunque excessus ad vitium pertinet, noxiusque est.

Quæ vitanda.

PORRO nihil tam huic causæ necessarium est, quam ut nulla in re delinquas. Primum igitur, ubi principatum quasi adeptus fueris aliqua in re, eam non in dubium revocabis, sed in alieno negotio contendes: velut si professor sis, & medicus, omnes autem in proficundo tibi cesserint, certabis in medendo. Nam quicquid in contentionem proponitur, non nisi incrementum rebus tuis afferre potest. Cave tamen, ne tam dispari conditione pugnes, ut stulti opinionem subeas. Ut enim prudentis opinioni omnia pervia sunt; ita stultis omnia excidunt: nec quicquam est tam firmum in humanis, quod à stultitiæ opinione sit tutum. Quamobrem etiam & illi maxime errant, qui excellentem aliquem virum in communibus causis oppugnant; quum id per quod excellent; intactum relinquunt: neque enim unquam plus excellere quacunque in re aliquem posse putant, quam quum mediocriter excellueris, & te illi non contuleris. Omnis enim comparatio discrimen minuit inter eos, quorum vel unus mediocriter excellit, vel alter jam opinionem clarissimi viri in alia

alia parte ejusdem artis adeptus est. Atque hic primus error. Secundus est illorum qui libros intempestivius edunt. ipsi enim te exaruant, & ansam maledicendi æmulis præbent. Sed etsi retineas, majora æstimabuntur. Quodcunque enim incompertum est, majus semper fingitur; quoniam in infinitum tendit animus, & voluntas, & spes etiam: At vires humanæ paululum progrediuntur. Ut tamen non solum intelligere, sed & sperare hominibus liceat, aliquid edendum est, quod absolutissimum sit undequaque; dico argumento, multitudine sententiarum, gravitate, acumine, ordine, brevitate sermonis; denique non solum elegantia, sed & splendore. Verum his omnibus nihil habes, si judicium desideretur. De tertio errore, qui sit circa epistolas nuncupatorias, dicemus suo loco [101.] Nunc autem intentum prosequamur. Quartus error in omnium ordine, est circa laudationem præsentium: nam multa subis pericula: alii enim adulatorem; alii se irrideri, aut eos qui audiunt ita credere, existimabunt: &, si mali sint, malum est malos laudare: Deterior est malo, qui malum laudat; quod malus solus peccat, & perturbationis causa; laudator autem, nulla perturbatione, in exemplum omnium.

Inde

Inde si peccet quis à te laudatus, non potes amplius, citra vanitatis suspensionem, illum accusare: & ille licentior erga te, securitate fretus, evadit; tu inimicum pro Mecenate comparas. Societatem quoque infamium devitare oportet: tum ingratorum, levium, atque petacium. Vbi Fortuna te evexerit, magis cavendum est, quam antea: nam si confideris, ægrius relevaberis. Propterea quum offertur quid, quod suspectum habes, antequam refutes id, considera an toto genere melius carere sit? forsan enim minima pars totum trahet: ut mihi contigit, quum curam Episcopi Bononiensis rejeci. Affectus præterea nimios, maxime turpium aut levium rerum, inconsulta verba atque actiones, nescio quid magis damnum, aut in quo majus crediderim esse periculum aut dedecus. Ne cuiusquam vitii, quod consuetudini noceat, velut avaritiæ, invidiæ, perfidiæ, maledicentiæ, stultitiæ suspensionem subeas. Vultum habeas in omnem fortunæ eventum ita compositum, ne affectus animi prodatur. Semper illud in mente versato, Cui bono? A diæteriis abstineto: quæ plurimum obesse solent, juvare parum possunt. Quædam tamen gravitatis & salis plena, sunt quasi necessaria: quorum uno tanquam familiari uti potes,

ARCANA PRVD. CIVIL. 81
potes, exemplo veterum, eoque perbre-
vi, nec nisi ad calumniam refellendam.
Quare de hoc, loco suo dicitur. Quum
res peracta est, melius est filere. Quid
enim prodesse possunt conatus? Imita-
re bonos medicos; qui lethalibus mor-
bis manum non admovent; satis intel-
ligentes, eos citius morituros; eamque
tractationem, dedecori futuram auctori.
Cave etiam ne dum nimium times, ini-
mico aperias nocendi modum; aut in
quo maxime vel animos illi addas. De-
stinato igitur primum in singulis, an
quod quæris, è re tua sit? inde, an
consequi possis? post, an retinere? de-
mum quomodo consequi & retinere
possis; ac qualiter uti debeas? Summa
autem omnium ad adipiscendum est, ut
placeat, etiamsi per fascinationem liceret.
In hoc summum præsidium ac firmum.
Quum vero actionum aliæ sensim fiant,
ut artium lucra; aliæ per præparationem,
ac potentiam; ut qui magistratum quæ-
runt; quique arcana scrutantur; qui li-
teris operam dant, qui sacerdotium
Principis gratia aucupantur; Atque in
eadem actione diversitas hæc: ut qui
præmium accipiunt ab omnibus, & qui
non accipiunt, sed expectant, majus,
minus: & qui nec illud accipiunt, sed
amicitia eorum ad magna negotia utun-
tur:
F.

tur:

tur: Quidam non patiuntur moram,
 natura vel consuetudine, ut artifices
 sedentarii. Neque pigebit quemquam
 tam multiplicis studii in huiusmodi ne-
 gotiatione, quum meminerit structu-
 ræ admirabilis corporum nostrorum;
 quam Deus ob multiplices usus nobis
 tribuit. Itaque non minus de salute no-
 stra debemus esse solliciti, tanto exem-
 plo. Præterea cavendum est (in quo
 omnes errant) ut quum omnia minima
 sint ab initio, ne perturbatione aliqua
 maiora fiant. Quinimo melius est ali-
 quando cedere, aut dissimulare, aut di-
 luere. Itaque hoc solo præcepto maxi-
 ma pars infortuniorum & contentionum
 exitium dirimitur: ut contentu om-
 nia, &c. repleta sint litibus, inimiciis,
 ac inde calamitatibus variis. Pro mensu-
 ra autem statuendum, tam actionum
 quam sermonis, illud in quo maxime
 falluntur adolescentes & stulti; risus scili-
 cet astantium. Nam hi, quo magis se
 placere putant, &c. pergunt; non animad-
 vertentes, non bene canendo, aut pul-
 sando aut pugnando, aut tacendo, aut
 recte differendo excitari risum; sed ma-
 le, aut importune, aut non pro dignita-
 te. Quod si æmuli sint, aut inimici;
 etiam parum profeceris, quamvis rideant
 non causa tua. Solum id cogimur, quum
 inter-

ARCANA PRVD. CIVIL. 83

interrumpentes munus publicum, nituntur risu nos à cœpto detertere, tamquam fatuos. Id ergo etiam plane argumentum est, risum esse contemnentium, non laudantium, aut probantium. Conveniet mulieribus, quas amamus. Stulta enim res ad stulte agendum opportuna est. Ob id cum scortis maxime hujusmodi conveniunt: cum ullis aliis nequam; nisi sit narratio historiæ; in qua præluceat in narrante sapientia, in argumento insana hominum facta. Generaliter autem in omnibus; qui studet utilitati, caveat diligenter, ne quicquam non utile dicat, aut faciat. Nam & quæ nunc utilia non sunt, aliquando prodesse poterunt. Maximum autem malorum est, ea agere non cautissime, quibus de rectis fias invisus omnibus, & inutilis; adeo ut vivere pigeat. Talia sunt scelera metum significantia, ut venenum propinare. Melius est ergo, omnino abstinere.

C A P. XXVII.

Mala occultanda.

VERVM ut ad singula deveniam, quæ cavere oportet; illud primum est, ne mala tua detegas. Vtpote vitia animi (quis adeo stultus?) adversus leges, estimationem: [anne] ut te refugiant homines?

84 HIERON. CARDANY
mines? Corporis? cui bono? Majus enim
malum est in contemptu, quam spes in
misericordia. Semper mala animum ad-
dunt inimicis, & æmulis. At ostenta-
re vitia, etiam flagitiosis odiosum est.
Amant plerique flagitiorum præmia; fla-
gitia damnant: Præcipue quod hujus-
modi exemplo offenditur respublica; ut
videaris eam contemnere, aut tibi simi-
lem esse putare. Et qui publice peccat, bis
peccare videtur, & judicio potius, quam
natura: ut etiam bifariam minus venia
dignus habeatur. Quinimo ostentare bo-
nas actiones, non laudare, bonum est,
& ad publicum pertinet exemplum; jux-
ta illud: *Et facite, ut opera vestra luceant
coram hominibus.* Convenit etiam dissi-
mulare dolores in casibus adversis, &
vultum præferre lætum atque serenum:
magisque etiam judices hoc flectit ad
misericordiam; & amicos ad ferendum
auxilium hortatur; quam si demissum
& flentem videant. Plus enim potest
recordatio dignitatis, & virtutis opinio,
ad misericordiam, quam calamitatis ma-
gnitudo. Tu interim existimationi con-
sulis: &, si in extremis non sis, abjecisse
spem non putabunt. Certum est glo-
riam lucri facere; secus abjicere spe exi-
gua & inani. Mala solum ea detegenda
sunt alteri, si occurrat, quum in pristi-
num

ARCANA PRVD. CIVIL. 85

num statum restitui possis; tunc amici
metu magis quam voluntate auxilium fe-
runt: tum his qui sint conjunctissimi,
quum juvare possunt. Plerunque judi-
ces pro conjunctissimis repræsentatione
doloris ad misericordiam flexisse juvit;
& pro temetipso: ut re potius ac habitu
calamitatem tuam, quam voce ulla re-
steris. Quamobrem Græci (quorum in
his summum studium fuit) squalidi, pro-
lixa barba, depexis capillis, obsoleta ve-
ste, lugubres & taciti stabant. Horum
quidam flentes, quidam siccis oculis.
hoc virile; illud potius muliebre. Sed &
in his multum refert, apud quos homi-
nes. & ubi mala occultare licet, facien-
dum est: exigua enim merces detegen-
ti proposita; plurima pericula atque dama-
na. Quod si omnino detegi præster, com-
modius per alios est id agere. Vbi vero
publica est calamitas, & nemini ignota,
stultum est conari eam tegere: nam ma-
jorem illam esse etiam, quam sit, existi-
mabunt. Multo stultius est, illam narra-
re: nam scientibus quorsum? ut de ea
glorieris? ignorantibus si dixeris, nil tam
certum esse scias cuiquam de tuis rebus,
quam quod tu dixeris. At si cogaris, ex-
cusationis causa, semper melius est pro-
ferre speciem, quam rem; & genus, quam
speciem. Velut si herniosus sis, dicas,
F ; impe-

86 HIERON. CARDANI
impedimentum pati in ambulando: vel
etiam, si dicas, male valere, longe me-
lius; &, si potes, parum adde. Sed neque
bona ostentare decet: (est enim invi-
diam sibi frustra comparare, dum osten-
dis magis antecellere te velle videri, quā
antecellere:) verum consueris inniti ac
mediocribus tutis potius, quā speciosis.

C A P. XXVIII.

Mala verbis mollienda.

Q V O D si de malis loqui aut scribere
cogeris, ita sententiæ ac verba mol-
lienda sunt, ut nec auctori dedecori, nec
ei qui intelligit, malo sint exemplo, imo
recte vivere volenti locus quo proficiat
relinquatur. Res est parva: sed quam
præstare magnum sit. Ita enim rem è re
exoriri; sententiam sententiæ inseri o-
portet, ut novum recipiat sensum; mi-
tescatque, velut in oleris transplantato,
acerbitas facti aut dicti; & ex posteriore
oratione ratio prioris habeatur; ex prio-
re vero lumen sententiæ posterioris.
Quæcunque etiam vitiosa sunt, brevi-
ter pertransibis; ac sic, ut in eis quip-
piam desiderari videatur. Quum maio-
ri consulere cogeris, ut patri, patruo,
matri, fratri majori, (nam amicis non
nisi rogatus) consilium ab eo pete; ut ea
vicissitudine existimet se potius præbere
confi-

ARCANA PRVD. CIVIL. 87
consilium, quā accipere. Dubias res ex-
aggera; claras illi dijudicandas relinque.

C A P. XXIX.

Sermonem brevem esse debere.

Q V V M vero propositum actionis hu-
jus sit, hominum movere affectus;
ut, quæ in eorum sunt potestate, obti-
neas; atque idcirco omnia humana in
hoc præcepto contineri videntur (nam-
que & Musici modi, & preces, & ora-
torum fulmina, & affectus id ostendunt;)
maximam in hac parte diligentiam ad-
hibere convenit. Principale autem præ-
ceptum esse debet, brevitās. Plurima
enim loquendo subis pericula: negotio-
sum impedis; cogitantem obturbas, ali-
qua contra causam tuam, contra teipsum
facile excident: importunus videberis,
nonnullis gravis, quod quæ noverunt,
docere velle videaris, superfluous, levis,
anxius: verbo deficiente (ut solet casu)
finistre sententiam interpretabuntur; tum
maxime, si ignari sint facti: inimici quo-
que deprehendent causæ tuæ debilitatem;
aut præsidia, quibus te tueris. Ob id
brevitas in cunctis præstantior est, &
quod ultima primis magis cohærent. Vn-
de etiam orta ratio carminum, quorum
[versus] qui perfecti sunt, longissimi sunt
hexametri. Nam, ut Demetrius Phale-

teus docet, partium (quas $\kappa\alpha\lambda\alpha$ Græci nuncupant) non major debet esse longitudo. Periodus autem, quum minimum, duo; tum, quum maximum, quatuor continere partes debet. Igitur quatuor hexametris concludi plena sententia ad summum debet: aliter ultima primis aut non cohærebunt, aut ægrè. Quapropter idem etiam in oratione soluta observari convenit. Quocirca, quum tria sint genera hominum: æqualium, ac quibus imperamus, & superiorum; tum vero causarum totidem, Demonstrativum, Deliberativum, & Iudiciale; brevitatis ferme in omnibus præstat, præterquam in demonstrativo apud populum; [de qua re latius cap. 54. de Persuasione, agetur.] Non jurabis; multo minus Divos execraberis: Non testium nomina, nisi rogatus, adducas: Non argumentaberis; in quo tam multi peccant: Non narrabis quæ tibi acciderunt. Quanto minus arcana tua deteges? nisi coactus: Nam etsi non effugiant, domini tamen tui efficiuntur: & qui amicus est, potest fieri inimicus; & domesticus è domo exire: Tempus omnia mutat. Caveas etiam, ne vitia naturæ, aut casus, aut fortunæ mala imprudens commemoras. Ut apud Philippum, si quis Cyclopi aut oculi mentionem fecisset, irascebatur,

batur, quod [altero] oculo careret, quamvis pugnando sagitta ictus illum amiserit: Et apud Hermiam, quod esset Eunuchus, si quis gladii aut excisionis meminisset. Quum vero quispiam te verborum multitudine provocat, vanus est, aut deceptor. Si quis conditionem tibi offerat, quantumvis præclara videatur, diem ad respondendum interpone; illudque tecum dicito: Hic forsan multis jam antea annis, certe diebus, præmediatus venit ad me: ego insanus extemporanee illi respondebo? Et quanto magis instat & urget, tu eo lentius procede: doli enim suspicionem auget. Nam si bono animo offert, & è re tua putat esse quod proponit, libenter moram hanc patietur: si decipere vult, habes cavendi ansam. Multi hujusmodi importunis flagitationibus prehensi fidem fregerunt; alii ad rixas devenere; alii obruti, deceptoribus succubuere: quidam gravioribus damnis atque incommodis affecti, vix tandem servati sunt ex jactura: quæ verbi tandem temere prolata: cui bono? & ubi merces tantæ jacturæ? periculi, laborum, atque curarum? Ob id, quum tales homines nece digni sint, nec lex illis pœnam ullam proposuerit; reliquum est, ut ne alloquaris, neque admittas ullo modo venientes,

nec cum tuis patiaris versari. Nihil enim
damnosius, aut periculosius iis, qui sine
spe ulla commodi, tanta detrimenta affe-
rant. Tabulas quoque longas, quin etiam
historias, narrare cuiquam caveas. A-
nnum enim mos est hic, aut navigan-
tium. Nec quicquam deniq; dicas, quod
vel interpellent, vel non libenter audiant:
nec narres quid somnolentis: Sed fac ut
rogent, urgeant, avideque quæ dicis hau-
riant. Propterea nec nisi amicis & postu-
lantibus narrabis quicquam. Sed quum
tua negligi animadvertis, quid aliud jam
superest, quam ut etiam te? Ergo vel er-
ras, vel odio illis es, vel contemptui.
Quodcunque horum sit, cur præstat cum
illis esse? Discedas ergo statim. neque
enim tua res agitur. Propterea, ne male
hoc tibi cedat, si non ut dicas, sed ut
tentes, huiusmodi sermones adoriaris.
Stultum est etiam, attente audire nugæ
æmulorum, quæ sapienti fastidio sint.
Noli irasci: noli nimium impatienter
audire. Figurate præterea in multis com-
munibus sermonibus loqui necesse est:
quod velut pictura quædam sic expri-
muntur, melius quam ullo verborum
quamvis latissimo ambitu: nam figura-
tio oratione quavis propior est mentis
imagini: quod si in malam partem acci-
pianur, non adeo subjacent reprehensi-
fioni,

fioni, nec tam constanter possunt convinci. Propterea & figurate, & mutilatis, & involutis sermonibus, uti oportet. Cum quibusdam tamen omnia clare expedire convenit: Amicis, primum illis qui nihil sibi putant proprium: quales fuere Pomponio Attico Q. Gellius Canius, & Ciceroni Atticus, & Menedemus cum Asclepiade. Et coram iudice, ubi causam tuam defendis; tum maxime quum pro amico [loqueris.] Cum domesticis præterea, ubi quid mandas, melius fuerit, decem verba perperam adiecisse, quam unum necessarium prætermisisse. Cum his etiam qui discessuri sunt, (& ubi epistolas mittere non tantum est) uberiori oratione uteris. Semper autem ubi quempiam de negotio instruis (modo fidus sit) abundanti sermone uteris. Sunt etiam communes sermones, de quibus suo loco dicetur: Sicut & de verbis quæ habentur cū potentibus viris, qui tua scire desiderant, & amici sunt: Et quum ad fallendum composita sunt, coram æmulis, exploratoribus, & inimicis, qui se amicorum loco haberi putant. In cæteris memineris linguam te unam habere, atque illam reconditam; duas vero aures, atque patulas. Obscænis autem nullus est locus; nisi forsan cum scortis, & nēmine præsentē. Cavendum est præ-

est præterea, ne tantum diligentia in minimis ponas, ut magnorum & generalium præceptorum obliviscaris, aut negotiorum: quod ferme necessarium est accidere his, qui non recta ratione huiusmodi levitatem affectant, imo persæpe nugaces efficiuntur. Namque & in conviviiis, quum vino incaluerint, aut colloquiis aliorum irritati, aut quia petant, interrogent, casu vel dolose, aut quoniam talis natura sis: velut scriptoribus, professoribus, concionatoribus, atque his qui multum de se pollicentur; primum quidem huiusmodi viris eas occasiones effugere præstat, congressum scilicet potentium, inimicorum, æmulo- rum, incognitorum, maledicorum, irri- forum, insidiarum suspensionem, convi- via, & commercia cum balatronibus. Deinde si incidas in huiusmodi linguam, ubi loqui ceperis, absoluto primo colo, linguam inter dentes comprime: digi- tosque sub pallio contorque, sic ut de- leant; ut impetum illum dicendi, ac fer- vorem comprimas; nec in sermone inca- lescas, aut verbum imprudenter tibi ex- cidat, aut nostri (quod sæpe contingit) fiamus immemores. Sed & nihil de tuis rebus dicas; nec te laudes: verum ad communes sermones (de quibus suo lo- co dicemus) te convertes. Vna denique
est ra-

est ratio, nihil incipere, sed ad interrogata respondere. In propositis (si libet) perstare, atque continuare licet; tum vero quam breviter & graviter: ut memineris non tui, sed personarum, ad quas sermo dirigitur. Propterea, si ex arte non sunt, planis sermonibus, vulgaris etiam [utere;] si non omnino veris, tamen verisimilibus; à contentionibus ac profitendo &c. abstinens. Pulcherrimum enim est, scire modum impingere sermoni, ac illius impetum sistere, velut & currentis equi: nec secus, eligere de quibus dicas, & taceas: demum quæ dicas, aut non dicas. Hæc assequeris, si tui memineris, non obliviscaris: quod affine est ei præcepto, Nosce teipsum. Multi enim (maxime in conviviiis) gravissime periclitati sunt his rationibus, ut à Parisatide, &c. Nec quotidie desunt damnatorum exempla.

Epistolarum autem ratio, etsi non multum, ab hac diversa tamen est. Quod enim scribitur ad absentes (unde provocatio non est, saltem præsens) tanto limitatius est: nec periculum adeo est, ne inconsulte verbum excidat: sed & pluribus indiget ut intelligatur, & longius esse bebet. Qua ratione quæ scribuntur ut supersint, absolutissima esse debent, & manifestissima, quum restitutioni

tioni

94 HIERON. CARDANI
tioni locus nullus relinquatur. Ac etiam
tanto diligentius limari debent, quanto
defensioni locus [minor, aut] nullus pa-
tet; & quanto diffusius scripta. At rur-
sum epistola sermone brevior esse debet;
quod, si aberres, excusationem non ha-
beas, & quod errata facilius deprehen-
dantur; tum vero, quod occasio non de-
sit industriæ, ut plura per pauca signifi-
centur: nec est qui te provocet in illa, ut
in sermone. Quare præparcum esse de-
cet apud eos qui amici non sunt; longio-
rem, quam in sermone, ad domesticos;
familiares, & amicos. Sed de his suo
loco. [101.]

In turpibus præterea causis silentio
maxime opus esset. Vix fieri potest ut
aliquem commemorando non ostendas:
tum vero in controversiis amicorum
communium. Quod si omnino cogeris
aliquid dicere, imitare pictores: pulchra
& jucunda explicant late in pictura; tur-
pia & abominanda involvunt. In rebus
odiosis quanto plus, tanto dexterius in-
volve, quæ tacere non potes. Abstine à
judicio. Porro damna verborum non
meditatorum præcipua sunt, secreta pan-
dere, viam inimicis nocendi aperire,
amicis obesse, & odium sine utilitate
querere.

C A P.

NON exiguam partem vitæ nostræ
obtrinet iuramentum. Est autem du-
plex: ad [se, & alios. Ad] alios, quum
gravis res agitur. Per hoc conspiratio-
nes, & conjurationes, & pleraque ini-
qua & æqua confirmari solent. Propte-
rea videre oportet & in qua causa sit, &
quod fuerit consilium tuum. Sæpe enim
fallendi ratione fit: quod in aliis eo ma-
gis considerare debes: præcipue autem,
an honestum, an tutum quod agis. Mul-
tis solemnibus celebrari solet: in templo,
coram Sacramento: sed quod fit epoto
vicissim sanguine, quod & Catilina fecit,
incorruptum mansit. Quod vero ad se
est, in causa fit minus honesta, sed ne-
cessaria. Sic milites Romani sacramen-
to obligabantur, quum militiæ actiones
omnes contra honestum niterentur: oc-
cidere homines, diripere urbes, incen-
dere villas. Sic Salomonem legimus ju-
rasse, quod occisurus esset Adoniam fra-
trem suum natu maiorem, sine ulla cau-
sa, quum etiam Arcam Domini tulisset,
omnibusque communis parentis labori-
bus & periculis interfuisset; iuramento
obligatus, ut quasi sibi liceret, effecit.
Ita ergo pro utilibus aduersus honesta
admit-

36 HIERON. CARDANI
admittitur; non tamen pro turpibus: id-
eo Salomon non excusatur. Iurabimus
ergo, non daturum mutuo, non officium
præstiturum ante numeratam pecuniam,
non crediturum cuiquam; non benefi-
cium collaturū ei cui nihil debeas prius.
Atque hæc tecum solus, ad roborandum
animum. Vbi oportuerit, hoc ei expo-
nes; ne privatum officium neganti ira-
scatur. Non tamen publice hoc jactabis,
ne inhumanitatis primum te arguant;
deinde ne impotentem te, nec tui domi-
num esse, existiment; præterea levem,
qui de eo quod contra bonos mores est,
& damnosum, te jactes; demum quod
par pari sis accepturus.

C A P. XXXI.

Silentii laus.

S E D quum hæc omnia multiplicibus
sint turbata volucris, plerumque silen-
tium non solum sufficit, sed etiam præ-
stantius est: præcipue in re controversa,
vel ubi timemus ne talis fiat, aut quispiā
aliquid petat. Tum vero non solum res
& verba celare oportet, sed etiam ani-
mum. Vbi enim te habere dixeris, si ro-
get ut des; aut scire fatearis, ut detegas,
requirat, magnam molestiam afferet.
Primum infinita est ratio argumentorū;
& impudentiæ non deest audacia.
Si di-

Si dicas, Sine hoc vivere non possum; dicit, Majora dabo. Si respondeas, Non pecuniam, sed rem quaero; objicit, Et tu sine ea vivere potes vel tantillum: non vis amico nobili, egenti, tam cupide flagitanti, rogantique morem gerere? mutuo da, statim recepturus. Minus turpe est hujusmodi viris, aliena, & sine ratione, postulare; quam honesto viro videatur negare quæ non sine dedecore possunt concedi; ubi dederis; nulla compensatio, longe minus restitutio. Itaque hoc solum silentium, infinitum pelagus disputationum (in quo semper aliquid importuno relinquitur, quod æqui speciem præ se ferat) ita exhaurit, ut nec vestigium ullum superfit, cui uncum possit annectere, ut te perturbet. Similiter si cum aliquo, de quo male suspiceris, negotium sit, ne (quod multi faciunt) dixeris, Hoc ago, quamquam male alii de te dicant. Si enim innocentem credis, quid stultius, aut acerbius dici potest? quum ille se sentiat falso [incusari,] & frustra suam lædi coram existimationem, ab eo quem sperabat acrem defensorem habere. tepida enim amici negatio, criminis quasi confessio est. At si nocentem ipsum credis, palam ad flagitium admittendum hortaris, quum retines sciens flagitiosum. Neq; enim turpe aut magnum id existi-

G

mare

98 HIERON. CARDANI
mare videris, cuius, quum tam facile
possis, nolis vitare suspicionem. Quan-
to ergo satius, silentio prætermittere,
quod vitare non decrevisti? ut melius et-
iam fuerit, dixisse, Hoc fidei tuæ com-
mitto; quam semper erga me integram
sum expertus. Quodsi ei te committere
nolis, cui bono, quæso, ingrato facto ad-
dere verborum injuriam; ut pernegasse
non sufficiat? In quo genere improbita-
tis etiam illud est, quum beneficii tui cau-
sa aliquid à te petitur, non solum nega-
re, sed etiam addere contumeliam. Vel-
ut in his, qui ob turpis amoris suspicio-
nem, vel eo prætextu, criminantur qui
ipsis bonas condiciones offerunt. Huic
autem proximum est, causam silentio
præterire, si rem non potes: nec um-
quam digniorem in medium attule-
ris, quam sit id quod petitur: hoc enim
multi faciunt, nimia cupiditate concita-
ti, exemplo, ut dicunt, Esau. Fatigat
enim id amicum; & te iudicio carere,
& probatione victum, ostendit. In uni-
versum, scire tacere, ut philosophus ille
regi innuit, non minus est, quam scire
loqui. Illud tecum sæpius revolve: Si
quæ sciunt, dixero, frustra loquar: si quæ
nesciunt, facta mea detegam. Quum ve-
ro quod latet, ut infinitum existimetur,
causas prætermittere melius est, nisi ha-
beas

beas efficacem, quam huic objicere potes. Sunt præterea alia, & majora, vel si cum sapientiore viro sermo sit; non minora, aut plurima, quæ nunc omitto. Sed & id observare decet, ne exemplo minorum citharistarum, quæ discunt, tu quæ non bene noris proferas; verum ea tantum, in quibus jam diu exercitatus: sed nec illa tota; ut aliquid, quod desiderent, relinquant. In universum illius memineris, solum silentium integra omnia tibi relinquere. Quamobrem qui accuratius sciscitantur, aut deliberationem, aut voluntatem tuam, aut judicium de aliqua re, præsertim ad eos nos pertinente, pessimis hostibus habendi sunt: eo enim minus relinquunt tibi tuarum rerum arbitrium, quo plura intellexerint. Neque enim solius pecuniæ aut opum furtum est; nec minus evertitur, nec serius homo inopia rerum & substantiæ, quam consilii. Pejora etiam sunt hæc in potentioribus, vel quum negotium est cum illis. Quod si præter id importunius petant, jam res ad everfionem tuam pertinet, nisi interrogatio facti sit. Sua enim quisque scire cupit, & juvat. Quum ergo impudentius aut tua facta quærunt, aut judicium, vel etiam de alienis, modo quicquam tuum sit, dissoluto sermone; abi, si licet; si non, dicas, non cogitasse

G 2

de hoc;

100 HIERON. CARDANI
de hoc; atque occasionem devita. Sed
neq; vitio magno caret interrogatio ex-
quisita & accurata de tuis rebus, vel de
pretio rei tuæ quum nullum pretium illa
dignum obtulerit.

C A P. XXXII.

Lentum in deliberando esse oportere.

IN rebus autem peragendis lentus sis
in deliberando; promptus in eo, quod
deliberaveris, exequendo. Pondus sin-
gulorum æstimes: quid quæras? quomo-
do? quanti quæsisse constet, si non obti-
nueris? ubi obtinueris, quale tibi emo-
lumentum? qualia damna, aut pericula?
Prompte dicitur [quis] exequi [id,] quod
prius in portū reducitur, quam ab æmu-
lis aut inimicis sciri possit. Nil celeriter
confectum dici potest, quod qui impe-
dire cupiebant, ante resciverunt, quam
factum sit. Neque vero malum est in ne-
gotiis, singula quæq; vesperi in tabellam
ex ordine digessisse, quæ sequenti die fa-
cere oporteat. In dubiis autem rebus cal-
lida negotiatione, & sermone ancipiti,
utendum est. Descendamus in victorum
amicitiam, non ruamus. Si Cicero cogi-
tasset, posse mutari fortunam, nō tantum
famæ Philippicis illis sibi comparasset;
sed neque exitium domui suæ univesæ.
Adde, quāto periculo te illis adjicis, quali
infa-

ARCANA PRVD. CIVIL. IOR
infamia hos deferis. Quamobrem utri-
que ut faveas privatis officiis, si poten-
tes sint, consulo. Inclina ad causam ne-
cessariam & honestam, potius quam su-
periores. Sed, si liberum est, in omnibus
eam adhibe moderationem, ne victoriæ
primas partes tibi adscribas, nec acriter
animos incēdisse videaris, & ante victo-
riam ut vinci posse credideris. Quæ no-
ctu deliberaſti, ne exequare; majora enim
videntur, velut somnia: sed quæ inter-
diu, post etiam placent. Tutissima au-
tem, quæ & pacato animo probantur.
Specialiter autem in unoquoque negotio
cogitabis finem, consequentia, difficul-
tates. Oportet autem semper tria præ-
oculis habere: Quam recte? cui bono?
Quid dicent homines? Inde revolve ne-
gotium totum, sæpius cogitans, Si succe-
ſerit? Si non? Quid absoluto? Quid inte-
rim? Offensionem perpetuo animis inhe-
rere? gratiam brevi evanescere: tempus,
rem, qualitatem, ætatem hominum, for-
tunam tuam, æmulos, filios. Orbis enim
[id est, qui improles sunt, aut celibes]
multis causis omnia tutiora.

C A P. XXXIII.

Hominum mores scire convenit.

VT vero quantum & quomodo expe-
diat, scire possis; hominum mores

G 3

ejus

102 HIERON. CARDANI
ejus loci noscere oportet : ut generaliter
antea docuimus. Homerum igitur imi-
tabimur : qui quum magnam orbis par-
tem lustrasset, nec solum mores, sed in-
stituta, leges, consuetudines, vivendique
ritum cognovisset, tum naturam, robur,
& quid possent, ex omnibus unum quip-
pam, quod etiam omnibus conveniret,
conflavit; velut medici Theriacen solent,
quæ omnibus morbis est accommodata.
Sic Deus mixtis elementa singula impo-
suit, ut singulorum etiam vires referrent,
atque in omnibus aliquamdiu vivere
possent. nam homines in aquis, & extra
aquas vivunt; nec protinus, ut ignis, ex-
tinguuntur. Simili ratione quæ singulis
in regionibus proveniant, quæque aliun-
de, & unde, vehantur, quanti quomodo,
quo anni tempore. Sed & naturam re-
rum. veluti Bononiæ uvæ servantur ad
æquinoctium usque vernale, & ultra;
non ita Mediolani. Artificiorum utili-
tatem. Quid expediat, perfectum, ut do-
mum, emisse; an desolatum, & rude, ve-
lut agrum, ut apud Xenophontem. Quæ-
dam plurimum mutantur, ut pueri, equi,
chelys nova, & quædam in melius. Ut
vero singulorum mores dignoscas, tum
ex vestitu & gestu, sub quo etiam gressus
comprehenditur; sed maxime ex sermo-
ne. Ob hoc solertes viri sæpius mutant
sermo.

ARCANA PRVD. CIVIL. 103
fermonem. Ignavissimi sunt, qui de epulis libenter ferunt colloquium: post, qui de venereis, de ornatu, & de rixis: avari de lucro; improbi de infidiis: probi de honore: dissimulatores de Divis: at optimi, qui de virtute. Similiter & temporis & regionis & consuetudinis & Principum naturam noscere oportet: Tyranni ferro, Respublicæ, & qui arma tractare non solent, judiciis [utuntur:] quidam Principes veneno; alii prorsus, licet mali, venenum oderunt; ut Henricus Anglorum Rex; Paulus Quartus Pontifex, Pius Quartus, & Quintus, à vi abstinuerunt: Quartus oderat judicia injusta; Quintus etiam graviter ulciscitur. Sub hoc tamen magis audent, ob morbum.

C A P. XXXIV.

*Potentium de rebus opinionem, scitu
esse necessariam.*

ET quæ qui possunt, de rebus statuunt, dico Principes, Sarrapæ, Magistratus, optimates, militum duces, sapientes, [inquire.] in horum enim manibus pleraque sunt. Neque enim existimabis (quod jure existimandum esset) credere, magnum esse aliquid injustitiam, legum contemptum, hominis necem. Sed hujusmodi utinā apud eos aliquanto essent majora muscarum interitu! timent ta-

G 4 men

men tum famam, exemplum, atq; odium propinquorum. Famam quidem, ne dum emanat in populos, audaciam seditiosis præbeat. Exemplum quoque dum verentur, cavent ne (etiã si possint) inimicos veneno occidant. Sciunt enim, sic à pluribus timendum esse, quam qui timeant. Verum tu tecum dices, Decipiuntur; ne illorum errore captus pericliteris. Itaque & religione & legibus abutuntur; nec solum culpa sua, sed importunorum aulicorum: quibus obsequi, perniciosissimum; non obsequi, periculosissimum est. Explorato etiam, qui vere sit tyrannus: raro enim ejus est tyrannis, qui prodit cum insignibus; sed [talís est] tyranni simia. Arque idem in oligarchia: non enim pauci illi omnes regunt, sed ex his paucissimi, duo aut tres, ad summum quatuor: quibus nihil pensum est, nisi ut potentiam retineant: cæterum lucrum, & odia, ac simultates pro Diis colunt: ut optimi sint, qui amoribus ac familiaritatibus seducuntur. Hos igitur scire oportet; & qui cum illis plurimum possunt. Aliter bifariam aberrabis; & plures esse credendo, quam sint; (ut roges etiam quorum causa pereas, ob illorum intestinas simultates;) & quod credas illos legibus vivere, & honestatis curam habere. At postquam

ARCANA PRVD. CIVIL. 105
quam cuique Deus est sua dira cupido;
qui nos nihil esse putant, cupidinem &
vitia, quibus capti sunt, scire oportet.
hoc autem tam facile, quantumvis dili-
gentius tegant, ut explicare superfluum
fit.

C A P. XXXV.

Cognoscere quæ in urbe aguntur.

IN tua præterea urbe quicquid est, quic-
quid agitur, diciturve, in digitis habe-
to. Dico familias, homines, conjun-
ctiones, prædia, domos, mores, actio-
nes, vitam, rem, studia eorum omnium
qui in aliquo numero sint. Et ad hoc
paratos habeas atque conductos clien-
tes, qui nil aliud ferme curent: nam lu-
crum superabit expensas. Potuit hoc Ci-
cero, distentus tot curis orandi, Rei-
pub. tractandæ, studiorum Philosophiæ,
scribendi; quique tot aliorum etiam cu-
ram ageret: Tu vero, ab omnibus his
ferme liber, hoc excusabis? præsertim
quum præsidia parata habueris. Hæc
autem maxime in commodis atque po-
tentia tum societate, sunt reposita. At
potentia amicis & re; commoda vero
domo bene constituta constant.

G 5

C A P.

*De preparatione. Vbi de modis
parandi opes.*

EST primum etiam quippiam quod habere oportet, semetipsum scilicet. De animo quidem satis diximus: sed non sufficit, nisi etiam corpus firmum pro ætate habuerimus. Et ubi defecerit [corpus,] seu per ætatem, seu aliter, alium ipsum nos habere oportet, velut filium, fratrem, amicum, familiarem: quod si habere non possimus, res nostræ perpetuo fluctuabunt, tametsi diligens fueris. Habere autem, non solum providentiæ est, sed etiam fortunæ: & maxime qui nostra curare velut ut suamet: inde qui sciat, inde quod maximum est in hoc proposito præstet [& perstet.] Beneficium naturale hoc filiorum est, ubi non degeneraverint. Ergo & animus naturæ fortis necessarius est: aliter nec opes, nec consilia, nec occasiones usui erunt. At hunc fingere prudentia potest, atque supplere; præterquam ubi mors instat. At corporis incommoda non tam primum est sarcire, tum opum vel amicorum defectum. Ut tamen bene valeas, abstinentia, somno, & exercitatione, postque medicorum consilio obtinebis. Exigenda est merces ante, præterquam à generosiss.

ARCANA PRVD. CIVIL. 107
rosissimis. Præterita enim languescunt,
præsentia diffluunt nimis celeriter; futu-
rorum expectatio longa, anxia, fallax.
Amici & familiares, clientesque fidi, tan-
tumdem valent (imo plus sæpe) quam tu
ipse. Præterea id maxime observa, ut
quæ ad finem adipiscendum non solum,
sed retinendum, sunt necessaria, tempe-
stive præoccupes: nam neglecta hujus-
modi cogimur maximis difficultatibus
recuperare; atque tum præsertim, quum
æmulus insidiosus adversatur. Velut si
medicinam profitearis, ut discipulos cir-
cumducere possis ad curandum: hoc au-
tem exposcitur, ut in medendo existi-
mationem retineas. Sed & hic caven-
dum, ne erres: ut si pecunias multas po-
stules, ne tempus pereat, & paucos ha-
beas infirmos. Itaque ut omnia prius pa-
rata habeas, architectos imitatus, temet-
ipsum scilicet exorna tum moribus, &
qui uti possis robore; deinde [cave] ne
quid ob sit: (multa enim ob ritus impe-
dimento sunt:) ne quis tibi fastidium,
damnum, aut periculum afferat, subtra-
here te oportet non [autem quemquam]
contemnere. Et ne tu quicquam delin-
quas: hæc enim superius sunt declarata.
Demum nequa occasio in collocandis
tum officiis tum beneficiis pereat. Secus
si agas, temporis facies jacturam; & non
adeo

adeo bene rem absolves; imo quandoque absolvere non poteris. Licet tamen præoccupare, ac inchoare, in temporis angustia, quum securus fueris de necessariis. Ergo quum in amicorum potentia, & multitudine, principalia præsidia sint constituta, ut superius docuimus; ita agendum est in collocandis officiis ac beneficiis, ne quid pereat. Quoniam his captantur homines; si ea inaniter effuderis, non habebis quod exhibeas, ubi oportet. Itaque vel utilis vel honesti gratia, aut utriusque, impendere oportet. Vtriusque, si [impendas] in eos à quibus jam beneficium habueris: utilis, in filios, aut eos quos educationi filiorum plurimum profuturos existimabis, & in eos qui juvare te possint, ac velint; deinceps ubi gloriosum est: Honesti autem in eos qui tuis lætantur donis; quive pauperes, aut probi, aut conjuncti.

Præterea non ultimo loco sunt opes: quoniam in locis qui procul à regibus sunt, & à Sarrapis reguntur, & nunc & semper omnia potuerunt, quapropter primum comparandæ. Ideoque parcum decet esse; nec considerare quantum lucreris, sed quantum superlucreris. Modi tamen brevi parandarum opum sunt hi: Principū amicitia, maxime Sacerdotum; & qualiumcunq; etiam pingue sacerdotium

tium possidentium, quum liberalitate
 tua permutari possunt: Velut & vidua-
 rum divitum matrimonia: Et orborum
 opulentorum consuetudo intima: quam-
 quam cautos difficile sit capere; simpli-
 ces, ne prævertantur majore metu, spe,
 autoritate, sollicitatione, periculum est:
 Industria nova; quæ multiplex esse po-
 test. Artis notæ, sed lucrosæ, novus etiam
 cultus utilis, aut speciosus. Alluvionum
 intelligentia: nam lucrum in emtione &
 acquisitione. Altior enim [ubi] ripa al-
 veus est, humiliorem inundat, terræ du-
 rities. & undæ impetus, &c. Fluminis, ubi
 sæpe sinuatur, &c. recta ex recto ad re-
 ctum: Occurritur aggeribus & alnis.
 Compertum est pluribus sæculis irritum
 esse impetum aquarum in radicibus ru-
 pum. Alveus ergo quum natura in medio
 esse debeat, aut exiliet tractu temporis,
 ut humiliorem locum occupet, aut altio-
 rem subruet: at hoc facilius est, quam ut
 ascendat. Elatior est in ripa alvei; quia
 ob id in adversum incubuit, ob altitu-
 dinem, & soli duritiem. Explorabis ergo
 perpendiculo, in quam partem pendeat
 aqua. nam sæpe quod relinquit, inundari
 videtur: sed si humilior est, non relinquit.
 [Alius modus est] & executio credito-
 rum, quæ loco mercedis sunt militiæ, à
 fisco, & regibus; maxime in fine bellorū.

Dixi-

Diximus autem de hoc distincte in libris de utilitate capienda ex adversis : (vide & infra; Sectione 103.)

In singulorum autem executione maximum compendium habetur, in tota ratione gerendorum singula describere per ordinem; jubereq; ut tui idem mandatum custodiant. Nam non solum quicquam oblivione non excidet; sed singula facilius & opportunius efficere licebit; ac nullo pæne cum labore, atque melius. Qui vero non parent, è genere malo sunt: proximique malis sunt. Mali enim sunt & improbi. qui quod malum est, præponunt bono, scientes esse malum; quoniam malo adeo delectantur. Sicut boni sunt, qui præceptum hoc præcipuum & alia observantes, [nihilominus] tamen delinquant. Sed optimi sunt, qui non aberrant.

CAP. XXXVII.

De Familia.

QVOD vero difficillimum est, est domus institutio: adeo ut vix cuiquam succedere possit. Saviant procellæ inimicorum, æmulorum persecutiones, inopia, judicia iniqua, tum reliqua omnia; non tantum tamen incommodi afferent, quantum domus male instituta. Etenim assiduum est hoc malum, & maximum; in quo

ARCANA PRVD. CIVIL. III

in quo de vita, honore & fortunis periclitatur : nec est in nobis, ut facile mereri possimus, velut in animi morbis; vel intermittant, aut partem quandam bonorum nostrorum in discrimen vocent, sed omnia : adeo, ut nisi uxor adsit, aut filius natu grandior, aut frater, aut soror, vix te queas explicare. Sed neque filii aut fratres sufficiunt, quoniam non semper domi manent. Oportet autem eos qui domum bene institutam habere volunt, assiduum habere custodem. Sed & in hoc periclitamur. Nam uxor & soror, & filia, si iuvenes sint, in amatores facile incurrunt, deinde famulorum usus cum mulieribus suspectus est : iuvenes enim appetunt; à senibus appetuntur. At vero sine his [degere,] ferme impossibile est. Domus enim ex rebus ac famulis, tum necessariis, constituta est. Necessariorum si quisquā perversus sit, prorsus fieri non potest, ut bene res constitutur. Eadem autem est ratio patris-familias in domo, & regis in civitate. Porro, quod maximum est in hoc negotio, est bonos habere domesticos, & frugi. Senes putridi, imbelles; & si quid habeant vitii, corrigi nequeunt : si boni sunt, detinentur ab iisdem apud quos consueverunt; si mali, aut inutiles, cui usui esse possunt? Pueri rursus imbelles, & imperiti,

periti, lufibusque dediti: Adolescentes importuni, procaces, petulantes, libidini dediti: qui quum se ipsos regere non possint, quomodo te, remque tuam, mulieres, & pueros gubernabunt? Viri eadem patiuntur quæ senes: & licet imbelles non sint, in mulierum tamen causa senibus sunt deteriores. Mutatio præterea omnis mala est: & tamen quicquid diu feres, in majus vitium transibit. Hæc tamen minora sunt mala, quam [si servis utaris: nam] servitus inhumana est, & nihilo commodior aut securior. Vides enim in Comædiis quam turpiter servi os oblinunt senibus dominis. Ergo prima ratio est, ut optimos [domesticos] eligas: deinde ut diligenter instituas: demum ut singulis incommodis, quæ ab illis proficiscuntur, occurrere discas. Quod si occasio vel mors domini, aut discessus, aut exilium, aliquem commodum [famulum] ferat, pro bona fortuna habendum est. Eligendi ergo sunt parentibus probis, & si adulti sint, etiam vita sapientes, solertes, ab omni infamia alieni, summa fide, & ut te ament, venerentur & colant. Sic enim duplici munimine tutus eris. Ab hujusmodi etiã viris quæritur testimonium: & qui tibi insidiantur, ab eisdem initium sumunt. & merito, quum nulla sit via ad perden-

dos ho-

ARCANA PRVD. CIVIL. 113

dos homines hac ipsa paratior. Plures enim adversus inimicorum impetum, & potentiorum vim, magistratuumque licentiam satis muniti, ab huiusmodi machinis obruti sunt. Eligere autem præstat eos qui diu cum domino eodem, gnaro, prudente, moroso, præsertimque sene, manserint: & inter illos, qui forma sint præstanti. Nam qui parvo sunt capite, improbi plerumque sunt, aut stulti, aut gravioribus vitiis impliciti. Strabi etiam valde mali sunt, & gibbi: hi quoque fædi: & claudi, inepti. Præterea caveto, ut sint incolumes, & in victu modesti, ac temperati. Considerare etiam oportet principaliter illorum mores: an lures sint, fures, ebrii, inertes, vehementer ægri, aut imbecilles, & [tales] qui cum domino contendunt, & qui de malefactis gloriantur. In universum bonos famulos, à malis sic distingues. Fac ut aliquis domesticorum aliquod ejus malefactum observet, clanculumque deferat ad te. Tu vero vocabis illum; & reprehendes, juxta facti magnitudinem. Si fatetur, & inde minatur ei qui illum accusavit, pravus est: eum amanda, quantumcumque virtute præditus sit: est enim furiosus; & domesticos omnes corrumpet. Quod si quærit delatorem, aut consulit ut taceant, nec domino revelanda quæ

H

da quæ

114 HIERON. CARDANI
da quæ fiunt, docet nequissimus est. Si
vero fatetur, & excusat factum, nec aliud
quærit, optimus est. Sed si negat, &
quærit quis dixerit, pessimus est hic, sed
timidus: emitte statim. Si vero negat,
nec ultra quærit, malus est, & timidus:
retineri potest. Raro enim bonum in-
venies. Quod ad fidem attinet, multi
Germanis utuntur familiaribus: apud
hos enim adhuc manet integra fides.
Præstat & neminem absque certa fide-
iussione in domum admittere, nec cui-
quam tantum committere ut furtum fur-
to defendere possit. Est indicium sane
magnum cogitantis furtum, si cophinum
non afferat in domum sed deterius, si
apud vicinum, & maxime pauperem,
eum habeat. Porro electio œconomo-
rum, puerorum esse non debet: quoniam
œconomi, præter fidem, oportet etiam
ut sint sapientes, & solertes, optimisque
moribus; tum graves, ut qui autoritate
sua aberrantes coërcere possint. at pueri
omnibus his carent. Similiter & ado-
lescentes rei [domesticæ] præficere haud
tutum est, non solum ob parvam rerum
experientiam, & quod domestici dedi-
gnentur minori parere; sed quod immen-
sis ferantur affectibus. Si tamen ob fi-
dem, conjunctionem, prudentiam, vir-
tutem, quodque lætus sit, ac comis, aut
inopiam

ARCANA PRVD. CIVIL. III
inopiam hominum cogaris, multipli-
cem subibis curam atque laborem, ut in-
struas illum, ut sit obsequens, & ut er-
rata corrigas, ut contineas. Præterea
(quod in usu est apud mercatores &
Principes) plures præficere rationibus
oportunum: neque enim fallere possunt,
quum ordinate disponuntur, nisi con-
cordes omnes sint. At in hoc vel domi-
ni supina ignavia abutuntur, aut magno
periculo se exponunt, quum ad discor-
diam pervenerint. Alter enim alterum
accusat. Quocirca tutissimum est, plures
præficere rationibus, alios qui recipiant,
alios qui dent, qui assistant, qui in libros
referant, qui computent, qui exemplar
transcribant. Verum in Principibus, ob
stipendiorum magnitudinem, & socor-
diam illorum, impensa superat lucrum.
Itaque in parvis negotiis forsitan præstite-
rit, non facere. Semper vero tenuem
mercedem his constituere præstat, ex ad-
ventitiis autem partem, in qua omnes
sustinent. Præterea si quis tres alere
non possit æconomos, duos aut unum
alat. Pauperibus uxor est pro æcono-
mo: periculosum est tamen, quia casti-
gare haud commodum. Quod si nec hu-
iusmodi adsint, pueri sunt tutiores: ve-
rum illos arcere duris clavibus oportet,
atque gravibus arcis: & ut nesciant ubi

cariora sint recondita. Semper etiam de-
 cet tabulam habere, in qua negotia pera-
 genda describat, quæ emisti, quæ mutuo
 dedisti, quæ facturus es, quæ cogitasti,
 quæ peregisti, aut puer pro te. Et scias
 quod puerorum servitus est melior, quo-
 niam facilius minis & verberibus con-
 tinebit eos nummatus, & inimicorum
 occultorum suspicione: & sunt magis
 assidui, & maxime in assistendo, & scri-
 bendo. Vnde olim Romani tales elige-
 bant, & hos anagnostas, & servos ob
 hoc pueros, tametsi viri essent, sole-
 bant antiqui appellare. Sunt etiam tu-
 tiores habentibus uxores, aut concubi-
 nas: & minus timendum est ab illis de
 furto. Contra vero ad graves labores, &
 ad tutelam corporis, & ad manifesta
 [pericula,] tum vero ad negotia dome-
 stica inutiles: contemnunturque non so-
 lum ipsi, sed domini. At ab improbis hoc
 studiose fit, quoniam præclusam viam
 furtis vident. Senes meliores sunt in
 omnibus ob id, nisi ad arcendam vim.
 Adolescentes, nisi optimi sint, peiores
 omnibus, & periculosiores. Quum fa-
 mulum in domum recipere vis, fac ut
 aliquis tuorum, vel œconomus, te laudet,
 tamquam probum, & qui quod pollice-
 tur absque dilatione persolvat; sed subji-
 ciat, vitam exigere admodum parcam, ut
 vix vi-

vix vivere possint. Si frugi est, responde-
bit statim, aut non curare; aut, Si vivunt
alii, & ego vivam: si lurco simplex sit,
venire recusabit; si improbus, cogita-
bit; inde recipiet conditionem. At tu, si
sapis, interposito scrupo, illum ne ad-
mittas. Dolum enim meditatur adver-
sum continentiam tuam; ex quo domum
universam subvertet: deterior priore;
quod ille solum incontinens sit, hic au-
tem etiam improbus. Filios communi
utilitate quum à patribus recipis, id præ-
cipuum est, ut patres idem, quod tu, su-
spiciant, atque despiciant. In universum
memineris illud: famulos omnes esse
ignavos, & nequam. Neque enim ob
aliud serviunt: nam boni à dominis reti-
nentur; mali nulli usui sunt. Est etiam
persæpe utilissimum in suis ac juvenibus
exemplum imitari Augusti in Cinna; &
patris ignoti in filium, semel ignoscendo
omnia errata: (sed semel duntaxat:) nam
pro insidiatoribus acerbissimis, in poste-
rum usi sunt fidis ac commodis amicis.
(De qua re Seneca de Clemētia libro pri-
mo; & Valerius Maximus libro quinto.)
Porro de uxore ducenda, quod, ut dixi,
totius domus fundamentum est, imo et-
iam, quod majus est, naturæ & ingenii
filiorum, (dici enim solet: Quales vis
filios, talem ducito uxorem,) tum vero

H 3 edu-

118 HIERON. CARDANI
educationis eorum, in opere De utilita-
te capienda ex adversis diximus: nunc
totum negotium sub uno verbo, seu
[versu] comprehendere licet:


*Uxor sana detur, prudens, fœcunda,
pudica,*

Forma non cupida.

Servum improbum ex ignis tentatione
dignosces: ineptus in accendendo, stu-
pidus, tardus, lentus, & ignavus in ne-
gotiis. Si defert ignem post, [non au-
tem ante se,] nulli operi aptus est. Si do-
minis absentibus, aut non iubentibus,
neque tum neque alias multa ligna im-
ponit, ipsum statim abdica: deterior
enim ebrioso est.

Vt suspectos furti deprehendas, alio
translatis carioribus, aut reconditis, in
supposititia tabula aut crypta, vel *id est*,
oblitus quasi clavium, aut quæ, ut di-
eam, retinentur, aut nodo imposito se-
ræ, aut cera consimili tabulæ conjuncta
operculo arca, (sed in his duobus con-
tingit falli casu) vel quod, ut primum,
(sed illud tritius) optimum est, ut aperta
claudi nequeat. Id ea ratione constat; ut
fit *a b* seræ culmen, *c d* repagulum con-
clusum, & annulo intrusum. Ducatur vi
clavis *e f* versus dextram, premente *g h*,
ut fiat *k l*: nō poterit claudi, obstante *g h*.
Trahatur ergo infra per *m k*: vel intus
prema-

ARCANA PRVD. CIVIL. 119
 prematur (sed hoc difficilius:) inde cir-
 cumducatur per eadem.



Aliud: Foramina parva facies in oper-
 culo, & arcæ limbo, & lino vincies.
 quum enim aperitur, franguntur. In
 uno fallax forsan esse potest; in pluribus
 non potest. Infinita est seges horum:
 sed hæc sufficiunt. In omnibus auxi-
 lium: in omnibus difficultas. Velut dua-
 rum clavium prima facilis, sed occulta
 omnino: secunda durior, in qua non-
 numquam auxiliatorem quærere oportet.
 Hic modus sane tutissimus. Sed con-
 funduntur persæpe duæ claves: Denique
 tutissima vere omnia; modo magis rem
 ames, quam domesticos.

Vbi furtum in notis personis depre-
 henderis, statim mitte ad urbis portas
 binos ac bonos: qui interrogent an exie-
 rint ejusmodi ætatis, sexus, vultus, statu-
 ræ, vestium omnium. Alios mitte ad
 H 4 caupo-

cauponas & obsonatores, interrogatum si equos his locarint. Hi poterunt redire, monitis hospitibus, si superveniant. A portis unus redibit, alter observabit. Si exisse deprehendantur, equitatum cum literis Principis, pecunia data, pollicitis majoribus mittito, & è tuis unum qui etiam singulos in itinere viatores consulat, tum cauponas, & diverticula. Nam lente progredientes, & prope celeri gradu, assequeris: si multum absint, & celeri gradu fugiant, lente. Sufficit enim, ut sub aurora locum ingrediantur, non una ex porta, sed ex singulis, aliquot relictis ad portas custodibus. Et si alienæ ditionis sint, primum à magistratu obtinebis satellites, cum præcepto. Quæ autem de terrestri itinere dixi, eadem in portu & flumine. hæcque via certior est, & multo plures deprehenduntur; adeo ut fere omnes. Si vero adhuc in urbe sint, prope portas custodes adhibebit præfectus satellitum, multis promissis, & etiam pecunia deposita oneratus. (vide 106.) Exploratores, etiam illi mittent ad obsonatores & ad caupones, & ad meretrices. Corrumperes etiam aliquem illis familiarem, qui in castes (prodeus amicitiae specie) eos deducat. Ita omnino in manibus habebis; licet non mediocri sumptu. Quapropter rem expende-

ARCANA PRVD. CIVYL. 121
pendere oportet. Nam dupliciter circa
hoc peccari solet: aliis ob segnitiam &
avaritiam nihil agentibus, quod in non
magnis damnis melius est: aliis multa in
incertum profundentibus.

C A P. XXXIII.

Res domestica: & ejus conservatio.

Res domestica autem dividitur in or-
namenta, famulos, & necessarios.
Ornamenta: triclinia, lecti, mensæ, equi,
omniaque utensilia, munda, recteque
disposita; tum etiam honesta, ne aut
propriam avaritiam, & vecordiam, aut
suorum segnitiam ostendant. Vnde Cor-
nelius Nepos de Attici cultu domus:
Elegans, non magnificus; splendidus,
non sumptuosus. Porro Galenus du-
plicem vestium & reliquorum (libro
de dign. cur animi mor. cap. 9.) nume-
rum censet: nam simplex non satisfacit,
ob casus qui eveniunt: tum quia for-
dari & atteri necesse est. Omnis enim
vita in mutatione posita est: plura cu-
stodia egent, & aliorum usui sunt [desti-
nata;] quum mutuum dare necesse sit.
Verum quum domus res omnis trifariam
distinguat, alia enim absumitur in dies,
alia atteritur, alia manet: his quæ ma-
nent, custodia solum debetur: his quæ
atteruntur; custodia & conservatio: his
H s quæ

quæ absumuntur, triplici opus est diligentia, atque in singulis maiore custodia, conservatione, distributione: atque id magis in his, quæ maiorem afferunt voluptatem. Velut vino, & lignis, & pani, caseo, ac reliquis modus solet adhiberi: ut famulis panis & vini uncia quinque pro jentaculo aut pro antecena exhibeantur; pueris panis duntaxat, & his qui liberaliter educantur. Cæterum duas habere oportet cellas vinarias, suis clavibus conclusas: alteram vini meraci potentis; alteram loræ, aut vappæ. Hauriatur cirneis parvis, si insolentiores sint famuli atque ancillæ: aliter res peribit; & quod deterius est, multa admittent errata; quod vero pessimum est, etiam dominum contemnent, tamquam negligentem, rudem, & stolidum. Ut vero serventur, aut emantur, suis temporibus, duplici œconomo indigent, si res familiaris magna sit; & tertio, qui distribuat. Res infinita est, & singula referre velim. Ad eos autem qui mutuo petunt, potentiam pro actu objicies: ut in cadis vinariis, quia impeditos dicere non potes (multa enim ex hoc sequuntur incommoda) dices expectare novos. Singulas etiam res numero & ordine descriptas partiri in familiares oportet: velut carpentum, cum his omnibus quæ ad ipsum

ipsum pertinent, aurigæ: cætera omnia
sub clavibus ordine suo, & geminatis,
obsignata habere convenit: ut etiam si
quoquomodo primas fallant claves, ex-
tra spem sint habendi. Hæc duriora vi-
dentur præcipiendo: nam usu facillima
evadunt. In vilioribus, & utensilibus,
interulis, mappis, linteis lecti, quæ im-
probi dum lavant, commutant, (estque
hoc malum pæne immedicabile) nullum
inveni præstantius auxilium, quam acu
pingere prægrande signum, & dimensa
quantitate, velut **N**; ut ob difficulta-
tem non audeant **N** [delere;] duobus
autem parvis, ac quasi neglectis, depre-
hendantur: quæ dico adesse oportere, ne
alterum casu pereat: grave est enim ho-
minem furti falso insimulari. Memine-
ris præterea in igne tractando ut sum-
mam omnes adhibeant custodiam, &
semper ante deferatur, & ut hostis atro-
cissimus tractetur. Quippe nulla res; ubi
non opus est, celerius augetur, & in im-
mensum: ubi illius opera uti necessa-
rium est, frequentius extinguitur. In cæ-
teris autem, à vino atque lignis, omnia
sub clavibus, & quanto paucioribus ac
firmioribus (quæ eximi nequeant, si quis
vel paululum aberrer, nisi certa, & oc-
cultâ ratione) concludantur. Sicut ex **A**
cubiculum **B** aperiatur, ex **B** in **C** penu:
D solum

224 HIERON. CARDANI
D solum intus. Claves quæ bis aut ter
circumverti possunt, produnt dolos.

A | B || C D ||

In domesticis quoque rebus habendis
servandus est modus : scilicet ne Lucul-
lum velimus imitari, qui quinque millia
vestium mutuo dedit Pompejo roganti.
Sufficiant pro æstate duæ vestes ; toti-
dem in hieme ; totidem pro mediis tem-
poribus : Eademque ratio servetur in ca-
ligis & thoracibus, & capitis integumen-
tis ; præterquam in linteis, quæ debent
esse multo plures. Nam plures his ve-
stes, exeduntur à tineis, & à pulvere ;
furto obnoxia sunt ; à plicis finduntur ;
perit sumptus : pauciores non sufficiunt.
Hancque puto fuisse sententiam Gale-
ni. Ne fidejubeto pro aliquo. Gemmae
emendo & vendendo plurimum dece-
dunt è pretio ; præter quatuor : marga-
ritas, smaragdos, adamantes, & carbu-
culos. Causa horum est, quoniam nulla
istarum ad magnitudinem conspicuam
crescit : quumque pulcræ sint, ob id necessa-
rio prætiosæ, ea de causa, quum exiguæ
sint, facile à mulieribus gestari possunt
in digitis, tum etiam à Principibus.
quamobrem, quum usus frequens sit,
venales redduntur ; & quum venales sint,
pre-

pretium retinent. Erano puta, & sapphi-
rus, & chrysolitus, & ejusmodi, quam-
quam raro pulcræ sint, quia tamen in
magnitudinem conspicuam excrescunt,
parvæ non possunt esse pretiosæ, magnæ
commode gestari nequeunt, maxime in
digitis: ob id venales non sunt; & quum
venales non sint, pretium retinere ne-
queunt. Quamobrem caro emuntur, vi-
li venduntur. Sapphirus tamen, & bala-
sius, quoniam non adeo excrescunt, pro
monilibus in usu sunt: ideo pretiosæ;
sed tamen plus medietate decedunt è
summa: quum reliquæ quatuor paulo
plus auro amittant, scilicet quinta par-
te. Verumtamen omnium minime ja-
cturam fert margarita & carbunculus:
margarita quidem, quoniam plures in
usu sunt simul in collaribus pro mulieri-
bus; & ornando capite, & vestibus; tum
vero singulis in monilibus & in auribus
utuntur; & in vestibus reges; & aulici,
& reges imitantes: carbunculus ob pulchri-
tudinem & duritiem: quum smaragdo
durities desit; adamanti pulcritudo, si
ad carbunculum comparetur. Adamas
etiam sæpe ad magnitudinem nucis ex-
crescit. Carbunculus verus, quod sciam,
numquam visus est, quamquam de Fa-
lis, &c. [Indis] multa fabulentur, Ob
d pretium manet carbunculo & marga-
ritæ

126 HIERON. CARDANI
ritæ pæne immotum; proxime smarag-
do, & adamanti. Fragilium autem va-
forum & statuarum usum Principibus
relinquamus.

De reliquorum autem omnium con-
servatione non ita agendum est, quasi
rem rusticam tractemus; sed ut per capi-
ta & methodo non vulgari eam osten-
damus ita breviter, ut nihil possit dici ab-
solutius. Res ergo quæ servantur, sunt
sex generum: Cibi, potus, vestes, orna-
menta, plantæ & animalia. Quæ cor-
rumpuntur, sunt tria elementa, & qua-
litates (calidum & humidum præcipue;
frigidū etiam immodicum quoniam ge-
lu omnia corrumpit, & his omnibus
quæ non sua natura corrumpuntur, no-
xium est: ut oleo maxime, & aceto, &
melli: hæc enim calido gaudent, quia
putrescere non possunt:) & vasa, & mo-
tus: atque talia. Sed animalia generan-
tur partim à qualitatibus, velut calido &
humido. Commune omnibus est mun-
dities à pulvere, ab illuvie, à sordibus,
& ab udo. Vnde jam excluduntur per
hæc pulvis & aqua. Animalia igitur, præ-
ter munditiem summam (quam dixi
omnibus quæ conservari postulant, esse
communem) gaudent cibo, potuque bo-
no, & moderato, aere libero, sole, &
exercitatione. Frigus moderatum etiam

con-

confert: velut & siccitas. Dixi, calidum paucis, humidum nullis convenire. Propterea & testudines & paguri & limaces, & ranæ fictilibus & farina impinguari solent, & cancri & ranæ puris aquis; cibo autem eodem. Equi tamen, & boves calido præsepi gaudent: quoniam quod exerceri debet multum, aut impinguari, calido loco indiget, non frigido. At plantæ à frigido immodico arceri debent, alię condi, aliæ paleæ, & fœno, manipulis alligatis, ab imo autem stercore circumdari. Omnium [plantarum] ferme vita constat aqua & fimo; nocte tamen rore; die, sole; omni tempore aura gaudent: sed fimo unicuique proprius. Mundities in illis est, refecare quod putret, verno tempore, quum germinare volunt. Ob id loca aprica, & ad meridiem ac orientem posita amant; utque imbre foveantur, naturale enim est earum alimentum: quo etiam pisces gaudent, & homines etiam: quum nullus salubrior sit potus. Ornamenta vero, ut picturæ, maxime à sole atque udo læduntur. Gaudent libero aere: sed velantur, ob pulverem, quo nihil est nocentius; ut etiam apertis, ac vestibis: unde excuti [debet pulvis] virgis tenuibus à vestibis ac pelibus: [quæ] inde condi arcis conclusis debent, cum absinthio siccato in furno; sed in

sed in arcula posito, aut pyxide; nam in pulverem si transeat, & ipse autor est corrumpendi illas: loco autem frigidissimo siccissimoque, ut tutæ sint omnino ab injuria teredinum, quæ maxima est. At picturæ si illitæ sint atramento tenui atque optimo, ab omni injuriâ aeris tutæ sunt, sed etiam pulveris, modo cura adhibeatur. hodie id vdi genus vernicem appellant. Sed ciborum potuumque multiplex corruptionis autor motus (omitto nunc communia, udum, & pulverem, & solem, &, si fructus sint, contactum, quia humido alieno corrumpuntur, torpore exeduntur, consortio incalescunt:) reliquorum vas & aer causa putredinis est. Ob id vas quidem corrumpit quæ continentur; illa vero ab aere corrupta, vicissim vas corrumpunt: alia autem aerem vitiant; & aer etiam vas corrumpit. Aer igitur ex toto arcetur, aut immobilis redditur, aut per flatus erigitur. Exemplum capiam ab immutato. Bononiæ quum aer deterior sit, quàm in pluribus aliis urbibus, servant tamen uvas quasi violenta diligentia siccas, & sanas; & nondum perfecte maturas appendunt filo in cubiculo frigido siccoque, huic operi dedicato, undique concluso, ut nè rimula fatiscat. Eam singulis quatuor diebus cum candela accensa invisunt; singula-

gulæque grana explorant; & quæ minimum marcoris contraxerint (alia non tangentes) forficula leniter præcidunt. servant illam immaculatam & optimam; ferme ad æstatem usque; frequens est, magna cum admiratione omnium advenarum. Aliud: In Umbria proximisque regionibus condunt triticum in cameris sub terra, loco siccissimo, obstruentes ita, ut ne novus aer penetrare possit. Vincitur ille à vapore tritici: unde etiam tum eo imbutus, tum propria immobilitate corruptus, enecat homines, si eis apertis statim ingrediantur. Ob id illi, apertis [cameris] tribus aut quatuor diebus sinunt perflari locum, donec lumen inductum non extinguatur. At sub terra etiam vinum & aqua optime servatur, licet humido loco: quoniam ipsa humescere nequeunt, & ob id nec corrumpi; sed solum à calore vel minimo: à frigore autem, ut dixi, non nisi maximo. Dolia itaq; servantur bifariam: vel purgata ab omni sorditie, & siccata, & conclusa superius; aperto autem ostio, ut omnino, tamquam nova, nihil pati possint, neque ab humore, quum munda sint; neque ab aere, quum liber sit: ostium enim quam maxime patet. Alia via tutior est, ne quid residui, & melior, quum nō siccantur vasa, quum

I odo-

odorem corrupti ligni ob id induant. Sed
 optimum [aerem] conservant ex optimo
 vino intus servato, aut aceto, concluso
 vase & immoto: à quo enim corrumpere-
 retur? nam aer inficitur à vino; vinū na-
 tura incorruptum servat aerem; & vas
 servatur ab utroque; & rursus vinum à
 vase & aere, tum etiam aer ab ipso vase.
 At motus, quum non est continuus, cor-
 rumpit vinum, quia aerem novum indu-
 cit, qui ipsum debilitat. Ob id nec vinum
 transmutare convenit, nisi quum ex mu-
 sto transit in vinum defecandi illud cau-
 sa. Aliter aut plena vasa esse oportet, &
 immota, & conclusa; aut paucum & exi-
 guum, atque conclusum & immotum;
 aut quotidie hauriendum. Acetum au-
 tem, ut dixi, servat etiam magis vasa;
 sed sapore suo & odore illa imbuunt. A-
 qua autem in cisterna servatur, & in va-
 se aquæ fluviorum pleræque, & pluvia.
 Sed cocta tutius servatur, & melior est:
 ut contra, gelu semel concreta, in poste-
 rum, nisi & ipsa coquatur, mala est. Hor-
 reis vero valde altis, & ad septentrionem
 expositis, aut ad aquilonem, qui medius
 est inter orientem & septentrionem, ser-
 vantur segetes & legumina, & fructus.
 Carnes autem salitæ humidior loco po-
 tius, quam tam excelso, contineri de-
 bent: quia cum sale humidi multum ha-
 bent,

ARCANA PRVD. CIVIL. 131
bent, quo suaves sunt: id si sicceretur, vel
cariem contrahunt, vel insuaves (sublata
parte pingui) evadunt. Debent enim ea-
tenus ficcari carnes, ut aqueum totum
humidum, & quicquid ex sanguine su-
pereft, & incocta pars omnis absuma-
tur: aliter aut putrefcit, aut vermes gi-
gnit, aut rancida evadit. totum autem id
quod pingue & concoctum est, & inte-
grum atque incolume, fervetur. Sed ut
ad horreum redeam, non ad boream
spectet, quamvis frigidus fit; is enim
ventus orientalis est, quam decet: mul-
to minus ad alias cæli regiones, aut ven-
tos, nisi quæ inter septentrionem & a-
quilonem positæ sunt. Parietes amurca
mixta luto illinendi sunt, & olivæ aut
oleastri sarmentis uestis: nam curculio-
nes hæc prohibent: neque si infestent
frumentum, movere [illud] debemus:
nam immoto intra palmum subsistunt,
ait Columella. Creditum est, sulphur,
& origanum & conyzon omnibus his
fœdis animalculis inimica esse. Poma
omnia palea substrata fervantur. Dico
quæ mala vocantur, & cotonea, pyra,
forba, mespila, tricocca: sed Panica pe-
culiarem quandam diligentiam, non so-
lum quia facilius corrumpantur, sed ob
nobiletatem, exposcunt. Itaque in fru-
mento sepeliri solent; seu quod illo omnis

132 . HIERON. CARDANI
injuria aeris arceatur; seu quod sic melius refrigerentur; aut quoniam frumentum, attracto humore ad se, illa siccet. Fructus passi, ut uva passæ, Creticæ, Illyricæ, & quæ sine acinis, tum ficus compressæ & astrictæ, loco frigido mediocriter humido in vasis vix senescant.


Ex principalibus autem præceptis etiam Aristotelis est, ut ubi fidi ministri sunt, & prudentes, distributioque recta, ut quæcunque servari possunt, annuatim & tempore quæque suo coemantur: at vero ubi aliquid illorum desit, nimis malum est, minutim omnia emere. Ut emere discas, quod alias dixi, pro norma tibi propone illos qui magno incommodo id tamen bene agunt. Velut Iudæos, qui invisi omnibus, & à magistratuum tutela alieni, coguntur emere vinum, frumentum, ligna, quum nil permittatur habere ex redditibus. Pecunias exiges solus extra domum, ne tui resciscant: quia minutim colligendo soli domestici possunt noscere opes tuas, & ab his etiam in alios fama vulgatur. At si magna sit summa pecuniarum, melius est ut secrete ad te in domum deferantur, & in cubiculo recipias: nec condas antequam discesserint: sed eis abeuntibus, finge aliquem ad alium quempiam mittere, cui pecuniam numeres: post statim condas; atque
hoc

hoc maxime, si inquilinus sis, aut sine se-
cura familia. Fœnum & paleas ac talia
constringe valde, ut sint tuta ab ignibus.

In curatione etiam sumptuum quo-
ridianorum oportet præficere aliquem,
qui mensæ reliquiis colligendis intentus
sit: quod etiam in usu est apud Princi-
pum œconomos: sed (ad sordidi do-
mini infamiam evitandam) ita, ut fures
solum & helluones, ac eversores men-
sæ deprehendas. Quod si quis eam cu-
ram refuter, non frugi familiarem esse
scito. Summa præterea diligentia adhi-
benda est in servandis clavibus, & scri-
pturis. Claves & plures sint, & confor-
mes usu: at quæ non nobis sæpius sunt
necessariæ, vel etiam sub quibus pretio-
siora continentur, sub aliis [clavibus]
debent servari. In scriptis omnia servan-
da, etiam inutilia; modo periculo careant:
unde bifariam peccatur: solum ex inuti-
libus, epistolæ incognitorum virorum,
quæ nihil continent, etiam si petant im-
pudenter, usui esse possunt. Ad vitan-
dam autem confusionem, quatuor arcis
opus est, præsentium, præteritorum, sa-
lutationum, & inutilium.

Tutela in cognitione, ut dixi, aut
difficultate. Hæc in ignorantia,, ordine,
duritie, tempore. Est quod ambo anaple-
ctatur, antequam detegatur. nam tem-

134 HIERON. CARDANI
 pus omnia revelat: & circa aliam arcam
 negociaris: quæ magnis laboribus ubi
 patuerit, rursus claudi non possit. quod
 hac ratione constat. Tabula *ab* habet in-
 ferta ferrea additamenta *g* & *h*, præter
 capita *ab* adhiscencia & mucronata; ut
 compressa ab uno latere [*ed*] altero
 [*fe*] ob curvitatē prodeant.



Hæc remitti ob ferrum, quod magis
 extenditur, nequeunt. Aperta igitur re-
 licta, prodit furem. Tempus vero lon-
 gius, periculum affert, ne deprehenda-
 tur: ordinis necessitas errorem affert:
 durities, moram & timorem. Sine fine
 nemo opus aggredi audet.

Pro emtione prædiorum statue maxi-
 mum pretium, &, juxta illud, vigesima
 in redditibus. Velut Bononiæ supposito
 pretio domus communi aureorum cccc,
 pretium maximum libræ cc in singulas
 tornaduras &c: tor. LXXX, pretium xvi:
 detraho MDC pro domo, relinquitur
 xiiii. cccc. Si ergo desit cannabs &c.
 detrahe tertiam; relinquitur ix Dc vi-
 tes

res cum arboribus, pro tertia, cuius vi-
res duas portiones habet, arbores unam;
si defint, ut in incursionibus, detrahe
dimidium; si non fert, totum, ut relin-
quantur VII CC aut IIII DCCC. Hoc
debetur tritico, & satis: cuius sexta pars
debetur mori arboribus: qui si defint,
erit pretium IIII librarum. Eadem
ratione considerabis partes, ut in tritico
sexcuplum, quincuplum erit pro lucro,
quantum accrescat aut minuat &c. Et
ita de arboribus atque vitibus. Vix enim
fieri potest, ut omnino nudum sit. Iuxta
proportionem igitur unumquodq; com-
puta; inde adde domus pretium, & to-
tum divide per LXXX. Redditus autem
ex vigesima ad vigesimam quintam re-
trahere oportet, ob grandinem, pruinas,
fures, bella, pestem, impensas, casus, ac-
trititus. Pactionum autem modi exem-
plo declarantur. Quidam vendit pradium
æstimationis aureorum MDC, pro MMM:
& ut persuaderet, conducit per novem
annos precio CLXXX: numerat emtor
MCC: residui solvit vigesimam in singulos
annos XC: qui detracti à CLXXX, relin-
quantur XC: quos numerare tenetur em-
tori: sed ille computat in debito MDCCC
residui: Quæritur quanti plus vendide-
rit. In his omnibus, quæ inter duos tra-
ctantur, duo observabis: primum, quod
I 4 lucrum

136 HIERON. CARDANI
 lucrum unius, est alterius jacturae semper
 æquale: secundum, quod debemus ad
 unum reducere, quod manet. Vt hic,
 si venditor prædium retinuiſſet novem
 annis, haberet MDC, & pro redditibus
 DLXXVI, & pro anatocismis vigesima
 reddituum CXIII ferme: qui collecti,
 sunt aurei MMCCXC. Facta permutatione:
 in fine primi anni emptor debebit aureos
 MDCCX: secundi MDCXV: tertii MDXVI:
 quarti MCCCCXII: quinti MCCCIII: sexti
 MCLXXXVIIII: septimi MLXVIII: octa-
 vi DCCCCXLI. Relinquentur ergo perſol-
 vendi in fine noni[anni] aurei DCCCVIII.
 Recepit ab initio MCC anatocismi vigesi-
 mæ DXL: & horum rursus CVIIII. Col-
 lige omnes, habebit venditor MMDCLVI:
 habuiſſet autem tantum MMCCXC. habet
 igitur CCLXVI plus. ſed quia hoc in no-
 vem annis, in quibus ex replicatis ana-
 tocismis C, fiunt CLIIII: dices igitur:
 Si CLIIII redeunt ad C aureos; ad quan-
 tum redibunt CCLXVI? & habebis CCV,
 cum tertia. Et tanti eſt jactura emptoris;
 & tanti plus venditor diſtraxit. Et eſt
 mirabile, quod MCCCC aurei, quibus ab
 initio pluris venditum eſt prædium, re-
 dierint (ob diſcrimē centesima in ſingu-
 los annos, quæ eſt xxx aurei, & in no-
 vem annis CCLXX) ad CCV cum tertia:
 & colligentur aurei MCCCIIII cū beſſe.
 In emen-

In emendo etiam res magni momenti, oportet alios submittere : præcipue si locus absit procul : & scire prius differentias materiæ, compositionis, locorum unde adveniunt, formam, magnitudinem : omniaque non solum diligenter scribere, sed in chirographis pactio- num addere : ne vel decipiaris, vel litem ex re tua facere cogaris : ideoque (ut alias dixi) temporis iacturam pati necesse est ei, qui talia curat.

C A P. XXXIX.

Oeconomica distributio, & præcepta.

VT vero retineas pueros vel adolescen- tes, hos tibi commodos efficere oportet. Id est, ut vel ad sapientiam inflam- mentur (quod optimum est,) aut ad mu- sicam; aut conjuncti causa aut ludi, aut venationis, aut pecuniæ, aut puellæ; talibus enim dominaris : Viros [detine- bis] stipendiis. Omnes spes alit. Pueros (nam viri non nisi petita venia, reliqui- que, discedere solent) quoniam præter verbera, vel si gravius vexentur, aut se- ducti (ut etiam mulieres) aufugiunt, con- tinebis, discessum prævidendo. Sunt enim antea cogitabundi; & sua con- dunt; & verba aliqua cum magis fami- liaribus effutire consueverunt. Vbi de hoc suspicaris, interpone proxeneram

I 5 ex his

ex his quibus magis fedit, (nam fugam numquam utilem esse duxeris) qui odisse te simulando, eum hortetur ad fugam, ac se comitem addat. Deprehensum clamorosa poena, sed non gravi, castiga. Aut enim in posterum non discedet, aut citra infamiam tuam. Sed si veniam antea petit, missionem facito. Si retinere cupis, dilationem injunge. atque interim per proxenetam quæres, quæ causa illum à prima opinione abduxit. Eam muta, & vestibis, [aliisque] voluptatibus promissis, placatum retine. Si nulla re placatur, inconstantia animi in causa est; quam verberibus cohibebis. Quibusdam enim illorum, cerebrum repletur humore; nec aliud norunt, nisi dominos & suos benefactores odisse. At si conscius sit turpis rei tuæ; ut si pro te lenoniam exercuerit; non parum est, ut per ignaviam, levi facto tuo, tuam lædat existimationem: præsertim si jam pollicitus est, apud te se mansurum; si multa accepit; nec injuria illum affecisti. Ergo hunc minis gravissimis, sine ullo blandimento, coerce: statuens illi præfinitum, sed non longum, tempus discedendi. Sunt artes quibusdam: alii simulant iter, Sed insanix est argumentum, levem rem magnis detrimentis mutare velle, aut corrigere. Iucundi pueris sunt collusio-

res,

res, & qui gulæ eorum inserviunt, & qui blandiuntur; quiq; cum illis multos miscent sermones. Scorta ut instituas, non laborabo. ad quid enim, asinum eligere pro cursore? Malorum sunt morum: cur ergo præficere rebus debes? aut quicquam illis fidere? tum maxime, quod (si errent) tuto castigare non possis? Famulorum vaftrum nuper fallendi inventum est, edaces se fingunt, & bibaces: panes duos petunt pro jentaculo, & vini mediam mensuram, utpote libram; carnes vel caseum, tantundem pro ante-cena; pro prandio autem & cena, quinque aut sex panes; vini binas mensuras; carnem & caseum affatim: inde duos post dies, aut tres, non solum non devorant, sed parce edunt; ut quicquid superest, vendant, aut ad meretrices, vel suos, transferant. Nec tantum furantur eo dolo; sed putant id se jure facere posse, quod concessis utantur; & si neges daturum ea, avaritiæ infamiam per compita & fora tibi inurunt, tamquam nolis alere famulos. qui etsi quod porrigitur, absumerent, non essent ferendi; quanto minus tam dolosum hominum genus, ut diripiat? Secunda ergo cena oppones speculatores, tamquam aliud agentes. quos si helluones deprehenderint, vel si omnino potant, amanda: nam præter id, quod

140 HIERON. CARDANI
quod helluant, iners est hoc hominum
genus; vel fures sunt. Finge venisse quem
expectabas; invitum emittere; ob id non
statim. Vel simplicius, ubi contenti non
sunt recta institutione, amanda pauculos
post dies, ne præsentscant. Est autem
recta institutio tricliniorum servilium
diurna, libræ duæ panis, vappæ quatuor:
pro obsonio quadrantes xvii.

In institutione autem omnium, tum
vero præcipue puerorum, insistere oportet,
quod cura domesticorum eadem pene
sit vestium curæ: has enim scopis
mundare, detergere, siccare perpetuo
debet: domesticos exercere, monere, in-
struere, castigare. Maxime vero puero-
rum institutio necessaria est, quod ma-
gis ea indigeant, & melius instituantur;
eosque formare licet minore cum diffi-
cultate: tum maxime etiam ob id, quod
pueri sunt ut vascula inania; quæ nisi bo-
nis succis impleantur, hauriunt pravyos.
Sunt etiam in omnibus (præterquam
gravibus) ministeriis, viris meliores;
quia magis assidui, prompti, diligentes,
obedientes, mundi, minoris sumtus: &
verberari possunt. Diximus autem de
hoc alibi: (in Exhortatoria ad bonas ar-
tes.) Igitur laboribus sensim, & ad pa-
tientiam statim, ac continentiam, sunt
assuefaciendi pueri. Misericors sis, ac
mitis,

mitis, mansuetusque in omnes, tum præcipue in illos; hilaris; blandus quoque in verbis. Præterea summum errorem esse ducas, velle plures duobus, tum pueris, tum adolescentibus in domo habere, absque œconomo prudenti, & fido atque acri viro; quoniam petulantes evadunt; & si eos verberaveris, odio te habebunt. quare, si ab œconomo castigentur; illum, ut ministrum; te, ut qui non verberaveris, non odio habebunt; utrumque autem timebunt. Oportet enim hæc munia, ubi eis opus sit, dividere: quemadmodum & natura & ars facere solet: ut sit quod, & quo agat. Ergo quum plures fuerint, sine pœna cōtineri nequeunt, quod singuli aliorum vitia contrahant; ut non solum intractabiles fiant, sed confusio suboriat. Oportet ergo huiusmodi hominem adesse, & plurimos etiam alios viros. Imperfectum enim à perfecto superari oportet, & ut illi subjiciatur. Si enim perfectum non dominetur, actio non fit; ut etiam in naturalibus.

Domesticorum reliquorum ratio, cūra, institutio, observatio fit pro uniuscujusque generaliter natura. Sunt plura eorum genera: majores, æquales, minores; conjuncti, œconomi, & humiles familiares. Majores dico; parentes, patruos, fratresque natu majores, aut dignitate;

tate; aut qui usui præstantiori sunt, vel ob
lucrum, vel ob diligentiam, aut laborem.
Æquales sunt; fratres & sorores, patrue-
lesque, & huiusmodi; ut etiam collatæ-
nei: velut & senes, qui nobis utiles fue-
runt, ut nutrices, quamquam conditio-
ne humiliores, pro maioribus colendi
sunt. Laudatur præclarum Attici factum:
qui tanta fuit morum suavitate atq; pru-
dentia, ut quum matrem nonagenariam,
cum qua ipse sexaginta septem annis vi-
xerat, extulisset; neque cum illa, neque
cum sorore (quæ Attico æqualis ferme
ætate erat) umquam in gratiam redierit.
Id quibusdam incredibile, aliis arduum
nimis videbitur: sed bene rem confide-
rantibus, neutri recte censent. Nam offi-
cia illorum, ac beneficia (quæ tibi in te-
nera ætate tua tribuerunt) recordans, ani-
mumque erga te benevolum; eorum bre-
vem vitam, quæ eis superest; mortalium
instabilem & mollem structuram, emo-
lumentum iracundiæ atq; dissidii, (quod
nullum est prorsus;) miseraberis illorum
potius statim; erratique libenter veniam
dabis; est eorum iracundiæ cedens, ut
cum tuis in pace degas, omnia facile fe-
res. In cæteris autem ita age, ut unus-
quisque familiarum omnibus aliis apud
te præferri se putet. Id consequeris, si
singulis seorsum ministeria distinguas;
secre-

secretumque aliquod communicaveris: utpote, Quæ præferenda sint, de pecunia, uxoris pudicitia, & inimicis. Pueros autem si omnino mens sit optime institutos habere, & firmos, ac virtute præditos; oportet illos severo & sævo magistro tradere instruendos: qui verberibus, fame, laboribus, continentia summa, asperisque imperiis illos instruat extra domum tuam. Impensa non levis: sed nihil melius est in hoc negotio. sic enim optimos & firmos habebis. Nec sumtus peribit: nam paucioribus ales, & viliori indues: & tamen, ob nitorem, ornati videbuntur. Rogare oportet majores, parentes, dominos: æquales persuadere: & minores, qui non mali sunt, sed errore ducti, aut perturbatione, peccant: at minores non æquales, qui improbitate peccant, si persuadere coneris, peiores efficies; & vilipendent te. Ob id nil melius dilemmate: Si vis ut vir vivere, ut cum viro tecum agam: vel (si puer) ut homo, ut cum homine agam: Si ut bestia, ut cum bestia. At dices, Periclitabuntur. Sed hic etiam periclitabuntur, & te contemnent. Magna securitas ad prohibendum omnia mala domesticorum est, ut dum sunt in domo, non possint claudere ostia. Ideo habeant solum feras, quæ exterius claudantur. Et hic est

est usus Cardinalium & plurimum cautionum: sed hi quandoque vertunt rem in perniciem hospitem; atque etiam auxilium hoc est durius, propter noctem, & morbum, qui supervenire posset.

Maximum autem in institutione præceptum; sed quod vix exequi possis in aliis quam pueris, ad cohibendam eorum insolentiam, moresque malos & effrenes retundendos, est continentia in victu maxima; præcipue vini, & eduliorum pinguium, & fructuum. Quod facile est videre in nobilium pueris, adeo bene institutis, ob solam victus parvitatem: neque enim ob verbera se continent. Potus enim & cibi copia, præter id quod illos incontinentes & cupiditatibus indulgentes facit, efficit, ut fiant velut equi, qui arrepto freno, quum adulescunt, rapiunt sessorem. Vnde evenit ut tales in juvenia, quum primum metu soluti sunt, & florere deberent, rapti immodicis desideriis, exitium sibi parent. Neque enim umquam juvenem continentem in victu, perire, nisi casu quopiam, vidi. Quinimo tales, si ab initio in cæteris bene instituti sint, ad longam senectutem cum gloria pervenire solent. Maximam ergo curam in hoc adhibere convenit: ut, si dicto non sint audientes, quamquam etiam alioqui magna virtute prædi-

præditi sint, non concipias de illis spem.

Porro ut flagitia, & maxime furta, explores; (vide & supra cap. 37.) primum tentabis iuramento terribili exhibito, ut intra annum qui pejeraverit, pereat. Tum super pectus signo posito, dum statim allevas, cordis palpitationem cognosces in conscio. Ergo si proponas pœnitentiæ diei spatium, facile fiet, ut clam obmetum reponant. Alias in libris De sapientia modum prodidi, quo autores semet ipsos detegunt. Sed nulla tutior via, quam ut dissimulata re, paulo post omnia quasi acervatim in cubiculo colloques; sic ut tumultuarie posita videantur, tum etiam, quasi oblitus, marsupium (curiosius tamen reconditum, occultatumque) relinques. Inde singulos, diversis ex causis, atque unum post alium sic mites in cubiculum, ut semper explores, an qui ivit sustulerit aliquid, aut loco moverit. Plurimum tamen negotiosis (ut mihi) semper profuere claves ad vitanda detrimenta magna; tum maxime duorum generum: hæ scilicet quæ eximi nequeunt & mutari &c. de quibus supra diximus. Quum vero frustra quærimus furem, tantis agendum est tamque gravibus adnadversionibus, ut fures pœniteat facti; nec eo incitentur, sed pœna potius deterreantur. Quum domestici

K later-

laternam heri sustulissent, pejerassentque magno periculo; omnes qui in suspicionem cadere potuerunt, stipendio, vestitu, verberibusque sic multavi, ut receperim; detecto etiam furti autore. In dolis autem (ut alias dixi) repetita distributione aut narratione deteguntur. Quum vero furtum vile est, nec detegitur, dissimulare oportet. nam & facilius dissimulando invenies autorem; & detegendo audaciam aliis adderes ad furandum, etiamsi fures natura non sint. Secus, si detexeris, tam acriter instandum, ut dixi, ut potius acerbitate metus & pœnæ deterreantur, quam quod lateat, incitetur. Propterea quod optimum est in huiusmodi casibus, sed incomparabilis industriæ, est ut quæras, & experiaris, & non detegas. Indicium autem conscientiae est hæsitantia in repentina interrogatione. Vt vero illos explores, (maxime pueros, mulieres, adolescentes,) sortem mitte suo tempore, ne huius [furti] causa factum videatur, ut incidant tristitia læta. Nam contumaces & duros videbis irridentes; melancholicos irasci, timere, gaudere tamquam de re præsentem; prudentes, tacere; simplices multa interrogare; voluptatibus, deditos, parum curare; fures & dolosos, suspensos paulisper se continere, inde ridere.

ARCANA PRVD. CIVIL. 147
dere. Aliter hoc exprimentum facere
nec admittere non decet: nam improbi
fiunt audaciores, aut cautiores; timidi
ferme fiunt insani, ob metus inanes, &
nimias spes. Pecunias ne tracta occupa-
tus; neque quum tempus urget ad aliud
negotium: sed exime eodem sub nume-
ro, ut deprehendes furtum. Variando
enim bifariam contingit decipi; & ut
credas frustra te deceptum; & ut deci-
piaris, nec deprehendas. Sed si vicinus
fur sit, & domesticos tuos sollicitet, mala
merx est. Corrumper enim perpetuo
domesticos tuos. Neque enim quispiam
sponte à flagitio lucroso discedit. Ob id
jure agere expedit; aut tuos domesticos
cum illius domesticis, & cum ipsis, com-
mittere: adeo ut semper odiis execrabi-
libus disjuncti sint. Si pauperes ad tuos
veniunt non certa necessitate, furtum, &
domesticos tuos fures esse, declarant.
Nam quum vel precario, vel dandi, vel
accipiendi causa necessario veniant; pau-
peres autem nec precario, nec dandi
causa veniant; reliquum est, ut accipien-
di. A quibus autem sine consensu tuo
accepturi, (oportet enim esse qui dent)
eos necessarium est fures esse: maxime
tum opus est diligentia, quum lex est, &
domesticus fur, cujus fidei credita res
est, (stulta sane & stultior ratio &c.) ca-

K 2

pitali

pitali pœnæ obnoxius non sit. Indignant-
 tes ob iram tuam, maxime pacabis simu-
 lata amissione rei, tamquam furto subre-
 pta, inde inventa; & multa circa hoc lo-
 quere: nam gaudent simul exemptam su-
 spicionem; & merito quasi irato, veniam
 ultro dant. Memineris autem, quum so-
 lus es, seu nummatus sis, seu alienigena-
 rum familiam habens, semper una clave
 aperta, alias concludere; imitatus carce-
 ris custodes. Ita etiam solus thesauros
 tuos tractabis, & occulte, nedum nemi-
 ne præsentē: Vt bonum sit habere ge-
 minata ostia, ne exaudiri strepitus [num-
 morum &c.] possit. Nec confidas, quod
 pauca habeas. Nam multi existimabunt
 multa esse: & quibusdam pauca satis esse
 videntur. Vnde plures videas spoliari
 mulierculas, & pæne mendicos jacere ju-
 gulos in via, quam divites.

Vt vero incommodos domesticos
 corrigas, aut ableges, huiusmodi ratione
 uteris: Primum, cavendo ne quemquam
 alas inutilem: Dico contumaces, infi-
 dos, inertes, nugaces, seditiosos, stultos,
 vel qui te oderint, aut bonis tuis invi-
 deant. Statim, quandocunque talem esse
 prehenderis, sumta occasione, per
 œconomum, paucis donatum amanda:
 nisi graviter deliquerit. Tunc enim acer-
 be per illum increpitum, minis etiam ad-
 ditis,

ditis, potrudes è domo. Secus, plenum spe dimitte. Maxime juvat, si pro mulione cocum; pro cubiculario musicum quærere te fingas: nam non frugi homines nihil moratus, è domo ablegabis, antequam te gravius offendant; & consuetudine absentiam molestiorem ducas, aut intima cognoscant: ob quæ, qui solertes sunt, improbitatem diutius tégunt. Quod si quis talium, studio suo, aut ignorantia tua [socrordiave,] arcanorum tuorum factus sit particeps; (etenim

Scire volunt secreta domus, atque inde timeri:)

tunc illum extra regionem, aut saltem extra urbem ablegabis amice quantum potes, & monitum ut fileat. Neque laudabis eum plurimum, ne testimonio tuo facias ut quis de te merito queratur: nec maledices prorsus; ne pœnam reddat talionis, & uberem. Quod si nulla læsus injuria, arcana tua non desinat effutire, per potentem virum illum quibus potes modis exagita; tum magis, si in urbe sit, contumeliis, minis, injuriis, litibus fictis, insidiis, ac terroribus, inimicos illi conciliabis, ut sui tantum meminerit. Quod si nec sic quieverit, sumito personas, quæ illum aliam in regionem, numerata pecunia, & majore spe evehant. Et, si nec id efficere queas, sub-

K ; mitte

130 HIERON. CARDANI
mitte exploratores, qui odorentur cujas
sit, quibus parentibus ortus; quæ in vita
egerit, quæ illi acciderint, quib⁹ sit nota-
tus suspicionibus. Vix enim fieri potest,
ut in tam improbo viro multa non oc-
currant, per quæ illum possis evertere.
Nam quæres etiam qui fuerint illi inimi-
ci, aut æmuli; quæ conditio: crimina
quoque, etiam conjunctorum, aut ma-
jorum. Vix quisquam in tanta segete im-
munis esse potest: quanto minus impro-
bus, & in quo suspensiones etiam leves
pro criminibus habentur? Quibus para-
tis, molibus omnibus eum aggredere; ut
exemplo sit aliis, perfidiam erga te nulli
utilem aut tutam esse posse. Ita illius
contumaciam & improbitatem, eo etiam
everso, comprimes & franges. At si pue-
ri sint qui peccent, animoque malo, gra-
viter & raro; inertes, sæpe & acriter ver-
berandi. Non castigare illos, est sibi do-
minos comparare; sæpe graviterque, cru-
delis est viri, & improbi. Viros stultum
est contumeliis; stultissimum verberibus
afficere. servos esse oporteret. ergo ad-
mone: si non parent, ut dixi, amanda.
Quæ ratio in mulieribus etiam servanda
est. Oportet autem injustitiæ quandam
speciem præferre; ut in magnis nonnum-
quam conniveas, & exigua castiges; ma-
xime in pueris, mulieribus, & veteribus
dome-

ARCANA PRVD. CIVIL. 151
domesticis. Nam si magna delicta solum
punias, magnam mediocrium & parvo-
rum segetem congregabunt: si solum
parva, res injusta, & mali exempli; & si
magna & parva, crudelis videberis. Ne
quid ergo securum habeant, magna ple-
raque castigare oportet, exigua nonnul-
la. Ita quum parva plurima sint; magna
valde pauca; si in magnis aliquibus con-
niveas, magis parva quam magna punire
videberis: atque ob id injustum te exi-
stimabunt. Similiter & in Principatu.
Sed animum & causam in utrisque spe-
ctare oportet.

Consilia famulorum & ancillarum ne
recipito, nec quod commemorant faci-
to. Fies enim illis subditus, & non exi-
guo te expones periculo, ne sic te deci-
pian. Iube tamen ut de singulis te ad-
moneant: ut non tum, sed pro occasio-
ne consulas rebus tuis. Omnes autem,
quum plures fuerint, sub œconomo in
operibus retine. Desides non labora ut
emendes. Hoc enim solum vitium in-
victum est, & cum quavis ætate crescit;
quod in defectu & privatione consistat.
Quod maximum est in similibus, est ut
dicas: Ego unum tantum famulum alere
possum; sic duobus opus esset. Si minus
sit obsequens, postquam semel monue-
ris, etiam id adjicere potes: Videris mihi

352 HIERON. CARDANI
causam discedendi quærere. Acerbitate
verborum ne utaris, nisi quum peccave-
rint: tunc enim viros vultu minabundo
terrere; pueros placide flagris cedere; du-
riores fame, laboribus, vinculis, frigore
(sed absque periculo) domare oportet.
In recipiendis autem novis [famulis,]
cavendum est maxime his qui optimos
domesticos habent. Trifariam enim pe-
riculum incurritur: ne vitiis suis &
exemplo illos corrumpant; & ne dum
æquare aut superare eos gratia conantur,
(tum ob naturalem instinctum, tum ob
improbiteriam,) summa ope nitantur, ut
quos virtute propria præcedere despe-
rant, eos jam deteriores factos superent;
aut ne eos calumniis detrudant, vel te
persuaso, vel illis injuria irritatis. Atque
hoc periculum longe minus est, quum tui
non optimi fuerint.

In castigandis autem adolescentium
erroribus non ad parentes aut fratres
confugiendum: auctoritatem enim [tuam]
minuis, & odiosum te ipsis reddis, quod
in his qui simul vivere debent, valde
absurdum est; maxime ob insidias. Er-
go quasi ira victo excandescere licet co-
ram domesticis. Brevis autem sit oratio,
quæ plus contineat minarum, aut aucto-
ritatem retineat. Seorsum autem mone-
re oportet, non quod erraverit, sed
quid

quid agendum; ratione non addita, ne vilescat imperium: illum vero factis castigare; minuendo libertatem, inhibendo etiam quæ jucunda sunt; vultum tristem præferendo. Licet & paucis admonere de fine: velut, An eligat servum esse an imperare? inopem an divitem? contemptum, an honoratum? atque hanc esse viam: Patri hæc aut conjunctis significaturum; dimissurumque, &c, atque id si præster. Tum vero ut vitia prorsus e domo elimines, exemplum regis Iehu imitare (2 Regum:) qui quum vellet idololatriam ex Iudæorum gente penitus extirpare, quæ sæpius extincta repullulaverat, finxit se idolorum cultui addictum. tum emerfere qui latebant. quos ut cognovit, extinxit; liberavitque populum. Aliud: Quum ad laborem aut periculum hortamur, strenui est, & sapientis, etiam ducis, vel patrisfamilias, inchoare rem. Ut qui primam sportam in effodiendo Isthmo detulit. Qui vero non sponte sequuntur, eos ut omnino inutiles ulcisci oportet. Magnum enim hoc est incitamentum. Ita & in domo præstantiores habeat, qui ejus domi initiis præfint. Quum vero dimiserit aliquem œconomus, curet ut cuncta prius referat; nec numeret mercedis residuum, nisi ipso momento quo discessurus est; ut tutus sis,

K 5

ne ali-

154 HIERON. CARDANI
ne aliquid subducatur. Nec spem rursus re-
cipiendi exime prorsus.

Pueros ne magna conditione accipias.
ubi enim creverint, majora cogitabunt;
negotiumque aperte vel occulte tibi fa-
cessent, & suam conditionem virili ma-
jorem (quum inutilis sit) mirabuntur;
ac si quis turdum emeret mille corona-
tis, seu dolum suspicentur, omnia au-
debunt, injuriisque ac dolis te petent: ut,
etiamsi dissumulent, cogaris eorum ar-
bitrio vivere. Non ergo ultra victum da-
bis multo plus aureo in singulos menses:
nec deerunt commoda sic: & [manebis]
absque suspicione atque jactura. Licet &
addere pollicitis: & erunt illis gratiora,
& minoris sumtus.

Ut vero suspectum explores, præter
alia magnetem cervicali suppone: javat
autem, si viderit ducentem remum quo
velis: id si per alium noverit, auferet.
Neque enim verisimile est, tantum posse
ut efficiat imagines [magnes;] & si vide-
rit, ut loquatur: & si etiam narraret, ut
&c. ea quæ quæris.

Memento, quum plura supra docue-
rim (cap. 37 & 38) ad tutelam nil me-
lius esse, quam cognitionem. Ideo &
primo modo & tertio uteris: sed ita, ut
extra domum, quicquid perire nolis, tra-
ducas. Cognitum omnino ejice: nam
etsi

etsi tutissime cuncta clausuris, septem
semper supersunt: vis, & securis, vene-
num, diurna furta, dolus, stupra, corru-
ptio familiæ, accusatio in iudicio, quum
nullum innocentia præmium proposi-
tum sit. Non inutilis tamen est tutela
etiam sola his qui multas opes habent,
velut trapezitis: & ob proprios malos;
quos non tam facile ejicere licet; uxo-
rem præcipue; inde parentem, filium
etiam, fratrem, conjunctum quoque, &
cum quo diu convixeris: deinde etiam
generaliter propter omnes; donec in con-
jecturam unius è septem modis reliquis
perveneris.

CAP. XL.

*Societas & conversatio: & de offi-
cio & pietate.*

POST hæc de societate, tamquam
omnia complectente, dicamus. Ve-
rum neque quomodo paretur, aut ser-
vetur, aut ea utamur, locus est dicendi,
sed ubi de amicis sermonem habebimus:
hic autem solum quales [focios] eligere
oporteat, docebimus. Oportet ergo si-
miles eligere, quantum fieri potest: non
solum quod, ut dici solet, dissimilium
non diuturna societas: vel quod vel il-
los, vel te ipsum aberrare in iudicio, si
dissimiles sitis, necessarium sit: Sed hoc
semper

semper fieri non potest. Nam senex si senibus tantum utatur, quantum consilio pollebit, tantum opere & actionibus, & in aggrediendo deficiet. Verum in huiusmodi casibus, per media jungere debemus dissita valde. Equidem si senex opulentus & eruditus, juvenibus stolidis ac pauperibus utatur; si clientibus, irridebitur ab illis; si familiaribus, in perpetua erit molestia. Neque enim parebunt illi, atque multis eum etiam afficient incommodis. Porro in similitudine primas partes ætas sibi vindicat: post mores: inde studia: demum opes. Senes bene pueris ob id sociantur: imbelles enim propter ætatem utrique: sed ambo contemnentur. Meliores sunt, minus senes; ubi autoritate domini ab aliis vernerentur. Ut vero dissimilium, periculosa est & gravis societas; tum maxime, si repentina sit, nec bene cognita. Divitum enim & adolescentum & insolentium (quos nec metus nec pudor aliquis coercet) molestissima & intoleranda. Ceteris autem sæpe explorator pro socio colitur: quod quam malum sit, præsertim afflictis, vel laborantibus inimicitia, vel iis qui extra patriam sunt, non est ut dicam: ad perniciem enim res tendit. Porro ut cum sociis gratiam ineamus, non solum beneficii collatio, sed etiam acceptio

ceptio confert. Natura enim comparatum est, ut quemadmodum & exigimus compensationem, & cui debemus, plura debere volumus, ita etiam, à quo deberi volumus, etiam plura deberi cupimus: sic tamen, ut beneficium sit spontaneum, non coactum; nec injuria, nec ingrato animo sociatum. Tunc enim molestum est, si quicquam patieris. Ceterum quomodo id fiat, quidve in his agendum, suo loco, ubi de amicis agetur, tractabimus. Quum vero in longa conversatione sæpius occurrant viri incogniti, coram quibus quicquam ferri sermonis ferere stultum fuerit; rogare qui sint, non tam inurbanum, quam videatur intempestivum. Si vero ille te agnoscat, sciatque tibi esse ignotum, ferat tamen cum hoc serios sermones, malus est irrisor. Sed cave ne credas illum perperam scire, se tibi ignotum. In universum id ages, si interpellat, ut te subducas, testatus statim rediturum: atque tum per unum è tuis curabis, ut scias quis sit. Malum enim non solū est, sed etiam turpe existimatur, apud hos qui omnibus notos esse se putant, atque [tales] creduntur, te solum eos non noscere: aut enim ambitionem maximam, aut stuporem quemdam, aut summam negligentiam ostendit: quorum primum, ut odiosum te reddit,

158 HIERON. CARDANI
reddit, & (nisi aliqua in parte excellas)
etiam stultitiæ opinionem affert ; ita reliqua contemptum, & ut ejusmodi hominem te existiment, qui nulli usui aut negotio idoneus sis. In sociis autem parandis, eos quærere non oportet : sed ex his quos Fortuna offert, assidua conversatione probatos eligere. Maxima vero difficultas est cum impudentibus, qui petaces sint : nam reliquos aperte ablegabis : hi enim, & dum petunt damnosi, & seu cum illis verferis, seu fugias, ex æquo periculosi. Quapropter omnino illorum cōversationem vitare statim oportet. Quod si se insinuent, tu apud amicum lateas aliquamdiu. Maxima autem vis est in his : de qua re pluribus in locis sermonem habebimus. Nunc adjecisse sufficiat, cavendum esse, ne potentibus affloeris, cum quibus olim similtas intercesserit : Nec stultis ; aut admodum avaris : hi semper damnosi, aut iracundi : (cum his enim periculosissimum est versari :) vel dolosis, ac simulatoribus : inutiles enim semper sunt : neque cum his, quorum mores aut opiniones è regione [cum tuis] pugnant : Neque cum illis, qui quod præcipuum est in te, spernunt. omnino enim ibi nihil utilitatis aut gloriæ, aut denique boni sperare potes. Quod si, præter id, de te maledicant, de-
terio-

teriores longe sunt inimicis; nam eis magis creditur. Cum inimicis, pace reconciliata, omnia in integrum restituuntur: at famam malam de te vulgatam, nec biennio toto redimes. Hoc etiam vile; illud generosum est, exercere inimicitias. Majora autem hæc mala sunt, quod illi fuerint potentiores. Si vero stultorum aut simplicium patrocinium à potentibus tibi injungatur, quos tu quum etiam iuueris & laudaveris, damnum tamen sint allaturi; quamvis multis modis occurri huic incommodo soleat; nil tamen melius existimo excusatione Erasmi mercatoris solertis atque felicis viri. Is enim rogantibus respondere solet, se non esse idoneum: & si centies ille repetat, aut per alia verba hortetur, aut causam quærat, non alio utitur responso, sed in eodem perstat. Præcipua vero quæ in fociis quærantur, sunt probitas, prudentia, excellentia alicujus artis, & efficacia. Omnis societas est velut corpus, quod per se grave est. Propterea ut duo ex his adsint, convenit. Eruditi literarum raro adeo mali sunt, aut imperiti, aut graves. Itaque si duo ex horum contrariis adsint, præcipue literarum imperitia, & improbitas, aut vita scelestæ, omnino eos devitare oportet.

Sunt etiam quidam homines quasi
omino-

ominosi, qui arroganter, ob illorum mansuetudinem, in amicitiam & negotia potentium se insinuarunt. Idem si tecum facere tentent, & cedas; quid turpius aut periculosius, quam improborum, nec amicorum, nec sociorum arbitrio vivere? Si rejicis, cum communi amico, & forsan valde utili, te committunt. Itaque in his perpeti necesse est quædam; & verba pro verbis dare. Est autem infelicitas.

Porro sunt præter hæc duo genera societatum: tutelare, & onerosum. Primum quidem facit ad humiliores, ne à potentioribus opprimantur: utile sane inquilinis, & tenuioris fortunæ viris. Est autem triplex: ab arte; ut fabrorum, aurificum, tonsorum, mercatorum: popolare, ut Romæ tribus: & cultus honesti gratia, quas vocant Scholas, aliæ quidem Academicorum, aliæ religiosæ; in quibus etiam cura pauperum habetur. Vitia sunt in his, & abusus, ut in cæteris bonis: & Academicorum &c. perniciēs bonarum literarum; quoniam imperitis abundant: & qui à Principibus aut Senatu spernerentur, nomen sibi vendicantes, dum falsam doctrinam spargunt, inficiuntque rempublicam hæresibus, & malis consuetudinibus replent; & contemptum bonarum artium & eruditorum pariunt. Et est adulationibus res plena.

Atque

Atque nunc tota Italia referta est hujusmodi lue. Quæ vero specie religionis coit, sed mentitur eam, dolos armat; aliis tempus adimit. Onerosam [autem societatem] quandoque recusare non licet: [hanc igitur] alacriter amplectaris. Minus periculi affert amplecti, & deferere paulatim; quam recusare.

In societate quoque cum amicitia, quam stabilem esse cupis, non id age quod plerique faciunt, ut in Chimæricis fundamentum jacias: sed velut boni chirurgi, & architecti: hi quidem ad solidam terram perveniunt; illi ad carnem vivam; antequam faciant superstructionem. Ita postquam aliquem [honestis officiis &] lenociniis [non] fucatis invitaveris, & continueris, ubi utilem tibi fore existimaveris, ac ad amicitiam aptum, utpote prudentem virum, detege illi causam, spem, modum, finem, labores tuos, ac mores: ut si convenire possis, ansam non relinquas discedendi: si non, recedas quanto citius: sed adeo parce, ne si delusum se existimet, tuis te verbis possit conficere.

Præterea turbam omnem vitare decet omnes quovis modo imbecilles, (præcipue conclusam loco arcto,) & eos qui gravibus laborant inimiciis, & eos qui invidia, & eos qui præsidium secum validum

I.

lidum

162 HIERON. CARDANI
lidum non habent; & togatos omnes, ni-
si ordine in pompa cum sui similibus
procedant: [Vitanda item eis sunt loca,]
ubi ludi fiunt cum armis, aut ignes ja-
ciuntur: vel si seditione laborent cives.

Quæ vero ad officia spectant, à Cice-
rone & Seneca abunde tractata sunt: ut
repetere concise, quæ sufficienter tracta-
ta sunt ab aliis, stultum sit. Solum ea re-
petam quæ ad Christianum pertinent:
hæc enim sola vera philosophia est, reli-
gio nostra. Cujus (tum propter seipsam,
tum propter futuri seculi expectationem,
quod quidem infinitum quum sit, hoc
autem momentaneum) insani prorsus
esset, non habere diligentissimam obser-
vationem. Differt autem hoc ipso solo à
communi officio boni viri, quod ubi
prodesse possimus, auxilium neque ne-
gare, neque dissimulare, nec etiam ultro
non offerre non licet; etiamsi sit vir pes-
simus, ingratus, & inimicus. Ad hoc
ipsum rediguntur omnes difficultates,
quæ propriæ sunt sanctitati. Nec ratio-
ni naturali hac in parte est acquiescen-
dum: sed opus est ut sequamur autorita-
tem sacræ paginæ. Excipere igitur pri-
mum oportet alienam jacturam: ut non
simus in hoc nimium misericordes. Be-
nefacere enim injuste uni, ut malefacia-
mus injuste alteri; nil aliud est, quam
facta

facta compensatione bis injuste facere. Sed & ut non sis [iniquus] iudex : nam scriptum est, Diligite iustitiam. Tertium est, ut oderis improbitatem, & impietatem; non inimicum. Quartum est, ut [si] liceat discedere ab impio: non ei malefeceris, nisi ut te serves. Exempla habemus in Psalmis plura de hoc. Quintum, ut tamdiu sinamus illorum corpora periclitari, ut numquam animæ obliviscamur, ut docet Paulus ad 1. Corinth. cap. 5. Sextum, ut sciamus fidem exigī ad Deum: & ut confidamus illum gratia divina posse præstare; ut in Euangelio Marci, cap. 6. Sic sancti illi non omnes sanabant qui offerebantur (fuisset enim infinitum,) sed in quibus fides & merita constabant. His ipsis si ergo quempiam amicum (gratia exempli) possis sanare, aut monere, aut juvare, non sine periculo tuo, ut ille te non detegat, & res communicetur cum successu, quæ tibi nota soli emolumento erat; si non succedat, ut irridearis; & quum alii eo singulari abutantur, si ipse plenam in te fidem non habet, non teneris. Fides enim si exigebatur in Sanctis, quamvis opus naturale sit, aut civile, non te magis potest prægravare, quam Sanctos, quum solum ex pietate & religione tenearis, licet sine fide possis operari: Si autem plene de te

L 2

confi-

164 HIERON. CARDANI
confidit, teneris: sed tamen quum perfectam possit erga te observare fidem, nullum subis periculum: nam secretum non promulgabit aut deteger.

In sociorum conversatione quædam sunt, quæ solum ad te pertinent; in quibus sufficit ut recte te geras & modeste: alia sunt communia cum aliis; in quibus necesse est præter id ut aliis molestiam non parias. Exemplum habes ejus qui cithara pulsat solus, & qui cum aliis canit; quique solus edit coram aliis, & qui cum aliis sedet in convivio. Porro quod maximum est in officio, est ut scias cui reddere debeas; & cui tenearis, et si non possis, reddere. Tria autem sunt, quæ te obligant: Voluntas, labores, aut incommoda, vel impensa, etiamsi non sponte suscepit; & bona fortuna, quæ ex actione illius subsecuta fit. Secus, si velis videri obligatus, adulatoris est, aut stulti, aut plane deceptoris. Itaque gratiam præter hæc agere non licet, ne irridere videaris. Licet tamen secus officium præstare, non tamquam persolvas acceptum, sed quia probus ille sit, aut dignus cui impertiaris. Vbi dubites an reddas, melius est reddere immerito, quam non reddere merito. In verbo, contrario modo.

Devitare in universum oportet duo genera

ARCANA PRVD. CIVIL. 165
genera hominum: qui celeriter loquuntur, ne quicquam eorum fidei committas: quum enim sic loquuntur, cogitare diu quod volunt, nequeunt: quare ut consilio careant, necesse est. Ergo à bestiis parum differunt: & quanto illas cognitione superant, tanto sunt ob humana vitia nequiores: dico avaritiam, iram, luxuriam, crudelitatem: inconstantia vero pares. Valde etiam magnos [evita;] ne in illos beneficia conferas: sunt enim natura ingrati. Atque huius rei experimentum magis cogniturum, quam ratio evidens. Et scias, quod omnis loquax est deceptor, si ex sententia loquitur; aut stultus si incaute profert. Et ista sunt signa certissima; quæ divisione demonstrari possunt.

C A P. XLI.

Amici.

IN amicorum autem conversatione primum caveas; ne dum laudare illos cupis, quicquam, quod in malam partem trahi possit, dicas. Velut quidam, quum laudare amicum vellet, dixit: Magnificatis hunc. nam etsi eum sui contemnant, vir tamen egregius est. Nam primam partem testatam habuit, quod ab amici ore proficisceretur; secundam quomodo probabit? Multum interest, utrum
L 3 dicas,

166 HIERON. CARDANI
dicas, Hic facere novit, etsi non tam bene dicere: &, si dicas, Bene dicere novit, & melius etiam facere. hoc ad laudem faciet; illo inimicum efficies. Quod si magnanimus sit, tum (ut in aliis omnibus) plurimum juvat beneficia commemorare accepta, offensarum non meminisse. Ut vero illorum animos seu aliorum explores, epistola historiam gestorum tuorum explicabis; unde tibi commodum magnum, aut incommodum evenerit: ex responso autem deprehendes qualis sit. Coram multa pericula incurris. Quare & in epistola, in qua librum dedices illi, & in alia omni publica, ne nimis, vel ne jejune, vel non opportunè, vel ea in re, in qua nollet, laudes, aut irrideri, aut vituperari, aut turpe laudari à te putet. Laudare præterea ut vituperaturum, aliquanto mollius esse constat, quam Biancis illud, *Ama tamquam osurus*. Cave etiam, ne omnino te ostentes, seu verbis, seu diligentiae specie, in amicis adjuvandis. nam, ut plus niteris, forsan minus præstabis. Et, si non successerit res, palam hoc adulatorem aut impotentem te declarabit. Horum altero contemneris, altero eris odiosus. Quod si obtinuerit, videberis aliis (quibus ille se debere etiam plurimum putat) beneficii meritum & amici gratiam erga illos eripere

ARCANA PRVD. CIVIL. 167
eripere velle. At Cicero, inquis, ita faciebat: ut in epistola ad Lentulum. Multum possunt vitia temporum & civitatum: & tum ille omnia posse eloquentia videbatur. Ideo licet his, qui causæ domini sunt: Imo curare debet, ut ille intelligat, hoc fecisse. Magis enim delinqueret, si id non ageret, quam qui quum non possit, nimiam tamen præferre vult diligentiam. Si coram aut publice laudes, memento illius Poetæ:

Tydide, neque me valde laudes, neque vituperes.

& Ciceronis:

Nolo esse laudator, ne videar adulator.

& Euripidis in Hippolyto:

Hoc est quod mortalium bene civitates conditas

Et domus perdit, nimis elaboratæ orationes.

Neque enim auribus jucunda convenit dicere:

Sed ex quo aliquis gloriosus fit.

Hoc ultimum est illud quod nos juvat, & illum. Abest enim ab adulationis suspicione, quum tamen valde placeat. Velut in epistola Archimedis, & Apollonii Pergæi.

De qualitate considerandum est: & præcipue quinam sint apti maxime ad amicitiam. Memoratur servus ille Anrii

L 4

Rectio-

Rectionis, dignior ut ipse nominaretur, non dominus: quum ab illo vinculis constrictus, & stigmatibus in fronte notatus [fuiſſet, tamen] dominum proſcriptum, quem perdere lucrum erat, magno ſuo periculo ſervavit. Quod & in mulieribus viſum eſt: Velut in Antonia; quæ tam diu luctum retinuit. Multa apud Tacitum [ejuſcemodi] adducuntur exempla. Deinde quomodo tam arctam [amicitiam] conſtare poſſis; inter Epicurum & Metrodorum. Et natura quidem eligendi ſunt conſtantes, & melancholici, & qui non facile ab affectibus diſtrahantur. Hos vibebis à pueris uno aut duobus ſociis contentos: atque cum eis aſſidue converſari. Arte quærimus officioſos, patientes, & qui jam amoris igniculos erga nos oſtendunt, ſimiles moribus, benevolos, miſericordes. Plerumque autem molliores animos amor occupare ſolet, ut in mulieribus, & adoleſcentibus, & lenibus moribus. Plurimum etiam poteſt aſſidua conſuetudo, & longitudo temporis, ut experientia docet. Avari vero neminem amant: cum his tamen quandoque firmam licet contrahere ſocietatem, utilitatis cauſa. quanto vero minus avari ſunt, eo magis cum eis amicitiam contrahere aliquam licet. Avaro amico nil inutilius ſemper: ſæpe
etiam

ARCANA PRVD. CIVIL. 169
etiam damnosus est [talīs amicus.] ideo
omnino fuge.

C A P. XLII.

Occasio.

PRÆTEREA occasionem in omni-
bus actionibus ac sermone observare
decet. Nihil enim in humanis majus est,
seu propere agendum sit, ubi celeritate
opus est; seu differendum, ubi cunctatio
est necessaria. Et plerumque in actioni-
bus majus est periculum in mora; in
verbis autem, si intempestive. Quum
enim anticipaveris, aut obliviscuntur,
aut vim amittunt verba & preces: quod-
si repetas, gratiam haud habent, & jam
auxilia adversum illa compararūt. Quin,
quod maximum est, non percellunt ani-
mum; in quo spes est omnis seu acro-
amatis seu fabulæ, seu exempli aut ora-
tionis vehementioris, vel artificiosæ.
Sed jam ad singulorum generalium præ-
ceptorum tractationem deveniamus.

C A P. XLIII.

*Quomodo animi & corporis firmi-
tas servetur.*

ET primum doceamus quonam pacto
valetudo firma servari possit tam ani-
mi quam corporis. Videntur tria necessa-
ria nobis: Vita, usus, & ut non impedian-

170 HIERON. CARDANI
tur excrementa. Vfus vitæ est maxime
in externis sensibus atque internis. Ob
hæc igitur tria custodire oportet: oculo-
los, aures, cerebrum. Impedimenta ex-
cretionis maxime circa vesicam fiunt,
propter urinas. Vnde lapis, scabies & si-
milis, per quæ flagrat mictus, aut impe-
ditur, aut supprimitur, quod est mors.
Vitæ instrumenta tria rursus: Dentes,
ventriculus, jecur. Omnia igitur septem.
Servantur quinque rationibus: Somno
prolixo, in strato non calido, sed velut
eserico, vel fronde: Evacuatione ex-
crementorum: Exercitatione tum gene-
rali, tum unicuique horum membrorum
propria: Victu: & Aëre. Aër si pravus
sit, cubiculum ac triclinium emendan-
tur igne, & his quæ odorem reddunt
maximum & jucundum inter quæ Bel-
zoi, seu dulcis assa, & styrax, & si quid
aliud [tale.] Hujusmodi ergo in pluribus
vasis apertis cubiculo incluso habere o-
portet. Etenim & hoc accedit ex philoso-
phiæ naturalis scientia, ut intelligamus,
quum odor & per vapores & speciem
multiplicetur, & contenta in aere, &
substantiam emendari. Sed & flantibus
validis & frigidis ventis aperire sæpe,
imo etiam singulo die, semel saltem, cu-
biculi fenestras: & exercere se in libero
aere. Demonstratum enim est in libro
De ve-

ARCANA PRVD. CIVIL. 171

De venenis, aerem etiam pestilentem (modo non flet ventus) in dimidio horæ, vel hora, aut duabus nullam impressionem facere ejus qualitatis qua inficitur: adeo exigua est, & insensibilis. Viæus vero parcus, simplex; è rebus bonis, bene mandendo, & si duri sint cibi, diu coctis: (multum enim refert diuturna coctio, si cibus sit durus, aut malus, aut homo debilis, aut vorax:) & ab exercitatione; Et exercitatio purgatis jam excrementis; itaque ut undique sentiat se vacuum, & cibi appetentem. Deprehensum est autem subtilissima ratione, & experimentis certis, in ediam exactam, esse verum aurum potabile, quo vita omnino sana, usq; ad centesimum ferme annum, deducitur. Vt apparet in Aloysio Cornario: qui nonagesimum octavum agit annum, integra sanitate; & aliis. His vero qui eam normam observare nō possunt, expedit, ut quam paucò vino utantur, ac leni; aqua autem plurima, si bona sit. nam aqua utilissima capiti est: jecori quoque & ventriculo melior, quam vinum; & mentem servat. Utatur uva passa, amygdalis; & (si fert) avellanis: si senex, pistatiis, ovi vitello, ruta, petroselino, absinthio, pane optimo, paucis carnibus assatis; non caseo, nec elixis, nec farina. Utatur melle, & saccharo.

Cibus

172 HIERON. CARDANI
Cibus sit simplex; pisces squamosi, leves,
assati; modicus.

De insidiis vero inimicorum suo loco dicetur. Tertium genus periculi est à propriis. Propterea præterquam filio, & fratri hæredi, non cohabitabis. Mulierem autem hæredem habere, longe periculosius. Multi enim talibus occasionibus inhiant. A casibus ut tutus sis, optimum elige locum in his quæ consue- ta sunt: ut in via, sub fornice; in car- pento, angulum extremum; ut etiam ex- cussus, desiderare non possis. Hujusmodi haud levia sunt.

C A P. XLIV.

*Quot modis homines in officio conti-
neantur: & de beneficiis collo-
candis. Veneratio quid?*

SUB IT post hæc cura continendi ho-
mines in officio: quæ maxima (ut
dixi) esse debet: ut etiam illorum volun-
tatem augeas. Præstant homines officia:
Vi, aut Metu. sed de vi hic loqui propo-
situm non est: Metu in pueris solum uti-
mur: quamquam & in his amorem mi-
scere, peropportunum dixerim. Sponte
autem tribus modis: ut omnes sint quin-
que: Natura, consuetudine, misericor-
dia; spe etiam: Est autem spes, volunta-
tis inconstantis stimulus. Quique spe
fer-

ARCANA PRVD. CIVIL. 173
serviunt, varie officium præstare solent.
Medio modo, qui ratione, aut memo-
ria beneficii, aut verecundia, aut pre-
cibus moventur. Preces enim nonnum-
quam fatigare [solent] homines: præ-
sertim eos qui non tam norunt negare,
quam non præstare. Et composito [mo-
do;] qui optimus est, Veneratioque
vocatur. Constat enim [Veneratio]
amore, timore, pudore. Hunc filii pa-
rentibus; & regibus bonis subditi; tum
vero omnes Deo ac Sacerdotibus præ-
stare solent. Continere autem singulos
oportet, augendo in illis affectus causam:
utpote beneficiis, pro oportunitate, &
frequenter, sed levibus; maxime humi-
les personas. Tribus igitur modis extra
ordinem, totidem ordinariis duobus
violentis.

Circa beneficia ergo collocanda, tum
etiam officia, copiose Seneca libris se-
ptem, Cicero tribus scripsere. Sed nobis
duo hæc præcepta sufficiant: Eum qui
multum potest, in multos conferre de-
bere: qui minus, multos in spe retinere;
& imprudentes maxime; nam qui in-
stultos, convenit ei illud:

*Quid facis Oenone? quid mandas se-
mina arena?*

Verum quidam impudentes petunt: à
quibus, & ob impotentiam, & ob impro-
bita-

174 HIERON. CARDANI
bitatem, non est quod speres quicquam;
&, si denegaveris, tamquam debeas, ma-
ledicendo obsunt. Genus hominum quod
in lingua quæstum posuit; voluntque ti-
meri. Si fallas, eum infestum habes: ideo
infelicis hominis est, occurrere hujus-
modi. Quos devitabis, si artem arte de-
ludas; & non attingas; vel si commode
uti didiceris, aut perterrefeceris. Et tum
magnum malum est; quum sit instru-
mentum quo præclari viri evertuntur, &
asilus delphinorum. Sed si possis effice-
re, ut pœna unius alios deterreat, opti-
mum est.

Specialiter autem, quum maximum
sit in humana vita, bene collocasse bene-
ficia; ideo ingratos cavere oportet, ne in
illos conferantur. Quo modo autem eos
cavere licebit, si non eos cognoverimus?
Sunt ergo ingrati quidam ob ambitio-
nem; præcipue reges; ut Artaxerxes in
Metrodorum, Alexander in Clytum:
parvi sensus, ut dictum est, velut pueri,
mulieres, rustici: invidi, in eos quibus
invident: avari, ubi de pecunia agitur:
perfidi, inconstantes, & consuetudine
vitiati: denique duri, qui beneficia non
sentiunt.

CAP.

H VIVS rei duo sunt capita: digno-
scendi, amicum, inimicum, adula-
toremque animum, sermonem habentis
tecum. Amicorum igitur propria nota
est, formido. Vnde illud:

Res est solliciti plena timoris, amor.

Ideo periculi tui opinionem injicies: vi-
debis quam alacer veniat in auxilium.
Vel, si rem tenere se dicat, alienatus ani-
mo est: aut enim non vult intelligere,
aut tibi fidem non habet: Aut si non
credere se simulat; vel si cogitabundus
manet, nullo effectu deinceps succeden-
te: Et quum verbis eorum quippiam sub-
est, quo nec firma, nec sincera pollici-
tatio reddatur: At si rem conatur, quæ
adhuc in spe est, revellere ex animo: Vel
si non curat quid actum sit, diligentius
intelligere. Et hæc quidem alienati ani-
mi, aut non alienati, indicia sunt. Sed
quantum alienatus sit, aut amet, ex com-
motione illius observabis; præcipue in
periculo. Nam commiserationem in a-
mico quis ignorat esse jucundissimam?
Magna res est, ac pæne divina, animum
hominis internoscere: sed & utilissima,
& ad quam omnibus aliis plures sint ma-
china. Casum miserabilem defleas apud
illum:

illum: si amat; (idque non composita quasi intentione facias;) fieri non potest ut vultus [ejus] non mutetur. Verba sine animi molestia mutari possunt; vultus non potest. Si pecuniæ inopiam ostendas; qui amat, ultro pollicetur; aut habere alium pro te, dicit: si odit, oculos intendit: si amicum simulavit, anticipat, ut non credas illi adesse quo indiges; modo casum adversum, modo graves impensas, aut redditus imminutos, refert. Omnia etiam eo tendunt ab inimico, ut magis ornatum se velit, quam tibi prodesse. Quam mollis erit, & callidus, qui & fallat in calamitatum tuarum relatione, ut non gestu, vultu, actione, si non verbis, se prodatur? In discessu, quum grave malum tuum est. læta frons, etiam si spem magnam injiciat, non boni animi indicium est. Verus enim amicus non solum in calamitate tua, sed in periculo tuo lætam frontem retinere non potest. Cæterum qui mente minus firma præditi sunt, amare possunt, & ridere; quum id persæpe agant, etiam in propriis malis: Sed nunc sermo de sapientibus est. In omnibus denique prudentia opus est: adeo ut aliquibus, velut iracundis, aut nimium cupidis, persæpe nescivisse præstitisset. præsertim quum ambitiosus amicus, aut frigidus, panem (ut

Seneca

Seneca inquit) lapideum, id est, benefici-
cium quasi invitus, & sero tibi præstat.
Stuendum est ergo quod proponas utili-
tatem, & tunc nescire præstat; aut ho-
norem, & tunc scire. Si in electione suf-
fragiorum certus numerus sit necessa-
rius, abesse idem est, quod suffragium in
contrarium ponere: secus, si sententiis
pugnatur: nam absumus aliquando, ne
metu potentioris adversari cogamur: ut
Cicero quum abesset à Senatu, ne ob Cæ-
saris potentiam Pompejanis & optima-
tum, tum Reip. causæ nocere cogere-
tur. At, ut dixi, quum votis solum ac
suffragiis res decernuntur, summum ma-
lorum est in eo, quod causam evertit.
Duobus autem gradibus inferius est, non
adire, quam suffragium adversum pone-
re. primum, quod non præbet causam
erroris: secundum, quod exemplo alios
non movet: quod etsi dum non venit,
ut fidem amico contra te faciat, ejusdem
factionis socios cogat pro te suffragium
mittere in urnam, amici officio fungi-
tur. Quod autem multum facit ad ani-
mum dignoscendum non amici, est: ut
si proponas quæ esse non possunt: ex-
agitant enim hujusmodi illum tum ad-
miracione, tum contemptu: adeo ut laxa-
tis quasi claustris animi, diffuant secreta.
Velut si quis dicat cuipiam, cui mortuus

M sit fra-

sit frater, optimum habens sacerdotium:
 Volotibi tuum suscitare fratrem, atq; illi
 reddere sacerdotium; improvise adortu,
 cogitantque, quæ verba; facile dicturus
 est: Etiam si resurgeret, sacerdotium non
 recuperaremus. Ex quo mens illius erga
 fratrem, & mores. Rursus, & illud maxi-
 me pro familiaribus, historiam confimi-
 lem de alio narra, differasque finem, &
 exitum. Si intentus est, aut iudicem se
 facere vult, crimini obnoxius est: si non
 curat, sed abit, aut sermonem abrumpit,
 nequaquam. Nuper auriga, quem in do-
 mum receperam, studiose audiebat me
 narrantem furtum ancillæ, & quod capta
 esset: iudicium etiam de illa, tamquam
 suspecta, quam jam ream esse constabat,
 ferens; ut non possem ambigere, quin
 fur esset. Haftenus de maioribus rebus,
 & manifestioribus: nunc de minoribus,
 & magis obscuris (neque enim semper
 de vita, de fortunis universis, aut de exi-
 stimatione agitur) dicendum est. Velut
 de quotidianis negotiis; tum maxime
 quum cupias ante periculum hominem
 experiri. Tum ergo rem auge, & lucem:
 ita enim exposita melius videtur. Quid
 est, augere lucem? id est, ut commoveas
 illius animum spe multa, aut jucundita-
 te. Quid est rem augere? ut tuum casum
 augeas: ab omnibus derelictum [te]
 often-

ARCANA PRVD. CIVIL. 17
ostendas. In exigua re occupatum con-
venias : videbis quanti te faciat. Illum ad
sermonem longum provoca : fieri non
potest, quin labatur. Denique si nihil po-
tes hoc modo habere, per amicum tibi,
illi insidiatorem habebis ; aut in pocula.
Quod si non ex illo ; ex filiis, fratribus,
parentibus, uxore, amicis, intimis, ser-
vis, concubinis. Iratum observa, & adi:
optimum commentum est. Alii majus
etiam habent : ad iram consulto provo-
cant : sed hoc in magnis viris periculo-
sum est ; in necessariis inutile. Ergo dili-
gentissime ac minutatim omnia tecum
conferes ; verba, gestus, vultum, actio-
nes : invenies , si odit, si insidiatur, si
contemnit, si fastidit, si gravis sis ei, si
suspectum habeat : aut contra, si amat, si
magni facit, si gratus es illi ; si cupit tibi
benefacere. Et paulatim denique ad un-
guem expendendo singula minutatim,
animum illius, quasi tu intus in illo esses,
introspecies. Non tam difficilis res est,
animi secreta scrutari, quum versari cum
homine potueris : sed aditum, & (ut ita
dicam) ostium invenire, difficile est.
Magis autem cum epistolis animum il-
lius intelliges, quam [coram] verbis quo-
niam illæ manent, hæc disfluunt. Adeo
vero res est illa certa, ut quanto magis
occultare se nitatur, eo magis eum agno-
scas.

feas. Vides quod [nil] difficilius sit notis illis falsis & subditiis: & tamen aliqui homines inveniuntur, qui eas facillime & ad unguem dignoscant ac legant. Ergo ut hac in re locupletibus exemplis utar, vides quid scribat Cicero ad Atticum (Epistolarum lib. 12.) *Hic autem se etiam tribuere multum mihi putat, quod scripserit, optimum consulem. Quis enim jejunius dixit inimicus? Ad cetera vero tibi quemadmodum rescripsit? Tantum rogat de S. C. ut corrigas. Hoc quidem fecisset etiam Ramio, si admonitus esset.* En vides, quod, qui oderunt, jejune non plene, sed aut vitiose, aut dubie, aut admisto aliquo quod laudem eleuet, aut ubi excitare possit invidiam, aut importune, aut in re quæ beato fini aduersetur, laudente. Vnum præterea habes exemplum ibi: *Rescripsi, patrono illi nihil opus esse; quoniam Caesaris, propinqui ejus, omnis potestas esset, viri optimi, & hominis liberalissimi: me tamen ei fauturum.* Habes insuper duas epistolas perpulchras Antonii ad Ciceronem, & Ciceronis ad Antonium, plenas verbis humanioribus [in 14 libro.] Sed in priore verba illa odii adnimaadverte: *Quam ob causam vereor ne absentia mea levior sit apud te. Etrurtus: Quod si duriores te ejus misera & afflicte fortunæ præbes, non contendam ego aduer-*

*adversus te: quamquam videor tueri de-
bere commentarium Caesaris. Hæc ad mi-
nas; priora ad diffidentiam: ut superbiam
in humanis, odium in blandis verbis sub-
esse intelligeres. Quæ vero in fine, one-
rosa sunt hæc: Nihil enim non tua causa
feci. In responsione non minus livoris
latet; ut ab initio ipso quasi exprobrat
Antonio malum animum, qui conspe-
ctum ejus subterfugerit: ut in hoc labo-
ret, declarando Antonium sibi esse inimi-
cum: ex quo lege Naturæ intelligitur,
etiam se Antonio vicissim. Deinde in
causa odiosa laus propria expressa his
verbis: Tum do etiam humanitati & na-
tura mea. Et illud: Interpellantibus enim
his inimicitis, animus tuus mihi magis
patuit, quam domus. Aliquando abstru-
sum expiscamur sensum. Habes & alte-
ram Antonii, adhuc integris rebus, alte-
ram Caesaris [lib: 10.] In quibus mirum
in modum licet se exercere, affectus di-
gnoscedo. Ambitiosior Antonii; sed cum
timore in primis verbis, parum tamen
amicum se illi declarantis, quoniam sen-
sus habet militares: Cæsar non nisi fa-
mam veretur: parum curat illius alioquin
discessum. Alia ibi est Cœlii: is signifi-
cat se amicum. Ita quum tres prope se
consequantur, (una solum Ciceronis ad
Atticum interposita,) prima declarat
M 3 hosti-*

182 HIERON. CARDANI
hostilem animum; secunda neque ami-
cum, neque inimicum, sed suam solum
existimationem tuentem; tertia amicis-
simum. Ita post habes unam Ciceronis
ad Dolabellam, [lib. 14.] in qua sum-
mam Ciceronis ambitionem, & ani-
mum non syncerum, sed temporis oppor-
tunitati que rerum inservientem, non sa-
tis ad propositum, nec prudenti consi-
lio: Aliam Hirtii, parum Bruti & Cassii
rebus faventem, timoremque callide osten-
tantis [lib. 15.] Ut vero exemplum ha-
beas summæ benevolentia, tum efficacis
epistolæ pro alio scriptæ, eam lege, quæ
ad Plancum à Cicerone pro Attico scri-
pta est. Quædam etiam animum circa
cautionem [fluctuantem & incertum]
declarant: velut illa Ciceronis: *Longum-
que illud tempus quum non ero, magis me
moveret, quam hoc exiguum: quod mihi ta-
men nimium longum videtur.* Id est, ma-
gis moveor quod post mortem illius glo-
riæ satisfacere non potero, quam hoc
dum vivo, quod mihi adeo acerbum
est, ut mea causa nullum esse vellem.
Ita vivere vellem, ac nollem: propter
illam, vellem; propter me, ob dolo-
rem, nollem. Sed quia magis amo illam,
quam me, mallem vivere in perpetuo
dolore, quo mortem optarem, quam
non esse. Estque rarum id exemplum, &
accu-

accurate scriptum. Aliud in epistola familiaris prima, in initio; sed rhetoricum est: *Vitam mihi acerbam esse putem.* Est enim dicendi modus, non intentionis animi expressio: Sed illud: *Magno animi dolore discrucior.* Itaque ad personas & mores hæc referenda sunt. Multa in hoc exempla notissimorum virorum, & quorum successus non ignoraveris, legere oportet; ut non solum scientiam rei habeas, sed eam teneas intelligentiam subtilem, quam alii ex usu longo & experientia didicerunt. In negotiationibus autem ipsis, pessimum signum est, tergiversatio, aut procrastinatio: & quum quis quod negare non potest, promittit, sed non definit tempus, aut longum omnino postulat; aut (si instes) breve, sed ludificat te. Neque pessimum est signum alieni animi, quod solum pessimum est, sed quum minus præstare non potest in eo statu causæ; modo non de propria illius pecunia agamus: (nam tunc ad impotentiam referri potest:) at demum quum quod præstare debet ex officio, non alacriter exhibet, hinc colligere potes in aliis quid de suo auxilii sit adjecturus. Sunt autem similes adulator, & fictus amicus: quamquam adulator species sit ficti amici; fictum tamen dicimus amicum, qui non blanditur; nec

nisi ad occasionem se ostentat: cuius duo sunt genera: inimicus sub amici specie; & qui solum amicus non est. Adulatorium quoque est, etiam in pueris, offerre quæ non petas; non præstare quæ velis. Fallacis enim animi indicia sunt. Ita præstare parva & manifesta, & quum reddere possis; non præstare magna, neque quæ nescias, neque quæ recipere non speret. Adulator quoque vino, ira, tempore, alacritate, necessitate incumbente internoscitur.

Affectus quoque animi repentinos, qui maxime ad te pertinent, [observabis:] scilicet iræ, ut caveas; timoris, ut secure aggrediaris, & firmiter insistas; doloris, pœnitentiam significantis; & lætitiæ. Ita dignosces amicum non alio magis quam oculi jucundo aspectu, ut quum pueruli poma intuentur; & simplicitate sermonis: Ut contra, oculus tristis, vel torvum intuens, facies rubra, inæqualis in respondendo mora, sermo concitatus, aut nimis continuus, aut abruptus, aut vehemens, aut brevissimus, aut qui minas redoleat, aut ironiam, iræ sunt signa. Doloris ac pœnitentiæ, mutatio coloris faciei, suspirium; vox non libere erumpens, sed quasi ex suffocato pectore: & si quid antea proposueris, nescis continuare sermonem. Quondaque

VOX AC

vox ac sermo intercipitur: quod etiam magis in timore accidit, & trepidat, & genua [tremunt,] ut cor quod salit, & temporum venæ, & facies mutatur. Invidia & occulti odii, quum in calamitatibus oculo ridenti est, & gloriabundus se ostentat; quum non licet, simulat dolorem. Adulatoris, si eventus ille deleat, gratulatur mirum in modum: per sepe etiam gloriatur: narrat quæ acta sunt, & reminiscitur, etiam si scias. Plurimum autem confert ad animi perturbationes dignoscendas, respicere oculos, faciem, gestus; mores; ac sermones commutare: nam vix constat, & in molestiis non quiescit, citoque discedit: & si in primo congressu torve aut hilare aspicias.

Pro intelligendis autem his quæ scire necesse putas, nec ille dicturus est, vel quia non tam amicus est, vel quia non tanti te facit, aut quoniam periculosum sit referre, vel quia personam publicam gerit, aut durus est natura: interroga de modo, si scire vis, an sit; aut de causa: si modum, tamquam illud jam abunde tibi notum sit. Velut si dicas: Siculorum accusatio hæc an nova est, an illa prior qua premitur? vix tam cautus esse potest, ut non erumpat, Hæc eadem; aut, Alia. Quod si non accusatus sit Verres,

M 5 dicet,

186 HIERON. CARDANI - A
dicet, Non audiui quod Verrem Siculi
accusaverint. Tum maxime, si occupa-
tum negotiis aggressus fueris; nec ab ini-
tio id proponas; sed continuo (quippe
meditato) sermone, in illum incautum
deduxeris.

In eruenda autem veritate ab illis quos
in potestate habes, cogantur ob incer-
tam interrogationem omnia flagitia quæ
perpetrarint, detegere. Quod si primum
in jam notum crimen inciderit, paulu-
lum insistes, tamquam aliud quærens:
Si negando perstet, vexare illum defines.
Sed ubi quæ scis, tegere conatur, alia fa-
tetur, jam cognoscis dolosam esse con-
fessionem. Ideo etsi post duo aut tria
crimina fateatur quod noris, in perqui-
rendo, tamquam alia quædam scias, &
quæras, diu perseverare urgendo potes.
Itaque optimum est omnia detegere, nisi
quod capitale est: nam nihil potest esse
deterius, quam ea confiteri, per quæ
[ipsum] perdas.

In captivis qui non confitentur, sup-
pone tortorem, qui eum (tamquam li-
beratum) convivio excipiat: Dicat, ubi
bene compotaverit, à complice, qui in
suspicionem venit, accepisse pecunias
(numerusque verisimilem addat) ut
mitius ageret. Egisse equidem; multa que
(quæ iudices de more minantur, nec fa-
ciunt.

ciunt tamen) prætermisisse commemo-
ret: coactum tamen etiam fecisse plus
quam vellet. Inde dicat ab amico præ-
ceptum aliquid extra causam; causæ ta-
men adhærens, ut observaret. Vtpote ne
proderet eum à quo accepit, vel qui si-
mul aderat: &c. Opus est autem in hoc
iudicio præstanti, acerrimoque ingenio.
Quo si usus fueris adversus alios, quam
insidiatores vitæ tuæ tuorumve, impius
sis, pœnasque des.

Tertium vero ab ira & vino violen-
tum indicem, scortum esse scito, Memi-
neris per Fulviam pretio corruptam, Ci-
ceronem Catilinam oppressisse.

Sunt autem ingenia quædam adeo in-
stabilia, & inconstantia, qualia, &c. ami-
corum, ut longo tempore vix dignoscan-
tur. Accidit enim eis, quod rebus quæ
velociter moventur, ut non nisi longo
tempore dignosci possint: nec id satis cer-
to, nisi proposito præmio in ea causa,
quæ tibi cordi esse videatur: inde absque
illo si roges, videbis ad amissim, quanti-
te faciant.

C A P. XLVI.

Homines singuli quibus capi soleant.

OPORRET autem singulorum ho-
minum, & juxta sexum, ætates, re-
giones, leges, & propria studia, naturam
confi-

188 HIERON. CARDANI
considerare. Feminae capiuntur blandi-
tiis, lusuibus: amari cupiunt; & spatari
volupe eis est: gravia, seria, literas odio
habent. Pueri eisdem ferme gaudent:
sed sunt magis cupidi aleae, gemmae &c.
ludorum, atque pecuniarum; Senes di-
vitiarum [amatores sunt,] honorum, nu-
garum secreta noscendi: Iuvenes gloriae,
actionum. Haec aetas, & Adolescentium,
maxime ad amores prona est. Potentes
[delectantur] laudibus, delitiis, pecunia,
ultione: Divites & nobiles, gloria, &
opibus. Pauperes & ignobiles, quæstum
tamquam Deum colunt. Milites rapinis,
ut Mercatores lucro, gaudent: atque vo-
tum utrisque unum, male agendi; hi do-
lum versando, illi vim & insolentiam;
quod est improborum munus; ut probor-
um, justitiam tueri. Durissimi, nautae
& caupones, quoniam eorum arbitrio
vivitur; ipsi vero humilis sortis. Cave
tamen, ne ob consuetudinem talium
omnes eisdem moribus præditos neces-
sario esse, existimes.

C A P. XLVII.

*Homines singuli quo modo ad ami-
citiam alliciantur.*

ITA QUAE singulos sic ad amicitiam al-
licies, si sua ut tibi cordi esse existi-
ment, efficere possis; tum etiam quæ sint
illis,

ARCANA PRVD. CIVIL. 189

illis, sic cures, quasi tu te in ipsos trans-
 formes: hoc est vincere, non allicere. Sic
 adolescens senem deliniet, si illi lucrum,
 somnum, quietemque procuret: Senex
 adolescentem devinciet, si quod profun-
 dat, largiatur: amoribus ipsius faveat;
 nec voluptatibus ejus repugnet: quin po-
 tius incontinentiam defendat. Dives pau-
 peri aliquid semper donet, & lucri occa-
 sionem præbeat: Pauper diviti, ut quæ
 cupit, commode explere possit, & quam
 celerrime. Nec generaliter tantum, sed
 unicuique etiam juxta votum [adjumen-
 to esse debes:] Avaro, guloso, libidino-
 so, doloso, studioso, gloriæ cupido, ve-
 natori, ganeoni, aleatori. Multa quoque
 in hujusmodi dissimulare necesse est. Cõ-
 junctionem, quam separare nolis, quor-
 um debilitare, aut vellicare, ne dum sau-
 viare? Quædam vero per singulâ [consi-
 derabis,] juxta naturam vitiorum. Vnde
 naturas etiam secundum munia distin-
 guere oportet. Velut pædagogi avarissi-
 mi sunt, ambitiosi, imperiosi; stulti de-
 quique & improbi non ita. Vitiis vero
 occurritur bifariam; vel explendo; velut
 avaros pollicitationibus implere; & stu-
 diosos se sui lucri ostendere: aliis con-
 traria vitiis ratione [obviabis,] ut ambi-
 tiosis summa humanitate [vel humilita-
 te.] Stultos fallere necesse est: sic imple-
 is, & cedes.

CAP.

Tentandi homines ante necessitatem.

PORRO ut scias quantum profeceris, nec improvisus opprimaris, singulorum animos tentabis, antequam opera illorum tibi necessaria sit. Nam si non præstant leviora, dum liber es, aut ægre, aut cunctanter, aut non acriter, etiam melius est illos mutare, si potes: aut, si non licet, ita agas uti opera illorum quam minime sit necessaria. Versa vice improbi tentant in parvis, quam æquo animo feras injuriam, aut damnum, aut dedecus. Quapropter ubi hoc animadverteris, præter improbitatem, calliditatem, atque timidum animum adesse intelliges.

Quæ in eo quod quæritur sint consideranda.

QVAE vero in eo quod quæritur consideranda, sunt hæc: quale, quantum, quanti, quando, cujus sit ætatis? si ex eis sit quæ veterascunt, ut domus, moletrina, vasa, instrumenta, jumenta? quot illius species, aut principales partes? qua ratione; an habeas rem, an solum usum? & quomodo pareretur? Quod si rem omnino majorem, quam pro meritis aut amicitia

citia patere &c, velis, Scottos (ut dici solet) imitare: qui [primo,] ut liceat in vestibulo deponere hastam, rogant: inde eo deveniunt, ut dominum domus, quam totam occuparunt, depellant: Ita primum quæ negare non possunt, obtinebis: inde adeo sensim singula invades, ut commissura [& artificium] deprehendi non possit. Qui modus & in ineundis amicitiiis, & in obtinendo auctoritatem, locumque in collegiis non legitimum, cæterisque arduis rebus, & utilis est, & necessarius. Manifestum est autem, quod summa patientia opus est in huiusmodi, non solum in expectatione temporis opportuna & diuturna, sed etiam injurgiis & maledictis ferendis; tum industria, summo studio, humanitate, sollicitudine; iudicio denique; & (si necesse etiam fuerit) liberalitate.

Minima quoque negligere decet: tum quia homo non sufficit tot rebus; tum quia humilitatem animi declarant: hoc autem plurimum obest existimationi: Tum etiam quod plurimos offendere cogitur, & plebejos, qui parva pro magnis sunt: Demum quoniam gravis dominus esse videatur. Oportet tamen interdum minima observare, vel ob indicium, ut in furto; vel ob initium, ut in dissidio; vel ob exemplum, ut in contem-
ptu,

Pluri-

Plurimum autem confert in bene consulendo dilemma repetitum: Velut, quispian gravi injuria me affecit: Vocor à Principe, ob eum aut alium; quum Princeps permiserit affici injuria: Hic, inquam, expetendum &c. ibo: & sanabitur, morieturve; & similiter, si non ibo. Duo optima, duo pessima: optimum, & non pessimum; & non optimum, & pessimum: & neque optimum neque pessimum: maxime dubium. Inde quid ad animum seu tutius seu honestius, quid melius, comparata ætate, personæ, tempori. Vnde innumerabiles considerationes oriuntur.

C A P. I.

Cum quo negotium sit advertendum.

SCIRE etiam expedit specialiter, cum quo negotium sit; perito, an imperito; potenti, aut misero; avaro, vel magnifico (hunc enim utilem habebis amicum, & gravem inimicum: contra autem avarum, etiamsi plurimum possit:) efficaci, vel segni; sagaci, aut stupido; levi, an gravi; iracundo, vel miti; tardo, aut celeri. Et si certandum sit, & par sis, eadem ratione certa; si impar, alia: præcipue contraria. Propera cum tardo, celerem remorare. Quidam prorsus mali, cum quibus nulla ratione tractare potes: sed de.

sed evita. si non licet, quantum potes repugna. interim tempus forsā spem aliquam ostendet. Aliqui prorsus boni; ut Atticus: unde Cicerōni nihil obfuit: imo neque errata, quæ multa erga illum & gravia fuere. De cæteris, qui maxima pars sunt hominum, cave illos qui contemnunt & qui te jure contemnere possunt, vel potentes nimis, feroces, miseros, conjunctos, & qui procul absunt; & ne tu causam præbeas, qua te contemnant, vel nimia patientia; vel rursus recipiendo quem emiseras, vel socordia tua, vel ignorantia, vel timiditate; vel si pignus dederis, velut infantulum filium nutriendum. Nam hujusmodi viris nihil ex tuis fortunis committes, ut nec genero, maxime vivente filia.

C A P. L L.

Metiendas esse proprias vires ante omne negotium, & quomodo.

SED neque solum in singulis actionibus, verum in universo vivendi cursu vires suas expendere oportet: animi nempe, corporis, opum, amicorum, conditionis, & vitæ. Multi ea inchoant, quorum finem exspectare non possunt. Senes aggrediuntur mutationem vitæ: Cato Græcas literas: alius uxorem ducit. Sed forsā hoc ut inutile civi, alius rem ex-

N penden-

194 HIERON. CARDANI
pendenti, necessarium & utrumque &c.
sit. Illud Poetæ laudaverim.

*Vita summa brevis spem nos vetat in-
choare longam.*

Animi vires expende: quantum ingenio,
memoria, usu valeas; quantum exercita-
tione. Quam ridiculi sunt, qui senes se
aulicæ vitæ applicant: hoc laboriosum,
& incommodum: turpius quidam ho-
nores quærent in ea ætate, in qua quie-
scere deberent. Corporis quoque robur,
sanitatem ac opes, amicos, ut dixi, &
quem gradum teneas, considera. Vulga-
re est hoc in pugna observare, ut etiam
litibus, ac disputatione: sed in aliis hoc
idem non faciunt vitæ humanæ actioni-
bus; quum tamen tota vita humana, pu-
gna una sit, nihil potes habere, quod ab
alio vel non eripias, vel ab alterius spe ac
voluntate. Et non solent nisi bona, quæ
dixi, considerare: mala in nullo numero
ponunt; quum tamen pluribus inimici-
tiæ, æmulatio, morbi, casusque fortuiti
obfuerint. Nec solum ut obtineas, con-
siderandum est; sed ut retineas; deinde ut
retentum tibi utile sit, nec majora impe-
diat bona. Ego quoties fugi aulam, ho-
nores, potentiam, divitias, ut studiis va-
carem! Pingue sacerdotium alius adipi-
scitur lætus, quum non animadvertat in
hoc ipso se, cum tota stirpe, periclitari.

Atque

Atque hæc generaliter. Specialiter autem spectare vires proprias ex similibus casibus oportet, bona bonis conferendo; velut ætatem, robur, amicos, peritiam rerum, opes, personam: & mala malis adversariorum, illorumq; potentiam, morbosam vitam, casus, æmulationem: indeque successum expendere, & quanto superaveris intervallo: inde causam causæ conferre, justam injustæ, aut injustam justæ. Victum denique etiam in priori [si te videant, hoc] plurimum addit animorum adversariis: vicisse nihil juvat (si non noceat:) nam æmulos auget, & industriam illorum, ac conatus, qui tecum pugnant. In una militari disciplina, victoria prior, viam aperit ad posteriorem; in cæteris non ita. Sed quod ad casus attinet, à fine considerandum est. Quidam enim adeo sunt felices, ut quum jaceant, sors tamen illos adjuvet: quidam quum se in apice rerum esse existimant, ac prope victoriam, tum maxime insperato vincuntur: veluti accidit Comiti Pithiano, Venetorum Duci, adversus Prosperum Columnam; & olim Carthaginensibus à Gelone; Atheniensibus à Syracusis. Principaliter autem in reliquis desiderantur fides, potentia, efficacia, & peritia; in te ipso efficacia, & potentia; in ministris peritia, efficacia, &

196 HIERON. CARDANI
fides; in amicis omnia. Est etiam vitium
æstimandarum pars, non quod plerisque
cognitum est, ad adipiscendum & obti-
nendum, sed etiam gaudendum; [nem-
pe,] ut diu; quiete, & cum voluptate uti
queas.

C A P. LII.

De Simulatione.

D O L I autem præcipua pars, & qua
maxime proficimus, ac delectamur,
est simulatio. Sed hic est error, quod
non cum simulantibus simulatione uti-
mur, sed cum innoxiiis, [&] cum his qui
nobis ob simplicitatem fidunt. At præ-
ceptum erat Poetæ:

*Qui simulat verbis, nec corde est fidus
amicus;*

*Tu quoque fac simile: sic ars deludi-
tur arte.*

Duplex est: in factis, & in verbis. Quæ
in factis est, quum amare quæ odimus,
sperare quæ timemus, velle quæ nolu-
mus, aut contrario modo fingimus. In
verbis, quum scire quæ nescimus, aut
nescire quæ scimus, fingimus. Neces-
saria est valde simulatio; præcipue cum po-
tentioribus: ideo in aula maxime in usu
est, atque cum Sattapis & Principibus.
Quum vero sit hæc ferme caput hujus
instituti (est enim id in hominum tracta-
tione

tionem propriam, & præcipuum: nam vis est belluarum, sapientia vero Deorum) diligentius de illa agere decrevi. Est autem rursus duplex: alia quidem mendacio admista, turpis & infamis, nec digna viro omnino, nedum viro bono: alia sine mendacio. Differat autem à mendacio: quod simulatio gestu & actionibus, & verbis quæ perfectam scientiam non continent, absoluitur: mendacium solis verbis, & plane sententiam falsam continentibus constat. Hominum perversa natura censet, simulatione cum omnibus, præterquam amicis, uti licere; mendacio autem cum his, qui nos iniuste læserunt. At improbi etiam quomodovis cum inimicis uti mendacio licere putant: nam cum amicis dolo uti, non nisi improbiissimi viri est. Nos autem simulatione cum his qui iniuste nos læserunt [uti] permittimus libenter; mendacio cum nullis, etiam si perfidi sint. Quinimo illud dubitatione dignum est, an ei qui alieno arbitrio vivit, liceat mendacio, mandante domino, etiam iusta in causa, uti? Multa sane permittuntur, quæ non solum laude digna non sunt, sed neque licent: cuiusmodi est hoc. Considerandum est igitur cum quibus simulatione uti liceat, & in quibus rebus, & quomodo id obtineamus? Quamobrem ut persuadeas,

N ;

id à

id à persona & re ipsa & verbis tuis, & aliorum factis, & ejus [personæ] moribus sumendum est. A persona quidem, ut verax habearis, gravis atque prudens; tum vero ut è re tua non esse putet, persuasum esse. Velut si amicus illi sis; non amicus inimicis ejus: nec res ejusmodi illius cōmodo cedat. At contra, si mendax habearis, id dici poterit, tuum esse lucrum, ut nec veritas tibi credatur. Quod si in actione res sit constituta, præclare credent, ob prudentiam tuam, te posse id agere; ob fidem, velle; ob gravitatem, utrumque. A re autem quæ tibi conveniat: ut si pauper vendere velit, dives emere; splendidus domum ædificare; pius parcere; atque hujusmodi. A verbis autem tuis: nihil æque &c. infinitius hoc negotio, aut profundius: ut hoc solum mihi dignum videatur quod luculento exemplo explicandum sit. Ergo & ab aliis ut adjuveris, curandum est ut tu modeste cuncta agas: nam persæpe exiguus error, aut jactantia, aut impetus, aut properatio, aut aliquid hujusmodi totam deregat fabulam, & longam constructionem; ac industriosam evertit inventionem. Ergo simulatio maxime ad hominis mores dirigenda est, & à tuis domesticis, intimis atque amicis adjuvanda. Qua in causa id dubium emergit, quod si te illis

dete-

deteges, fieri non potest ut negotium perficiatur. nam illi vel affectu nimio, vel levitate, vel alia occasione, verbis aut gestu rem significabunt: Sin autem celabis eos, forsan tibi irascentur. Hæc est maxima in huiusmodi rebus difficultas. Quãobrem cavendum est, si fieri potest, ut aliis in simulatione non indigeas: quod si indigueris, tum solum gestu & actionibus significabis rem; à verbis omnibus temperabis. Quod si omnino etiam verbis indiges, fidei tantum rem committes: cæteri autem non detegi sibi patiuntur, si amici sunt; aut si non patientur, eos relinques, qui nec silentium tuum æquo animo ferunt; nec quæ arcana sibi committantur, retinere possunt. Initium huius negotii ex hoc sumes, ut credant te nescire, quæ scias; & scire quæ nescias. Sic in iis quæ scis aut cupis, vultum, vocem, gestus, affectusque miscebis, ut in contrarium omnia accipiantur. Quum enim quæ nescire videris, scire te intellexerint; quæ scire videris (quum veracem te existiment) cur non vis ut scire te arbitrentur? Verum aliud est, scire videri; aliud id aperte fateri; aut, quod majus est, testari: hoc enim à mendacii labe non abest. Sgnificanda præterea per amicum, aut fictum amicum, his qui tibi insidiantur, aliter quam se habeant capita

200 HIERON. CARDANI
rerum. Sed ficto amico rem perverse de-
clarabis : amicum monebis; & ut occul-
tare sic simulet, ut infideator deprehen-
dat. Quamobrem in magnis periculo-
sisque rebus simulatio tantum uteris; tum
quia indigna sit ingenuo viro, tum quia,
si ea utaris in minimis, exiguam afferet
utilitatem; occasione necessariæ aditum
plerumque præcludet. Propterea etiam
numquam quæ scis, nescire, quæ nescis,
scire, aperte fateberis, ne fucus prodatur.
Quod si anxie quærant, aut juramenta
exigant, ambiguis responsis illos eludes :
quum & illi parum sint amici, & tibi ne-
quaquam opus sit hoc præsidio. Raro ta-
men contingit, ut juramentum exigant
de ea re, quam nondum quis clara voce
effatus sit. Dices forsan, Magna arte
opus est in huiusmodi. At parvane res
fuerit, tam paucis servasse vitam, existi-
mationem, potentiorum familiaritatem,
amicitiam, atque amicos persepe ipsos,
probitatis famam, securitatem, totam de-
nique humanitatem, dispendio & crimi-
ne nullo. Est etiam simulationis genus
non contemnendum, offerre quæ scis
non recepturum; & persuadere, sed mo-
deste: ne aut recipere cogas; vel cur offe-
ras, intelligat. Est simulatio acris, fingere
te amicum inimico amici tui; adhortari
contra illum, & adjuvare eum, tum re-
pente

ARCANA PRVD. CIVIL. 201
pente deferere, tamquam victum, me-
tuentem; dehortarique, ut turpia, dete-
standa, periculosaque aggressum. Simi-
liter, ex opposito, duo hæc magna sunt,
quum patientissimus videaris, vindicare,
ad existimationem; & nihil agere, quum
mineris, ad contemptum, ut incautos
opprimas: ex nullo etiam duos efficies,
amicos, velut criminum iudices; unius
fingendo amicitiam, æmulatione alte-
rius, comparabis; ex qua rursus prioris
veram adipisceris. Et, ut rem totam pro-
dam, & quod in usu est, omnia tacite
agere, aut sermone sicco uti, ad negotia
utile est: tertioque generi simulationis,
imo vulgatissimo, ascribi potest.

C A P. LIII.

De Dissimulatione.

DISSIMVLATIO autem cuius au-
tor egregius fuit Socrates, à simula-
tione maxime differt, quod in his consi-
stat quæ sunt, & nihil agat: simulatio in
his quæ non sunt, & agat: ideo menda-
cio propior, illa venustior: quamquam
idem finis, scilicet fallere; ususque prope-
modum idem; scilicet cum domesticis
insidiatoribus, & Principibus. Verum
cum Principibus simulatio longe pericu-
losior: hanc enim; tamquam caput ma-
lorum, & doli, sibi tantum licere volunt.

N 5 Dissi-

Dissimulamus præcipue quæ scimus: quæ
 vero pateris maligne facta, vel per igno-
 rantiam, quasi nescias, aut in fortunam
 tuam adversam referes: nil acre falsum-
 ve, sed nec jocosum, admisceas: sed sit
 quodcumque dixeris, grave, modestum
 purumque. quod magis usu ipso discas,
 quam oratione doceri possit. Est dissimu-
 lationis genus, quod ab aliquo acceperis,
 tamquam auctoris oblitus sis, eidem enar-
 rare, ac coarguere: quum vero dissimu-
 las ex eo acceptum, hoc ipsum doces, &
 te per calumniam accusatum, eumque
 frustra persuasum. Injuriam quoque,
 quam ulcisci speras, dissimulare melius
 est; etsi parva sit; alias non licet. Est etiam
 dissimulationis genus, quod jam facturus
 sis, alia causa roganti amico polliceri, ac
 rursus significare, te rogatum, ut utriusq;
 gratiam ineas. Est & occultatio, species
 dissimulationis, imo quasi finis ipsius.
 Atque ea duplex; alia communis; quæ
 fit tacendo, silendo, quietem habendo
 prorsus: alia, qua utuntur, qui quiescere
 & tacere nequeunt; ut Bellotus Florenti-
 nus, egoque: quæ alia agendo dicendo-
 que fit. Illa faciliior, & decora magis; sed
 si quis subodoretur, facile detegitur: hæc
 tutior, sed turbulenta. Est etiam dissimu-
 lationis species in epistolis non contem-
 nenda: qua ego aliquando usus sum,
 quum

ARCANA PRVD. CIVIL. 203
quum rei propriæ consilium petitur, quæ
indignior videtur illi, tanquam de alio
interrogante respondere: nam, præter
reliqua, hoc ipso honeste admones ami-
cum, quod consilium id tibi non è digni-
tate sua videtur.

C A P. LIV.

De Persuasione. ubi Dilemmata.

PERSVASIO vero tertium est fal-
lendi genus aliud, ad principale: de
quo tot libri editi sunt. Propterea & A-
ristotelis, & Ciceronis, tum Quintiliani,
ac aliorum præcepta condiscere oportu-
num duco: neque enim ea ars hoc libel-
lo claudi postulat. Solum, quæ ad capita
prima pertinent, referam. Constat per-
suasio persona, & rationibus. Amicus,
prudens, probus, potensque, magis quam
humilis fortunæ vir, [ad hanc rem requi-
ritur.] Rationis autem, ab honesto, ju-
cundo, utili, necessario & facili. NeCESSI-
tas omnes movet; sed & utilitas; attamen
præcipue pauperes, & viles, avarosque:
Iucundum etiam omnes; & præcipue
incontinentes, mulieres, pueros, adole-
scentes: Honestum bonos, & reipubli-
cæ amatores: Facilitas pariter omnes;
præcipue tamen timidos & inertes. Per-
suasio recta, & ad sapientes & fortes vi-
ros directa, dato consulendi tempore,
effica-

efficacior redditur: nam quia honesta habetur, doli suspicionem explodit. At quum opprimere hominem cupis; aut etiam, si is timidus sit; repente aggredi, atque continuo urgere oportet. Vi ergo probitatis speciem induas, & sermonibus & factis quasi clanculum pium te ostendes. Nec mala est via, cuius finis est optimus. Secus, memento te non hominem fallere, sed quasi Deum, conari. At amici [persuadentur] blandiendo, salutando, offerendo, iuvando, laudando. Manifestum est etiam, quod & personam cui quid persuadere vis inspicere oportet. Senes [moventur argumentis sumtis] à facilitate, securitate, atque utilitate, magis quam ab honesto, glorioso, & jucundo. Deficit enim in his sensus voluptatis: nec tam sequuntur jucunda, quam incommoda fugiant; nec tam diligunt honesta, quam tuta. Adducere in persuadendo exempla, non parum prodest; maxime apud imperitos, & timidos. Nec copia sententiarum desit. Multi enim ad validas rationes immoti, à parum firmis persuadentur. Non etiam rationes adduces, quæ supra ingenii vires sint, illius cui persuadere conaris. Dissuasio enim est quodcunque odiosum est, aut non integre percipitur, quoniam metuunt decipi, & suspicaces redduntur. Nec majora

jōra in medium adducas, ut minora obtineas; præsertim apud prudentes; (de his enim solum agitur:) reliqua pro ratione eis sunt accommodanda. Nam de singulis dicere, metamque dicendorum pro personarum & casuum varietate præfinire, quum infinitum sit opus, stultum est. Anxiam enim curam ostendunt: ut minus persuadeamus, & nos judicio carere [appareat:] quod contemptos efficit. Docuimus enim antea, maxime nos fidere prudentibus: atque ab eisdem facile ac vehementer persuaderi, quibus confidimus. Summum est, unumquemque his aggredi artibus, quibus ille alios: velut humiliter dissimulatorem: aut, si ad contrarios modos te vertas, extrema amplector, ut calidum detineas, flectas violentum: ita opprimes eum qui te fallit; ut intelligat, aliis moribus opus illi esse ad amicitiam retinendam. Exemplorum autem tum ratio, tum exercitatio, adjuvanda [ope] præclarissimorum in arte virorum; Ciceronis, cujus orationes facundæ, eloquentes, suaves, plenæq; sunt; tum Demosthenis, quæ nervosæ magis, & spicula acius infigunt. Inter quas præstantissima est, quæ inscribitur in Mediam: in qua illud admirabile maxime, ac supra mortale ingenium, quod quæcunque ad illius defensionem facerent,

rent, in eum ut adversa contorquet; & crimen ex eo auget, & severius puniri debere ostendit.

Probationis autem modi legitimi quatuor: à justo, seu æquo; à severitate, scilicet à legibus; in quibus & includitur iuramentum iudicum; cui opponitur misericordia; & ab honesto. Illegitimi, quibus pravi utuntur oratores, boni non nisi ad confirmationem; sex: utile, tutum, facile; ab effectu, & quum suademus invido, inimico, irato; & ab exemplo, & à fabula. Atque hæc in omni genere causarum, demonstrativo, deliberativo, & judiciali etiam privatim.

Per species autem ita se habet: Reges & potentes brevi oratione, & quæ sensus habeat validos, persuadebis. Omnes enim hi sapientes sunt, ob magnarum rerum assiduum usum. Repetitione in his maxime fugere decet. Præcipue juvat, ut intelligant, sed ut non dicas, gratum hoc fore atque utile his quos amant. Verum cave ne oscitanter rem pertractes: plus enim oberit verbum inconsulte prolatum, quam decem juvent opportune dicta. Memineris semper illius dicti: Quæ pro te sunt, teste indigent; quæ adversus te, jam probata sunt. Ob id laudo illud quod non illepide fertur dictum ab eo quia Principe &c. jentaculum quærebat, uno

uno verbo ἀκροπομπόν. Apud iudices etiam hoc diligentius observandum; quoniam huic negotio magis intenti sunt. Quod etsi obtineant aliqui, hac ratione id contingit, obrundendo scilicet iudicum aures. Accidit enim, velut in Medicina, ut quos dolores recta ratione curare nesciunt ignari medici, stupore in-
 vecto mitigent: Ita victi nonnumquam importunitate, aut misericordia flexi iudices, aliqua levia indulgent. Quod etiam plerunq; illis exitio cedit. Nam in gravibus & seriis ac magnis, dum huiusmodi absono persuadendi generi confidunt, magnam jacturam & hi subeunt: præsertim vero quum iudices tibi fuerint subinfensi, & acuti ac suspicaces: leves enim rationes, ac dubias, adversum te torquere solent. Ex his etiam qui sunt rapaces, rationes & eloquentiam odere; quod vel à flagitio eos impedian, vel quod precario extorqueant, quod vendere destinaverant. Porro affectus in civilibus causis remittere oportet; rationes & facundiam exacuere: At ubi de pœna agitur, affectus & gestus apud multitudinem semper plurimum; apud iudices etiam (præsertim patris, filiorum, fratrum) sæpe profunt. Discipulos autem alliciemus communibus orationibus (semper enim id præponere oportet:) tum etiam,

208 HIERON. CARDANI
iam, si viderint nos in disputando acres,
& promptos; in operando diligentes; at-
que in utroque genere efficaces; in pro-
fitendo claros, facundos, copiosos, pres-
sos, moderatos, ordinatos, subtile, &
gravia utiliaque sectantes: In moribus
autem modestos, sedatos, maiestatem ha-
bentes. Allicere oportet maxime nobiles,
eruditos, & qui multos habent sequaces.
Si imperitus te obrundat (est enim quan-
doque vehementer molestum) submitte
qui occupet: aut per amicum tibi, illi au-
tem familiarem, (postquam ferre non
potes, quum non semel tantum obgan-
nierit) mone eum his ferme verbis: No-
vit professor hic ingenii acumen tui,
tuamque eruditionem; tibi que congau-
det: verum ut à munere cessavit, iam
lassus cuperet à disputationibus aliquan-
tis per interquiescere. Interim vero ne
alium quemquam per aliquot dies ad-
mitte. Quum vero aliquem qui pertur-
batione agitur, iratum, amantem, aut
alium huiusmodi, persuadendo [in sen-
tentiam tuam perducere] vis, propositi
finis ne mentionem feceris. plus enim
commemoratio eius quod tam anxie cu-
pit, eum movere poterit, quam rationes
illæ, quas omnino iam perturbato animo
non intelligit, in contrarium vertere po-
terunt. At summum studium etiam ad-
hibere

hibere oportet, quum controversa res est, ut fautores tuos inflammes; & quanto potentiores fuerint, ut causam jam non tuam, sed suam peragant: idque eo melius, quo periculosius: Nam id obtinebis, si ostendas, non jam te contemni, sed illorum autoritatem: quantoque id damno illis, atque dedecori: Aut, jam non te neque causam tuam illis odio esse, sed ipsos Principes. Id facile obtinebis, si causas aliorum, in quibus se difficiles reddiderint, amicorum; aut faciles, inimicorum; aut alia si ratione obtinuerint, quam autoritate sua, docueris. Quo in casu non solum testimoniiis, sed conjecturis, criminatibus, coloribusque abunde licebit uti. Nonnunquam fabulæ multum juvant. Melchiori medico egregio, quum is me solitus esset vocare ad tenuis fortunæ ægros adeo ut tæderet, nec locupletaret; dicenti; Nonne ad multos te voco ægros? respondi, Sane; sed ut Dantes ad pisciculos: narraviq; illi roganti fabulam ex secundo libro Fabularum nostrarum, (fab. 85.) Itaque in posterum vocavit me ad divites: (profuitque ad lucrum mille Philippeorum aureorum, & plus:) qui rationibus, ut hoc ageret, antea numquam potuerat persuaderi. Illud etiam optimum est auxilium; quum non
O potest

210 HIERON. CARDANI
potest persuadere, esse utile illis, ut ad religionem confugas, ubi de vita hominum agitur, ut in fabula 86. Quum vero proponere aliquem apud multitudinem inter plures vis, Moguntini Pontificis exemplum sequere. Is enim Gallorum Regem Carolam, Hispanorum (&c. ut est fab. 86.) & Germanos Principes proposuit: singulisque damnatis, debiliorem fecit accusationem Caroli: inde non tamquam utilem, sed ut necessarium collaudavit; atque obtinuit. Nam sic nec additus nimis videberis, nec locum contradicentibus relinques. Argumentorum autem tractandorum alia humilia, alia magnifica: atque in utroque accommodata debent esse sententia, verbaque, atque dicendi ratio, seu constructio. Sed haec parum variat. Intentum est autem, graviter & ornate dicere: & utrumque eorum eo spectat, ut res utiles persuasioni augeas; contrarias diminuas. Quocirca in demonstrativo genere solum actione indiges; in reliquis utroque. Vtrumque arte fit. Sed in extenuando etiam errores adjuvant; ut inartificiofum videatur, quod exquisitissima arte inventum est. Dicemus ergo primum de actione in sententia. In hoc primum genere collocabimus etiam, praeter verba, gemitus, suspiria, lacrymas, vultum, habitum,

bitum, gestus, exanimari si liceat, proprie in persona deprecantis; ad ultionem autem nimis sævum. Memento enim Ciceronis : qui ferme numquam accusavit, sæpe defendit. Quod enim odiosum est, nisi omnino in proditores, moderate eum facere, è re est. Ergo tota ratio in tria dividitur : modum, causam, & personam. Modi duo sunt; quos accusare licet, vis, & dolus: laudare autem virtutem, prudentiam. Causa, magna, vel nulla, exiguaque. Persona, nobilis, innocens. Ad personam pertinet, ut sit è Republica, utile, atque honestum : Die, in foro, ad vim; noctu, loco deserto, ad dolum : atque ita hujusmodi. Augemus ergo à contrario : Exiguum scelus punivit : per hoc magnorum initia tolluntur in Republica : quid in majore facturus esset? Victoriæ parvam consequutus est à communibus; & in difficili-
 oribus strenue pugnavit, sapienter ordinavit; & exiguum exercitum bene paratus est; hoc enim difficilius est, quam magnum. Sic ab actu ad potentiam transeundo, rem augere facile quamcumque licet : & si futura, tamquam præterita nuper, aut præsentia, narremus. Velut, Quid tum agam quum hoc acciderit, cogitate. Et si series facti narretur : Move-
 tur, ducitur, terribile spectaculum offer-

tur, denique securi percutitur. Et quum
 jungimus plura sine conjunctione:
 Contra leges, contra Rempubicam, con-
 tra te ipsum denique facis. Aut: Si ex
 ordine, ut scripsi, monui, adii. Et quum
 extrema fit comparatio, ut Aristoteles
 pro se sene exule deprecaturus Antipa-
 trum: Si eum, inquit, sic fugere com-
 pellas; ut nullibi consistere possit, in quo
 mortui illi invidere poterunt; quum nil
 plus habeant, quam quod consistere pos-
 sint. Et quum id agis, quod agere te posse
 negas: cujus pulcherrimum habes exem-
 plum apud Ciceronem in epistola ad Q.
 Valerium (lib. 13.) qua vult commenda-
 ri L. Iulium, rogante P. Cuspio: mirifi-
 cum sane, quod vix ulli intelligunt. id
 enim agit, quod agere posse se negat.
 Cujus verba sunt: *P. Cuspius singulari
 studio contendit à me, ut tibi quam dili-
 gentissime L. Iulium commendarem. Ejus
 ego studio vix videor mihi satis facere
 posse, si utar verbis his, quibus quum di-
 ligentissime quid agimus, uti solemus.
 Nova quaedam postulat: & putat me ejus
 generis artificium quoddam tenere. Ei ego
 pollicitus sum, me ex intima nostra arte
 deprompturum mirificum genus commen-
 dationis. Id quando assequi non possum; tu
 re velim efficias, ut ille genere mearum li-
 terarum increbili quodam perfectum ar-
 bitre-*

bitretur. Id facies, si omne genus liberali-
tatis, quod & ab humanitate & potestate
tua proficisci poterit, non modo re, sed et-
iam verbis, vultu denique expresseris :
qua quantum in provincia valeant, vel-
lem expertus esses. Et si conditio addita,
augeat crimen: ut, Magnus continere
debet iudex; quum palam sit neminem
debere furari. Et quum duos quasi col-
ludentes, proditoris insimulamus: ut,
Te legationem agente, tyrannus urbem
occupavit. Et quum inducimus respon-
dentem quæ volumus, inde confutamus.
Quod si longior sit disputatio, Socrati-
cus est fucus &c. olim magna in mode-
ratione, &c. velut: Soc. Divitias reliquit
tibi pater, ô puer? P. Sane. Soc. Sapien-
tiam non reliquit? P. Non. Soc. Quinam
divitiarum usus erit? Ita facile obtinebi-
mus quamcumque causam, eo respon-
dente, quæ volumus. Tum vero quum in
unam partem criminis incumbimus, in
eaque expugnanda commoramur. Quo
stratagemate invictos antea Lacedæmo-
nios vicit Epaminondas in Leuctris. To-
to enim robore exercitus in cornu fini-
stro collocato, iussit eos impressionem
facere: cæteros omnes cædendo pugnare.
Et si meliori comparemus; ut quicquid
deest ad gloriam alterius æquandam, ei
pro flagitio imputeretur. Velut si Adria-
num

num Trajano comparantes laudemus, sine benefactis; quod non iratus fuerit, non scivierit, non rapuerit, non potitus fuerit occasione præbita. Et generaliter, periodus ἐκ τῶν κώλοιν, priore clarissimo, posteriore gravissimo, significantioreque, quod ex priore aperte pendeat. Verbis quoque (sed id in seriis persæpe ridiculum est) res augemus. Præsertim monosyllabis miserentis, admirantis, vocantis, dolentis, ut apud Græcos αἰ, αἰ, materna lingua a Dio. Sed, adversativa præpositio, auget:

Ipsa sed in somnis inhumati venit imago.
In eodem quoque genere apud Græcos encliticæ sunt, & gravitatem addunt, &c. Similiter per figuram: quum concionem procellam appellamus. Et quum duo vitia simul una voce complectimur. ut quum *parricidam* vocamus, & patriæ & patris proditorem. Et ut proprietas servetur, ut *vecordem*, qui flagitia aperte admittit: *dolosum*, qui occulte: & majus est dicere *dolose*, quam *dolosus*; ut contra *improbis* plus quam *improbe*. Et si tegere velle videaris, pudorem tuum testaris; & in illo flagitii opinionem auges. Et per hyperbolen: Exitium ille in caput adduxit; pro periculoso bello. Initium vero sumit Aristoteles à pæone primo; cujus tres breves primam longam
sequuntur

ARCANA PRVD. CIVIL. 215
sequuntur : Finem autem à secundo ;
cujus longa syllaba, tres sequitur breves.
Sed Cicero narrat : *Exceptum magnis
clamoribus à populo patris dictum sapiens
temeritas comprobavit.* Quod si dixisset ,
comprobavit filii temeritas , decidisset, ut fit. Initia finesque dicendi &
ornata & valida esse debent, & elegantia:
quoniam in principio anima nuda est
omni cogitatione, ac maxime attenta his
quæ dicuntur : fines autem nihil habent
quod eos perturbet : media recta obliterari
magna ex parte solent. Tota autem
oratio debet esse usitatis ex verbis , &
maxime clara; & ut non solum cola, sed
& dictiones & syllabæ subjectæ rei accommodentur. Mollem enim & dulcem
efficiunt [orationem verba] quæ vocabulis
constant ; ut *heu* : & *si* , & *e* addantur,
mollis, dulcis, suavis [erit.] Aspera
& reboans *r* : longe vero frigida *m* :
ut, *magnarum laudum tuarum*. Tacendo
etiam significandoque crimina augemus,
quoniam minus inimici videmur.
ut Plato , quum odisset Aristippum &
Cleombrotum, eos dixit fuisse in Ægina,
quum Socrates esset in carcere. Constabat
autem, Æginam solum xxv M. P.
distare ab Athenis. Adeo vero Gorgiam
in Dialogo omni autoritate ac dignitate
artis dicendi (in qua princeps habebatur)
O 4

tur) spoliatur; ut ille quum Dialogum legisset, dixerit: Pulchre novit Plato male dicere. Est & prosopopœia: cuius pulcherrimum exemplum apud Ciceronem in epistola ad Octavium; ibi: *Itaque si quid illa majorum nostrorum sepulta reliqua.* Et repetitio, quasi minantis; ut: *O cives, cives!* Aut quum diversis epithetis [utimur,] absque conjunctione: ut: *Ambulat buccis inflatis, elato supercilio, torvo vultu.* Et quum nihil dicimus, volumus tamen videri dicere, obscure innuendo, insimulando, gravitatem effingendo. estque vitiosum, verum aggravat aliquando. Illud vero ad rem pertinet, quum dicit quæ præterire simulat. ut illud: *Olynthum, & Methonem, & Apolloniam, & triginta duo oppida capta omitto:* tamquam longe majus aliquid dicturus. Sic vitiis utimur in oratione, ut Medici venenis: aride; ut: *Phalaris Agrigentinis molestus:* frigide; ut: *Quæ curiose scripsit Aristoteles:* inverso modo; ut: *Quæ Plato fabulatur de Diis.* Multa etiam fert casus. Cuidam dicenti, *Fers inertem puerum;* quasi objiceret impudicitiam ejus, respondit: *& diu patrem tuum tuli.* Bonos enim semper, malos quamdiu mihi sunt usus, retineo. Ita depulit calumniam in illius patrem, qui sutor furax erat. Atque hæc in levibus etiam nunc: olim omni-

omnibus in causis plurimi æstimabantur. At in magnis ætate nostra persuadebis, corruptis pecunia iudicibus; aut si è re sua id esse ostendas, aut jure agas. Prodest & in nobilibus aliquando etiam affectus vehementia; si non omnino perditæ sunt iudices. Illa vero magni facere, pædagogi, quæ supra diximus, solent; & gravibus viris stomachum movere.

Ex his vero quæ vehementer persuadent, est commemoratio gratiæ illius apud Deum: ubi constet eum esse bonum, aut injuste oppressum. Perfectio rursus animæ ex operatione: gloria apud homines, fides in eo: & quod reponit beneficium: tamquam thesaurum, magno scœnore; idq; multis explicare. Quod si & exempla majorum illius adsint, non parum momenti habent.

His omnibus etiam construitur accommodata, brevis & prompta ratio [ac oratio.] Velut illud: Quidam exercitus dux, quum jussisset suspendi puerum, duodecimum agentem annum, non pietatem (cujus ille expers erat,) non injustitiam (qua fuisset irritatus potius, quam flexus) commemoravit: sed inquit: Quum omnia facias gloriæ causa; cur eam maculare vis turpi facto? Optimum autem dilemna est, quod ex contrariis texitur: velut si inimicus exul, in urbe

O s fit;

fit; dicasque: Si te volente; quæ gloria est, me à te deceptum? Si nolente; quam turpe, te domino, vagari per urbem exules, non solum tuto, sed cum civium periculo? Si nescis, cur satellites non dant pœnas? Oportet autem in huiusmodi (quod non modo ad accusandum, sed ad defensionem potissimum est) non solum se exercere, sed etiam, ubi opus est, scribere, cogitare, mutare: ut scilicet efficacissimum sit, perspicuum, & (apud Principes præcipue) quam gravissimum. Veluti si dicamus: Malus non potest esse felix. Nam aut cogitur existimare, nil ab obitu superesse, aut animam. Vtroque modo incumbere intelligit sibi perpetuum malum. Hoc est dilemma.

Partes ostendere oportet, si requirat. Sunt autem septem. Felicitas est cogitatio vera perpetui boni, cum re: Infelicitas maxima, perpetui mali sola cogitatione consistit: Si mori malum est, non esse malum: Si non est malum, numquam esse perpetuum malum. Si non cogit umquam, (quamvis & hoc difficillimum sit) non potest esse felix; quum felicitas consistat in cogitatione perpetui boni; Si perpetuum bonum vita ipsa definiamus, quum terminum intelligere cogatur, & cum eo malum perpetuum, est infelix: nam de pœnis perpetuis non
opus

opus est probare, quod malæ sint. Aut igitur expectare certum malum, aut majus timere cogitur.

Epistolarum autem communis ratio est: ut sit efficax, seu nervosa, ordinata, pura, clara, emendata & ornata. Quinque primæ partes immutabiles sunt; nisi quod in historia necessaria prima non est. quum enim epistola sit discendi causa; (& id quod docere volumus, vel actû est, ut historia, vel narratio, vel de agendis, seu in genere demonstrativo, seu deliberativo, seu judiciali;) palam est suavioriam esse oportere: & huic convenit esse nervosam rationibus. Ordinem assequimur rescribendo sæpius: ut etiam libros. Pura si sit, erit etiam perquã brevis. Claritas legenti lumen affert; & non fatigat illum. Oritur ex recta dispositione sensus integraque notitia illiusdem; tum congrua dispositione, absque ancipiti interpretatione) tum verbis usitatis. Emendata vero secundum regulas Grammaticæ, & usum illius temporis; qualiscunque lingua sit. At in ornatu, multiplex varietas: tituli, epithetorum, figurarum, troporum blandiendi, atq; adulandi. In hujusmodi duos scopos constituere oportet: naturam, consuetudinemque, violentam reginam. Vnde Ciceronis tempore immodica adulatio, & blandimenta
turpia:

turpia: ætate nostra tituli, sine figuris
 aut tropis; epithetis utimur, non blan-
 dimur: Sed naturam sequimur; dum ve-
 lut pulchram mulierem membrorū pro-
 portione quærimus; exornamusque il-
 lam; non fūco tingimus; sed nitorem ad-
 dimus aqua florum malvæ, ne sit asciti-
 tius. Ita licent placentque tropi, figuræ-
 que latentes, & quasi expolientes ora-
 tionem, & ex re nati; non eminentes, aut
 oppositi. Quædam sunt quæ non admit-
 tit [epistola;] velut eximiam magnitu-
 dinem. excrescit enim in librum. Vnde
 Aristoteles: Non scribo de hoc; quia
 epistolæ accommodatum non est. In tro-
 pis ergo & figuris, constructionem, sen-
 tentiam verborum considera; ut ne ap-
 ponas, quæ non congruunt. Velut si eum
 qui abiit hortari velis ut redeat, dices:
 Me certe præstantiorem amicum (sup-
 presso amantiore nomine) invenire non
 poteris: Ego vero etsi te meliorem non
 queam invenire, certe cui carior sim, ut
 qui me nulla, dicam, causa deserueris?
 Grandia sunt, quæ paucis verbis multa
 & magna comprehendunt. Nam hujus-
 modi inventioni veteres maxime stu-
 duerunt. Quale illud:

Iusque datum sceleri.

Sed nos, quod non continuato sermone
 huiusmodi tradiderint, non percipimus,
 imo

imo neque animadvertimus. Quo sit, ut vix corticem autorū assequamur; quum illi maximo studio atque arte pleraque conscripserint, ut profundissime multa laterent, quæ eruere operæpretium esset, atque admirabilem hominem efficeret. Sed & his utendum postmodum non ita obscure, sed solum Laconica breuitate. Iuvat autem in hoc genere, & ad orationis robur, argutamque concinnitatem, reflexio à contrariis sumta. In quo Valerius Maximus adeo eminet; ut nullum caput, imo ne narrationem quidem, huiusmodi sententiis acutis decorisque non eludat. Sic & Senecæ Controversiæ ac Declamationes imitatione dignæ; quum in vita civili mortalium fuerit sapientissimus. Vnumquemque igitur in proprio genere actionum atque significationum eligere sciemus, ac imitari: ut is non solum oratione laudetur, sed quod etiam vitæ genere inter alios emicuerit. Ergo in huiusmodi exemplo cogita quod nec possit, nec significantius quicquam dici potuit. In scelere nefandissimo inventa est ratio iusti iniustique: disceptationes, orationes, leges, iudicia sunt constituta, tamquam in Republica: disputatumque in quo majus esset jus, (tamquam de dubia causa) an in scelere, an in virtute. Quot tamen in huiusmodi prætereunt cesp-

cespitem, non sublato pede! Quum non solum libri sapientum, sed & epistolæ, & sermones ipsi quotidiani, (modo de rebus seriis sint) scateant huiusmodi ornamentis atque speciosis notis. Porro epistola differt à sermone ipso coram, quod perfectior esse debet, quia sublatum est ius statim interrogandi: & continentior, quod in iudicium adferri potest, nec secreto habita umquam dici; sed quorumcumque oculis subiecta est. Ut sermone unum possis; epistola necesse sit (si velis) omnes qui eam lecturi sunt, fallere.

In oratione autem publica, primum quidem carminum, quod ad periodorum attinet longitudinem, rationem imitare: quorum longissimi hexametri. Ita in partibus initia finibusnectere debes, ut auditor non fatigetur, quemadmodum inquit Demetrius Phaleræus (in principio.) Quumque tria sint hominum genera (nam & hæc præcepta communia etiam esse debent familiari sermoni;) æquale, nobilius, & servile; causarumque toridem, demonstrativum, deliberativum, iudiciale; brevitatis in omnibus (præterquam apud populum) præstat: nam quum ad plures dirigatur, ex pluribus brevibus composita, longa efficitur: & in commiseratione (seu deprecatio sit, seu

seu lamentatio) quoniam frangere animos propositum est, non solum soluta oratione ac prolixa, ipsi nos languidi (vide & cap. 29.) audientium animos itidē languidos efficere, ac ipsos confringere conabimur; sed etiam gestu vultuque. Propterea nec breviter quisquam, nec numerofo pede, si sapiat, movebit iudices ad misericordiam. In cæteris, brevis periodus, (& in periodis cola,) longe plus virium habet, non solum quod (ut Phaleræus dicit) animi fortitudinem ostendat; unde hic modus Laconibus proprius fuit; sitq; robustior compressis sententiis, velut & ordinata acies, quam dissolutis, velut dispersa; sed quod etiam omnia complecti videatur, à quibus paucitate verborum non circumscribitur; tum vero prudentiam atque constantiam hominis ostendat; præterea auctoritatem, & animi concitationem. Vnde erga eos quibus imperamus, non alia semper utimur, utique debemus [quam brevi oratione:] sed cum æqualibus, quia imperiosa est, & iram præ se fert, humanitatem in verbis ac gestu annectere debemus: ut duobus sublatiis vitiis, quatuor illi præcipue laudes relinquuntur; constantia, prudentia, capacitatis sensuum multorum, tum roboris, ex sententiarum densitate. Sic ergo adjiciemus (ut
brevis

brevi utar exemplo:) Rogo. At in deliberativo genere ea non indigemus, nisi quum sermo ad superiores dirigatur; ubi non solum brevitatis venustatem affert, sed persæpe est necessaria. Habet & id, ut intellecta ad se trahat auditorem, tamquam invento tuo factus sit acutior: sed & vultu & gestu, & verbis humanissimis, quibus rem significare volumus, ambo illa vitia (ut dictum est) sunt eradicanda, ut non solum roges, sed exores, atque supplices. Itaque ad infimos eo genere simplici uteris; ad æquales autem, exempta suspitione iræ atque imperii, eo verbo, Rogo, adjecto; ad Principes & magistratus ita, ut tota oratio sit lenis & quam demissa. Deprecatio igitur, quum longa esse debeat, ut animos frangat; & [utcumque] brevis, quia ad potentiores; & constans, ut moveat; & languida, ut flectat, ardua res est: ideo nec tam brevis omnino esse debet, ut in aliis causis; & nervos habere potest in languido genere; velut & ferrum durum [aut ductile;] & fides ac boum lacertos, & coria, tametsi languida videantur, prædura habemus. Itaque & oratione pressa utere quale illud: *Si quid unquam inter tot pietatis facta tua [recenseri possit,] viscera mea ne dispergi patiari; ut tam fidi servi tui filium unicum eripias patri.* Multum au-

ten

ARCANA PRVD. CIVIL. 225

rem refert natura Principis, & qualis apud illum tu habearis, & quos habeas oppugnatores: Nam differt multum, an dicas, *Eripias patri filium*, in molli ingenio; an, *Patiaris eripi*, in ambitioso. Quum vero collusiones aliquando doceant à contrario, à simili; in verbis atque rebus, in luctuosis ac vehementibus enervant orationem, & ridiculum faciunt, magis autem quæ est in verbis. In omnibus autem argumentis quum præster (si possumus) selectos quosdam habere libellos gravium virorum, quum antiquo tempore non deessent Theophrasti atque Crantoris, tum aliorum; nostra ætate, quod sciam, præter communes, De officiis, Ciceronis; & pauculos Plutarchi (neque enim illius omnes: multo minus ex omnibus admittere licet, quorum præcepta dum sequeris, aberes graviter:) velut, Quomodo quis sine invidia se ipsum laudare possit. Quos tamen in breve compendium redigere queat, si vim argumenti intelligat. Exemplum huiusmodi: si apud ignotos; si modeste; si ab alio dictum contrahat; si rem, non hominem, vituperet; si in Deum, si in Fortunam referat, quæ sunt virtutis; si socios participes nominet, se prætereat; si ea quæ antecedunt, invidiaque carent, velut pro gloria labores suos com-

P memo-

memoret; si aliud narrare videatur, quæ admodum calamitatem, si vitia sua intermisceat, quibus virtutis fructu caruerit. Est autem peculiaris quædam inventio omnibus huiusmodi, à fine sumpta, à divisione: de qua in Dialectica actum est. Præstant tamen hoc libelli, ut exemplis discas, rem, tamquam sub manibus habeas, cum formis, figuris, umbrisque ad amussim tractare. Verum laus propria non id præstat quod quæris, scilicet ut tibi credant; sed invidiam, odium, infamiam, opinionem parvi iudicii.

In diluendis autem his quæ objici possunt iudicio maximo opus est. Nam objectis respondere cogimur, commemorando testamur, magnificimus; in mentem revocamus, ut non obliviscatur, & melius dicat. Magna igitur & dubia omitemus; vicissim notis occuremus; majoribus fidem, constantibus crimen detrahendo. Si plura & magna diluere necesse sit, imitare belli peritos duces; singillatim & breviter recita; & multis ac gravibus sententiis responde; aut si levia, paucis; quasi per contemptum. Noli malos rhetores imitari, qui jungunt & exaggerant, quasi aliquid majus dicturi. Nam etsi habeant quod cuique objecto respondere possint; ex tot tamen tantisque, etiamsi falsa sint, quid indelebile gignitur.

Vbi

Vbi adolescentes ad virtutem sunt excitandi, (suo quidem semper beneficio, tuo nonnumquam commodo) quum divina non credant, philosophorum rationes frigidae sint, (ut hoc ipso intelligere possint qui sapiunt; quum dubium haud sit, secundum virtutem vivere melius esse, Deos esse, ac Manes & æternam illorum gloriam ac voluptatem) fallere eos & arte & verborum lenocinio licet: ut quum in uno vis argumentorum, in altero finis laus desideretur, quasi ex utrisque conficiatur una ratio. Quale est, apud Alexandrum (lib. 4, Quæst. 24 & 25,) si exornetur, exemplum pulchrum. Inquit enim: Felicitas hominis (in qua omnia bona continentur,) in optima illius parte, id est, rationalis animæ operatione & perfecta acquisitione repouenda est. Quod autem optime adipisci finem, optimum sit, dubium non est: Scribentis, bene scribere; canis venatici perfectio, bene venari. Sed & quod virtus in rationali anima sit, & optimum; palam est: tum quia, si aliud melius esset, non esset virtus optimum per se: & ideo, quum optimum, virtutem appellauerimus, non esset virtus, virtus; aut optimum, optimum. Et etiam, quoniam vitia infinita sunt, & ob id periculosa semper; nec consistere possunt: felicitatem

P 2 autem

autem fixam & stabilem esse oportet :
 neque conveniunt hominum conversa-
 tioni nec societati vitia. Si ergo finis ho-
 minis est, vivere cum aliis, (aliter esset
 infelicissimus) id maxime expetendum,
 quo sic vivere possit. Ut si finis hominis
 esset domus, maxime expetenda esset ars
 aedificatoria. At quod virtus maxime vir-
 tute comparari possit, & hi qui eam non
 magni faciunt, sponte fatentur; quum vi-
 deant labore & patientia & industria
 [unumquemque] virtutem adipisci : Et
 ratione perspicuum, si quidem similia si-
 milibus facilius habentur, quam aliis.
 Quod si quis objiciat, [virtutem] non
 esse quandoque expetendam, quoniam
 aliud non secundum virtutem, melius
 sit, ut lucrum, medendo, quam studium.
 Respondemus, quod non : quoniam id
 quod est per se, optimum est. Sed fallit
 nos usus, aut consuetudo, aut exemplum
 aliorum; ut in plerisque etiam aliis malis.
 Verum si hæc tollantur, apparebit mani-
 festum discrimen. Quod si dicas : Quid
 si hoc efficiat, ut desit, aut postmodum
 recuperare non possis? Non erit primum
 virtus, deferere semetipsum : ac de se-
 cundo, plus multo facit ad utilitatem ex
 hominibus capiendam, modo vivas apud
 homines, non asinos, (quanta sufficit ad
 vitam absq; penitentia in fine traducen-
 dam)

ARCANA PRVD. CIVIL. 229
dam) virtus, quam quod ultra acquiritur
ex conversatione, virtute omiffa, quum
ad finem vitæ perveneris, cujus æstima-
tione omnia sunt metienda, & homo fi-
bi felix aut infelix videri solet.

C A P. LV.

De vi.

VIs autem odiosa per se legibus est;
propterea dolo miscenda. Sed minæ
locum habent virium in timidos, nec le-
gibus adeo subjiçuntur. Et scias quod
in iracundis semper minæ auferendæ
sunt. Minarum autem loco habetur ne-
gans: veluti si dicas, Ni feceris hoc, vel
hoc. sed dicas: Oportet, ut adipiscamur,
id agere facile enim erit. Vis quandoque
usui est in eos qui volunt, quum in aliena
fuerint potestate. Minus locus est, nemi-
ne præsentē. Pueros & puellas vi abdu-
cunt multi. Sed in puellis præsens pericu-
lum: quia flagitium præsupponitur. Au-
ferimus etiam vi, quæ nostra sunt: & sa-
cerdotiorum possessionem occupamus,
in rivis aquarum ducendis, in finibus
agrorum, &c. sacerdotibus: quæ nume-
ro dierum jus acquirunt: velut domo-
rum locationibus, quum publici ministri
non sufficiunt, seu ad tuendum, seu ad
protrudendum, quum ex possessione jus
accrescit, aut pecunia pro defensione.

P 3

Sem-

Semper autem vi tueri propria, quam invadere aliena, magis permissum est à legibus, & laudabilius. Inspecere autem oportet, an tutum sit quod quæritur; & qualem aggrediaris rem: inde disporre, instruere, exercere. Dei veneratio, & pudor, semper ante oculos proponatur. Tametsi enim impudentia & impietate homines sibi videantur esse liberriores: si tamen cogitent voluptatis precipitem transitum, quum infamia hominem comitetur ad mortem, tum sceleris conscientia; raro ad hujusmodi flagitia patranda deveniet. Etenim postquam patriverit, pecunia commutare non licebit: neque homo, nisi errore & animi impetu seductus peccat. At insidiæ tutiores sunt aparta vi, ac minus detestandæ: tum eo ipso, ne bellum in urbe gerere velle videaris. Debent autem & ipsæ & vis liberalitati jungi. Etenim nihil est, quod vitiorum turpitudinem magis tegat, & à legitimo periculo hominem vindicet, ipsa liberalitate. Insidiæ ergo inter minas quasi & apertam vim sunt constitutæ: Sed si non procedant minæ, plurimum obsunt, quoniam inimicum movent: ut etiam vis. Propterea insidiæ omnium sunt tutissimæ. Minis utantur, qui potentia vel jure præcellunt; ne favire velle videantur: honestæque minæ vocantur

cantur hæ: quamquam finis iustus aut
 iniustus eas distinguat. adversus tamen
 miseros, ni palam improbi sint, [minis]
 uti turpe est. Ob iustam igitur causam
 esse debent, & breves, & de magnis re-
 bus: ut quum pro vita & honore certa-
 tur cum his quibus minamur. Talis est,
 ut honore læso stare non possit: velut
 qui publicis negotiis præfecti sunt. Sem-
 per autem ubi aperta vi usus fueris, de-
 cet te in aliam conferre regionem, ne
 publicam auctoritatem contemnere vi-
 dearis. Nunquam tentabis ut non perfici-
 as: ergo neque nisi coactus, quum non
 securus es de fine. Vis quoque simula-
 tione & insidiarum, improbi bonos e-
 vertunt. Etsi enim ei nihil noceamus,
 injecta tamen suspicione, vitam (ob pa-
 vorem) reddimus inutilem; ut primum
 relinquat occasiones bene gerendarum
 rerum; & consternatus animo ut nihil
 capiat consilii. Quare quum huiusmodi
 ingruerint, audendum est, magis necessi-
 tate, quam spe. Satiùs est enim fortiter se
 dubiæ opponere morti, quam per segni-
 tiem semper mori ac torqueri. Oporteret
 autem eum qui vim conatur inferre,
 promptum esse vigilem, & admodum
 cautum: præterea considerare finem, &
 quæ ad illum necessaria sunt. Melius au-
 tem ad voluptatem propriam vis dirigi-
 tur,

tur, quam ad incommodum alienum :
& si commodum incommodo addatur,
laudabilius erit; tum quia honestius, tum
quia in utroque eminet species potentię.

Principaliter autem, quum quatuor
sint modi in actionibus, maxime ulci-
scendo : velut agere, & videri ; id in fi-
liorum & fratrum iusta vindicta conve-
nit : vel nec agere, nec videri, quum res
non magna est, & dolo caret : videri au-
tem, & non agere, in viliores personas,
quum res non contemnenda fuerit, abest
tamen flagitium : agere vero, & non vi-
deri ; quum res non extrema est, dolo
tamen atque insidiosè peracta. Semper
autem, quum de honore & dignitate
agitur, & contempta autoritate, tum vi-
tę periculo, videri agere oportet ; &
quum res ad vulgus refertur.

C A P. LVI.

De natura.

NA T V R A commutationes parantur;
quum tu (gratia exempli) puerum
quæris, ego musicum ; ego equum, tu
equifonem. Nostra nobis magis etsi pla-
ceant ; tædio tamen minus cara persæpe
sunt. Consuetudo retinet, copia abigit :
nam & generaliter libentius commuta-
mus quæ nos fatiant : Et ea sunt, quæ-
cunque causam habent ob quam placue-
runt

ARCANA PRVD. CIVIL. 233
runt infirmam, aut senescentem: Aut si
cupiditate habendi, impensæ oblivisci-
mur inde quum consideramus, illa nos
gravat: Sic quum alia aliis placeant, na-
tura rerum ipsarum, commutare facit.
Atque id maxime contingit inter eos qui
sunt diversorum morum; velut apud
Poetam:

Agrum pro puero Calliodorus habet.
Vt igitur rem illi jucundam in potestate
habeas, oportet vel pluris emas, quod pe-
cuniæ omnia potestate contineant. Sed
hic modus nunc à nobis non considera-
tur. Naturam inquam ergo dicimus re-
rum & hominum, sub qua vota illorum
continentur.

C A P. LVII.

De tempore.

T E M P O R E quoq; constant hæ com-
mutationes: & quæ ab initio dare
petentibus nolumus, ultro rogamus ut
accipiant. Nihil est quod [quis] sibi non
queat de tempore polliceri. Diu si vixe-
ris, & prudens sis, omnia habebis. Sed
hoc est quod nos turbat: (utrisque scili-
cet eorum quæ desiderantur occasionem
persæpe præterire, etiã si [diu] vixeri-
mus:) interim quoque usus perit. Tem-
pus omnibus rebus aut gratiam addit, ut
illi recipiant, quod recusabant; aut ad-
imit,

imit, ut dent, quod dare nolebant. Quid non promittit, imo quid non præstat tempus? Inimicum occidis; scelerate plerumque; jactura magna, majore periculo; ut perpetuo sollicitus & anxius vivas: & si [vindictam] pauculis annis (per sæpe etiam mensibus) differas; ille, nullo tuo crimine, cum tota stirpe corruet. O insanam hominum mentem, quæ ea tam care emit, quæ tuto & absque dispendio habentur, ob modici temporis impatentiam! Sed quum, ut dixi, interim pereat usus, & in periculo verferis, & jacturam patiaris, distinguendum est diligenter, quando locus sit expectationi, & quando non. Videtur autem semper expectandum, quum tua ætas longe in annos minus processerit: Vt contra ridiculum est, senem expectare occasionem ex aliorum morte qui longe sunt juniores.

C A P. LVIII.

Scientia rerum, morum, ac potentie.

NIL autem præstantius est (præsertim in controversis rebus) scientia ipsa rerum de quibus agitur; tum morum, ingenii, ac potentie eorum cum quibus pugnas. Constat hæc pluribus modis; quum tamen præcipui quatuor sint. Multorum primum hominum consuetudo; nam multi multa norunt: Corruptio

pio intimorum; quæ in usu frequenti est
 apud Principes: atque adeo ut (si velint)
 nihil privatorum eos lateat; imo etiam
 aliorum Principum pauca: Et indicium
 quod ab operationibus illius sumitur. Et
 quamquam à paucis facile falli possis, de-
 cursum tamen totum si observaveris il-
 lius actionum, non erit difficile, tametsi
 cautissimus sit, illius animum, fidentiam,
 potentiamque deprehendere. Vltimum
 est, epistolarum diligens consideratio.
 Secundo modo in species diviso, primum
 dabimus locum amicis his qui rem tra-
 ctant, & (si fieri potest) ordinariis: ve-
 luti his qui à secretis sunt: quamquam
 hoc arduum sit: non enim ignotis facile
 obsequentur sine præmio, quorsum? cum
 præmio, periculosum. Ob id advocatis
 utemur: qui & ipsi ordinarii sunt, sed
 non primi: quibus etiam pecunias, si ita
 res exigat, & ipsi nobis amici [sint,] ad
 corrumpendum dabimus. Quarto loco,
 si neque amici illius, neque qui à secre-
 tis sunt, nec advocati id possunt, per san-
 guine conjunctos his, qui primum aut
 secundum locum obtinent, id tentabi-
 mus. Quintus locus est per potentes vi-
 ros, tibi amicos. Omnia enim poten-
 tium sunt, & arcana etiam, modo pru-
 dentes sint. Vltimo loco sunt amici tui
 sagaces. Sed in rebus magnis, parum his
 confi-

236 HIERON. CARDANI
confidendum. Sed & negotium quo in
statu sit, scire oportet, & quantum pro-
cesserit; quantumque qui adversatur, pol-
leat consilio, amicis, pecunia, potentia,
consanguineis, efficacia (quæ maximum
est.) Tum vero cum peritis consilium
[inibis: de] imprudentibus, etsi alioqui
fidis, ne nimium speres.

C A P. LIX.

De decore.

AT vero in omnibus decoris tui me-
mineris: victor, gloriosus; victus,
sine turpitudine cades. Nec te dejicies in
adversis, nec efferes in secundis. Oppo-
nes, ut peritus gladiator, ubique cuspi-
dem. Senes, quorum vis effœta est &
facile contemnuntur, prudentiæ opibus,
ac severitati inniti debent. Sene stulto &
paupere nihil est miserius: sed etsi dives
sit, & sapiens, sed remissus, contemnetur
ab omnibus. Præteriere antiqui mores,
& consuetudines honestæ. Non male igitur
Aloysius Gallorum rex, ejus nomi-
nis undecimus, quum senex & æger
esset, severior adeo factus est, ut quasi sæ-
vus appellari potuerit. Dices, Nonne me
amabunt & observabunt, si pecunias
meas diligant? O stulte, nihil minus; sed
irridebunt. Quamobrem & eos non vi-
zupero, qui senii indicia regunt, capillo-
rum

rum & barbæ caniciem plumbeo pectine
[tollunt,] & aqua separationis, in qua
argentum est dissolutum. Verum non
denigrat admodum, sed rugas tollit, ra-
dix anguini cucumeris in aqua lactis
dissoluta; vel si iridis succo, aut spatulæ
foetidæ, rugæ liniantur; & ulcerata cutis
inde unguento ex cerusa curetur. Rur-
sus cerusæ præparatæ drachmæ quinque;
margaritarum, vitri, crysalli, chrysocol-
læ, singulorum drachmam unam: ca-
phuræ, myrrhæ pellucidæ, sarcocollæ,
singulorum drachmam mediam. confice
pastillos ex lævigatis in marmoreo lapi-
de, cum aqua rosacea: & sicca. Quum
opus est, dilue cum oleo de tartaro; & il-
line faciem vesperi: mane lava cum fon-
tis aqua. Facit & ad hoc cervina medul-
la, asini adeps, oleum ovorum, & fru-
menti. Dignoscuntur etiam senes à dea-
ribus, de quibus suo loco actum est. Sic
ergo senex mūdus, comtus, hilaris, blan-
dus, gravis, severus in domesticis infimis
castigandis: habeat autem à quo venere-
tur. At virilis ætas robore ac viribus, tum
vigilantia, constantia, atque fiducia se iue-
tur: nec ulla melior. Itaque senes pro-
videre debent, ut filios ex se habeant, aut
ex fratribus, sororibusve, obsequentes,
atque prudentes. His enim ætas illa secu-
le innitur. Quodsi his omnibus careat,
diligat

238 HIERON. CARDANI
deligat puerum, virtutis sapientiæq; amo-
re flagrantem : itaque illum instruat, ut
(præter sanguinis conjunctionem) filio
persimilis sit, & bono. Quidam pro filiis
nutriunt : sed syncerius est, animi veros
filios educare, quam corporis ementi-
tos. Ne sit verbosus senex, caveat : quan-
do in nullum aliud vitium facilius ac tur-
pius decidunt ipsi [senes;] seu quum facta
juvenilis ætatis laudant, seu quum audi-
ta commemorant. Pueri autem blandi,
venusti, comati, honesti, scituli, mundi,
prompti esse debent : verbaque illos de-
cent magis, quam ullam aliam ætatem :
pudici quoque. Etenim commoda im-
pudiciæ etiam si maiora essent jactura
atque infamia, adhuc longe minora red-
duntur, quoniam incerta sunt. Propterea,
quum vitia & virtutes legibus constent,
minore dedecore, maiore flagitio adacti
&c. feliciores sunt. Itaque & clam ad-
missa, nec in exemplum adeo feruntur,
quod vindicare non possint. Quamob-
rem ita instituendi sunt, ut omnia libera-
lia munera norint exercere : legere, scri-
bere, fingere, pingere, canere, pulsare, na-
tare, equitare, & huiusmodi. Mulieres
vero, castæ, pudicæ, mundæ, sollicitæ, acu
(non penicillo) pingere assuetæ &c. In
omni actione memento quanti res sit :
ne (ut stulti faciunt) pro obolo amicum,
aut

aut existimationem, aut rem magnam perdas. Qui scis cum quo certes? eorum qui adsunt, dignitates, ac virtutes? &c. Et quum beneficium acceperis, si non [amplius,] gratiam non intervertas. Ingrati enim animi est, meminisse quod non dederit; [non] meminisse, quid dederit: tamquam qui nihil debuerat, omnia deberet. Nec etiam tam refert quid agas, quam quo modo. Honesti enim si turpiter tractentur, turpibus cedunt modeste tractatis. Verba generalia affectu atque gestu efficaciora facta, magis decent, quam expressa & propria; in quibus periclitatur existimatio, si secus evenerit. Neque enim repetitio affectus, gestus, vultus contentio, ita objici possunt, ut expressa sententia: & si evenerit &c. in memoriam revocata, majorem habent vim; tum propter id quod mos id probat, tamquam prudentium &c. Possunt præterea ad plura alia contorqueri.

C A P. LX.

De executione.

O M N I V M autem quæ ingeniose & solerter invenimus, finis atque perfectio est ipsa executio: ut tanto celerius omnia peragamus, quanto cunctantius deliberavimus. Gnati verque agendum; ut brevi absolvyatur: Fortiter quoque & con-

240 HIERON. CARDANI
& continenter; orando, rogando, hortando, urgendo; impellendo etiam tuos omnes auxiliares: ut simul, exemplo eorum qui pondus aliquod aut vehunt aut attollunt, (qui se clamoribus, ut una moveant, adhortantur) in negotium incumbant, ac (ut ita dicam) quasi ruant. Ut numquam cesses: sed imiteris ventos (qui levi flatu immensas naves assiduitate impellunt donec aliquid firmum constitueris. Multa enim negotia pluribus constant ex actionibus: quas ut dum peragis, intermittere maximum malum est; ita indecorum, laboriosum, & persæpe damnosum, actionem actioni ita continuare, ut te tuosque amicos fatiges. In periculis etiam gravibus sæpe melius locum dare iræ furorique inimicorum, quoniam repugnando coeunt consiliis, ut hyemis tempore spiritus noster: cedendo dissolvuntur, velut flamma radiis subjecta Solis. Fratres à fratribus dissident: si vexes, statim in unum conspiciant. Ita narratur fabula de lupo & canibus invicem pugnantibus. Optime exequi dicimur, quum prompte, perfecte, polite, modico sumtu, aut labore, acurbatione; clam denique, & quasi inexpectato. Neque enim celeriter exequi, est cito exequi; sed antequam possis impediri. Quod malum est in his qui à Principibus
juvan-

juvantur, invitis autem ministris. Nam quum impedire nequeant, durius negotium reddunt, patefactis his, qui controversantur, consiliis tuis. Occasionem etiam [captare] quum in omnibus (uti antea diximus) utile sit, admodum vero in exequendo præstantissimum; ut non solum in singula etiam momenta eam observes diligentissime, sed arreptam prosequaris; ita ut nihil in ea prætermittas aut hæsites, vel cuncteris, delinquasve, donec negotium totum scilicet absolvas. Solent quæ per occasionem offeruntur, meliora esse, & perfectiora, quam quæ quis industria sibi paravit; utpote quasi divinitus oblata, & in finem illum ordinata. In his vero actionibus, quas semper facere licet, infectas numquam reddere, ubi par est periculum, melius est, quam diu licet facere, non fecisse, quam fecisse: ut in dubia curatione, ubi sanguinem usque ad quartam diem mittere licet, ad quartam usq; non misisse, quam misisse, præstat. Exequutor, præterita prima occasione, aut si quid novi emerferit, aut detectum sit à mandato, (si tempus habet) consulere debet principalem. Quo præcepto prætermisso, magni errores sequuti sunt. Si tempus defuit, exequi præstat, aut generaliter in indeterminatis actionibus quam lente procedere

re:

242 HIERON. CARDANI
re: scilicet ubi certus boni finis exitus
non est propositus: & in determinatis
etiam, antequam media ad obtinendum
nondum collegerit, ut concursus fiat. Vbi
autem ambo illa adsint, celerrime pro-
perandum.

C A P. L X I.

Verbis pluribus quando uti liceat.

AT QV E illud primum aggrediamur,
de sermonis multitudine; quam ne-
cessariam quandoque esse constat: &
primum inter veros amicos, quavis de
caussa, seu relaxandi animi, seu volupta-
tis, seu facti enarrandi, seu consultatio-
nis: & inter fratres, maritum & uxo-
rem, patrem & filium, amantesque; &
quum fallere imperitos, sermonis multi-
tudine studemus; aut vendere pro rebus
verba, aut nugas pro pecuniis dare: &
quum præoccupamus sapientiores no-
bis, locum dicendi ac tempus eripien-
tes: & quum verba pretio venduntur, ut
apud causidicos, & procuratores: &
proxenetis nugari semper consuetum fuit:
& parasiti & lenones apud comædos ut
garruli introducuntur. Nimium quo-
que in oratione fuisse Ciceronem con-
stat. Et certe in quibusdam multitudo
verborum vim quandam affert; præ-
sertim si ordinata, concinna, cum af-
fectu,

ARCANA PRVD. CIVIL. 243
fectu, & de re non magna fuerit; tunc
vero apud leves auditores: talis autem
populi turba. Generaliter autem in par-
tibus suis, quum opportuna est, diserte &
subtiliter loqui, non est extra rationem.
Maxime autem nugacis nomen veren-
dum est, quum de communibus multa
loquimur.

C A P. LXII.

De dolo dignoscendo.

AT in agendo non decorum, sed po-
tius utilitatem inspicere decet (lo-
quor autem de tractationibus.) Id fiet,
si ne decipiaris, caveas. Primum igitur
scire oportet, cum quo sit negotium, an
animo sit dolofo: dignoscitur autem ex
intentione, de qua superius (cap. 45.)
tractatum est, & ex natura hominis, &
quemadmodum erga te se habeat; de-
mum ex propriis signis. Ex natura qui-
dam sunt impudentes, improbi, audaces,
leves, perfidi, nugaces. Senes quoque cal-
lidissimi [sæpe sunt,] & deceptores apti;
verum ad eludendum maxime accom-
modati. Indicio est, quod senes, quum
sint effæctis viribus, & ignavi, rarissime
tamen, nisi vi aperta, opprimantur. Ut
palam sit, etiam in humanis prudentiam,
robori atque potentiæ præstare. Galli
etiam & Hispani ad fallendum promptio-

Q 2 res

res Germanis: sed nulla magis gens, quam Afri atque Græci. Circulatores quoque & mimi, & lenones, perjuri sunt & fallaces; & pauperes divitibus magis. Inspicere igitur oportet regionem, sexum, ætatem, educationem, mores, & (si quid ad rem facit) formam. Pueri enim, & mulieres, & rustici, simplices; mercatores & artifices mala fide sunt. Neque tamen omnes homines similiter ad singulos se habent. Gabriel Fundulus, quum esset proditionum fons, unum tamen observabat atque solum Facinum Canem. Itaque ne credas omnes homines tam callidos esse, ut tu es; neque animo adeo improbo ad decipiendum. Quidam bona fide agunt, etiam si à natura improbi sint, quod naturam non patiantur homini violentiam perpetuam inferre. Plures casu pleraque faciunt. Quæ autem ad decipiendum invitant, potissime tria sunt: audacia (sub qua contemptus continetur,) spes, & necessitas. Qui enim putat, etiam si deprehendatur inultam sibi fore fallaciam, audet omnia: & qui necessitate cogitur; & ubi spes est, occultam rem fore. Sed plus potest consuetudo omnibus: adeo ut cogites quæstuosos numquam quiescere, (ita ad decipiendum sunt consueti; maxime mercenarii, & qui minutim vendunt, velut lanii, caupones, vestia-

ARCANA PRVD. CIVIL. 245
vestiarii,) nisi deceperint vel numero,
vel quantitate, vel genere rei, vel pecuniæ
computatione: Finisque recti sui, est cor-
rasisse. Tum vero videntur [sibi] ex æquo
rem peregisſe. Alterum igitur est, ut tunc
ex æquo rem peregisſe existiſtes, quum
irascuntur; & mœſtos reliqueris: hoc
enim inſtūm eſt: putantq; ſe deceptos,
ſi nihil præter juſ omnino corradere po-
tuerint, nec in ullo decipere. Circa quod
etiam animadvertendum diligenter, hoc
illos ſcire, alios ſiquidem id ſcire: atque
ob id etiam quantumcumque dederis,
& quantumcumque in parte deceperint,
querentur. At ſi oculos inſpicias, facile
deprehendes: horum enim ridentibus
ſimiles; illorum iratis, rubentes & flam-
mei. Verba quoque cum impetu gemit-
que prolata. Si ergo quippiam emtu-
rus ſis; dimittantque, inde revocent, &
ſub eodem pretio, quod recuſarunt, mer-
ces offerant; ſuſpicandum eſt de dolo.
Quamobrem intente inſpicere oportet:
juvabitque digito clam, dum diſcedebas,
ſignum impreſſiſſe. Etenim peſſimus do-
lus eſt, quum, mutata re, ac ſimulata pœ-
nitentia, emtorem revocaverint. Specia-
tim autem ſignum deceptoris eſt, quum
diverſis ambagibus te circumvenit. Ædi-
ficatores in tabella exponunt plus quam
exigatur rerum, & majore pretio: ubi
Q₃ depre-

246 HIERON. CARDANI
deprehenderis, cur est ut in illo amplius
confidas? itaque ex ungue leonem. Stul-
tum est, ubi semel conviceris, in aliis exi-
stimare meliorem. Avida quoque con-
ductio [aut conditio,] & sollicitatio
negotii, doli signum est. Quinimo, si di-
ligenter inspicias faciem, vix fieri potest,
ut vel non oculum deprimat, aut conni-
veat, aut rideat, quamvis in suam malam
rem. Adeo natura humana fallax est, ut
etiam de spe concepta, lätari soleat. At
in prædiis vendendis duplo locant; tu-
rumque reddunt conductorem.

C A P. LXIII.

Captatores quomodo eludendi.

DVM vero captare aliquem propofi-
tum est; aut ob lucrum captare oportet,
aut ut obtineas quod aliter obtinere
non potes. Captare enim solum ut irri-
deas, non tam maligni est, quam etiam
stulti. Captant te præcipue, dum contra-
his, & dū à contractu discedere cupis. Ut
vero contrahendo fallas, non est propo-
situm docere; sed ut eos qui fallunt devi-
tes. Cavebis ergo mercatorum, artifi-
cum, operariorumque dolos, hac ratio-
ne. Est in rebus materia, labor, quanti-
tas, numerus, pulchritudo, ac pretium.
Perdiscere ergo primum omnia hæc à
peritis in arte, decet: nec festinatione
opus

opus est in huiusmodi negotiis, si non errare velis. Circa materiam quidem ipsam [considera] genus, speciem, locum, tempus. Aurum enim argento nobilius, & purum misto; & Orientales margaritæ Scoticis; & novæ vetustis majore in pretio sunt; & rotundæ informibus; & illustres hebetibus; & leves asperis: multaque huiusmodi similia, quæ in artificio desiderari solent, quum res ab artifice elaborata est: at hic artifex est Natura. Finge igitur, aut pulchrius, aut minore pretio potuisse ab aliis habere: ipsimet se detegent; objicientes viliori pretio merces etiam ignobiliores, melioribus pretium majus. Ita facile cuncta deprehendes. Quod si curam hanc suscipere velis, edoctus ab illis, poteris aliunde emere elegantiores, & viliori pretio. Cave etiam ne redeundo, merces quas ostenderunt, commutent; & viliores sub eodem pretio exhibeant. Quum prope pretiam accesseris, maxime si res non admodum venalis est, dices, Hoc offero: quære alium qui plus dare velit: conditio hæc non tibi deesse potest, modo non provisum sit mihi. Hæc enim verba maximam inducunt suspicionem pœnitentiæ, & opportunioris conditionis. Cum artificibus autem convenies de materia (cujus particulam tecum auferes,)

quantitate, qualitate artificii, partibus singulis, tum numero: præstituas quoque tempus. Arrha enim accepta improbi litigare solent: eam [itaque] quam tenuiorem potes dato: si fallat, eam potius ei relinque, quam ut dolo fefellisse te gloriari [queat.] Inde post diem, aut paulo post, submitte (venale enim probabat quod non recepisti) qui emat: nam viliori pretio redimes, quam si quadruplum arrhæ ademisses [vel adieciisses.] Ita illum propria techna conficies. Cum architectis autem convenies, ut singula quæque scribas, genus, quantitatem, numerum, formam, ac reliqua, tum operas, atque impensam. inde petes, quanti? ille, ut te intrudat paullatim negotio, multo minus (ut solent omnes) proferet; tum vero illi offeres locandum opus: atque sic suo & ille dolo deprehendetur. Quod si antea plus postulet, negabis te suffectorum impensæ: quæsiturum qui minoris te facere doceat. Perfecto opere, quantum potes pecuniarum retine; donec si quid deficiat, aut male concinnatum est, aut doli subest, aut non apte fabricatum, & juxta personam tuam, deprehenderis. Idem cum omnibus artificibus: quos ubi constiterit dolo aliquid subripuisse, ne excandueris, (plus enim oderint, & minus timebunt) sed coge ut ad quadran-

tem

tem usque restituant: quos, seu furentur, seu dolum intendant, vitare decet in posterum. Sed etsi nil tentarint, non magis illis fidem habeto; sed cum Græcis ac lupis rem esse scito; prioremque probitatis speciem, escam esse in hamo, ad securius graviusque fallendum. Sed neque confidas his, quos beneficiis affecisti. Propterea ne beneficium alterutra electione amittas, seu eorum opera utaris, seu non; finge summam in eis fidem: proxenetam vero submitte, qui alia via idem tentet: simulque fidem amici explorabis, & tutus eris à iactura. Vbi enim deceperit, dices ab altero te jam accepisse. Duo denique quum sint modi negotiandi: unus tacite; alter ut aliud fingas: similiter quatuor emendi: ut intelligant te velle emere, & statim;isque pessimus est; secundus ut videaris, & tunc nolis, tamen non concurrent multi venditores certatim: tertius, ut videaris etiam, sed pretio valde vili oblato, omnino è spe decidat: quartus, ut aliud potius velle videaris: Horum secundus maxime est in usu: optimus tamen est ultimus: tertius vero in his quæ vendere coguntur. Vbi artifex aut vilis persona plus petit, non sufficit iustum pretium obtulisse, sed longe minus; inde quod contemserit, objurga. Si in numero, aut pondere, men-

Q 5

surave

250 HIERON. CARDANI
furave falli te existimas, honeste consue-
verunt repetere numerationem aut men-
suram, quasi minus dederint, aut plus ac-
ceperint, ut videant an plus dederint,
minusve acceperint. Si actio cum incon-
stanti viro sit, tardare oportet eo usque,
ut actio cum promissione jungatur.
Optimum est in his, eos aggredi impera-
tos, & opus simul cum oratione conjun-
gere. Quod si nequeas, cautionem exi-
ge, pignore accepto, aut arrha: vel par-
tem negotii prius absolve, aut fide publi-
ca interposita, magistratusve autoritate,
aut juramento, vel testibus: ubi muta-
verit, minus agendum est. Neque vero
minus gloriosum est, se tueri à dolo, aut
utile; quam dolo fallere. Primum qui-
dem, quod maiore damno & dolore affi-
ciatur deceptus; quam voluptate atque
utilitate deceptor. Captando etiam mul-
tis modis peccatur: fide everfa, quod
non licet evidenter, quod non decet: in
levibus, animi potius nequitiam detegis,
quam fias ditior; si non assequaris peri-
culosum, præsertim cum potenti viro, aut
vindice [vel iudice.] Obstant leges, in-
famia premeris, si viduam, si pupillum,
miserum, amicum benemeritum ever-
teris: quid foedius, aut detestabilius? im-
pietatis, non solum flagitii, hæc plena
sunt: non secus ac si contemseris sacer-
dotem,

dorem, aut sacras virgines, aut templum
spoliaveris. At in deludendo captantem,
quæ dulcedo, quæ securitas? Est etiam il-
lud consideratione dignum, neminem
recte fallere scire posse, qui nesciat quo-
modo recte captantes vitare liceat. Vtrū-
que enim simul necessarium est, & ca-
ptare, ut non capteris; & captantes elu-
dere, ut captare possis. Noli igitur ni-
mium confidere; nec rursus metuere.
Cæterum, ut ad rem redeam, summam-
que detegam, omnis emptionis, vendi-
tionis, ac permutationis, tum solutionis,
præstitæque operæ; in duobus constitu-
tam esse noris.

Vbi litigandum esse intelligis, fac ut ex
actore reus fias. Hoc multum refert.
Nam impensa minuitur, minus temporis
absumitur; & æquiores habebis iudices.
Id ergo continget, ubi rem possederis.
Itaque ubi improbitatem animadvertes-
ris, omnia pollicearis: sed ostenta potius
simplicitatem, quam ut blanditiis utaris.
Vtere potius blanditiis, quam pollicearis.
Hoc cave quantum potes. Sed, si necesse
est, verbis fallacibus, & nemine teste; aut
saltem eorum altero. Vltimum est syn-
grapha, sed, compositis certa structura
verbis, ne possis convinci. Ita arduum
non erit, ut rem mobilem, non fundum,
ad te transferas.

In

In emendis equis, quum vitia sint occulta, sed exigua, ut pavidus, cibi parcus; sed manifesta, ut cæcitas, tumor pedum; vel occulta & magna: primis parum læderis: secundi generis vitiorum admonabit te equiso peritus: tertio subvenit lex municipalis, in qua communiter excipiuntur asthma, gravedo (quæ in equis valde lethalis est morbus,) Græci feliciter *σελινιασμός* vocant, ut laborantes dolore per circuitus, seu dolorem redvivum *νοσημετώδη*. Itaque recte consultum fuerit huic rei, modo equisonis periti opera fideli usus fueris, & restitutioni pecuniarum locus detur, ut scilicet à cive emeris, & eo qui solvendo sit, nec sit litigiosus, aut potens, aut qui nolit legibus parere.

Est etiam aliud genus, quod excogitant, vi quadam decipiendi emtores. Dicunt enim, tanti emisse. Quod quum falsum esse conjectaris, dimitte illos. Si secus facere potes, non violentus dolus est. Aut enim cogeris dare quod volunt; aut debere illis pro suis nugis: quo nihil est turpius. Id autem agunt, quum sciunt neminem etiam alium ejus mercis venditorem: perindeque ac si decerent, Cogeris accipere, si vis. Sed hoc turpius putant: quum fallantur: nam ea excusatio vera est: verum autem semper

honeste

honestius est mendacio. quod si repente eos destituas, compensabis dolum. In prædiis vero, ubi pluris locaverint, ante locationem fructus scire oportet; & quis is sit cum quo colludere potuerit. Vide etiam vicinos agros & dominos, atque colonos: fucus enim subolet his. Demum tantabis, an velit paulo minore pretio, perpetuo conducere: ut sit hypothecæ dominus.

Quum librum conscribere velis; timeasque ne exemplar aliud conficiant, multa in margine annotabis, aut characterē obscuro [maculabis] autographum: Scribes autem omnino aliqua non in eo contenta, sed in foliis aliis scripta ostendes, quæ interferi cupias post medium libri, aut etiam passim; testatus, oportere illum hæc apud te scribere, desperationem injicies suffurandi. Sed si cupias exemplum libri; qui his vitiis omnino careat, transcribi sine suspitione, multa passim cerusa & tenui graphio obscurata, ut non possint legi, jubebis apud te transcribi; primum permittendo ut absens in multis, sed leviter, aberret. Ita opera alicujus ex tuis, tamquam monitore te aut custode, rem absque periculo & suspitione absolves.

Quando à conventis discedendum.

QV V M vero jam captus es, & à conventis cogeris discedere, seu captare consilium est, seu captantem eludere; ostende primum, te maxime cupere, quod ille pollicitus est: gloriare de lucro, optimave conditione: finge timorem, ne à conventis ille discedat; etiam submisso proxeneta, qui se meliorem conditionem pro illo effecturum polliceatur: urge, pete importune quasi verearis, ne à pactis discedat, ut tandem præstet: facile enim fiet, ut aliquid plus ille postulet: quod etsi non satis videbitur, præsta; ac rursus per eadem conare. illi persuadere, pinguem esse tuam conditionem, atque optimam; illius tenuem atque exilem: donec illo augente postulata, liceat honeste tibi à conventis discedere. Quod si hæc via non procedit, submittes novos negotiatores, qui meliorem tibi conditionem offerant, aut quem tecum iniit contractum vituperent: donec ille tandem pœnitentia ductus, aliquid dicat, faciatve, quo pactum abrum-patur. Sed si nec in hos casus incidat, tum ad turpia descendere cogimur; ad jurgia, iræ provocationem: donec fatigatus & tœdio affectus, dissolvat pacta, etiam-

etiam si publica fide tabellionis coaluerint. Velut apud Diodorum de Dionysio majore, tyranno: qui quum à Reginis, ob eorum culpam, discedere vellet, frumentum ad alendum exercitum postulavit; ut si non darent, eorum amicitia renuntiaret; si darent, fame eos subigeret: quorum utrumque obtinuit. Dederunt enim; inde cessarunt: sicque obsidibus remissis, urbem eorum cepit. Ita à privato, quod non numerata pecunia det, postulabis. Talibus uti licet adversus inimicos, insidiatores, æmulos, quique gratuito te persequuntur; quibusque controversari &c. aut oportere suspicaris. In omnibus autem, tam externis, quam domesticis, honeste excusatio sumitur coram eis, si ex eorum facto videaris læsus, vel in corpore: vel in re: ut si horam præstitueris, alia ille veniat, tum impeditus impingas ex celeritate, vel illi intentus, in januam; aut vas pulcrum, licet exigui pretii, frangas.

C A P. LXV.

Proxeneta.

QVÆ vero per alios agenda sunt, auxilio proxenetae indigent. Eligatur ergo vir impiger, callidus, versutus, comis, nugax, (nam in emtionibus, venditionibus, famulis conducendis, verba loco

236 HIERON. CARDANI
loco pretii habentur) efficax in rationi-
bus & argumentis, promptus, & occasio-
num maximus captator (solet enim in
proverbio Genuensibus esse, Debueras,
quum calidus essem, recipere; nunc co-
gitavi;) exercitatus in omnibus hujusmo-
di negotiis, quod summum est denique.
Hunc ergo tibi amicum, tamquam te
ipsum efficies: si fuerit ille in amicos
suos gratus & fidus, & nunc non abhor-
reat ab amicitia tua, & qui honoris ac
existimationis majorem quam opum cu-
ram habeat, tenaxque sit amicitiae: [&
qui] non nulla in re excellat, sed in omni-
bus mediocris sit: nam qui plurimum
excellunt, & adeo in singulis minutis at-
tenti sunt, maximos solent admittere
errores. Hunc sic ad amicitiam tuam
allicies.

C A P. LXVI.

*Proxenetæ quomodo in amicitiam
alliciatur.*

SIMVL A te oblectari omnibus, qui-
bus ille delectatur. Curabis ut tua con-
suetudo ei non sit inutilis, seu lucri occa-
siones offerendo, seu donis sæpius exi-
guis (maxime eduliorum) alliciendo. Si
ambitiosus est, extolle, si laude simplici
contentus sit. Coram teste ne umquam
cum illo contenderis; nedum ut queraris,
aut re-

aut reprehendas, vel accuses: solus quum
 sis, licet modeste atque amanter admo-
 nere, hac forma. Emit (gratia exempli)
 pluris aliquid; dicas, Bonum est, ac com-
 modum, licet aliquanto carius; aut, Me-
 lius forsan fuisset conditionem priorem
 recepisse; aut, Si occasio tulisset, præsta-
 bat aliquantulum expectare. Suos (utpote
 filios [ipsum,] & uxorem) iuva, quum
 potes; & si merentur, lauda: aliter, ne
 eorum feceris mentionem. Eum sæpius
 ad communem mensam invita. Nihil
 enim hoc lenocinio ad conciliandam be-
 nevolentiam accommodatius. In domum
 ne receperis. Nimis enim familiaris &
 assidua consuetudo, odii aut contemptus
 semina parit: tum maxime propter suos,
 tuosque: nam conjux quos diligit, uxor
 odit: nec tantum apud alios fidei habe-
 bit in tuis negotiis, ut qui servam ope-
 ram habere credant. Iuvat tamen uxo-
 rem uxori, filiosque tuos suis conciliasse,
 si probi sint. Blandus erga illum sis, ac co-
 mis: in eoque genere sermonis sæpius
 versare, quo maxime illum gaudere ac
 delectari animadvertis: tum maxime ex
 obliquo, & à latere quasi, commemora
 quæ ille prudenter tractarit, & utiliter ti-
 bi. Nihil magni feceris clam, quod re-
 sciscere possit, cuius illum prius non ad-
 moneas: aliter occulte prorsus id age.

R

Si tan-

Si tandem scitutum id conjecteris, nec ere tua fit, ut sciat, tum prius age; deinde accusa temeritatem tuam. Equidem mala merx est, si non pati velit quicquam te sine illo posse; quum & tu, præter tuam negotiationem, omnia illi libera relin-
 quas. Quam potes cum illo familiariter
 versare; atque sic, ut nulla ex parte ami-
 citia illi tua gemitus sit. Secreta, quæ tu-
 to potes, illi communica: & quantum
 illi gratum est, non tibi, utere consuetu-
 dine ejus. Neque illum, neque suos um-
 quam contemnes, aut irridebis. Non ju-
 rabis: & si tibi non credat, ridere satis
 est. Neque enim amicitia patitur, ut ju-
 ramento indigeas. Secreta narrantem ti-
 bi, audies; non exiges, nisi necessitas co-
 gat. Sine illo esse nolis in rebus jucun-
 dis: deducitoque tecum ad venationem,
 piscationem, atque aucupium. Nil triste
 quod evenerit, commemora; nec si in
 aliquo erraverit. Ludo latrunculorum,
 aut fritilli, aleæve, cum illo, sed nulla pe-
 cunia (aut perquam exigua) proposita,
 certa. Levis enim illa certatio amorem
 fovet. Quum quid recte tibi ipsius causa
 cesserit, fac ut omnino illius portionem
 habeat; ne umquam de officio, aut lucro,
 quod ingratus erga eum fueris, suspicari
 possit. Inimicos illius fac (quam maxi-
 me id tibi tutum fuerit) ut odio te habe-
 re in-

ARCANA PRVD. CIVIL. 259
re intelligat. In ejus casibus adversis do-
leas. Mutuum quum dederis, eo animo
da, ut dones : sed, si major pecunia sit,
publica fide interposita, causatus mortu-
lium casus.

C A P. LXVII.

Proxenetæ usus.

VT ergo proxenetę opera utaris, exem-
plo docebo. Fac ut vicinum agrum
emere in animo tibi sit. Proxenetæ per
alium sibi notum tentabit, an venalis sit?
&, si venalis sit, quanti alii licitaverint:
quam vero pinguis sit ; quanti locaverit;
liber ne sit, an alicui pensione addictus :
tum vero, an commutaret, si alius ager
ipsi proponatur : sic ut, quod animo est,
semper sit, quod resciscat. Inde illius
procuratores ac amicos promissis cor-
rumpe ; & agrimensores, si opus sit, pe-
cunia data ; & generaliter, qui vel men-
sura vel æstimatione fallere possunt. So-
lent autem in emptionibus, ejus quod
infra justum pretium est, in venditioni-
bus supra, certam portionem illis polli-
ceri. Memineris aurei illius dicti: Aurei
nihil esse impervium. In hujusmodi tra-
ctationibus sæpe occasiones occurrunt,
ut alios eligas proxenetas. Ex proxenetis
enim amicos ; ex amicis proxenetas fa-
cere oportet. Nec mireris, hujusmodi
R. 2 nego-

260 HIERON. CARDANI
negotiationem totum requirere homi-
nem, quum in illa existimatio, opes, fa-
lus, amici, denique tota humana felici-
tas consistat. Expediit autem scrinium
habere cum loculis : cuiusmodi nunc
magna est copia : in quo separatae sint
rationes agendorum : quas vesperi aut
matutino considerare oportet; atque ini-
ta ratione negotiari. Semper autem me-
mineris, nihil in humanis melius esse ob-
servatione occasionis, seu oporteat dif-
ferre, seu properare. Atque illud cogita;
quotquot felicitates tibi evenerunt, si vel
paulo plus distulisses, quantumvis ma-
gnae essent, in nihilum redactae fuissent.
Vixque ulla est tam constans occasio quae
[commode] per annum proferatur; pau-
cissimae, per menses; non multae etiam,
per dies: plures etiam sunt, quae momen-
to evanescunt. Quamobrem oportet ho-
minem, qui velit bene esse fortunatus, in-
tentum in singula momenta esse: & pro-
xenetam similiter haec observare. Sed ut
celeritas est maxime necessaria; ita nec
oportet tantum [illi] assuescere, ut differ-
re non possis. Praepropera enim festi-
natio, multorum errorum praeter id
quod causa sit, etiam facit, ut qui tecum
negotiantur carius vendant, tanquam
cupido & morae impatienti. Itaque mo-
dum in omnibus servari oportet, & non
[solum]

ARCANA PRVD. CIVIL. 261
[solum] medium tenere, sed potius ver-
tipellem esse.

Porro proxenetæ usus & probatio
quincuplex est, ut apud Demosthenem
de falsa legatione (postquam legati & ipsi
veri proxenetæ sunt, etiam si privatorum
fuerint:) renunciatio verorum: consi-
lium utilium: executio mandatorum re-
cta: temporis occasio non dilata: & in-
nocentia à largitione.

C A P. LXVIII.

*Quomodo cum tanta improbitate, ho-
minum conversatio stare possit.*

Q V V M vero mortalium genus adeo
pravum sit; animisque alii viperinis,
alii vulpinis, certe quam paucissimi (ut
dixi) qui humanitatis aliquid retineant,
sed prorsus omnes ferini sint; licet alio
atq; alio modo feritatem illam suam ex-
plere nitantur; & pro lucro tam anxie &
crudeliter, tum pro ambitione vel odio
minimo irritari soleant, quasi de vita de-
certent omnibus viribus, atque consilio;
nisi pensi, non Deum, non jura, non fi-
dem, aut aliud quidvis boni habentes:
sed omnia illa decora, risus, blandimen-
ta, gestus sint, velut eorum qui feras oc-
cidere, aut boves in macellum ducere
volunt, plena insidiis, & summa crudeli-
tate: idcirco dubitare quis merito posset,

R 3 quo-

262 HIERON. CARDANI
quomodo societas humana, congrega-
tionesque ac commercia tamdiu manere
potuerint? quæ licet inter diversarum
urbium & regionum accolæ gravis sit, &
valde inhumana, ac etiam antiquo tem-
pore deterior, imo sane durissima atque
miserrima; nihilominus qualiscunq; tot
seculis durat: &, quod majus est, rarissi-
me ad illud extremum improbitatis at-
que sævitæ devenit. Videturq; hoc ma-
lum simile fluctibus maris: qui ubi se
attollunt, antequam ad summum deve-
niant, sponte concidunt: ut videatur,
quemadmodum in illis, quod à natura re-
trahantur, contra naturam emergant, ha-
bere in se aliquid, quo subsidat & depri-
matur: seu quod hominibus meta con-
stituta sit consulto: quam quum quis ex-
cedere nititur, corrumpit fervor ille animi,
& feritas hebetatur atque retunditur: seu
quod ipsa rerum series hoc postulat; mor-
talis homo, imbecillis, & supra vires so-
lum audax, legibus, religione coercitus,
opum societate obtusus, labore assiduo
fatigatus, inconstans, ferociam tantam
retinere nequeat. Quibusdam laudis cura
profuit. Advenæ etiam ipsi habent, quod
tueatur illos: conveniunt cum principibus
civitatis, communicato lucro. Velut ho-
die Iudæi. Expedit enim tales esse. Nam
præstare possunt, quæ non possunt cives;
& vo-

ARCANA PRVD. CIVIL. 263
& volunt id, ad quod cogi possent: ci-
ves autem contumaciores sunt. Pluri-
mum etiam posse credo ad tutelam mi-
serorum, eorū defensionem, qualiscun-
que sit: qui etsi non possunt ferire, mul-
tis tamen ictibus, defatigant victores, he-
betant gladios; ut eos postmodum tæ-
deat longi laboris, segnioresque ad alios
aggrediendos reddantur, quamquam in-
ermes. Vtunque sit, experientia ipsa
docet, non esse infinitam nostram hanc
nequitiam; sed retundi ætate, casibus,
pugna ipsa. Quo fit, ut numquam su-
pinos nos offerre præstet, misericordiam
implorantes; sed pertinacia effugien-
tes calamitates, & potentiorum op-
pressiones, nihil habere tutius, ad quod
refugiamus: resistentes enim viriliter,
exemplo edocti, discedere illos; & ad
molles, segnes, & qui in misericordia
& fide spem reponunt, opprimendos se
conferre: tum ob id præcipue, quod, ut
in Fabula Sibyllæ apud Meschinum, de-
vitent ne sub propriis formis bufonum
& viperarum videantur, & ut illæ visæ
maxime indignentur. Solum contigit ad
extremum improbitatis devenisse, in po-
pulos Novi Orbis quod Reges latrocina-
ri permiserint: illi vero undiquaque ru-
des & imbelles, & exemplo suo damnati
Anthropophagi: siquidem & spes pecu-

R 4

niæ

264 HIERON. CARDANI
nia maxima. Verum præcipuam cau-
sam, & quæ invicta est, consuetudinis
& amoris hominum (quamquam labe-
factata tot modis) esse reor, naturam
communem: velut in belluis ipsis con-
spicere licet. Quum enim omnia bellua-
rum ornamenta in homine sint præci-
pua, consentaneum etiam est, & hanc
maxime necessariam & decoram, junc-
damque in hominum natura eminere.
Indicio cuius est conjunctio sanguinis,
quæ potentissima est apud omnes gen-
tes, etiam admodum barbaras: atque ea
sola firmissima: quamquam Philosophi
nescio quid de amicitia nugentur. At
quum (ut dixi) tot modis debilitetur, &
abrumptur ea quæ in Principibus ma-
xime atque aliis benevolentia conspicua
videtur; neque falsa plerumque, neque
omnino benevolentia est, quum illo-
rum morte finem accipiant illecebræ il-
læ: neque una; sed quoniam minus me-
tuunt, & indigent, vera est. Composita
autem ex natura, dignitate animi, con-
suetudine, jucunditate, atque honoris
observatione, tum aliis minutis quidem
causis, illis autem (ut sibi videtur) majo-
ribus, prout ab affectibus ipsis superan-
tur. Itaque duo sunt tantum genera in-
tegræ amoris: à conjunctio sanguinis
(sub quo etiam Venus continetur;) &
hic

ARCANA PRVD. CIVIL. 265

hic corporeus est, & à nobilitate; qui animi est: totidem imperfecti; ob utilitatem, qui tamdiu [durat quam] utilitas ipsa; & à sapientia profectus: qui rarissimus est, ut etiam sapientes; alioquin integer.

Ergo quum ex decem humanæ congregationis causis; quæ sunt: conjunctio sanguinis, simplicitas animi (quæ adhuc viget in tenera ætate,) leges, & religio, tum virtus (Philosophis plus decantata, quam exercita,) gloriæ studium, consuetudo, voluptas, utilitas, & consensus ad evertendum meliores; (sed potentia magis territat, quam irritet; sola virtus subijcitur pro scopo;) omnes nostris temporibus, præter duas ultimas, perierint, reliquiasque quasdam legum; mirum est quomodo [societas humana] consistere possit. Et certe mala hæc tempora sunt. An forsitan non ubique omnia perierunt, sed velut ex Græcis ad Romanos res transferentur? Sed etsi ex duobus unum fiat, velut cognatione atque honore; momentaneum id est, & ad seditionem potius spectat. Auxilia ergo, emptio, legum dictæ reliquæ, pugna pertinax & assidua, & pollicitationes magnæ, pro cuiusque personæ ratione [solummodo supersunt;] sed (ut dixi) misera, & ad interitum spectantia.

R 5

CAP.

*De his quæ definiri non possunt, nec
habent caput proprium.*

QVONIAM vero malitia ad summum pervenit; solaque pecunia colitur, & ambitio, vel ut radix, vel ut fructus; & tamen in his sunt gradus. Chirurgi enim non solum sanant, si solvendo sit; sed oderunt, si quis illos vel urgeat ut meminerint curationis; post medici alii, & pharmacopolæ. hi sunt in primo genere. Post curatores, & jurisconsulti, milites, malique sacerdotes. Tertio loco sunt mercatores: Quarto artifices cujus generis. Quinto, nobiles, Principes, & magistratus: hi quidem ex quinto & secundo ordine; sed Principes nobilium & militum medium obtinent; magistratus, nobilium & jurisconsultorum; nisi si quis humili loco natus sit. hi enim pessimi sunt. Oderunt autem ob hoc & patruos, & etiam parentes & fratres plurimi. Ut solus amor in prolem relictus sit. nam & nepotes ex fratribus, ob successionem multi perdiderunt: plerique inhiant. Quum vero amare quosdam sit necesse, veluti filios (neque eo dum pervenimus, ad Catilinæ exemplum;) quidam etiam nepotes, quum fuerint omnino extra filiorum spem; quidam fratres, ob com-
mo-

ARCANA PRVD. CIVIL. 267
modum, quod eos curis ac laboribus le-
vent; sed & scorta ob voluptatem amant.
Quare etiam omnino aliquos ob ean-
dem & familiaritatem & consuetudi-
nem; velut Agathocles adeo impius Di-
nocratem; & Dionysius Helotim, &
Megaclem socerum; & Nero Epaphro-
ditum, & Phaontem, & Sporum; & Ca-
ligula Germanos custodes; & Phalaris
Lacritum, Critodemum, Aglaum, Cleo-
menidem, Polycletum medicum, Eri-
thyiam uxorem, tum alios plures; ne-
cesse est, duobus contrariis juxta posi-
tis, velut amare, & odisse, aut non ama-
re, communem quemdam terminum
statuisse, eorum qui amantur, & qui non
amantur. Quum autem hoc definire non
possimus, & vivere cum aliquibus sit ne-
cessarium, imo cum pluribus versari,
cum quibus nollemus; conjectari oportet
ex magnitudine avaritiæ & rapacita-
tis, ex levitate hominis, ex exemplis, spe
præmii, & oppositis causis. Atque in his
consuetudinem necessitudini, & jucun-
ditatem beneficiis præferre oportet. O-
portet igitur in dubia re (quum juxta
omnia fictitia hic esse existimaveris) ab-
dicare se, & blandis omnino verbis at-
que gestibus, & cum honore [hominem
versutum] excipere. Ita enim decentius
ages, & minus te lædet, ob pudorem; &
incau-

268 HIERON. CARDANI
incautum opprimes : & te pluris æstima-
bit, sentiens se propriis artibus peti.

C A P. L X X.

*Historiam rerum præteritarum multum
prodesse & ad ferendum, & ad delibe-
randum, & ad exequendum.*

PR O P T E R E A multum refert histo-
rias legere : non solum ut prudentior
fias, &, velut dicebat ille,

*Qui mores hominum multorum vidit,
& urbes :*

sed ut cognoscendo quanta mala maneant
mortales , & quam deteriora alii passi
sint, alii intulerint, discas tuam sortem
patientius ferre: quod non solum ad ani-
mum confert, sed ne prorumpas. Ideo
plurimum refert qualis sis : præsertim
quod multi affectus suos pro causis aut
cogitatis hominum referunt. Neque pla-
cent orationes, sed Laconica imminen-
tium expressio : neque iudicium, nisi so-
brium. Verum considerare oportet gen-
res, conditionem, mores; an barbari
sint, præcipites, & sævi. Reges parva
contemnunt: Tyranni injuriarum solum
memores. Lyfander perfidus, & crude-
lis. Sylla iracundus; & ob id ferox. Cæsar
intentus in solam tyrannidem. Respubli-
cæ iras nunquam remittunt, & ad avari-
tiam omnia dirigunt. Nihil ergo uti-
lius

lius in historia, quam vera & diligens narratio, etiam minimorum. Quod ad scriptorem attinet, velut in lectore, singulorum disquisitio est, & comparatio. Quamobrem historiam ne prætuleris longum tempus & plurima regna complectentem: nam quanto plus amplectitur, eo minus accurate scriptam esse, necesse est. Velut si quis parietem totum depingat, alius tabellam; non eandem singulis partibus, qui parietem depingit, poterit adhibere diligentiam. Ex antiquis, Catilina Sallustii omnium præstantissima; ut Trogi & Diodori nulla; media Livii. Ex recentioribus plurimum Sabellius detestat, sed utilitatem in hoc negotio nullam affert: Præstantissima, & pæne sola Argentoni, ut & alias dixi. Thucydidi omnia defunt: antiqua, moribus à nostris longe aliena; Reipublicæ scripsit, & popularis fuit: demum, qui ostentationi servivit, non historiæ nervis. Difficillimum enim est Historiam scribere; & ob id rara. Primum, ob peritiam, & stylum, atque exercitationem: secundum, ob diligentiam & laborem in minimis persequendis: tertium, ob iudicium. Nam si parva quæque describat, ridiculum opus faciet, & legentes afficiet tædio: sin magna solum, vel etiam mediocria, tradat; optimam partem ad cultum

270 HIERON. CARDANI
cultum vitæ & ad instruendum lectorem
prætermittat, necesse est : ita ut legen-
do nihil ex eo discas. Siquidem magna
omnia & mediocria ex minimis ortum
habent : sed causæ illæ occultæ, prodition-
es, sollicitationes, colloquia secreta ;
corruptio ministrorum, intimorum, cō-
siliariorum, ducum ; veteres inimicitia,
odia, æmulationes, obtrectiones, spes
inanes, à quibus omnia pendent, vix
sciri possunt : & qui norunt, historiæ
scribendæ animum non adhibent ; & , si
etiam vellent tum primum patefacere
hæc, non bene forsan consultum esset ;
multo post, pleraq; in oblivionem trans-
eunt : Propterea bene scriptæ historiæ ar-
gumentum non leve est, si minima illa
solum describat, quæ ad rei essentiam
pertinent ; reliqua sub generali ratione.
Talia sunt quæ de Vitellio ille, quod ac-
cepta clade sumtuosum convivium cele-
bravit : & de Nerone, quod quum rebel-
lassent Galliæ, instrumenta Musicæ novi
generis [tractavit :] ut in uno perditum
crapula animum ; in altero consilii in-
opiam, & desperationem intelligeres.
Nam huiusmodi considerationum una
ad iudicium tractationis, altera ad mo-
dum pertinet. In hac vero inopia tanta
bonarum historiarum, seligemus paucas
nostri temporis, de parvis regnis accu-
rate

rate scriptas : atque ex illis omnibus, ve-
lut bonus ille pictor ex mulieribus plu-
ribus Venerem unam : ita nobis ipsis
exemplum traducendæ vitæ, & vitan-
dorum periculorum, ac proditorum fa-
bricabimus : in aliquibus audentes ; sed
numquam [nisi] ubi tuto agere licet ; in
aliquibus timidi facti. Cæterum quum
duo sint genera utilitatis historiæ, vitæ
instructio, de qua dictum est, & ad per-
ferendum adversa æquo animo ; juvat in
hoc legere historiam Io. Leonis, de Afri-
ca : Thucydidem de bello Peloponnesia-
co ; trium-viratum ; apud Leonem ; Vole-
si & Pisonis atrox factum ; apud Sene-
cam de Ira, tum Aristotimi Eliensium
tyranni gesta ; & paulo ante nos, etiam
Italicas seditiones, apud Corium.

C A P. LXXI.

*Res magna quomodo per proxenetam
tractandæ: & de nobiliore quo-
dam alio genere.*

ERGO in rebus magnis non aliam se-
quemur viam ; [quam] scilicet ut per
proxenetas qui plurimum possunt, mu-
neribus corrumpantur ; in levioribus au-
tem, ex mutua collusione, velut cum
pharmacopolis, tōsoribus, chirurgis, ob-
stetricibus. Hoc enim pactione & pe-
cunia honestius esse ducunt : nam & ad
existi-

272 HIERON. CARDANI
existimationem facit, & amicos compa-
randos. Vbi ergo magistratum, aut pro-
fitendi munus obtinere velis, diligenter
considerandum, quis possit præstare. In
congregationibus enim solent munera
esse distributa; singulis in aliorum fraude
conniventibus. In collegiis similiter, in
quibus publica res, aut piis locis addicta
tractatur, vendunturq; aut locantur præ-
dia, singulis solent addici sua: cum qui-
bus si paciscaris, rem actam puta. Qui
hoc non intelligunt, frustra quærunt ta-
lia. Quodsi modo, quando titulo hastæ,
& proclamante tubicine, vendi & locari
solent, ad illos perveniant, carius emunt
multo, non modo quam illi, sed etiam
quam res ipsa valeat. Vt ergo in colluso-
res recidat, hac arte utuntur. His qui
emere aut conducere se velle fatentur,
submitunt qui variis modis rem infam-
ment; & conditiones etiam intolerandas
proponunt; aut illi, non aliis: quas etsi
qui cum eo connivet, invitatus recipiat;
ipsi tamen hortantur, pollicentes (quod
& præstant) conditionem dissoluturos
iidem; etiam qui submituntur, longe
minore pretio facturos ut habeat pro-
mittunt, alios non plus obtulisse; interim
res alteri datur. In obtinendis etiam (ut
dixi) muneribus publicis, cum uno qui
possit paciscaris oportet; alios ne allo-
quere

quere quidem, nisi iubente illo. Nam ubi commodum unius agitur, quoniam singuli qui possunt (quidam enim sunt qui nihil possunt, aut omnino nolunt) in eadem navi sunt, omnia alia silent: dico, amicitiae jus, preces, intercessionem, & conjunctiones necessariae, & potentium etiam minae. Metallo enim pecunia constat: & ob id mentes hominum pecunia lapidescunt. Haec enim Medusa est quibusdam ex his: quod ferme totum negotium in his situm est; & ipsi constantis fidei cogimur antea numerare. Nil violentius, nil certius horum negotiatione, quam omnino rem conficere velint: nam nec retinere, irritum successu pecuniam volunt; & reddere tam pudet, quam piget: Si tamen contingat ut praestare non possint; aut reddunt, aut omnino in aliam occasionem rejiciunt compensationem. Solent sub cervicali quidam condere. pudet enim manibus accipere. Longe hoc tutius & honestius existimatur, quam promissis agere; quae nec urgent, nec secuta esse putant; nec ulla via, ubi obtinueris, si non dederis, exigi possunt. Est autem haec incognitis via paratior, quod persaepe ab amicis recipere pudeat; & sine pecunia tamen, quod illis venale est, praestare nollent. Dices forsitan. Quae pessima conditio rerum,

S

rum,

rum, & maximè egregiorum virtute vi-
 rorum: postquam non nisi emis hono-
 ribus licet ascendere! Sed habent tem-
 pora quæque sua peccata. Atque hæc
 minora sunt, quam quæ olim, cum
 omnia vi ac scelere agerentur: nec ho-
 noribus tantum fraudabantur, sed vita
 eripiebatur innocentibus, virtuteq; præ-
 stantibus. nunc sunt ad avaritiam versa.
 Sed mitius est longe hoc malum; quan-
 doquidem, ut dixi, necessarium sit quam-
 libet ætatem suis vitiis laborare: maxi-
 me quod virtute præditis hæc eadem via
 patet, & eisdem longe facilius est. Quod si
 amici potentis opera uti velis, nec tamen
 in illius arbitrio res est, insinuatione
 opus est: velut si dicas: *Scio quanto stu-
 dio rem tractaveris, & quod Principis
 causa, tum mea; id per te facturuseras;
 nihilo secius id efficere non debet, ut benefi-
 cii accepti obliviscar.* Tum vero sic te
 geras, ut omnes actiones tuæ liberalita-
 tem & magnificentiam redoleant. Quum
 Bononiam venturus essem, potentes qui-
 dam nuncium Senatus corruerunt, ut
 nefanda de me retulerit; ut vix, & turpi
 conditione, receperint. Et quum omnes
 actiones in me inculpatæ essent, in illo
 fœdæ; fortuna quoque secunda mihi, &
 Principum favor, ipsi omnia adversa;
 vix tamen tum æqua conditione reten-

tus

ARCANA PRVD. CIVIL. 275
tus sum; nullam aliam ob causam, nisi
quod error alienus, qui ex æmulorum
dolo originem traxerat, eosdem magis
inensos redderet, quod mea integritate
convicti essent. Itaque tantum ille solo
dolo affecutus est, quantum ego cum tot
non pœnitendis dotibus, Principum fa-
vore, & bona Fortuna. Quid futurum
erat, si aliquid defuisset?

Est etiam genus intermedii nobilius
in hujusmodi causis, quod nihil nō posse
videtur, religionis fultum autoritate.
Nam & blanditiis deliniunt, & rationi-
bus suadent; & quod majus est, deter-
rent; ut si non cedas, impius videaris:
tibi que non solum metus suppliciorum
à Deo, sed à legibus Principum incutia-
tur. Sunt autem Cœnobitæ in hoc [ge-
nere] mendicantes; non omnes, sed pau-
ci quidam præcipui, & ob opinionem
vulgi formidabiles, & ob legis autorita-
tem observandi, & ob jura sacra terribi-
les. Incredibile est, quam levi ex initio
gravibus te periculis objectum videas.
Itaque his domestici ad bonam frugem;
Principes ad concordiam revocantur.
(Vide in Itinerario Indiæ, Fratrum Iesu
modum; & ut ipse didici ab eis. Vide &
Sect. 106.)

Res periculosa quomodo tractanda.

IN gravibus rebus & periculosis difficile est proxenetam invenire, ac impellere: tum maxime, quod levibus fidere haud tutum est; prudentes refugiant. Oportet igitur eligere iratos illi [cui male vis;] & quia invident, avaros: Nam & prudentes his causis desipiunt, & constantes evadunt leves. Quod si solus hoc non potes, suscitata factione, opus aggredere. Verum te ipsum haud detege; sed per alium id age; & sic, ut unus uni congregiatur. Versabiturque amicus ille tuus cum potentibus palam conjunctissime; ut qui cum illo tractant, nullum majus imminere [malum] sibi intelligant, quam si per eos dolus detegatur. In tentando autem id efficiat proxeneta, ut ille prior se prodat. Tum vero quasi per gradus illum sequere, arrabonem ex pollicitis arripiens: Onerabisque eum promissis, tantaque spe implebis, ut nihil ad cumulum possit accedere: quinimo, si à pollicitis deficiat, ab alio nihil hujusmodi consequi sperare queat. Res autem ipsae per necessarios tractentur. raro enim sic deteguntur. Duo enim sunt maxima in humano genere vincula; conjunctio sanguinis, & consuetudo. Iuvant etiam affectus

ARCANA PRVD. CIVIL. 277
affectus acres, verba generosa, causæ, honestæ observationes. Et ut in deterrendo prima ratio à fine dicitur; ita in exhortando [multum valent] exempla, dolor injuriarum, & spes.

Vbi vero persona negotio idonea desit, compelleris autem improborum conspirationibus & periculi metu; aut de honore periclitaris, velut de dedenda arce: ut majus sit dedecus in autoritate; imitare piscatores, dum trudent pisces in retia; circumscribe difficultates, ut semel detruas in cassum. Si subterfugit, vel imperitia, vel quia te oderit, substitue personam ad quam confugiat. Si ad te redit, levibus difficultatibus objectis quasi invitatus eum recipe. Si recusat personam, abjiciendus est: si ardentem in eam fertur, consilio probato, difficultatibus gravissimis ex persona objectis, illum vi detruas in vota tua. Hæc via securissima est, atque honestissima.

C A P. LXXIII.

Domesticorum sollicitatio: & cautia.

PORRO domesticorum sollicitatio, maximum scelus est, & ad proditionem refertur; nec usurpanda; nisi ad tutelam suam suorumque; & ubi gravissimum vulnus injuriæ sine causa acceperis: neque scio an liceat. Eadem vero
S 3 ratio

278 HIERON. CARDANI
vero ratio est sollicitandi domesticos, &
amicos; sed non idem modus: multiplex
autem finis: venenum, vis, furtum, do-
lus, & secretorum cognitio. Quum
omnia versaveris animo, cogita etiam
illud: quod homo es, quod brevissimo
tempore hic mansurus; ac simul de æter-
no, ubi rationem sis redditurus. Si nihil
profecisti, quid superest? periculum, in-
famia; conscientia quoque teipsum mul-
to effecisti deteriorem: Deum offendis
Optimum Maximumque. Denique pro
quo? pro felicitate? nulla in humanis est.
pro injuria? proditorem te facis, ut mi-
norem labem eluas. Si occulte; quomo-
do? Si apertam vis esse ultionem; cur co-
geris [aut conaris] occulte sumere? Si
pro utilitate? plurimi periclitantur: &
latronis opus est, insidiari opum causa.
Si securitatis; cur vis majori periculo te
implicare? Denique quot vidisti ex hoc
felices? Oderunt autores scelerum, mi-
nistros; ministri, autores. Vnus fuit hac
in re singularis artifex nostra ætate,
Brisacus Prorex Henrici Gallorum Re-
gis: qui in illius odio periit, quum
omnia non solum scite, quod sui mune-
ris fuit, sed etiam feliciter administrasset.
Reges tamen cavent, quasi communi
quodam consensu, hoc nostro tempore,
a veneficio; quoniam hoc malum com-
mune

mune est, & eos reddit subiectos cui-
cunque vilissimo caloni: tum vero quod
adversus tot præsidia niti nolunt. Mini-
stri vero horum non solum Deo ac dæ-
monibus, sed etiam ipsis autoribus scele-
ris, & magis quam aliis invisi sunt. Nam
per Dei favorem protrahere etiam diu
vitam licet; per scelerum autores non li-
cet. Seditionis occasiones oblatas reci-
piunt ipsi, non quærunt: eadem causa
scilicet, ne obnoxii sint pœnæ talionis.
At in bello arces sollicitant, & urbes ad
seditionem: omnia præter veneficium &
Principis cædem licere sibi existimantes.

Porro cura hæc multiplex est: adver-
sus ministros, & illorum corruptionem,
& opus. Vt pote adversus opus, ne occi-
dant, ne venenum exhibeant, ne furen-
tur, aut spolient; ne corrumpantur lite-
ris, colloquiis, muneribus; & si corrup-
pantur, ut præsentias: adversus mini-
stros; ut sint boni & tibi amici atque
sapientes. Initia proditorum à scelera-
tis, vel ira, vel metu, vel inopia sunt. Ca-
nes, etsi iracundi, à proditorum maxime
sunt alieni, quod ira eorum brevis sit:
contra pertinaces timere oportet. Pro-
ditorum tria genera sunt: subiecti, obla-
ti, & quæsi, seu corrupti. Subiecti multi
in bello inveniuntur; præcipue apud nos,
qui mercenario milite utimur. At apud

Romanos, quamquam nullius flagitii, quantumvis maximi, exemplum defuerit, neque apud Turcas umquam inuenies, qui arcem vel urbem alienigeno hosti prodiderit. Sed hic non est scopus, nisi ut intelligamus, securiores nos esse inter nostros, quam inter mercenarios. Illud inquisitione dignum, & ad rem nostram necessarium, cur in bello hoc sæpius accidat, quam in privatis domibus; quum tamen periculosius sit, id agere in bello, ubi duces vitæ & necis amplissimum jus habent; quum quantacunque suspicione homines illis occidere liceat? Hoc volui dixisse, ut intelligeres, majus esse præsidium in non habendo graves hostes, quam in potestate: Majorq; est in paucitate ministrorum securitas, quam in multitudine exploratorum. Nam nunc de suppositis proditoribus agimus, quorum copia primum minor est privatis, quam Principibus, præmia exiliora & incertiora in illis etiam, quam in his; pauciores custodes, sed diligentiores, ac magis oculati. Dum plures sunt, singuli in alios hanc curam rejiciunt. Quod parvum est in Principe, maximum est in privato: in quo etiam usus (hic autem plurimum potest) deest. Itaque oportet nec Principes nec potentes viros sibi inimicos facere, nec vindices, [aut vindictæ
cupi.

ARCANA PRVD. CIVIL. 281
cupidos,] aut violentos, tenacisque iræ :
Cavere etiam ab injuria, maxime gravi,
ut nece fratrum, aut filiorum; aut publi-
ca, ut stupris uxorum, sororum, filiarum;
tum vero sine causa. In reliquis longa-
res, & difficilis, & non parvi sumptus,
tamen ab initio secus videatur, suppo-
nere proditorem domesticum. Quum
bonos [corrumpere] non liceat, mali ea-
dem spe, & securiore, prodere possunt
insidiatorem. Quid si ille, ubi dixeris,
recuset? an non perpetuo, donec vixe-
ris, in illius potestate es, ut te detegat?
Quid si recipiat, nec agat; quid egisti?
sumptus, periculum, anxia cura, nullo
commodo. At amicus est, qui scis? At
beneficia in illum contuli. ob id solent
maleficio remunerare. Quinetiam mi-
ramur tot fuisse ingratos? & damnamus
frustra sæpe: multi quum beneficium
conferant his de causis; quod ubi illi re-
sciverint, merito ingrati sunt; ut in qui-
bus beneficium perierit & injuriam ac-
ceperint. Propterea non tam facile facta,
quorum causas ignoras, damnabis: sed
potius vitam illorum inspice. Sed erit
conjunctus. tu ab illo (si sapias) cavebis,
quem tu oderis. Neque enim occlusis
oculis recipere debet domesticos in do-
mo, qui sibi met parari insidias seu facto
tuo scit, seu ob invidiam, seu ob spem
S s aliquam

282 HIERON. CARDANI
aliquam successionis. His enim tribus
caussis homines huiusmodi periculis sunt
obnoxii. Sed cui ille periculo se exponit,
qui hoc tentare audet ! Et quum succe-
ferit, minus facile illi erit quidquam effi-
cere, in quem oculi omnium sint intenti,
& suspiciones pro factis habentur. Dein-
de quid facturum est hic tuus conjunctus ?
an huiusmodi aliquid alias fecit ? & quo-
modo rescivisti ? Si detexit, quo tu ver-
saris periculo ! Si non fecit, quanto te
periculo exponis, dum errabit, dum ti-
tubabit ! Fac ut succedat : habes qui te
perpetuo emungat ; quemque timeas, &
cui. Hæc autem omnia in Principe ces-
sant. Propterea à Principibus & in Prin-
cipibus magis timendum : hoc quam mi-
nime & rarissime à privatis, & etiam in
privatis. Ob id Cardinales, quorum vita
multis de causis præcipue huic periculo
obnoxia est, domesticos habent domi
educatos, & benevolos, ac nobiles : à re-
liquis, qui novi adveniunt, cavent.

Succedit casus. Hac in causa cavere
oportet, ne improbos & scelestos in do-
mo alas, lufos, fures, adulteros, Dei
contemptores, iracundos, & qui iram
conceptam diu retinent. Tu vero ne
quemquam contempseris ; multo minus
injuria afficias, aut mineris. Sed si boni
sint & frugi, leniter illos admone : fin
mali

mali suspective, statim amanda. Ab his
 qui nihil didicerunt metuendum est, nam
 nihil scire, maximæ ignaviæ, aut impro-
 bitatis, aut ingenii perversi, aut stupidi
 indicium est, Quodcunque horum fue-
 rit, timendum est. Nam ignavi omnes,
 qui mente non carent, spem in scelere
 reponunt: Improbis scelera etiam sine
 præmio grata sunt. Perversum inge-
 nium, seu furiosum sit, seu impatiens,
 seu leve seu malignum, facile ad omne
 flagitium impellitur: nec minus stupi-
 dum, ex ignorantia. Perversa ingenia,
 & stupida, & levia, & fallacia, solum
 quod præsens est considerant, aut quæ
 imminet; alia non vident, aut videre no-
 lunt; dicentes, in arbitrio esse Dei, alii
 Fortunæ. Horum omnium conversatio
 non solum suspecta, sed plena periculi
 est. Raro invenies hominem, qui ex qua-
 vis industria laboriosa aut studio vivere
 solitus sit, qui ad huiusmodi facinora
 impelli possit. Propterea sceleratis homi-
 nibus talia contingere solent, quod ho-
 rum consuetudine & familiaritate dele-
 ctentur. Itaque si hos excluderis, etiam
 à periculo liber eris. Præstat autem hu-
 iusmodi homines ablegare: non solum
 ob hoc, sed etiam ob infamiam & exem-
 plum cæterorum, atque societatem; ne
 alii polluantur, multaque alia incommo-
 da, quæ

284 HIERON. CARDANI
da, quæ ad hos sequuntur. Est etiam ex-
perimento deprehensum, Musicos mili-
tibus longe ad huiusmodi patranda pro-
niores esse. Quare qui ab his timet, eo-
rum, & quorundam sacerdotum paupe-
rum, consuetudinem fugiat. Qui enim
jam Deum spernere didicerunt, quomo-
do quicquam magnum esse, poterunt
existimare? Sunt etiam instituto à labo-
ribus alieni. Hoc autem docuimus esse
initium omnium malorum; ut prodigio-
sa nostris temporibus acciderint. Multi-
que ex his (vix alius ullus) ad me vene-
runt, rogantes enixe, ut venenum edo-
cerem. Inter quos Mediolani unus quo-
tidie ferme hac causa me vexabat, nescio
quas famulas in medium adducens. Et
[erat] certe adeo in ceteris suavi ac lepi-
da consuetudine, ut ego (qui plus angue
hos homines odisse soleo) tum non au-
sus sim cum tanto scelere illum prorsus
domo exturbare.

Sequitur tertium genus illorum qui
corrumpuntur ab inimicis; quorum ma-
ior longe copia est & facilitas. Vix enim
pro centum huius generis, priorum unus
inventus est. Nam ut illa rara, quæ ad
casum, & ex constituto referuntur, ita
hoc frequens; quia (ut dixi) facilius; &
commune est principibus atque priva-
tis: tum vero venenum magis timen-
dum

dum est, quum persona & causa vilior est; tu autem nobilior, & ab armorum usu alienus; & vis ipsa severioribus legibus vindicari solet. Omnium tutissima custodia est uxorum bonarum: sed si malæ sint, ipsæ sunt ministræ sceleris. Ob id sorores & filia, optimæ sunt; inde matertera, atque ejusmodi; velut fratres, filiique. Nullumque tamen majus, quam ex hoc scelere, periculum: quum tam multa mors sit totius familiæ, quam etiam solius domini. Et non defuere qui prægustarent, seu muniti antea præsidio, seu securi, ob paucitatem. Quis enim deprehendat aut coarguat hujusmodi hominem tamquã facinoris autorem? Nec tamen censuerim utendum in hoc periculo, Senecæ consilio; qui toties periit, vir fortis, ne semel periret. Sed juvat præmunitum esse antidotis: incertum illis esse, quod edas: mandere sensim: prægustare potum: odorari obsonia: communem habere patinam; eamque postmodum dividere, si libet. hoc autem in carnibus ac piscibus, licet non in ferculis, apud Principes consuetum est. Verum summum auxilium est in electione ministrorum, & eorum diligentia. Tum vero in conversatione cura est adhibenda. Tristes, cogitabundi, aut justo latiores, suspitione pleni sunt, ubi causæ non appa-

apparet: [tales] quasi deprehensos habeas, non veneficii, sed sceleris saltem. quapropter statim amanda. Fieri enim non potest, ut qui ingens scelus patrare vult, animo & vultu, & verbis integre constet. Similiter ubi jactet se discedere velle, quum causam non habet, nihil boni cogitat. Aut enim extorquere pecunias à te vult, aut scelus meditatur. Ob id enim prædicant multo ante se abire velle, ut patrato facinore liceat sine suspicionem discedere. Præterea, si retineas, invititas ad facinus meditatum; & quod tum perficere non audet, addis causam exequendi. Si simulat, malus est. quid à malo boni sperare potes? Nulla te teneat misericordia, ubi volentes se præcipitant. Nullus amor. quum ipsi se odio habere, sua confessione testentur. Sed & qualiscunque inconstantia prodicionis mater est. Securiores sunt pueri in hoc negotio viris, sed minus ad deprehendendum alios cauti. Vnus inventus est, qui per puerum focerum suum tollere conatus est: sed non successit. Submittere qui tentent suspectos, res utilis; modo rite peragatur: nam insontes in querelas erumpunt sine minis, aut aperte; qui dolum meditantur, aut silent, aut gestu ac capite minantur, aut pauca obscura & ambigua verba proferunt. Iuvat & te præsen-

præfente inimicum nominari ab alio: vix enim fe continebit, ne vultu aut geflu quicquam prodat confcius fccleris. Et prodeft etiam fæpius fecrero cum apparitoribus colloqui. Nam qui confcius eft tanti criminis, vix animo & lingua conftare poteft: nec tamen injuriam illi facis, aut te timere oftendis, quum plures adfint; & caufam ignorat, qui insons eft. Sæpius accidit, ut advenientibus lictoribus, tanquam detectus effer, in fugam folus proditor fe dederit. Fac etiam ut quilibet è miniftris fe fide præferri putet; & ut negotio præfectus, alios obfervet: fic tamen, ut unum tantum fufpectum habere te fingas. Cum coquo queraris fæpe, cibos crudos effer, aut nimis coctos, fallos, infipidos, amaros, ut guffare cogatur, modo huic, modo illi guffandum [quid] offerens: quod facile efficies, gladio fuccis falubribus, fed pravi faporis, imbuto. Verum nulli acquiefcens, multos non femel deguffare coges. Maxima vero diligentia uteris, dum ægrotas. Nam hujusmodi tempora proditores, ut oportuna, præcipue obfervant. Quo etiam errore fublatus eft patruus meus Paulus Cardanus Antiftes, & vir eruditus. At fi non venenum, fed ferrum times, aut arcis deditionem, neceffe eft fciviffe. Igitur, præter communes custodias, illud obfer-

288 HIERON. CARDANI
observabis, ut persona nulla incognita
quemquam è tuis alloquatur: & si plus
quam semel ad tuos veniat, etiam si puer
sit, res suspicione plena est. Solent capu-
lis ensium aut pugionum literæ condi.
Dux peditum Susucchus, dum Parmam
circumdedisset Cæsaris exercitus, ipse
sedens Florensolæ, per puerum capulo
pugionis insertis literis, plusquam per
duos menses continuavit sollicitationem
proditionis cum milite in urbe; quam-
quam non successerit. Verum modus
quo tantam rem aggrediuntur, is est. Pri-
mum quidem observant ex his qui pos-
sunt, (velut à secretis; is enim optimus
est; aut fratrem Præfecti, si tentare Præ-
fectum in animo sit; aut valde familia-
rem unius eorum qui aliis præsit: opti-
mi autem ad hoc sunt lenones, & collu-
fores) an illum iratum videant, aut pe-
cuniæ indigum; ipsumque per eum quem
submiserunt tentant verbis ambiguis,
querentes, quod Præfectus vel Dominus
ipse avarus sit, aut ingratus. Quod si ille
prorumpat, jam inimicum laudare inci-
piunt; tum procedente conspiratione
scribunt, aut nuncium mittunt ad ho-
stem. Sed si proxeneta est frater aut vi-
carius Præfecti, aut qui à secretis illi est,
rem tentare solet cum Præfecto. Si mol-
lem inveniat, si ausculter, jam res per-
acta

acta est: proponuntur causæ irarum;
 spes; liberalitas hostis. Atque hic unus
 modus est: cui obviam ire oportet per
 oculatos fidosque ministros; qui per-
 petuo de Domino querantur: quibus
 propositæ sint spes ingentes. Filii etiam
 Præfecti pro obsidibus retineri solent.
 Atque in universum nimirum sinere
 oportet in loco munito cum potesta-
 te; cuius vel non longa experientia fi-
 des probata sit; vel qui non sit tibi
 conjunctus sanguine; vel cuius filios
 in manibus non habeas; aut quem
 multis muneribus non demerueris, &
 certa spe majorum impleveris; aut illi
 idem uno ex his vinculis ei cui sum-
 mam credidisti rerum devinctus sit.
 Quod si horum nihil facere potes, mi-
 nistros omnes qui sub illo sunt, & se-
 cundam habent potestatem, è tuis
 constitue. Alter modus est, quum ho-
 stis apud se habet amicum ejus, cuius
 fidem labefactare studet. Nam si is in
 arce est, tuto transmittit nuncium ad
 illum: si apud se, ab eo nuncius trans-
 mittitur ad amicum quem tentare
 proposuit. Eo fit, ut pauci ex iis inter-
 nunciis propter has causas discrimen
 vitæ subeant. Atque huic modo diffi-
 cilius occurritur; verumtamen eisdem
 rationibus. Singulare tamen est in hu-
 jus-

T

jus-

iusmodi hoc observare, ne quisquam
 admittatur in locum munitum, nisi
 omnibus excussis; capitaleq; sit, quem-
 quam privatim alloqui, aut audire. Ut
 vero tota Caroli quinti Imperatoris
 vita plena fuit insidiis, quas illi Henri-
 cus Gallia rex, maxime per Brisacchū
 Proregem (ut diximus) Italiae, inten-
 ravit, tot opidis, urbibus ereptis, cædi-
 bus patrat; ita defuit locuples ejus
 historiae scriptor. Verum inter tot
 exempla unius meminero; quod ta-
 men infelicitate cessit. Regebatur titu-
 lo Reipublicae Genua, sed vere auspiciis
 Caesaris, quum Ioannes Aloysius, è
 Principibus Fliscis, cum Henrico rege,
 & Aloysio Farnesio regulo Placentiae,
 paciscitur, ut Genuam occuparet. Far-
 nesius quatuor millia peditum habe-
 bat, quos illi pollicitus est quum ur-
 bem obtineret: Massiliae habebat rex
 Gallorum classem non parvam, & ipse
 opem laturus. Omnes in hoc conve-
 niebant, ut Genuam è Caesaris mani-
 bus eriperent: cui cessura esset; & quo
 animo inter se fidem servaturi, incer-
 tum est. Paulus Farnesius, Pont. Max.
 Aloysii Farnesii pater, triremen Flisco
 concesserat, tamquam Turcicas res
 deprædaturus. Hanc igitur dum arma-
 re se fingit, domum implet tercentis
 mili-

militibus, subditis suis: Inde convoca-
 tis triginta Nobilibus, atque in cœna-
 culo conclusis, literas fictas ab Aloy-
 sio Farnesio ostendit: quasi ab illo mo-
 neatur, decrevisse Iannettinum Dau-
 riam per Centurionem Lercarum eum
 occidere: ea de causa velle prævenire
 insidias hostis: Andream Dauriam in
 extremis laborare: occiso hoste urbem
 in libertatem redigere velle. Quumque
 ad hæc verba illi & novitate rei & ma-
 gnitudine periculi obtorpuissent, edu-
 ctum pugionem tradidit illis; rogans,
 ut potius eum occiderent, quam pa-
 terentur à tam indigno hoste interfici.
 Qui aderant, timore potius, quam spe
 adducti, eum sequuti sunt. Itaque in
 civitatem excurrit; Giannettinum in-
 terficit, custodumque partem: sed dum
 classe solvere satagit, maris profundo
 mergitur. Illud miræ sævitæ indicium
 fuit, quod pridie Andream Dauriam
 alacri vultu quum salutasset, filios Gi-
 annettini, quos occidere destinaverat,
 chare amplexus est. Sed audi dolum
 dolo relatū. Mittit Aloysius Farnesius
 gratulatum ad Andream Dauriam,
 quod evaserit, legatum Augustinum
 Landum, Placentinum optimatem.
 Andreas Dauria publice quidem eum
 læto vultu excipit: interim clam pro-

missa ejus filio filia Giannettini, cum dote ampla, paciscitur cum eo, ut Farnesium occidat: quod & effecit. Apparet igitur, Fliscum nulla injuria, sed invidia solum motum, tantū patrasse facinus. Nam quamvis ab initio injuria magis ardeat, semper remitti solet: at invidia contra perpetuo crescit. Injuria beneficiis & officiis extingui solet; illa tam beneficiis, quam etiam offensis augetur. Ita ut invidiæ nihil tutius sit absentia: præsencia enim, & laudibus civium, mirum in modum augetur. Injuria præterea metam in ulciscendo sibi proponit jacturam aut damnum illius; invidia sine misericordia est. Cæterum illud mirum, quod tot Principes nullis ferme privatis injuriis, nec inimicitia Regum pressi, cum tot stipatoribus, interfecti sint; Andreas Dauria, Regi Gallorum antea inimicissimus, modo Pontificis, occiso filio, vir decrepitæ ætatis, per urbem cum puero ambularit, ultimeque senectæ, atque multo post, in lectulo suo obierit. Cujus rei causam, quum sæpius mecū expendissem, eam fere credidi; quod inimici proprias ulciscuntur injurias, ferventi ira; Regum ministri, alienas, nec irati: unde accipiti animo & timido opus aggrediuntur;

tur; ut nisi aperto loco, vel minus custodita urbe, vel sub ipso Principe, aut complice, non audeant talia. Principes etiam ipsi non adeo irritantur (ob multitudinem negotiorum) ab injuriis; nec irritati adeo sæviunt, ob honorem; & quoniam verentur his vindicare modis, quibus ipsi sunt obnoxii: verum potius ad ea recurrunt, à quibus non timent. ea sunt falsa judicia; quibus etsi raro infantes occidunt, fontes tamen dimittendo, spem audaciæ faciunt: atque sic perimunt reos, odii ignaros. Qua de causâ pauci Tyranni nostra ætate occiduntur: olim plures, quod sine judicio interficerent cives. Ita qui etiam nostra ætate, ob iram, antiquorum vestigia sequi voluerunt, à subditis occisi sunt. Ergo eos qui manus illorum effugiunt, exilio damnant, inde proscribunt: ita per sicarios ex lege sine lege damnant. Hoc autem ulciscendi genus, quum adeo lentum est, paucioribus damnum affert. Quod si etiam pergant sine judicio ulcisci injurias, carnifices hi sunt noti, & viri temeritatis improbæ: unde ab amicis admonentur: observatur ex aula discessus, apparatus, ignota causâ adventus in urbem; ut plerumque inanis conatus reddatur. Verum

T 3

qui

294 HIERON. CARDANI
qui sic suspicione laborat, devitet frequentiam immodicam hominum, loca quaecumque obscura, consuetudinem cuiusvis loci, solitudinem, noctem, homines ignotos, porticus, subgrundia, ollas pensiles, reditum per easdem vias, pompas, & ubi missilia jaculantur, ubi machinae exonerantur, equis hastisque certatur. Vbi quis appropinquat, mentem adhibeto; maxime dum praeterit. Plurimi praeteriundo occisi sunt. Quaecumque qui te sequitur, vel etiam procul, etiam pueros, jube observare. Solent enim hos (ut minus suspectos) pro exploratoribus mittere, qui tua observent vestigia. Denique si res magna agitur, praemitte qui videant, an tutum sit iter; ac constituto signo indicet, antequam in laqueos incidas. Qui sic cavent, omnes evadunt. Neque enim quemquam oppressum vidi, nisi qui non praeviderit, aut qui contemserit, seu non curarit, seu recte non curarit.

In litibus autem multo saepius exploratores submittunt: idque minus execrabile videtur; quoniam non alienum malum, sed proprium commodum quaeri videtur. Neque adeo periculosa res: imo nec prorsus legibus interdicta: & ob id multo plures exploratores inveniuntur, quam in tanto scelere.

scelere. Ergo illi qui minus mali sunt, adversario renunciant quæ aguntur; alii male consulunt: pessimi sunt, qui etiam impediunt. Hos etiam facilius est deprehendere, quam alios, quod in minore periculo minus caute agant; & tu non adeo timore præpediaris. Cæterum & ab huiusmodi insidiis cavere oportet, & lōge facilius, quoniam alienos ad tutelam alere non est necesse. At de ministris qui extra domum sunt, alia ratio est.

Hæc itaque sic se habent. Verum me non levis subit admiratio, quod homo, nisi omnino ab alio proditus, in tantum scelus prorumpat, ut prorsus soluto vinculo humanæ societatis, & Dei voluntate posthabita, & naturæ neglecta lege, imo corrupta, domesticos & viscera nostra cogat nobis insidiari. Sic enim & Christus hoc genere injuriæ pessimo ob invidiam à suis proditus est: ut nihil nequius sit, nec constet, quis sit infelicior; an qui tam misere perit; an qui tam scelerate superest, & aura fruitur. Mihi sane, si alterum subire oporteat, præstaret sic occidi, quam occidere quemquam. In uno enim finis est saltem omnium malorum; in altero initium exilii omnis boni: nec tam grave videri potest, injuste periisse;

296 HIERON. CARDANI
periisse; quam invisum Deo, legibus;
humano generi, superesse. Vnde multi
etiam ex his sibi manus intulerunt :
certe vix ullus evadit ab exilio [aut exi-
zio] execrabili. At in proditoribus hoc
non tam damnum est; quum in-
vento suo perierint: facileque ad hu-
jusmodi homines perdendos, alii qui
se subjiciant, inveniuntur. Propterea
plerique horum eodem mortis genere
pereunt. Quocirca nescio quam lauda-
bile inventum sit quarundam Italiae
civitatum, qui exules à domesticis per
fraudem interfectos, non solum jure
interfectos judicant, sed proditoribus
præmia addunt : quum non animad-
vertant, tametsi pauciores faciant la-
trones, eos tamen qui supersunt, face-
re deteriores; & exemplo alios ad pro-
dendum socios, & dominos, & mensæ
sacra [violanda,] incitare; ut postmo-
dum non lege contineantur. Quin et-
iam filiis eorum, ac nepotibus succe-
dentibus, rempublicam replent scele-
rissimis viris. Adeo execrabili exemplo
hoc agitur, ut quum Triumvirorum
lege de proscriptis (qua nihil injustius,
nihil furiosius) illi tentarent poten-
tiam factionis adversæ minuere, mul-
torum tamen servos, qui dominos
prodiderunt, damnaverint: hoc facto
alios

alios quod servassent, aut servare con-
 nati essent, laudaverint, & quosdam
 eorum etiam præmiis affecerint. In
 universum igitur, ubi virtutis aut glo-
 riæ incrementa adsunt non adulta, hic
 livor non adeo infestat, curam adhi-
 bere oportet, ut inter tuos solum vi-
 vas, aut amicos & domesticos sapien-
 tes, bonos, & graves, filiosque bono-
 rum, & bene educatos. Et genera quæ-
 dam sunt hominum, ac familiæ, quæ
 omnino immobiles sunt, & quavis
 causa à prodicione alienæ: ex gentibus
 Germani, maxime Helvetii; & ex fa-
 miliis Cardani, aliæque in oppidis quæ
 durius educant filios suos, atque sim-
 plicius; & nobiles magis, quam viles: &
 ex ætatibus pueri, inde senes, post æta-
 te constantes; minime adolescentes, &
 juvenes: hi tamen etiam deteriores, &
 omnium pessimi: & ex sexu, feminæ
 longe periculosiores quam impudicæ
 fuerint. Nam per earum amatores
 cuique ad facinora indubia patet via.
 Quare tales protinus ablegare oportet.
 Vnde si uxores sint in hoc discrimi-
 ne, adeo infelicitur agitur, ut nullus
 evadat, nisi cui necis suæ quæsitore de-
 fuerit: contra securissime, quum casta
 & pudica est mulier quævis; ut nulla
 sit custodia melior. Viros enim quos-

T 5 cun-

298 HIERON. CARDANI
cunq; diligentia hac in re præcellunt.

C A P. LXXIV.

Quomodo homines ad magna pericula inducantur.

IN gravissimis autem & periculo plenis actionibus numquam cōsiliū tempus vilibus personis relinquere oportet. Nam primum titubant, deinde æstuant, ac sudant: demum aut se detegunt, aut ea agunt, per quæ ipsi accomplices deteguntur. Andreas Lampugnans, quum occisurus esset Tyrannum, pridie solum detexit famulo suo, ulturum se injuriam acceptam à primario quodam sacerdote, pollicitus par caligarum; vilitate muneris regens magnitudinem meditati facinoris. Post, quum occisurus esset Principem, nulla ad consilium data mora, inquit: Quum eodem in periculo versemur, seu occidamus Antistitem seu Principem, tutius est Principem occidere. Annuit ille; & rem peregit. Laurentius Medices paulo ante dixerat, se occisurum inimicum: quum tyrannum A. Medicem esset occisurus, aperuit consilium; tum additis etiam minis, si recusasset: quem palam est, si tempus habuisset, detecturum fuisse seriem cogitati facinoris.

Sæpe

Sæpe etiam tempus profuit, & multus
 risus, ad periculi magnitudinem oc-
 cultandam. Vbi vero sensim propo-
 fueris aliquos in huiusmodi nastam
 includere, minimam periculi partem
 solum illis detege: eamque nec admo-
 dum certam, imo etiam falsam & ina-
 nem: inde illos abigas; ita ut pudore
 ac repulsæ dolore ultro se offerant.
 Rursus receptis adaugebis periculi ma-
 gnitudinem; atque itidem rejicies, do-
 lore, ira, pudore ut illos (modo dehor-
 tando, tamquam minus aptos; modo
 terrendo falsis & inanibus periculis)
 inflammes ad quodvis discrimen sub-
 eundem. Sic Leonidas Spartanorum
 rex, socios non dubiæ necis expecta-
 tione continuit. Hoc genus actionis
 præstantissimum est omnium eorum
 quæ in hoc libro continentur; tum
 exemplo; (qui enim hoc potest, alia
 omnia posse videtur;) tum admiratio-
 ne; &, si necessitas ingruat, utilitate:
 modo tam noveris te à periculo, illos
 ab exitio eximere, quam in facinus in-
 cautos impellere. Tuæ enim existima-
 tionis est, nec minus ad propriam per-
 tinet utilitatem, quam ad decorem,
 eos quos per imprudentiam ipsorum
 accendisti, tua sapientia ab impudenti
 etiam ruina eruere. Impelluntur facile
 simpli-

300 HIERON. CARDANI
simplices, inexperti, prodigi, alicui &
luxui dediti, fervidi ingenio, & qui vix
quiescere possunt uno in situ; adole-
scentes maxime, improbi, avari; atque
ideo maxima pars hominum, modo
dux peritus non desit; tum specialiter
hostis tui gloriæ invidentes, inimici,
æmulique. Summa autem artis in tri-
bus constat, (maxime apud Principes)
quam exacte tenent Turcæ, uti præ-
miis, metu, & ut non intelligant peri-
culi magnitudinem. Metu quidem, ut
major minorem depellat, proposito
pali supplicio tergiversantibus: Præ-
miis præsentibus, honoribus, atque
pecunia: tum expectatione melioris
vitæ post mortem: quam totam ad
luxuriam instituunt, ut inter convi-
via, & puellas, puerosque ministros,
& saltationes ac flumina lactis, vini,
aquæque consistant, tum somnos, vi-
ridaria, libidinemque: scite quidem,
postquam mentiendum est, saltem vo-
tis illorum satisfaciunt, ut nil desit. Ut
autem periculi non intelligant magni-
tudinem, & persuasionem, dicunt,
omnes vitæ suæ exitum in fronte de-
scriptum ferre: ut nil profit [vel in-
terfit] seu devites, seu fato ultro oc-
curras: ideo devorant opium perpe-
tuo, ut obstupefiant. nam etiamsi pe-
ricu-

riculum non immineat, dimidium drachmæ quotidie ferme assumunt; quum imminet, drachmam integram. Est autem apud illos syncerum; nostrum opium vix pro triente. Hoc lætos efficit, & alacres, & nil cogitantes. Atque his præfidiis soligentium [Turcæ] adversus præsentem mortem ruunt, quum reliqui pugnent. Cæsar præmiis, adhortationibus, decimando, tergiversantes, hostium numerum & vires ante augendo, impellebat.

Res secretæ hoc modo tentantur. Per fidum nuncium transmittitur epistola absque nomine scribentis, cum frusto numi aurei, si libet: ille dat nuncio communi, & modico precio, ut suspicionem auferat: nomen non subscribit; sed ubi rem esse veram compererit, aut conditionem receperit, ex exemplari epistolæ, vel frusto nummi aurei cognoscere poterit. Quandoque etiam datur multis involuta vinculis; nunciusque statim rediturum se pollicetur, sed non redit. Si igitur ille tuo beneficio evaserit, aut aliquid adeptus sit, ad occasionem symbolum paratum habes. Sin de conditione recipienda agitur, tunc tribus opus habes: ut persuadeas; ut præmium accipiat; ut respondere possit. Vt ergo persuadeas,

302 HIERON. CARDANI
ab injuria, à tyrannide; & contra, ab
honesto, ac liberalitate, & promissis,
& à facilitate, atque securitate; ut re-
spōdere possit, transmittat fidum cum
symbolo ad forum. Tunc tu per nun-
cium cuncta declarabis: qui ubi è suis
sit, jam es in tuto; si alienus, nil fidas.
Partibus concordibus facile est cuncta
tractare. Ne tamen sit in utramque
partem proditor, obsides accipies sub
eventu, filios, aut fratrem: si facturus
est, sua nihil intererit; si gravatur, an-
cipiti est fide. Magnitudo tamen præ-
mii, & dolor offensæ, & vanitas homi-
nis quandoque sufficere possunt; aut
necessitas facti cogit. Si vero præten-
taturus sis Principem, quem avaritia
laborare intelligas, per intimum id
ages: sed non ut illum, verum hunc
ipsum. Solent hæc fieri per eos quibus
tuto arcana committere possumus:
neque id importune, aut palam, sed sub
justitiæ prætextu primum; inde illo
quasi condolente ad pollicitationem
devenitur: tum si certus es de fide, da-
bis teste non teste arcanorum custode.
Si dubitat expositum, dabis chirogra-
phum sub quo velit trapezita. Summa
autem rei est, ut justum sit quod petis.
Nam injustam rem pretio emere, tur-
pe est, & duplex scelus. Plus autem est
in actione, quam in præceptis. CAP.

IVXTRA id dubitare expedit, tum etiam, quia docuimus tam diligenter habendam esse rationem eorum quæ dicuntur; an omnia verba plurimum noceant, aut juvent. Certum enim est, plura in irritum excidere: alia tamen multum juvant: sed plura longe sunt, quæ plurimum obsunt. Scire igitur præstat quæ sint, & cur hæc plurimum juvent, aut noceant, alia in irritum cadant, seu bona seu mala. Quæ igitur apud amicos, aut non inimicos, nec æmulos, nec superiores, nec ab illis suppositos ad explorandum proferuntur, pleraque (nisi omnino improba sint, aut affectus plena) in irritum excidunt. Vnde rursus error eorum, qui huiusmodi personis sua narrant à quibus neque auxilium neque jacturam consequi possunt. Ad inimicos & æmulos directæ, tum vero ad amicos & potentes, si extra rem sint, juvare nil possint, & plerumque in irritum & ipsa excidunt. Possunt tamen obesse apud inimicos & insidiatores; tū prodesse aliquando, si simulata amicitia contrario sub sensu proferantur. Quæ autem plurimum possunt [aut pro-
sunt,]

304 HIERON. CARDANI
sunt,] sunt quum ex composito res
tractatur apud potentes, aut à poten-
tibus submissos, aut apud eos cum qui-
bus negotium peragitur; aut si cum ex-
ploratoribus sermo est, aut inimicis,
tunc verba ad normam componenda,
& plurimam habent efficaciam. Quæ
tamen juvare deberent, sub iniquo au-
ditore, & quæ obesse possunt apud il-
lum qui amicus est, effluunt sæpe ina-
niter. Ob id plurimis visum est, verbo-
rum observationem non tantam esse
debere. Verum falluntur. Etenim si
quis unam tantum gemmam magni
pretii, inter multas confimiles falsas
obruptas cinere haberet; aut plantam
aconiti in horro; cogeretur & cinerem
totum cribrare, & herbas singulas horti
explorare, ne vel gemma periret, vel
venenum inter cibos per incuriam mi-
scereretur. Ita quamquam non semper
necessaria esset hæc observatio; ob pe-
riculi tamen magnitudinem, ne ali-
quando inter tot occasiones verbum
unum excidat incompositum, quod
ruinam afferat, aut omissum, quum
dici oportuerit, perdat nos, summa di-
ligentia opus est, ad verborum & sen-
tentiarum collocationem, tum præcipue
in locis publicis. Deinde quum sermo
est cum dominis potentibus, aut magi-
strati.

stratibus: tum quum de negotio agitur, seu ex composito, seu fortuito. Nam sæpe accidit, ut quod fortuitum videtur tibi, ab illis ex composito agatur. Oportet autem animadvertere, quod qui captant, saltem duo sunt, seu simul veniant, seu (quod artificiosum magis est) unus post alium; aut si se in abdito collocent, aut si cum inimicis vel insidiatoribus, aut æmulis aut his qui ab illis submissi sunt, & maxime sub forma salutandi te, negotium sit. Porro in colloquiis maxime ordo facit ad movendum, tam ad laudem, quam vituperationem. Velut si quis dicat, Amo te, quod me alas, vestias, & erudias. Meditari autem oportet hoc, à fine originem ducendo, conversa ratione verborum. Maxime autem fidentum est huiusmodi verbis, quum beneficium quærimus, & quum res est cum magnis viris, quæ verecundiam illis movere possunt. Eam enim solum vereri videntur. Quamobrem ad illam componenda est animi ratio; atque illi insistendum. Exemplum autem verborum compositorum ad efficaciam, quum sententia eadem fuerit, tale est; ut si cui persuadere cupias, non oppugnandum amicum tuum, dicas, Displices amicis tuis, atque illius; quasi dicas,

V omni-

306 HIERON. CARDANI
omnibus. hoc est dehortari. At quasi
hortaberis, si dicas, Displices amicis
tuis, atque inimicis. Quis enim inimi-
cis displicere non cupit? Illius tamen
amici (scilicet, qui oppugnatur) inimi-
ei sunt ejus, qui oppugnat.

C A P. LXXVI.

*Homines quomodo captandi, juxta
conditionem unius cujusque.*

PR o singulorum igitur administra-
tione, quinque hæc observare decet.
Primum, ut propriam atque hic de-
scriptam tractationem attingamus; in-
de ad generalem deveniamus, in qua
præcepta continentur; post ad singu-
lorum tractationem generalem; dein-
de ad similia, ut pro amicis, de fociis,
pro his qui extra patriam sunt, ad exi-
lium; demum, quod omnibus majus
est (quandoquidem singula complecti
infinitum fuisset) ad methodum, qua
tractatio illa inventa est, omnia redi-
gere; & ex unaquaque minutissima
scrutari, atque invenire. Proponamus
autem quomodo quemque captare li-
ceat. Id sumendum est à præmio am-
pliore, juxta conditiones hominum,
mores, sexum, atque ætates. Captan-
tur ergo trifariam: aut quia proponi-
mus quod præstare possumus, sed non
præsta-

præstamus; aut quia pollicemur, supra
quam præstare possumus, aut præsta-
mus; aut quoniam præstamus pollici-
ta, sed illa non sunt ei quantum per-
suasimus utilia. Ergo simplicibus plus
pollicemur, quam præstare possumus;
credulis, quod præstare nolumus; im-
prudentibus, velut pueris, adolescenti-
bus, mulieribus, quod utile eis non
est. Avari simplices persæpe redduntur
desiderio magnitudinis præmii obcæ-
cati. Potentes facile captantur: sed
captati periculum afferunt grave. qua-
propter captare eos convenit in his
quæ illi non magni faciunt: aut ubi
captaveris, alio eundum. Ob id ab his
qui sedem firmam non habent, omnes
cavent. Pauci enim quum possint eva-
dere ne captentur, summum præsidium
est in ultione: quam quo modo sumes
de eo qui circumvagatur; præsertim
incognitus, & mutato nomine, atque
prænomine: (quod facere solent cir-
culatores, & sycophantæ) demum ubi
captatus non potest rescire, se capta-
tum; aut quo captatus fuerit? Propte-
rea magna industria utuntur decepto-
res, ut plures id agant: quemadmo-
dum & fures etiam; præcipue domi-
stici. Scio unum esse e tribus: sed quis
est e tribus, nescio. Captantur facile
singuli

308 HIERON. CARDANI
singuli in his, quibus delectantur: mul-
ieres in ornamentis, senes in lucris, ju-
venes in amasiis. unde Comædiarum
origo. Ob id magnitudo lucri, præfer-
tim ab ignoto vel ad vena proposita,
plena est suspicionis apud cautos. V-
tuntur autem captatores multitudine
verborum: non solum ob rationes
quas adducunt, sed ut obtundat au-
dientem, ne possit cogitare. Quam-
obrem hoc præcipuum est signum ca-
ptatoris, præter conditionem, &c. Ca-
ptare solent nos improbi ex improvi-
so adorti, tum magis quam illos tu
conveneris alia causa: nam maxime,
ni caveris, inconsultum adoriuntur,
de tuo negotio cogitantem: in quo
forsan illum sperabas meliore condi-
tione aggredi. Ideo supremæ callidita-
tis indicium est, quum à proposito te
divertunt, tum quærunt quæ concedi
non possunt. Vbi tu negaveris, statim
subjiciunt, ut saltem hoc negare nolis.
Id autem est quod concupierant: Du-
plicisque generis esse solet: aut minus
tibi grave, quam primum; aut etiam, si
omnino simplicem te existimaverint,
gravius etiam, solumque (quod alteri
subiectum sit, & dictione illa, saltem,
& fuco aliquo verborum, & importu-
na petitione, atque imprudenti, tu m
impro-

ARCANA PRVD. CIVIL. 309
improvisa nimis, & nullo temporis
spatio ad cogitandum dato, in tanta
inversione rerum) levius visum. Ob id
expectare solent, ut tu, tamquam im-
paratos, prius illos aggrediaris.

In remunerandis beneficiis aut offi-
ciis, te ipsum exhibe datorem, ubi quā-
tum oportet dare velis. Nam si per
alios dederis, jam illi excogitabunt te
[non] id saltem dedisse; plus forsan
etiam dedisse, retentum à ministro.
Vnde cogitatione majus officium vel
beneficium [conciunt.] Vbi rescive-
rint non plus datum, statim minus
quam conveniat datum existimabunt,
atque contemnent te; aut saltem ægr
ferent, satisfactum non credentes.

C A P. LXXVII.

Amicorum usus, & familiaritas.

C A V E N D U M insuper est, ne novas
amicitias importune petendo, au-
xilia & pecunias, aut mutuum vexes.
Ut enim surculi teneri, si onerentur,
aut trahantur, franguntur; ita amicitia,
necdum longa consuetudine &
officiis confirmata. Observandum est
etiam, ne in adeundis amicis, vel aliis,
intempestive quid agas: & ne tam diu
maneas apud eos, ut cogantur vale
tibi dicere. Quin potius, quum vides
V 3 illum

illum aliena curantem, aut tacentem,
aut oscitantem, aut cuius rei neces-
saria incumbere volentem, antea di-
scedendi veniam petas. Cogita id te-
cum: negotioso viro eripi quicquid
petierit [aut perierit] temporis: Aut
enim lucro aut tibi deputatum esse:
quod si lucrum non adfers, importu-
ne advenis; nisi sua causa: Nam peri-
clitanti succurrere, pro lucro poni de-
bet apud civilem virum. Si autem di-
scessuro te, & veniam petente, novos
aggreditur sermones, intelliges quam
cupiat te manere. At qui divites sunt,
hoc non cogitant; sed patientia inpe-
ditorum absque fructu abutuntur. Hos
eludes, dicens, nuncium epistolam
præstolari. Sed si notæ sit petulantia
vir, per nuncium hac excusatione il-
lum ablega, antequam ad te veniat.
Potes, si libet, præfatus per internun-
cium temporis angustiam, & negotii
necessitatem, admittere; & dum di-
mittis, tum gratias agere: nam etsi hoc
invitari videatur, fatigatus tamen in-
telliget, non redeundum. Amicos au-
tem veros, & ad amicitiam verā aptos,
diligenter retinere coneris. Res enim
maxima est, ut dixi, in humanis vera
amicitia. Cur autem tam pauci sint,
quum res sit adeo utilis, non aliunde
quam

quam ex ejus compagis imperfectione
 accidere potest, & natura fluxa. Adeo
 ut summū Opificem nos potius admi-
 rari ex hoc deceat, qui ex hac tam sor-
 dida colluvie elegantissimū fecerit ani-
 mal; quā quæ defunt, & rara sunt, quæ-
 rere: aut queri de his. Civis autē in qui-
 lino ne nimium se insinuet; quoniam
 suspecta est illis horum amicitia. Quod
 vero ad actiones attinet, illud primum
 perspicere debes, summum bonum esse
 in amicitia; quo majus in humanis
 non invenere sapientes: Quodque præ-
 stantissimum in humanis operibus est,
 est benefacere. nam hoc ipso gaudet
 Deus, à nemine recipiens. Quicumque
 enim beneficium petit, se illi subjicit,
 & testatur suam humilitatem. Hoc igitur
 persuadebis amico, maxime po-
 tenti, ut eum benevolū habeas. Quum
 vero in benevolū conferre benefi-
 cium vis, si totum tui muneris sit, nec
 occasio urgeat, serius præstato (nisi
 rependas,) ut majus videatur, & ma-
 jorum præstitisse diligentiam; ita ta-
 men, ne panis lapideus fiat: sin alte-
 rius, quam celerius potes; ne in peri-
 culum adducas, aut adduxisse videar-
 is. Si cognitus, qui nihil præstet, impu-
 denter officia exigere perseveret, quem
 tum partim spe, partim metu gratiæ,
 V 4 quam

312 HIERON. CARDANI
quam promeruisse credis, amittendæ
abigere dubitas, aperte commemora-
tis in illum officiis (modo obesse non
possit: tunc enim subducere tacite se
præstat) ingratitude illius expro-
brato. Nam hoc pars est gratiæ: quam
rependere tenetur. Nec dissimulabis te
nescire, qua natura sit: intelligetque,
te non metu, nec ignorantia præsti-
tisse officia, sed propria liberalitate.
Tum vero memineris, quibus verbis
ad hoc opus sit; & quam personam re-
feras, sacerdotis, togati, nobilis, & ejus
qui mansueti nomen sibi vendicat.

C A P. LXXVIII.

*De negotiatione cum amicis, magistrati-
bus; & absolutione impetranda.*

IN impetrandis autem beneficiis ma-
ximus est illorum usus, quum res quæ
quæritur, à nullo alio quæritur, & mu-
nus id exposcit in quo excellis; ut pro-
fiteri jam claro in profitendo viro:
Secundo, quum etiam adversus com-
petitores: Tertio, quum quod quæri-
tur, proprium non est tibi, nec in eo
excellis; sed tamen præmio & honori,
labor, industria, atque cura conjuncta
sunt, ut in magistratibus: Vltimum
est, quum est merum donum; ut in sa-
cerdotio, & pensione, ac bonis exu-
lum.

lum. Maximum est enim pro alio quærere : quod est, ac pro se ipso impetraret. Nam & gratia exhauritur nihilo minus; & locus non relinquitur ulteriori petitioni. Fallit, quum specie bene meriti consulitur; amicusque illos id è reipublicæ utilitate esse docet. Est etiam hoc in Principe minus honestum, nec sine suspitione venditæ gratiæ, sed facilius : Quum vero à populo petitur, honestius, sed difficilius. Vnde conandum est, ut aliqua in re si singulari excellas, aut Principem, aut Multitudinem officio aliquo præcipuo demerearis. In precibus ad amicum pro amico, unam sufficiet causam amicitiae adducere, sed omnia complectentem; velut in excusationibus unam & evidentem; ut quum amicus ad cœnam Principalem me invitasset, dixi; Non par esse tussientem cum Principibus edere. Si amicus aberret, coram astantibus dissimula : si testimonium tuum poscit, ride, quasi animadvertaris illum joco dicere: interim, si sapiat, commutabit sermonem : numquam tamen responsum dabis, sed magis ridebis.

Si autem à Senatu vel collegio aliquo quid impetrare cupias, considera an factionibus laborent; & si duæ sint,

314 HIERON. CARDANI
aut plures. Si [pluribus] factionibus
laborent, potentior ex illis vere
amicum habere melius est quam se-
ptem ex dimidio; tum quod in multis,
dum unus alterius officium expectat,
nullus præstat; tum quod singuli lan-
guide serviunt, res autem efficacia in-
diget. Unus autem, qui potest, dum ef-
ficaciter agit, non obsistentibus aliis,
(quum factione non perturbentur) si-
ne impedimento obtinet. Quod si duæ
sint [factiones,] Principes tibi conci-
liabis; certiusque negotium obtinebis,
quam si sine factione essent. At si sine
capite, & multifidis laborant dissidiis,
melius mediocriter omnibus placere,
quam admodum paucis vehementer;
quod tum hostis unus plus impediatur,
quam duo amici adjuvent. At si non
de obtinendo magistratu, vel alia re
utili, sed liberatione ab accusatione
agitur, semper melior est unus acris
defensor, quam pericliteris in duobus
inimicis exitialibus. Summum ergo est
auxilium, habere potentem, acrem
defensorem; sed, si potes, nullum talem
hostem. Quum vero res vel sic pro de-
plorata habetur, utile fuerit, non so-
lum in civilibus altercationibus, sed
etiam in bello, aliquos habere amicos,
qui hostis officio fungantur, qui ex in-
opina-

opinatio tibi adhæreant; tumque statim decernere seu manu, seu suffragiis, detectis consiliis, hostibus attonitis novitate facti: etiam quod exemplo moveantur, & quod causam potentem reputent: & quod tempus consilii ereptum sit. Sed de his etiam alibi diximus: (Sect. 15. & 91.) Est autem quoddam præcipuum, quum omnia ferme adversantur, ut pugnes quasi à latere. Cujusmodi ego in Senatu Bononiensi, à principali utilitate; Plus est servasse unum è vobis, vel uxorem, vel filium, aut fratrem, decem millibus aureorum coronatorum; quæ summa major est quovis stipendio universo meo, etiam si victurus essem annos Nestoris. Hoc autem falsum existimare quum objicere licuerit, in tot annis præcedentibus quis obiit in manibus meis è vobis, aut necessariis vestris? Vocaturque, à comparatione emolumentorum: [aut commemoratione.]

Quum vero suspicaris persuasum Principem aut magistratum, aut amicum potentem ab æmulis, de falsa accusatione; illum autem ad tuas partes trahere speras: ne deneges factum, quod non objicitur; & quod defendere, non præsentem accusatorem, vanum est: forsitan enim in suspensionem novam venies:

316 HIERON. CARDANI
nies: & si pauca dicas, non sufficient:
si plura, videris abuti amici existima-
tione; ut inimicum tum tibi compa-
res, quando amico maxime opus erat.
Sed sufficiat (quod etiam in usu est
apud quoscunque graves & prudentes
viros) dixisse: Non me later, quæ di-
cant quidam: sed ego paratus sum
ostendere, quæ feci, aut coactum egisse,
aut optimam rationem iniisse.

C A P. LXXIX.

De amicorum vitiis.

Q UOD si ab his, quibus amicum te
esse contingit, quosve colis, opes
(ut solet à pauperibus) mutuo, à po-
tentibus officia exigantur, hæres in-
vado. Nulli si concedas, amicos per-
des: uni, non alteri, si des, pro uno
amico plures efficies inimicos: omni-
bus si des, illos non ob id servabis; te-
metipsum absque dubio pessumdabis.
Ergo ne des rem, caveto; officia præ-
stabis; sed huiusmodi, ne te evertant,
nec gravia sint. Ab amicitia igitur
pauperum petacium, avarorum, &
impudentium cavebis; & eorum qui
tua prodigunt immodice; maxime au-
tem obstrictorum ære alieno. Excusa-
bis, non habere; mutuo dedisse. Si pe-
tat pecuniam, offeres pignus, [quod]
fate-

ARCANA PRVD. CIVIL. 317
fateberis te habere, sed corruptum, vi-
tiosum. Demum, si dare cogeris, ala-
cri animo, non ut invitus, dabis. Vbi
rardaverit restitutionem, occasione
simulata repetes. Multa dabis parva;
eo animo, ut dones, non ut mutuo
des, & non audeat majora petere. Sic
ego duos aureos coronatos amico de-
di, ut non auderet quicquam majus
petere: & bene cessit; quum etiam mul-
tis officiis mutuum abunde pensave-
rit. In magnis, cautionem aut pignus si
offerat, accipies, causatus incertos vi-
tæ eventus: si non offerat, te excusa-
bis. Melius est, parvi precii amicum
amittere, quam magni precii rem. In
officiis nihil cuiquam denegabis; sed
promte, alacriter, ac etiam non roga-
tus, modo monitus, præstabis. Qui-
dam hac techna in absentes utuntur:
Post duos menses scribunt; & sub præ-
senti die, quo ille requirit; ut literæ vi-
deantur fuisse interceptæ, & in mora.
Tum videntur satisfecisse bona volun-
tate: ille tamen, tamquam præterita
occasione, petere [ea] aut adire non
audet. Solertissimi quoque hominis
consilium est, quum amicus crimen
admisit, aut frater, quod latere non
potest, tu vero potens fueris, damna-
re illum, expellere, de jure cum illo age-
re; sed

318 HIERON. CARDANI
re; sed demum sic, ut sententiis judi-
cium absolvatur. Ita tuo honori, & il-
lius securitati, prospicies. Sed si inter
duos amicos contentio sæviat; tu vero
arbiter sis, hoc age, ut invicem persua-
deant alter alteri: nam si hoc non po-
tes, alterutrum facies inimicum, ut
Bias inquit. Quare iudicio renuncia:
Si non potes, sic divide iudicium, ut
quisque habeat, quod maxime placet.
Aliter si feceris, periculum est, ne dum
utrumque retinere conaris, utrumque
amittas. Quod si amicus, tum maxime
potens, à te requirat, ut amico tuo,
qui ejus sit inimicus, inimicus sis, mul-
ta habes hujus argumenti præclara
exempla. Velut illud Attici cum Sulla:
*Noli, oro te, adversum illos me ducere;
cum quibus, ne contra arma ferrem, Ita-
liam reliqui.* Quid prudentius, aut ele-
gantius? Sed & illud ejusdem, quum
Antonium & Ciceronem amicos si-
mul retinuit, inter quos odium fuit,
mortali omni majus: rursus inter An-
tonium, & Octavianum; inter quos de
Principatu orbis contentio erat: &
inter Octavianum & Brutum; quorum
unus pro libertate, alter de Imperio
orbis certabat; parricidium exercen-
tes simul, atque objicientes. Ut credas
ejus fuisse exactam Dialecticam in ci-
vili

vili tractatione: quam condiscere potes ex his quæ recitavi. Itaque vim illorum verborum scrutare, donec exacte assequaris, ad infinitos usus accommodatam. Si pro amicis suis non amicus te fatiget; ubi bis aut ter illi concesseris, excusato libere, docens, non sufficere. Vbi hoc egeris, illi tum satisfacies, nec inimicum feceris. Multi de his, quibus conversantur, eorum facilitate abusi, dum omnia sibi de amico pollicentur, repulsam passi, pudore ejus fiunt inimici. Ob id extremo illo actu ut amicum retineas, si potes, non spe sua eum fraudabis.

Porro res amicorum, & error illorum, maxima sunt, & quæ integram exigent tractationem. Sunt quidam qui secreta tua exquirant: quibus si ea dicas, præter periculum ne revelent, illorum postmodum arbitrio vivere cogeris: adde quod nescias quantum amici sint: quod etsi scire te docui, non tamen primum est id agere: Sed si communicare nolis, recedunt ab amicitia; alii occulte te oderunt, quidam etiam aperte. Nonnulli acriter urgent, ac si debeas. Sed hos rejicere debemus: & leve malum est: aut enim ipsi stulti sunt, aut stultum te arbitrantur. Ergo in hujusmodi difficultatibus fallere illos

los convenit, non sermone, sed re; at-
 que ita, ut si proferant [quod ipsis re-
 velasti,] nihil omnino noceant; aut
 etiam juvent. Inde attentissime ita sub-
 odorare negotium cum tuis amicis, ut
 cognoscas quam fidus sit. Si tegit, ami-
 cum esse, sine periculo expertus es. Ve-
 rum tamen optimum est, non detege-
 re, quod sciri nolis; aut saltem jam co-
 gnitis amicis, & nihil tale requirenti-
 bus. Alii vero sunt, qui ita amici sunt
 (& satis boni,) ut nullum patiantur
 esse tibi alium amicum: qui non tam
 tibi, quam sibi, sunt amici: alii qui pa-
 tiuntur hoc, sed nemini in amicitia
 concedere volunt; qui etsi vehemen-
 ter ament, nec tamen importuni sint,
 non tamen amici perfecti sunt. Si enim
 amicus est, qui te tā diligit, ut seipsum;
 cur si ipse alium optaret sibi, eum ami-
 ciorem tibi esse non vult? Similiter &
 illi qui in emulationem aluntur; exem-
 plo cuculi inter aves, & hederæ inter
 arbores; quæ suos educatores enecant:
 sed & Aranci: [aut aranei.] Sic Ma-
 rius Sullam in perniciem suam evexit.
 Hos dignosces, quoniam nimis pecca-
 tis sunt obnoxii, avaritiæ, aut ambitio-
 nis: (Duo bona, duo peccata:) vel si
 sceleratæ vitæ sint: talis Cæsar in Pom-
 peji perniciem, ut Sulla à Mario, edu-
 catur

ARCANA PRVD. CIVIL. 321
catur. Frequens hoc exemplum etiam
in omnibus. Sed, ut dixi, si non cæcu-
tias, vel ex flagitiosa vita, vel ex immo-
derato affectu alterutrum deprehen-
des. Habendus tamen ætatis respectus;
ne deterior sis Tiberio; qui quum au-
disset Galbam aliquando regnaturum,
dixit, Regnet, quum nihil ad nos perti-
neat: attamen ad stirpem pertinebat;
quum regnare non posset, nisi Tiberii
extincta stirpe. Sed & genus artis con-
siderare oportet, ut etiam dignitatis.
Bellica, & Principatus, ad exitium spe-
ctant: Medicina ad iacturam: reliquæ
non ita: Iuris prudentia quum in cer-
tamine constet; tum Philosophia ad
gloriam potius. Si amicus, aut filius,
uxorve, exigant ultra metas, aut se-
creta scire; nec, ut velis, negare liceat,
quod Homerus de Iove ad Iunonem,
dicas: Sufficit ut non prius alteri; sed
si modo indulgeam, tum prima eris.

Quum amicitiam dissolvere nolis,
sed consuetudinem, (contingit hoc
maxime in professoribus, cū discipulis
morosis) illos uberioribus beneficiis
afficies, sed non magni momenti: in-
de aliquem vere tibi amicum ab eo-
dem munere explode. Ita quieti cessa-
bunt. Exemplum: Quum Bononiæ
essem, discipuli nullo respectu carpen-

X

tum

322 HIERON. CARDANI
tum ascendebant; ut non sufficeret docere, nisi etiam aveheres. Hoc grave admodum erat, molestum, & indecorum; ut nec liceret pedere. Oportuit ergo blandius excipere, docere, polliceri; & extrudere carissimum è familiaribus (sed volentem) ut mihi gravem & molestum; cuius querela erubescerent [alii.] Iterim abrumpe occasionem; ut equo ferri, non carpento vehi [malis.] Male fecit Plutarchus, qui librum condidit De amico ab adulatore dignoscendo. Debit enim sic inscribere: De dubiis amicis dignoscendis. Quidam enim adulatores non sunt, sed plane proditores. Ergo hos, quum aliquid proposuerint damnosum periculosumve, quum invocati accedunt, dubium offerentes auxilium suspectos habeto. Qui si rationibus convicti perstent, malintque te eligere speciosa cum periculo, quam tuta; ubi periculum ingens sit, huiusmodi amicis, tamquam inutilibus (si non perfidi sint) carere melius est. Istis ergo viris committes res sermone ancipiti; velut, Committo fidei tuæ hoc, Resonat enim in auribus amicis spem in illo maximam; in perfido, dubitationem. Si duo communes amici, accepta injuria invicem, in inimicitias deveni-
rint;

rint; ut mihi nuper unus violata alterius filia in carcerem ductus; deserere miserum, impietatis est, & amicitiam fictam exercentis; obviam ire legibus, & non sinere justum ulcisci dolorem, nefarium: impetrare ab altero, quum de jure agat, videberis nec jus colere, nec eum ut illum amare: persuadere irate, dedecus passio, arduum, ac plane inane: offensas præterea (ut in generalibus dixi) sempiternas, officiorum memoriam fluxam. Itaque decet, Atticum imitando, ne verbo [quidem,] ad eum, qui injuriam passus est, facto, auxiliari; ita ut alterius æstimationem minime lædas, aut minuas: quin etiam, apud judices illo plurimum laudato, & cōquestus de ejus fortuna, opem alteri quantam potes afferas. Quod si is resciverit, dicas, Te tantundem factorum sua causa: aliam etiam conditionem ejus, aliam meam, aliam judicis: me neque accepisse injuriam, neque judicem esse, sed solum amicum: leniisse poenam; nihil damni illi afferre: ut nec ex actu quicquam utilitatis [percepisse:] leges captivis & reis defensores publice constituisse; quanto magis me [amicis prodesse] teneri? Inde omnibus factis ac dictis ita excipies eum qui læsus est, ut non odio sui, aut

levitate, vel ambitione defensum illum [à te] credat [qui læsit,] sed amici officio, ac necessitate, qua omnes excusantur. Huiusmodi frequens est exemplum apud Ciceronem in orationibus: velut pro Marco Cœlio, contra Atratinum; & pro Lucio Muræna, contra Catonem ac Servium Sulpitium; & pro P. Sylla, contra L. Torquatum: ubi defensio publica non improbatur. Sævissimi enim hostis est, reum non solum vita & iudicium misericordia privare velle, sed curare ut omnium necessariorum ope destituatur.

Quum amicus in te peccaverit, solent quidam cum communi amico expostulare. Id si recte fiat, à me non improbatur: Primum ut amicus illi non voluntate peccaverit, id est, improbitate, invidia, vel contemptu; sed potius ira, ignorantia, aut cupiditate: & ut is, cum quo quereris, autoritate sua regere possit eum, de quo quereris, & tibi amicior sit. Secus, tua facta deteges; odium illius augebis, & contemptiorem te reddes: forsan etiam vel voluntate vel errore commutabis dicta tua. Quorsum enim, per minorem expostulare, impetrare per incertum amicum, querere quid ab inimico, quo sine esse possis?

CAP.

Ubi amicus tuo periculo erret.

EODEM ferme in genere est, atque ratio exempli una, quum persuasus amicus graviter, malo tuo aberret; quem corrigere, periculosum; nec licet, si non corrigas, à gravi jactura te vindicare. Accidit enim hisce diebus quum liber essem à suspitione erroris ut quidam ex his qui negotio præerant (vir sane, ut audio, eruditus) mandata sibi hanc ab amicis præcipue curam mihi scripserit: sed ita scripsit, ut à me quæ [literis illis] continebantur cum Dialectica mea vix intelligi possint; ab alio autem certe nemine: sed & apud me quædam non erant adeo perspicua, ut respondere possê. Quumque reposceret [responsum,] in nonnullis necesse videbatur vel respondendo testari illius negligentiam; aut, non respondendo, contumaciæ vel socordix opinionem subire: quorum utrumque mihi ingens periculum excitasset; tum maxime illi objiciendo socordiam, qui nomini meo studere se testabatur. Itaque sic respondi: *Officiis tuis, ac beneficiis, quæ in me plurima sunt, nec mediocria, multum me debere intelligo: & eo magis, quod nullo beneficio*

antea à me affectus quidem esses. Libros, quemadmodum rogas, curabo ut habeas. Scio, te, ut scribis, & ut fecisti jam, quantum poteris, causam nostram defensurum: ob id etiam cupio singula ab aliquo ex his qui tibi sunt à libellis, diligentius mihi significari. Opto autem potius, ut per alium quempiam id agas, quam per te ipsum; ne hoc tedium mei causa subeas. Facile enim è tuis aliquis; qui prudens sit, & scribendi peritus, hunc laborem, te jubente, suscipiet; & id mihi gratum erit. Vale. Vides quanta industria illius errorem texerim, atque imminuerim; causæ meæ tamen non oblitus. Ita corrigere potentiorum amicorum errata honeste convenit, quum ea dissimulare nequiveris.

Si amicus, vel notus, pro aliquo qui tibi injuriam intulerit, supplicet; si sit tibi utilis, aut potens, dicas, Cogitaram te in auxilium vocare pro hac tanta infamia, injuria, & jactura. Sin neque potens, neque utilis, potes vel eisdem uti, vel dilemmate: Si mihi amicus es, debes me ad ultionem non solum accendere, sed juvare: Si non es amicus, dimittas me juri meo. Si sit minax, improbus, petulans, dicas, Iure agendum est mihi, ne plus noceat. Quod tua gratia facere possum, est,
ut se

ARCANA PRVD. CIVIL. 327
ut se subducatur ex urbe per aliquot
menses, ne præsentia augeat injuriam.
Si neque hoc facere vult, pugnandum
est caute, & armare sese necesse est.
Idem in levi injuria, utili persona in-
tercedente,

C A P. LXXXI.

De conversatione cum Principibus.

CUM Principibus sobrie agendum,
paucisque admodum, Secreta illo-
rum ne quæras. Innotescunt tamen
intimis, hoc modo: In sermone fa-
miliari, dum quærunt ab his qui à se-
cretis sunt, illi muslando significant:
si enim collimaveris, non respon-
dent, aut verbum quo te recte existi-
mare intelliges, aliter dicunt. Non
prorsus, &c. Hæc est notitia quæ de
arcanis Principum habetur, & in se-
cundis personis extinguatur. Verum
quum illorum conversatio adeo peri-
culosa sit, ob calumniam, & invidiam;
quanto magis consuetudo, & tracta-
tio, &, quod majus est, gratiam atque
autoritatem summam apud illos quæ-
rere? Præsertim quod in hac re magis
(tum generaliter in omnibus) plurimi
inveniuntur, qui nulli labori neque
periculo parcituri sunt ut primas par-
tes obtineant apud Principes ipsos:

X 4 tum

328 HIERON. CARDANI
tum vero nec grave scelus committere, nec (si occasio detur) etiam vitam exponere verentur: ut quasi cum desperatis certamen suscipere necessarium. Non tamen prudens vir spem deponere debet, cum tot difficultatibus intentum obtinendi, quot res humanæ dilabantur, consilia disjiciantur, studia refrigescant, coitiones dissipentur; ut prudenti & recte viventi mora & tempus semper aliquid commodi afferant. Nullis magis favet tempus, quam sapientibus. Ergo ut gratiam Principis consequaris; & apud illum auctoritatem, commune jam præceptum illud servabis:

Virtus est vitium fugere; & sapientia prima,

Stultitia caruisse.

Multa melius est prætermittere decora, quam turpe aliquid committere. Utilius est, recte quæ possis agere, ut omittas; quam ut erres in aliquo. Diligentia & assiduitas, & honesta administratio, & verborum paucitas semper grata sunt Principibus: reliqua, etsi bona sint, variè accipi solent. Contentionem fuge; & disputationibus (ubi necesse sit) acerrime pugna. Ne credas æmulatorum verbis; sed illos assuesce ut sine contentione pereant. Intimis quibuscun-

ARCANA PRVD. CIVIL. 329
buscunque Principis fave; & gratiam
illorū capta. Gravitationem incessu, mo-
ribus verbis, vestitu, conversatione di-
ligentissime custodi: & cave, ne, aliis
dum faves, ipse cadas. Non eripias
aliorum negotia: nec quemquam ir-
rites, confusus in Principis favore, vel
beneficio. Cum communibus mini-
stris quantum potes convenias. Deni-
que versare studiose in dignoscendis
aliorum moribus, ac tuis occultandis.
Nam cum iracundis & indignabundis
ne tantillum contenderis. in periculo
enim versaris, ne contumeliose te tra-
ctent: aut, si id effugias, odia æterna
concipiunt. Multa vero in hoc gene-
re tradita sunt ab Aristotele, atque
Cicerone Super omnia cavendum est,
ne cum affectu quicquam loquaris;
præsertim in offensa. Nam affectus
levitatem ostendit. Gravibus autem
circa causam sententiis age. Pessimum
igitur, magno affectu, argumento nul-
lo, uti. Pro periclitante filio, patre,
fratreque, affectus ad commiseratio-
nem decet. At is optimus, ut etiam
ad illos proprius. His duobus modis
(quod raro accidere solet) contigit
eos mutasse sententiam. Vbi autem
dilemmate opus, partem iniquam ex-
tra suspensionem voluntatis ejus pone.

X 5

Prin-

Principem jam tibi amicum, qui aliquid majus expectet, & de se polliceatur, facile tibi oratione devincies: maxime per epistolam arte egregia constructam, verbis splendidis, sententiis gravib⁹, acutis, pressis, quasi aliud agas, spe implendo: quod bonum est, ubi jam voluntate rapitur, nec in periculum adhortatio impellat: vitioque careat epistola. Siquidem (ut alias demonstratum est) nihil est in humanis solidum, præter virtutem; sed specie omnia constant: ut undicunque eam paraveris, nihil referat. Quod optime norunt oratores; & cæteri etiam usu.

Sed & illud scire decet, quod, quum Principi, qui in ætate non sit, aut captivo, servies, & illius ac Senatus præfectorumque mandato cogeris arcem aut urbem munitam alii Principi tradere, hoc utuntur stratagemate prudentes: Quum periculosum sit utrumque, & parere, & non parere, uni è suis eorundem mandato restituant arcem: inde ille, ut certus nuncius, Principi illi tradit. Plures enim tradendo periclitati sunt. Consimili in casu, si de restitutione agatur, res ad totum regnum referenda est, non ad ordinem illum, in quo tu sententiam dicere consuevisti. Si ille te reprehendat, à calumniatori-

toribus persuasus; ut negando, illum quasi stultitiæ videaris coarguere; non negando, reum te facias: mediam quasi viam tenebis. Vt quum ego à quodam potenti viro persuaderet, ut quæ perperam scripsissem, colligerem ac retractarem, (quum nihil indignius [sit, quam] crimina multa fateri, ubi nullum esset crimen) adduceretque B. Augustini exemplum, quod minime mihi conveniebat, quum & Augustinus aliquando in secta hæreticorum fuisset, & in Theologia scripsisset: & si retractassem, forsan in hæresin incidissem: si non acquiescerem consilio, periculum erat, ne ex amico inimicum frustra fecissem; quod & ob potentiam, & amicitiam, & merita in me, ac urgentem tum occasionem, minime mihi conducebat: respondi: *Cu-
re & velle omnino, quæ perperam scripta
essent à me, subjici religionis censoribus;
atque in hoc auxilium etiam me suum
implorare: nihilque umquam cogitasse,
quod dissidium paritutum esset: quod si
casu in duobus vel tribus aberrassem, ab-
oleri illa oportere: nam me de hujus modi
ne in suspensionem quidem umquam apud
Pontifices incidisse. Ita modeste fatissa-
tum est honori meo, & nihil fuit, in
quo offenderem illius voluntatem; sed*
aperta

332 HIERON. CARDANI
aperta est ei via, qua intelligeret, se à
calumniatoribus deceptum. Quando-
que voluntatem ejus lādere cogimur.
Tum vero mirifica industria opus est:
nec tamen odium occultum effugies.
Quale illud Ciceronis, quum librum
de Catonis laude, Cæsaris inimici, scri-
pisset; legissetque Cæsar; inquit Cice-
ro: *Ille enim non scripta potius desiderat,
quam scripta non probet.* Quod si sæpius
sic cum offendas, in immortale odium
incurres. Quum aliquid petieris, &
annuit, habeas è familiaribus unum,
qui illi instante occasione suggerat tui
memoriam. Multis enim distinentur
[Principes] & gravibus negotiis; nec
libenter curam hanc reminiscendi su-
spiciunt: odereque maxime eos tam-
quam sui contemptores, aut plane stu-
pidos, qui quæ per alios fieri possunt,
nec è dignitate sua sunt, illis relin-
quunt. Tum vero, si vel oblivisci, aut
minus accurate rem tractare vellet, nō
habet quos excuset: ut etiam invitus
persæpe beneficium præstet. Præterea
cave ne pro alio, qui non satis pro te
firmus sit, roges, seu præmio, quod ra-
ro: seu molestis quorundam precibus,
quod frequenter evenit, impulsus. Le-
vem enim aut importunum te existi-
mabit [Princeps:] tum vero magis, si,
quod

quod rogas, nod plene fui juris est. Aut enim repulsam passus, animum labefactabis tuum; aut consequutus, quicquid habebas gratiæ, consumes. Gratia enim infirma admodum res est: quæ difficulter paratur; ægre retinetur; amissa numquam recuperatur.

Si quis tibi solus prodicionem revelaverit [aut soli,] utroque modo periclitaris, seu captus ante confiteatur, seu quum perfecto opere detegi complices necesse est: adhæc si non perficiatur [opus,] & capiantur [complices] quomodo evades? Si dixeris, certū est, negaturum: hinc tormentorum representatio; proditor amici [eris,] suspicionem falso accusaveris. Quid si damneris, ut falsus testis, pœna talionis? Quomodo tutus esse potes, si evaserit? Quid si Tyrannus ille sit præcipitis consilii, iræve, quanta mala [te] manent? Quid fiet filiis tuis, fratribusque? Ergo si amicus ille sit, & rem explicatam habeas, subducito te, dicens, aut ostendens, si times, non posse [te] celare. Ita omnibus satisfacies; sed statim. Si Princeps est alius, subducito [te,] nec revelato. Neque enim cogi potest, ut te deregat. Sed si amicus intimus non sit; verum vel levitate, velut inter cōjuratos te trahat, illico revela; sed causam adde,

334 HIERON. CARDANI
adde, quod non habeas sufficientem
probationem: propterea (si placet)
verba habiturum, ut complicem ob-
sconditis testibus post tabulatum in-
star muri [convincant.] Interim co-
prætextu armatus cum fidis sociis in-
cedes. Sic per alios detecta conjura-
tione, in tuto eris.

Si opus quoddam Principi dedicare
propositum est, fac ut postulet: & Epi-
stolæ argumentum quasi è re occasio-
nem habeat: velut Aristotelis ad Ale-
xandrum: Ea;que modestiam maximam
præferat, ut Plutarchi ad Trajanum.
Vel si solum ad optimates scribas, lau-
des majorum [commemora: talis Epi-
stola] Ciceronis ad Lucillum. At si
plures pro te operam navarint, ita ad
unum referes Principem, ut ille hono-
rem, hi gratiam ejus consequantur.
Quodsi ab his, inter quos æmulatio-
nis studia vigent, seu libertatis munus
tuum consequutus sis, non tam faci-
le est omnibus satisfacere: ita tamen
ages, ut inferior (dissimulata æmula-
tione) & alterius gratia fecisse, & per
se potuisse videatur: quum aliquid et-
iam præcipuum addiderit. Innumera
habes hujus rei exempla apud Cicero-
nem, quum à Populo & à Senatu ali-
quid consequutus est, velut reditum:
Et nos

Et nos in Epistola nuncupatoria super Aphorismos Commentariorum, ad Pium quartum Pontificem. Namque beneficium illud erat Procerum; Senatus suum videri voluit; Pontificis ego videri cupiebam. Ita omnibus satisfeci: ut omnes quum legerent, se præpositos existimarent in officio, singulorum aucta verbis magnificis, sensibus altis, dignitate. Et (quod majus est) etiam hi qui à Pontifice dissidebant, non solum æquo animo tulerunt, sed illius laudes typis, quum aliorum probra vulgarent, ipsi publicarunt. Præterea in magnis rebus exemplo gravi, sed brevius quam potes, te excusabis: quemadmodum ego cum Bononienfi Pontifice. Volebat is, ut medicos suos docerem, quid agere deberent. Exemplum attuli, quo illum docui, [me] in Scotia, dum aliud agerent medici, quam ego docerem, existimationem & vitam pene amisisse.

Principum autem [malorum] mores scire oportet. Quod ad dominationem attinet, neque justitia, neque legibus, aut fide, vel sacramenti religionem, vel sanguinis conjunctionem, imo nec infamia, nisi quatenus timent notitiam, moventur sed sola utilitate, mista cum perturbationibus iræ, odii, inyi-

336 HIERON. CARDANI
invidiæ, atque ambitionis, nefario-
rumq; amorum. Ob id maxime caven-
dum est, ne injuria irrites, quos perdere
nequeas: nec ubi occipisti, desistas: nec
speres reconciliationem; sed enitaris
ut perdas: alioquin potentiorum ha-
biturus [es] inimicum, & deteriorem.
Nam solet animus cum Fortuna fran-
gi. Pessime his consultum est, qui be-
neficio vel fœdere sperant [se] recon-
ciliatos esse.

Filii præterea Principum, qui sibi re-
gnum multa cæde paraverunt, omnes
sunt crudelissimi, ac pæne furiosissimi.
A Philosophis [itaque] educuntur, &
abstineant à vino; vel ut Cambyfes
Cyri, & filii Herodis omnes. Alexan-
dri virtus, Aristotelis fructus fuit; vi-
tia, vinum: causâ est furor patrius
dominandi, cum aula plena vitiis, ad-
ulationibus, ac timore, nondum con-
stituto regno: &c. ut in hoc numquam
commigrandum sit. Nec mortes ac
cruciatus meliores [subditos] faciunt:
sed amicos efficiunt hostes, bonos de
medio tollunt, adulationem augent;
& dum plectunt incautos & simplices,
insidiatores cautiores efficiunt; & a-
perta via, ac loco quasi inani relicto,
eis animum augent: velut Antipatro
& Laconi: ea etiam ratione, quod cum
furio-

furiosis rem habere se intelligunt. Quamobrem si sublati opibus, vinculis, triremibus, relegationibus puniantur fontes, magis timebunt improbi; ut quibus nil per imprudentiam sperandum sit; & quod cum sapientibus negotium esse intelligant; temporeque consilia & machinationes detegi; adhuc superstitibus damnatis, videantur.

Si Principem tibi ignotum (sed à quo tibi aliquando timendum fore, maxime ob inimicos, verearis) salutare necessarium putes; imitare illos, qui Reges Barbaros adituri sunt: [saluta, sed] non sine munere. Itaque argumento aliquo notabili opus est. Id fiet, si merita alicujus è majoribus suis in te, vel tuos; aut illius in tui similes commemorabis; sed sine jactantia: ne, dum te illis æquas, te ipsum evehas. Habes superius exemplum, quo sine adulatione placeas. Quod si nimium distuleris, non sine amico invises, ut commodius se illi insinues, & excusationis occasionem arripias: aut ita agito, ut hæc expectatio necessaria, aut honesta, aut utilis videatur: velut si morbum [prætextas,] quamvis multo post; si rem nondum absolutam, quæ ei debetur; si impeditum dicas offendisse: demum cunctationem tuam

Y

ex ve.

358 HIERON. CARDANI
ex verecundia (ut crimen crimine, sed
excusabili, veles) in medium adduces.
Id vero apposite cedit, non difficul-
ter: quum verecundia laudum suarum
occasionem præbeat.

Quum Princeps te attrectat, more-
que quasi insolito blanditur, contem-
nit te, aut beneficii accepti hoc præ-
mium esse vult, aut timet, aut molitur
tibi interitum, aut te evidenti pericu-
lo exponere vult: ut sint omnia mala.
Bonum est solum, quum te tueri à ca-
lumnia, & multitudinis violentia cu-
pit. Ergo considerandum est diligen-
ter, quis sis; an metuendus illi, tan-
tundem te metuere decet; an odio-
sus, magnum tibi imminet periculum;
contemptus & gravis, & is te despi-
ciet: si beneficium attulisti, mercedem
recipis: si impotens & amicus, in cala-
mitate hoc optimum tibi est. Si opera
tua indiget, vel tibi non sine magno
discrimine onus incumbit, aut omni-
no chara est illi sedulitas tua. Propter
hæc, quum illa plerique nesciant, mul-
ti periclitantur.

Quum amici illius [Principis] à te
[quippiam] petunt, id grave est. Nam
si das, perit beneficium, nec Princeps
fit; si non das, Principem à te alienant.
Hoc autem nil frequentius; quum vel
avar-

avaritia, vel paupertate plerique aulici laborent. Vnum inter multa auxilium videtur, si operam poscunt, maximam esse refer; ut vel ipsos precario requirere pudeat, vel tu honestius recusare possis, si rem tuam esse neges. Velut in opera; si consilium medici quærant, dicas longum nimis futurum: oportere à te curari. Si id agat, nec spes sit solutionis, subijce pharmacopolam, qui petat: tum cum eo collude. Non est flagitium, tueri se ab improbis & impudentibus. Exemplum rei: pécunia mutuo requisita, & tu trapezita es: dicas ut faciat, quod Princeps id jubeat: convenisse enim cum illo sic. Vel ergo dabis Principi; vel si in illo fidem non habes, non est ut cum eo retineas amicitiam. Si dicat aulicus, nolle [se] id rescire Principem, tum tu, si instet, Principem mone. Ita te liberabis à damno, & insimulationis periculo: ostendesque te esse virum; ut cæteri deterreantur.

Verum hac in parte cave, quod ego aliquando expertus sum, ne lenonem Principis offendas. Habent enim plerique suum, quem amant, ob voluptatem; plerumque oderunt; etiam sæpè timent. Semper ob infamiam & periculum ab his magna emuntur parvo

340 HIERON. CARDANI
pretio, indignantibus qui & in illis be-
neficia non levia contulere, & quibus
cum & amicitiam & ipsi petunt; arca-
num humanæ nequitiae. Hujusmodi
Aretas seu Basileutheros ubi inimicos
habueris, & illi omnino præfractæ ava-
ritiae sint, atque impudentiae (quod
humili loco nati sint) nec tamen tibi
aditus præclusus erit magis quam aliis;
pecunia & lenociniis opus est; ut nil
aliud in spe ponas; non jus, aut miseri-
cordiam, aut officia præstita, nec ami-
corum preces. Sed si præventus sis ab
insidiatore, rem ad judicem ordina-
rium revoca. multis bene cessit. Iudi-
cem pari arte confirma. Sic enim dis-
feres, si vincere non liceat. Interim
tempus labitur, multiplici spe. Et
quanto plures fuerint personæ, seu
una obeat, seu inter eos oriatur [lis
aut discordia,] & quum te prudenter
& fortiter resistantem viderint, lan-
guescet eo magis furor eorum. Mul-
tum refert vitasse initia. Iuvant sæpe
in absurdis Fortunæ ictibus absurdio-
ra commenta, Chymicæ, Astrologiæ,
ducendi aquas. His enim promissis
deceptores decipiuntur, & captatores
captantur.

Principum comminationes & in-
telligere non parum [utile] fuerit,
& imi-

ARCANA PRVD. CIVIL. 341
& imitari [evitare] prudentis. Ad
graves enim viros conversi, qui eos
facto provocarunt, dicere solent: No-
luistis nobis amicis gratificari: Suffi-
cit. Quidam modestius addunt: Et
nos paria reddemus. Hæ minæ sunt
atrocissimæ. Quandoque tamen utun-
tur his ad terrendum, quum injustum
aliquid petunt; iniquo terrore. Ti-
mendum est enim; quum ab injustis,
absque minis, nil tutum sit; à justis
[etiam,] ob signum gravis indignatio-
nis. Ita ergo quum quis iuste tibi non
gratificatur, hæc dixisse sufficit.

C A P. LXXXII.

*De calumnia apud Principes
abolenda.*

IN referenda autem calumnia apud
Principem, etiamsi testes adsint, ut
alias dixi, nil melius est repetitione.
Fiat paulo post; ut per sex dies, aut se-
ptem. Nemo enim tam tenacis me-
moriæ esse potest, ut eodem modo re-
ferat, si vera non sint. Atque sic con-
vincuntur testes falsi; refelliturque ca-
lumniā apud plebem: tum plus va-
let testimonium potentis viri, quam
vel ratio, vel oculi ipsi. Ab his ergo
petendum auxilium: aliter vindican-
da [injuria, vel calumniā] ferro, vel le-
gibus.

342 HIERON. CARDANI
gibus. Testibus agere apud hos, vel rationibus, est augere suspicionem, & amplificare rem. Verum si nihil horum conveniat facere, contemptu & opere aboletur opinio, & oppositis experimentis. Quandoque etiam juvat apud iudices, & malos tui æstimatores, aliquid è Sacra pagina commemorare. Quale illud: Pilatum non excusavit, quod dixerit, Tui te mihi tradiderunt. Nam veritatem debuit inquirere, & integri iudicis officio fungi.

Quum vero paucis cogaris cum illo [Principe] agere, (hoc semper prodest, si tibi æquus est,) dicas, non dubitaturum, si factum teneret, quam iusta sit tua causa. Nam intelligere cupiet: tibi vero ansa data est exponendi paucis ac dilucide.

Vbi vero incertus sis de calumnia, scribe aut alloquere familiarem Principis, amicum autem tibi, ut moneat: quod si agit, certus es; si non respondet, silentium pro ira habendum est; si paullo post responsurum dicat, nec post respondet, levior est ira; si sero, compositisque verbis, valde gravis, ac sæva, sed recta. Eadem vero ratio est præstandi officii apud Principem, ubi ab amico exigatur. Nam si iratus non est, tutum est responsum dare; si odit, silen-

silentium illud pro ira haberi debet; si
 regit, paulo post significaturum, re-
 spondeas. Sed & si fortuito talia conti-
 gerint, eandem habent significatio-
 nem. Porro ante calumniæ confirma-
 tionem, & ut gratiam adipiscaris, si
 non potes illius catulis ob humilitatē
 ablandiri, laudabis eos egregie, sed
 non ut amicos, ne falli videaris; neque
 ut fidos, ne eis credat; sed ita, ut pudeat
 maledixisse, nec tamen maiore apud
 Principem sit in existimatione. Quod si
 æmulus apud Principem te accusat.
 cavendum est diligentissime, ne oppo-
 sitis verbis illi respondeas. Hoc enim
 ipso facile vel in illius odium, vel con-
 temptum incidēs. Sis, gratia exempli,
 medicus, qui Principi librum dicaveris
 elegantem, sed in quo videaris quan-
 doque ab aliis autoribus dissidere; ec-
 ce æmulus calumniatur te, quod Ga-
 lenum aut Rasam accusas. Ita ergo per
 insinuationem respondebis: Quam
 iniquè comparatū est, quod plus mo-
 do dicendi, quam sensibus, tribuatur.
 Etenim si ego ipsum stultum appella-
 rem, periculum non leve apud te sub-
 irem; & tamen provocatus, minore
 injuria illum afficerem, quam ille me.
 Siquidem dum classicos hos viros, me
 calumniari contendit, ut stultum tra-

344. HIERON. CARDANI
stat; quum ipse forsan ab imperitia mi-
nus, quam ego à stultitia, absit. Tu
tamen, humanissime Princeps, non
indignaris illi tam injuste acerbeque
me accusanti, quod paulo obscurio-
ribus verbis nefas tegit; mihi repu-
gnanti irasceris pro leviore injuria,
quia nō tam callide prolata est. Quum
vero refutatio longa indiget proba-
tione, nec licet apud hujusmodi ho-
mines, neque apud magistratus multis
agere, ab his quæ proxima sunt fini,
probationem deducere oportet, tam-
quam evidentibus, ac quam paucissi-
mis. Quodsi addubitet, addes ratio-
nem: licet & flores, quicunque sunt
speciosissimi & gravitate, & lepore, &
exemplo, brevibus inferere. Iam alius
modus [est] ut perfecte doceas per ca-
pita; conclusio autem brevissima ad
alteram partem contradictionis dedu-
cat. Hoc autem ut optimum [est, ita]
& generale.

Illud præterea noris, in quo ferme
omnes falluntur: Principes & Magi-
stratus scire veritatem, maximo stu-
dio in plerisque, ne quisquam prodatur
eam; quod vitæ suæ adversari sciunt.
Vnde aliqui supprimunt, nolentes de
ea verbum fieri, quod in alterutrum
decidere necesse sit: meliores dissimu-

lant.

ARCANA PRVD. CIVIL. 345
lant, ut excusationi iniustitiæ locus
sit. Cæterum, quod alias diximus, ho-
mines illis ut pecora.

C A P. LXXXIII.

De Principum servitute.

SI Princeps te asciscat, periculosum
est incerta sub conditione amitte-
re libertatem, & periculo se expone-
re, ut etiam jacturam rei facias. Pro-
pterea (quod plerique faciunt) opti-
mum est, per amicos id efficere, ut vi-
dearis jam pinguem in manibus ha-
bere conditionem. Nam nihil certius
ad promovendam illius liberalitatem
[aut provocandam;] & nil facilius,
quam amici nil de suo tibi largian-
tur. Res tamen longe difficilior factu
est. Ascitum si Princeps te roget, ut
inimico tuo, aut parum in sua arte
confidenti auxilieris, vel etiam illius
respectu id facere cogaris, in arte so-
cium tibi asciscas, in quo maxime ille
confidat; & ad eum te referas. Quod-
si non adsit, si res periculo caret, ita
age, ut opinionem de te ipso in illa
augeas: sed si non vacat periculo res,
omnino adijunge aliquem alium; diffi-
mulata omnino simultate. Sed si si-
multas palam sit, recusare licet.

In servitute vero eorum. illud Ar-

Y 5

gen-

346 HIERON. CARDANI
gentoni [Cominæi,] quod Regis fuit
dictum, attendere oportet; Principes
magis amare eos, in quos beneficia
contulerint, quam à quibus acceperint: Magnitudinemque collati beneficii periculosam; & non sine causa, quod fiant audaciores.

Præterea in omni servitute aut officio, tria spectare oportet; ubi utilis censeatur servitus: periculum, & frustratio in servitute continentur, quod honesta sit, laboratque patientia. Propterea si legationi addictus sis, cura ut singula quæ ad rem pertinent, scias. Id vero solertiæ summæ est (tum ut eos, quibus Princeps ille fidit, aut eorum intimos, amicos habeas) & bonæ cuiusdam Fortunæ: tum vero maxime, quod frequenter accidit, ut per eosdem decipiaris, per quos decipere Principem aut Rempublicam speras. Improbis enim facile decipit; probus non detegit arcana Domini sui. Propterea arduum, imo periculosum, invenire, aut fidere huiusmodi hominibus. Secundum est, ut non inania scribas (ut ille qui de Principis veste literas ad Dominos suos scripsit: hocque prudentiæ. Demum ut ea quæ utilia sunt, sic rescribas, ut plane posita, & tui Principis oculis (perinde ac si
ibi

ibi esset) repræsentata dici possint. Solent autem per ænigmata seu notas tuto scribi: nam si [arcana] detegantur, magno periculo eorum agitur, qui tibi ea significarunt. Porro huiusmodi [hauries] ex inimicis Principis, convivii ac pecunia corruptis, & (ut dixi) intimorum amicis; vel etiam intimo: quod ut optimum est, ita difficillime cognoscere licet. Id vero præcipuum est, ut sciat [Princeps;] non quod credunt ferme omnes, Principum felicitatem esse in convivii, ludis, venatoribus, potentia, pecuniis, gemmis, libidine, habitationibus pulchris, equis generosis, atque huiusmodi; sed in hac scientia tum præsentium tum præteritorum aliorum Principum, præcipueque majorum suorum: quæ sola illi cognitio est pulcherrima; &, præter utilitatem, molestiæ sola, inter jucunda expers.

Si cum Domino sis, à quo discedere velis, & periculosa sit venia, ut est plerumque cum tyrannis, queri oportet graviter, & veniam petere, non ut tum discessurus, sed multo post. Id ille non adeo moleste feret. Interim alii in spem loci tui subingressi, curabunt ut abire possis; & Dominus iratus erit: tum tu multa perperam age;

348 HIERON. CARDANI
age; donec & ob veniam [petitam,]
& male acta omino te oderit. Vbi de
hoc certus fueris, simula mutasse sen-
tentiam, & roga inaniter & leviter,
ut te retineat: suspira, geme, suppone
personas, sed illi invisas, quæ pro te
rogent. Ita ille satis pœnarum te da-
turum existimabit, discessu tam invi-
to: Tu vero voto tuo absque iactura
& periculo potieris. Sed cave ne sta-
tim glorieris de techna: nam rursus
magnum tibi malum aut periculum
accerferes; sed persta, ac [si] doceas
de infortunio tuo. At dices, Hoc tur-
pe mihi erit. Fateor. Sed id memoria
tene; cum Tyrannis quibus servias,
numquam habendam esse rationem
honoris, tum illum numquam pluri
facias, quam vitam. Præcipue illud ca-
veas, ne nimis erga Dominum [aspe-
ris] aut contumeliosis verbis utaris.
Nā quum nemini conveniat esse pro-
tervum; quanto minus [si qui cum]
Domino, ac Principe [versatur?] Vul-
tum quoque & animum successibus
illius accommodato. Quæ non po-
tuiti conficere, aut cur non potuisti,
sponte doceas; aut rogatus, dicas so-
lum, Non potui. Nec mireris si non
placeas, quum bonus sis. Boni enim
indignabundi sunt: Indignabundi au-
tem

tem sunt odiosi Principibus. Vt recte
vivas cum Principibus, imitare anti-
quos libertos; quorum fuit mira dex-
teritas. Quum enim essent fidissimi
Dominis suis, non tamen offensam
inimicissimorum suis Dominis incur-
rebant. Quis major hostis Ciceroni,
quam Antonius? non tamen Lauream
aut Tironem persequutus est, quamvis
Ciceroni fuissent obsequentissimi. Epa-
phroditus supervixit Galbæ: nec no-
cuit ipsi, ultum [eum fuisse] injurias
Domini. Atq; alii plures, quum etiam
de Imperio ageretur, vivere potuerunt.

Vt gratiam Dominorum consequa-
ris, compendiosa res est; quam aliqui
obtusa ignorantia omittere, imo ne
umquam quidam consequi solent: Fac
imperata; sed prompte, accurate, li-
benter; aut quæ sunt ex officio: ve-
lut tueri personam illius à sicario. In
reliquis abstine. Nam si cuncta facere
velis, curiosus videberis, & aliena
etiam præripere velle. Si illa relin-
quas quæ imperat, aut male tractes, aut
agas quæ non imperet, non solum
odiosus eris, sed à te irrideri ac con-
temni se existimabit. Hoc errore de-
cepti innumeri, de Dominis injuste
conqueruntur, quod longa servitute
nihil acceperint. Tantum enim refert
hoc

350 HIERON. CARDANI
hoc præceptum; ut si quis scite & diligenter illud observet, Dominus sui famuli servus evadet: quoniam illi longe difficilius erit, famulum similem invenire, quam famulo parem dominum.

C A P. LXXXIV.

Ubi te à Principis servitute subduxeris.

ILLUD etiam cavendum diligenter, ne quod faciunt plurimi, id tu agas; scilicet, ut pulsus, de Domino male dicas. Testaris enim acceptam ignominiam; ut nullo teste indigeant inimici tui; defensionem autem non credent: & odium Domini immortale, tum amicorum & familiarium, adulatorumque ejus comparabis; ut vix ab illis, maledictisque eorum te tue-ri possis. Vt enim fortuna præcellunt [Principes,] sic in omnibus causis superiores esse cupiunt. Hic error ex similitudine coloris cujusdam Rhetorici ortum habet. Nam levis vituperatio fidem adauget laudationi: sed debet esse levis genere & magnitudine, & apud notum & sapientem. Notitia enim sapientiæ locum obtinet. Melius autem est, ut sit confessio potius extenuans objecta, quam docens. Qui enim obiter hæc fatetur, tamquam notum omnibus testatur. Illud tamen

præceptum

ARCANA PRVD. CIVIL. 351
præ oculis habere debent tam Principes, quam qui illis serviunt, neminem vitio carere; quum plerique speciem fateantur, non genus. Loquacem qui fateatur, neminem invenias; qui lapsus sit verbo, infinitos.

C A P. LXXXV.

Ubi manendum sit in patria cum periculo.

AT si manendum tandem sit in patria, ubi inimicis æmulisque oppressus succūbas, quum ab aliis etiam (quod facile est) minores ac viles suscitati in te insurgant, adeo ut vita [tibi] acerba sit; unica via relinquitur, factionem suscitare, atque illi adhærere. Ita enim ab injuria & inimicis æmulisque tutus eris. Sed & hoc multas difficultates habet: ideo magna diligentia, ad vitandas offensiones uteris, beneficiis plures amicos comparando, & blandis verbis conciliando plebem. Dura res est, bene vivere, in tam misera conditione: sed postquam [hoc] Prexaspi & Harpago bene cessit, totque aliis sub Caligula, non est desperandum. Interim sectari aliena studia à dignitate tua licet. Nam callidi te prudentem existimabunt, plebs miserebitur doloris & calamita-

mita-

352 HIERON. CARDANI
mitatis tuæ. Ita ergo simulabis etiam
flagitia; & quædam femina vitiorum
ostendes: [sed] ab omni vitio atque
figitio [re ipsa] abstinebis. Flagitia vi-
lem reddunt hominem, & ob id con-
temptum, & tutum; vitam vero effi-
ciunt hilariorem. Hoc unum, si non
altius petere auxilium potes (nec tibi
adeft medioximus, & divinus quidam
afflatus) cogita illud plebejis etiam
notum, quod breve tempus omnia æ-
quat; & quod nostra felicitas nil aliud
est quam vivere. Nam reliqua illam
adaugent, aut minuunt. Et hoc, si so-
bolis spe non sis conjunctus æternita-
ti. Hilaris sis vitæ cum amicis, cum
aliis, tristior. In persuadendis amicis,
tum aliis, ut amicos tibi efficias, eos
imitare qui plurimum in hac causâ
potuerunt. Iisdem modis quibus antea
diximus, blanda est suadela, modo ra-
tione pugnando, modo misericordia
flectendo, increpando, cavillatione,
objurgatione, *ἐργασίᾳ*, dissimulan-
tiam vertit Cicero, quæ constat no-
vis, comitis, dubiis sententiis. Post-
quam nec hoc conceditur, omnia ex-
periare. Sed factio dissidiis & maledi-
centia potius quam bonis artibus su-
scitatur. Invidos livore, avaros rapi-
narum spe, ambitiosos honorum æ-
mula-

ARCANA PRVD. CIVIL. 353
mulatione, improbos quavis via ac-
cendes. Interim amicos prudentes &
efficaces tibi comparabis. Observabis
præterea circuitus quosdam consue-
tos, in quibus resurgunt prostrati, &
cadunt in excelso collocati: præfer-
tim deciminoni ante peracti anni:
nam ad similia reverti semper viden-
tur. Ego legi anno MDXLIII, anno
MDLXI ex Papia, è patria Bononiam
ad legendum me contuli: MDXXIV.
in gymnasium me contuli, &c. Ita
videntur quibusdam annui natales
dies fausti & infausti.

Oportet autem eum qui cum suspi-
cione alicubi commoratur, vicina
omnia loca atq; itinera explorata ha-
bere, & pertrita, & ut fugam cape-
scere tuto (si expedierit) possit. Quod
præceptum si Conventualis observas-
set, vitam & rem servare poterat, for-
san & aliquanto post etiam arces re-
cuperaturus.

Iuvat etiam ubique locorum colle-
giis se inferere. Sunt autem multipli-
cia, præsertim in Italia, Artium profes-
sorum, Academiæ divini cultus, quæ
vocant Scholas; & Religionis, quæ
Monasteria appellantur. Non autem
præstantissima semper eligere decet,
sed in quibus facile eminere possis.

Z

Neque

354 HIERON. CARDANI
Neque id arduum in his, ubi honori
præmium nullum, sed solus labor ac-
cedit. Multi enim solent in his ultro
cedere; quum alii non possint, etiam si
velint: nonnulli turpe sibi ducant, aut
damnosum. Ex hac tamen fabula
multi emergunt ad insignes status.
Quid mirum? quum mundus ipse nil
nisi fabula sit, & præcipua quæ illius
sunt? Vnde nemini industrio viro de-
negatum est, (præsertim, ut dixi, no-
stris temporibus, & in Italia, modo in-
tentus in rem esse velit,) etiam sine
peritia literarum, sine virtute ulla, ad
maximas dignitates, potentiam, &
opes ascendere. Quæ tamen cultu re-
ligionis fiunt, non sine virtute esse
possunt; quum Dei cultus sit in pietate
constitutus, atque hominibus tam-
quam finis quidam propositus.

C A P. LXXXVI.

De itinere.

I N itinere incredibile est quantam
dux itineris peritus utilitatem affe-
rat; præsertim quum ignotum fuerit,
periculosumve aut difficile. Ille docet
vias compendiosas, tuta hospitia, lo-
ca periculosa; quid agendum sit, con-
sulit; iuvat euntem. Quum irem Bo-
noniam, perieram, nisi monitus car-
pentum

pentum in navim imposuiffem. Quum
mutare domum vis, à prandio difce-
dendum, non mane, ut omnia recte
colligas. Vltimis autem diebus utenda
quæ necessaria funt ab amico mutuo
fufcipere oportet, aut apud illum di-
verfari interim. Bonum eft, Commen-
tariolum rerum, quas tecum defers,
habere : omniaque fub clave repofi-
ta. Præterea vites duas ferreas firmas
grandes, cum annulis, ut catena aut
loro jungi poffint, ad oftia munienda
in cauponis ; quæ folent perſæpe fine
clave & peffulo ac vectibus eſſe. Pan-
noſus [licet] ſis, ſi equum bonum,
non cum magnifico apparatu habeas.
Pecunias cingulo infutas deferas, quod
ex collo pendeat, & è regione umbili-
ci ſit : nam non facile conſpici poterit :
aut finge te hernioſum, & circa pu-
denda defer. Tu, aut alius è tuis fami-
liaribus fidus, deferes etiam panem,
& vaſculum triforme ex albo plumbo,
plenum oleo, fale, & aceto : ſic ut mi-
ſcendo, olei adhibeas partes ſex, ſalis
tres, aceti, ſi acerrimum ſit, duas; ali-
ter quatuor. in utriſque enim ſerva-
tur Muſica proportio. His obſonabis
pulchre edulia quæcunque fortuito
objicientur, allia, cæpas, porros, bul-
bum, radiculas, carduos, lactucas,

intubum, cichorium, fœniculum,
tunc generaliter radices, & germina
quæque, quæ dentibus facile confi-
ciuntur, nec fœtidi sunt odoris, nec
valde amara, nec insalubria. Deferes
etiam panem è caupona, quum bonus
est. Ut vero ventris beneficium habeas
(quo sæpe peregrinantes destituuntur)
flexis valde genibus, illa pugnīs vehe-
menter ac sæpius concute; aut bala-
num suppone: aut ede mercurialem,
aut illius radicem; vel blitum, cū oleo
& sale. Per invia ne solus eas, neque
noctu: Ne cuiquam fidas ignoto, me-
mor esto, comiti, [Comici.]

Alea non certes cum cauponibus
aut nautis, nec contendas parva ex-
ce; quoniam in illorum potestate es.
Continens sis in cibo, & à Venere ab-
stineas. Vix enim quum hæc observa-
bis, tutus esse potes, nedum si aberres.
Nō aliena suscipias cūstodienda; quum
quis ægre sufficias. Senem ducem in
rebus periculosīs habere oportet, ut in
navigatione, aut morbo; in difficili-
bus, juvenem. Ignotis ne associaris:
neq; quum fueris in aliena patria. Ni-
mis periculosum est nescire cum quo
sis: ubi si cum malis sis, de vita pericli-
taris, aut fortunis omnibus. Noveris
fures & latrones iter agere ferme per-
petuum:

ARCANA PRVD. CIVIL. 357
petuum : sic enim decipiendi, & fu-
randi, & occidendi occasiones num-
quam desunt illis ; & tutiores sunt à
publicis ministris. Sunt autē persona-
ti. Apud hospitem ne diverseris ; (nam
apud cauponem liberius ages :) etenim
forsan gravis illi eris, aut in suspicione
venies ; maxime si quid adversi conti-
gerit : aut ea specie insidias parabit. At
neq; manendi aut discedendi idem re-
spectus in caupona. Præterea plus de-
bebis [hospiti] multo quam acceperis.
Nam & pro officiis etiam levibus de-
bebis ; & familiæ toti cogeris dare mu-
nera : in quo facto aut exhaurieris, aut
maledictis te laceissent ; forsan & u-
trumque continget. Quinetiam, si oc-
casio eveniat, beneficium multo scē-
nore redditurus, licet ad potentiores
[divertas.] At mihi, cui liberum insti-
tuere [te statuere] propositum est,
[hoc] non placet.

C A P. LXXXVII.

De habitatione extra patriam.

ERGO, si potes, plurimum confert
non solum ad tranquillitatē & se-
curitatem, in patria degere ; sed etiam
ad opum, & honorum ac potentiæ in-
crementa. Sed si non potes, cum eligē
locum, quem postmodū mutare non
Z 3 cogā-

358 HIERON. CARDANI
cogaris. Vbicunq; enim fueris, omnia
inchoanda erunt : Novi amici , no-
va familiaritas, existimatio, domesti-
ci, domus apparatus, omnia ex inte-
gro ferme restituenda erunt. Vnde vix
umquā huiusmodi hominibus ditari
contingit. Sed si omnino [domicilium
mutare] cogeris , memento eorum
quæ in patria profuerint , ut tecum
adducas (dico animi dotes;) quæ ob-
fuerunt, relinquant : & quantum tibi
emolumenti afferat patriæ absentia
scilicet, ut quæ vel vitio vel casu dede-
cuss attulerunt, lateant, ut liberius vi-
vere possis : Sicque discedas ex illa, ut
fructum ferme eundem colligas, impe-
dimenta relinquant. Quapropter sa-
pienti & infelici, commodior est mu-
tatio, quam beato & stupido. Ille in-
juriarum maculas, calumnias, odia,
æmulationes, infamiamque fugit, mo-
do causas eorum non secum ferat. At
quibus Magistratus & honores in pa-
tria contigerunt, dura est conditio in-
quilini, iuvat plurimum ut honesta sit
migratio : velut quum ad munus ali-
quod dignum te contuleris. Adhæc
quanto periculum manenti majus est,
& causa turpitudine vacat, eo lauda-
bilior est discessus ; honestissimus, qui
ob factum fortitudini (non sceleri)
conjunct-

conjunctum, est. Sit, si fieri potest, fuga leonina, non leporina. Beneficium affert patria relictā, quū invidia, non flagitio, ejectus videris; & quū facultatibus tuis gaudere potes; quūque amici te observaverint. Quamobrem tuæ prudentiæ est, eos (dum in illa es) parare amicos qui in omni fortuna, & loci mutatione fidem eandem retineant. Verum si vel longius à patria te contuleris, ut nihil reliqui auxilii tibi ab ea sit expectandum, tamquam nuper in lucem hanc veneris (imo cautius) agendum est. Infantibus enim etsi novum sit cœlum, & nulli amici, aut clientes, aut rerum experientia; paterna tamen omnia atque materna præsidia supersunt: ei vero, qui sic absens est à patria, ne ea quidem. Quamobrem se novum hominem prorsus esse intelligat; & qualem se finxerit, prorsus talem futurum esse. Sæpe autem his qui invidia [procul patria] pulsī sunt, utile fuit auxilium, velut Themistocli, Annibali, Sertorio: non ita his, qui prope se contulerunt, ut invidiorum odia eousq; pertingant; velut Alcibiadi, & Coriolano. Nam illis par ferme nocendi potestas; & calumniandi liberior via; nec absenti, ut in patria, tanta præsidia. Ergo longius

360 HIERON. CARDANI
abeunti tutius exilium; & si recte utaris occasione, non leve commodum [est,] tegere, quæ sciri nolis; patefacere, quæ velis. Ex præcipuis autem fortunæ aut prudentiæ tuæ accessio- nibus illud est, ut mores tuos verbis aut moribus Domini [aut incolarum regionis in qua exulas,] congruant, hoc enim beatum felixque est; aliter, si illorum mores tuis assimulare nitaris: hoc enim stultum. Tria autem principaliter tibi proponere debes, quando novus es inquilinus personæ, quam sustines, rationem; vitæ prioris famam; civitatis illius mores atque instituta. Ergo de priorē vita verba non facias: nam si errores conamemores, stultus [habeberis;] si calamitates, contemnent te, & in deteriorem partem accipient; si laudabiliter gesta, non credent; & præter id, te inopem amicitia, atque consilii [impotem] existimabunt; quum per amicos, non per te ipsum, isthæc vulgari deceat. Vitam vero duces honestam, gravem, splendidam, pro conditione tua. Familiam quoque honestam, sobriamq; ac obedientem habeto: sed & firmam; ob varios casus. Quocirca ne ex pueris, multo minus ex mulieribus, [constet familia tua.] Scio enim legatos quosdam,

dam, alioqui prudentissimos, dedecoris dolore periisse. Fidei autem convenarum se committere advenam (quem contemnunt, si humilis sis conditionis; aut invident, si splendida; semper autem fastidiunt) haud tutum est. Quapropter fidum amicum secum habere, adeo utile est, ut nihil magis. Per initia autem liberalitatem & humanitatem præferre oportet: succedente tempore moderationem & benignitatem: abscondere autem non necessariam suppellestem. Quum vero ubique, ubi factiones viget, expediat clam beneficia accepta cõpensare, tum maxime extra patriam, ne tu simulatũ, quibus illi laborant, pœnas des. O quot ignorantia hujus præcepti, dum & sibi consulere, & nomen grati adipisci sperant, periclitati sunt! Deterius etiam egeris, si cum quopiam queraris. Oportet deniq; illud considerare, quod in urbibus, maxime ubi annona cara est, & luxus abundat, multi sunt corvi, qui domos observant qua parte expilari possint; vel vi, si parum munitæ; vel furto, si male custoditæ; vel dolo, per ancillas & servos infidos, puerosve, vel per mulieres impudicas; aliqui etiam lege præter legem: sæpe enim, si filius perditus, aut soror, aut filia in-

Z 5

nupta,

nupta, nuptiis aut clandestinis, aut violentis [fuerit] omnia evertere consueverunt.

Tribus autem in casibus patriam deferere licet: Primo, ubi honestius alibi vivere possis, vel ob honoré apud alios, vel ob injuriam [aut invidiam] apud tuos: Secundo, quum iniustitia in patriam dominatur, seu ob tyrannidem Principis & Magistratum, seu ob securitatem peregrinæ gentis, [insolentiamve:] seu ob bella civilia; in quibus maxime est miserabile, quod latrones exercent inauditos cruciatus, & contrariæ factionis se semper simulant, quum superiores viribus fuerint, itidemque quum inferiores. Neque nos solum nostra debet commovere calamitas, sed & exempla aliorum, quibus opitulari non possumus. Tertio quum ipsa necessitas, velut exilii, timor potentioris, pestis grassans, bellum, annonæ penuria [nos migrare cogunt.] Reliqua ad hujusmodi [tria] reducuntur: velut studia literarum, ad honestatem.

In regione autem, quam frequens invadit pestilentia, vel ubi homines morbofi sunt, non habitabis. Nam & ab initio, ob aeris mutationem, male afficeris; & ubi assueveris, nihilo meliore

ARCANA PRVD. CIVIL. 363
liore conditione vives. At ubi aer &
homines boni sunt, sapienti, & non
omnino inopi, incommoda videri
non debet habitatio. Nam etsi reli-
qua omnia mala sint meminisse oportet;
quædam non mutari usquam, nec
permittere ut alia mutantur; ut est
ignis: alia non mutantur prorsus, ut
avium carnes, & vitelli ovorum gal-
linarum, & quæcunque adducuntur
longe; & sal, oleum, & acetum; alia
parum, ut sunt mel, fructus duri, ole-
ra, & radices; his ergo inniti oportet:
alia mediocriter. ut pisces: quæ vero
plurimum mutantur, sunt aqua & aer,
& vinum, & carnes quadrupedum,
cancri, & similia, hominum mores,
ædificia, & panis, propter præparatio-
nem. Vbi autem omnia mala sunt, no-
tis aerem, & crepusculorum, & ex-
trema diei, & medium in calidis re-
gionibus vitabis. Somno & igne plu-
rimo, deambulatione diuturna, vel le-
vi alio exercitio non in aere, uti oportet;
[item] abstinentia à cibis, præfer-
tim malis: & frequenti uti vomitu, ni-
hil enim salubrius. Alexipharmaca,
maxime Smaragdum, & dulcem As-
sam, & acetū Scilliticum habeto: Cro-
cum autem, & Rosam, Garyophyllos
in cubiculo. Non dabis mutuo: neque
quem-

quemquam admittes, ubi quæ cara sunt sub clavibus non concludantur. Multi enim non tam ad furtum parati sunt, quam ad latrocinium. Neminem admittes exploratorem. Scies qui sint, si domestici prudentes, fidi, atque admoniti fuerint. Quod si ob æmulationem virtutis, invidia labores, quum careas defensoribus, duplex modus est. Aut enim periculum te premit solum, aut jactura. A periculo te vindicabis, multitudine stipatus, & tuorum diligentia, Principis familiaritate, humanitate, beneficiis in violentiores & insidiatores; remissione alterna gloriæ & nominis, tum spe discessus brevi futuri vulgata. At si jactura sequitur conspirationē (quod in omnibus utile fuerit) postquam beneficiis ac virtuti ac bonis moribus locus non est, suscitare oportet, factionem, atque divisionem; & discordiæ semina moliri. Quod si periculum cum jactura conjungatur, sane stultum est, ibi esse velle, ubi non possis esse alibi deterius. Vbi vero auctoritatem in arte parare in patria aliena velis; nihil melius, quam nobilem aliquem tibi amicum parare, qui faveat amicis, & cum pluribus versetur: & si non sufficit, alium accersere. Eos autem omnibus officiis ac beneficiis

neficiis demerearis; idque gratis. Præ-
 cipua autem duo sunt in hoc gene-
 re vitæ: noscere mores civium, &
 artem (si artem calleas) absque offensa
 posse exercere. Primum quidem, velut
 Bononiæ quum essem, multa audie-
 bam de moribus illorum [Bononien-
 sium,] & quod fallaces: sed id verum
 non est; at id potius, quod ambitio-
 si sunt, & molles, ut facillime irriten-
 tur: ubi cœperint contendere, non
 æquitate aut moderatione ducuntur;
 sed superiores esse volunt, contra jus.
 Vbi enim offenderis illos, non cogi-
 rant, an ipsi causam dederint, sed im-
 mortale odium concipiunt; ut bifa-
 riam difficile sit cum eis versari. Alio-
 qui magnifici, benefici, ac admodum
 cíviles sunt, & ornati. Summa igitur
 rei est, mellifluis uti verbis, pertinaci-
 ter juri tuo inhærendo; nec immeri-
 to causâ labi. Nam quum in re jus
 nullum habeant, volunt verba quæ ex-
 ciderint, juris loco uti. Res sane admo-
 dum dura; præsertim insuetis. Quam-
 obrem scriptis, quam verbis, & sub ju-
 dice, quam inter se, altercari melius
 est. Sed hæc præcepta generalia fer-
 me esse debent inquilinis quibuscum-
 que, cum civibus decertantibus. Opti-
 mum est etiam, socium habere civem:
 qui-

quidam enim ob beneficia accepta, quidam honestatis causa, alii ob auctoritatem amicorum moventur: maxime qui extra patriam diu fuere. In universum à jurgiis & minis abstinere admodum oportet. Id enim agunt, ut ex iniqua causa æquam faciant. Sed si operam exerceas mercenariam, difficilius longe negotium erit; magnamque conflabis invidiam; aut jacebis. Qua causa multi periere. esto igitur primo cautus, vitando nocturnas horas, convivia, ignotos: domesticis dona. Nec maledicas; sed maledicta refellas honeste; velut si dicas; Non potest; aut, Non puto quemquam à nobis dissentire, qui bonus sit, aut artem probe calleat. Pecunias accipies, non exiges: gravitate, ornatu, & promptitudine quæstum augebis. Periculosa blande aut tuto tractabis. Maledicta æmulorum contemnere te simulabis. Ostendas [te] non spe, sed gloria, amicitia & benefactis duci.

Quum in urbem aliquam habitandi causa te contuleris, privata jura percurrere, & condiscere; & similiter à præclaro aliquo causarum procuratore consuetudines, quæ ad te pertinere possunt. Et quum nullibi justo plene consultum sit, sed pugnantia & ancipitia

tia pleraque sint, ob amplificandam arbitrii licentiam: velut Bononiæ si filius diripiat horreum patris, à villico abripiat triticum, vinum, impune est: Pater in vincula potest ducere filium: utrumque injustum. Est tibi filius malus, utere lege scripta. Raro enim contingit, paucisque in locis, ut non ex contrariis æquum habeatur. Sed hoc tecum statue, omni ætate, ac ferme ubique locorum, cuncta fuisse esseq; confusa; ut jacentibus [tacentibusve] nil relinquatur; multis in locis nec repugnantibus; aliquibus etiam nec acriter repugnantibus. Hoc solum tyrannicū appellant. Confusio ergo omnia.

C A P. LXXXVIII.

De Procuratore in patria relinquendo.

QVONIAM vero qui absunt procul, indigent in rebus quas domi relinquunt, Procuratore; aut res omnes transferre coguntur, eum eligere debemus, qui nec pauper sit, nec deses, aut improbus, aut qui conjunctus sit sanguine, aut cui plurimum debeas, aut qui in domo sua infantem filium tuum alar. Nam hi si non præstiterint [quod oportet,] non potes tuto, aut honeste, aut omnino non potes [eos] cogere; ut neque potentiores, neque filios

368 HIERON. CARDANI
filios-familias. Itaque quos non de-
beas eligere, perspicuum est, & à qui-
bus cavendum; quem autem debeas
[eligere,] haud facile. Optimum au-
tem est; ut portionem eorum quæ exi-
gunt, accipiant. Nam si annuam pen-
sionem statuas, segnes efficiuntur; si
nihil, etiam inertes: cui enim bono
labor illis cedit? Cicero non parum
deceptus est in Erote: *Eroti dixeram;*
ut sepositum haberet non modo, sed ini-
quissimo fœnore: versuram facere Ame-
lius coactus est. Hic, pro quo viginti
millia civium vestem mutaverunt, &
cujus hoc erat proprium munus, ad-
ministrare, de jure agere; ministro
quærere, unum non potuit fidum Pro-
curatorem invenire. Quocirca neque
tolerabilem repudiabis, si sapias: ne-
que si bonus videatur, tu tamen vel
indiligens esse debes, & non semper,
non leviter queri; sed ita, ut si osten-
dat recte egisse, negare non possit, que-
stum te esse, Si recipiant, nil melius pu-
blicis personis; sed prius amicos ha-
buisse expedit, non tamen omnes: sed
optimi numularii, seu trapezitæ, ma-
gistrique cursorum; & in levibus cur-
sores ipsi, vel pro quibus si sponsio-
nem fecerint.

C A P.

NON tollo hospitalitatis officium ex humano genere: rem antiquissimam, necessariam, plenamque voluptatis: sed hominem instituire propositum est prorsus commodis suis viventem; qui neminem excipere debeat hospitio, quem non optaret perpetuo secum cohabitare gratis. Hi sunt conjunctissimi, simulque amicissimi; tum vero sapientes, & omnino probi amique: Iam tertium genus est miserabilium personarum, quæ tamen tibi intimæ sunt, ut à quibus nil incommodi expectare possis: Esset & quartum genus, ut par pari referres. Sed jam antea te docui, ut hoc caveres. Reliquum est igitur ut ostendam cur non recipere debeas: deinde quomodo impudentes tu prudenter repellere possis: demum, si modo cogaris excipere, quot & quanta tibi sint necessaria, ut honeste, & sine molestia id facere possis. Primum ergo ubi quemquam exceperis, etiam tum oportune, hospitem perpetuum tibi facis, ut aliquando cogaris importune, & magno tuo incommodo excipere, juxta illud:

A a

An

— *An non mihi iure optimo*

*Invisus hospes, qui in tempestate ad-
venerit?*

Deinde quot sycophantæ orbem circumeunt! Difficile est hominis mentem & consilia internoscere. Qui scis, quo animo ad te venerit? Et si nihil tibi officiat, ne tuis quicquam afferat mali, quomodo cavebis? Alienum habes in domo: si, ut Euclio, aulam observes, illum reddis pro beneficio [beneficio] inimicum, injuriam infers; si non observes, omnia tua relinquis in alieni potestate, quum vix tuta sint in manibus tuorum. Memineris Plautini illius:

*Lupus est homo homini, non homo:
quum qualis sit, non novit.*

At Pol, qui sciet, qualis sit? quis animum introspeciat, præter Deum? Sed fac ut optimus sit. Nonne tamen interrim res perit, commoda impediuntur, observat ille secreta domus tuæ: sumptus efficit domesticos minus contentos: nescis quomodo placeas: quæ tu maxime probas, ille vitio vertit; unde nimia luxuria, liberalitatem; aut sordida avaritiæ, parcitatem, vel etiam frugalitatem. Quid dices? alius elephanticus est; alteri desunt dentes: hic omnia edulia foede tractat; ille eden-

dob

do, dum loquitur, exspuit cibi reli-
quias: alius ad ignem sedens, dum
spuit, coinquinat cibos. Hic quid fa-
cias, rogo? Expelles ne hospitem, quem
præstaret non recepisse? aut feres tam
abominanda? Quid, inquam, dices
de homine, qui vel ultro ad te venit
ob sumtum fugiendum; vel [quem]
retines invitum, nulla gratia? Denique
omnes qui [se] invitant, & qui cupide
accedunt, ferme malo id consilio fa-
ciunt, ut aliqua ratione hominem ex-
pilent. Quot exempla querelarum in
hoc genere! Demophoon duplici sce-
lere fœdavit. Phyllidis domum, Iason
Medeæ. Sed mittamus fabulosa. Vide
Ciceronem de Verre, in Dexium Tin-
daridarum. Philippus Macedonum
rex Thessalos hospites suos sub hasta
vendidit, etiam adjecto joco. Sed quid
nuper egere Hispani quidam, imo
Proreges qui Reges Indos jure hospi-
tii, fortunis, regno, vitæque crudeliter
spoliarunt. Præstitisset pugnasse, quam
aluisset; postquam nil deterius expecta-
re potuissent. Quot in Italia, etsi mi-
nus sæve, turpius tamen, & ob religio-
nis eundem cultum, & patriam, suos
hospites prodiderunt! Tot quoque alia
sunt in hoc officio incommoda: &, si
non aliud esset, id, [saris] esset, quod

uno admissio, januam multis aperis.
Prudentis [itaque] viri est, ne tentare
quidem recipere quemquam alium:
sed quoniam, ut dici solet,

*Turpius ejicitur, quam non admitti-
tur, hospes,*

nomine hoc inani inhospitalis non re-
formidato, nihil melius est, quam ob-
firmare animum, maxime contra im-
pudentes. Nam qui in viis publicis ha-
bitant, multas habent occasiones reci-
piendi hospites. Vt ego Bononię, quum
sit in itinere Romam ex patria profi-
ciscenti, simulque redeunti. Qui vero
extra viam tritam [habitant,] iis de-
est causa se excusandi; maxime apud
impudentes; quorum hospitium et-
iam gravius est. Ergo primum non in-
vitabis illos: in quo multi turpiter pec-
cant; alii etiam sua arte deluduntur.
Ergo è tuis unus, si se invitet quis (nam
excusare & illud inane est, & humilio-
ris animi; ut simul videaris velle ver-
bis largiri, quod re ipsa neges: atque
ita etiam id sine injuria fieri non po-
test, ut silentium, velut dixi, melius
omnia contegat) excuset te minus be-
ne valere; aut magnum tibi negotium
esse; aut multiplici causa impeditam
domum; aut adversi quicquam inci-
disse. Solent quidem apposite aliqui
vulga-

vulgari nomine dicere hominem magna esse in travalia: quod Latine (non ita efficaciter) turbationem seu curam, seu tumultum, seu vexationem, aut confusionem dixeris: sed ut omnia [ista] simul verbum illud [travalia, aut travaglio,] ita unum quodque minus expresse significat. Melius ergo est in his, qui amicorum sub numero sunt, anticipare, rem significando, non id adjicere cur non invites: aut enim cogitur non semetipsum invitare, aut tam impudenter invitando locum relinquere honestiori excusationi, quam fuerit sua invitatio. Multa vero sunt hujusmodi specialiter, [quibus honeste excusare te possunt tui:] velut morbus Domini, aut domestici, lis, rixa, conjuncti mors, ædificatio, jactura aliqua insignis, detentio amici, defectus suppellectilis, nuptiæ.

Verum si cogaris omnino, ut turpe fuerit detrectare officium, sint primo, omnia domus ornamenta; & supellex abundans, vina, panis, & quæ in secunda mensa solent apponi. Præterea absint pueri, & feminae juvenes: adsint custodes fidi, senes prudentes, & juvenes validi. Non adsint ægri: neque sis negotiosus, oportet; sed omnino liber, & de libertate securus: domus com-

374 HIERON. CARDANI
posita: divitiæ: & ut quum absis, alii
relinquantur necessarii. Præterea bo-
nus coquus: lecti apparatus, & commo-
di: ædes sumptuosæ: omnia ordinata.
Horum si quicquam desit, turpius re-
cipies hospitem, quam excusabis. Ob id
ergo modus est quidam civilis, in quo
morem hospiti geras, minore sumptu,
& magis commode, nec tuas res tur-
bes; scilicet ut permittas illum apud
cauponem quamdiu liber [divertere;]
ut liberum illi sit manere, atq; discede-
re: admonito eo [caupone,] ne pecu-
nias ullas sumptus causa ab hospite
recipiat. Ea liberalitate usus est Præ-
sul Lexoviensis, vir valde prudens, vi-
tans omnemurbationem domus, &
molestiam meam meorumque. Siqui-
dem longe liberius in caupona fami-
liares mei versabantur, quam fecissent
apud hospitem; præsertim non mihi
alias cognitum, & præpotentem.

C A P. X C.

De existimatione civili.

UT vero apud multitudinem nomē
tibi & auctoritatem compares; in
arte quidem, quum multæ ex his ope-
ra sua oculis supponant, ac hominum
iudiciis, artificis in his eis favet [aut
artificii] excellentia. At vero & in
chirur-

ARCANA PRVD. CIVIL. 375
chirurgia plurimum potest artis illius
præstantia: non sic in reliqua parte
medicinæ: nec item in militari disci-
plina, atque aliis, in quibus ab eventu
sumimus iudicium; eventus vero non
pro artificis præstantia semper subse-
quitur, sed sæpe in arbitrio Fortunæ
repositus est: quæ & plurimum dete-
rioribus favet. Quapropter caute age-
re oportet. Quumque etiam in aliis
prudentia multum conferat, in hujus-
modi & prudentia & prudentiæ & pe-
ritiæ artis opinio plurimum possunt.
Porro opinio prudentiæ ex tribus ge-
neraliter sumitur, ut ait Salomon, in-
cessu, ornatu, & verbis: quam senten-
tiam etiam exornavit Hippocrates in
institutionibus medicorum, [seu libro
De decenti ornatu.] Atq; in his tribus
duo sunt generaliter observanda: sci-
licet ut morem sequaris aliorum; & ut
mediocris sis, ac (ut ita dicam) modi-
cus. Ne ergo vestibis utaris à consue-
tudine alienis, nec immodici sumptus,
aut pannosis aut alienis ab existima-
tione tua, vel arte quam profiteris, vel
ætate, atque huiusmodi. Nec te jactes,
aut omnino deprimas. Levitatis enim
alterum, alterum stultitiæ argumen-
tum existimatur. Sed habeas fautores,
qui te laudent, evehant, anteponant.

A a 4. egre-

egregiæ autoritatis, ac minime suspectos, tum vero ad artem pertinentes: velut medico profunt pharmacopola, chirurgi, obstetrices, tonsores, quoniam hi sanguinem mittunt ægris ac cucurbitulas & hirudines applicare solent, atque alia huiusmodi. Adeo vero his favere oportet, ut cavendum sit ne umquam illorum munera [aut munia] occupes; quod in Riario mihi sollicitudinem attulit. Imo si quavis umbra huiusmodi homines vocari iusseris, magnum afferunt emolumentum ad excusationem, ubi res non pro voto cesserit; & ut bene cedat, auxilium. In universum, nil profunt literæ, ni tympanum pulset aliquis. Infelix autem conditio [tua est] quum ipse cogaris pulsare. Licet autem interdum ob necessitatem se ipsum laudare, vel aliorum facta vituperando, vel quum aliquis indignus coram te laudatur; vel quum testimonium quaeritur à te ipso rei gloriôsæ peractæ. Porro temetipsum præponere alteri, nisi quorūdam importunitate immerito irritatus [sis,] haud licet. Præcipue autem caveas, ne ea quæ in arbitrio Fortunæ esse apud vulgus existimantur, tui juris facias: hoc enim ad stultitiam pertinere docuit Hippocrates

(2 de

(2. de Prædict.) Quod si non prædixeris rogatus, ignorantia suspicionem, maxime altero socio prædicente, subibis. Quamobrem parcum esse oportet in prædicendo, atque ita prædicere, ut oraculorum responsa imiteris. Quid enim melius in unoquoque genere, quam Deos imitari? Altera in parte, scilicet prædicendi, alium fugere oportet errorem, ut ne velis docere astantes artis rationem, ac distinctiones; sed simpliciter statuere quæ opportuna esse putas. At ubi hoc necessarium fuerit, ut cibationis horam quum constituere oportet, juxta conjecturam indicabis, signo postmodum adjecto: velut tertia hora noctis, si ita è re esse existimabis, vel etiam post, dices, Quum pectus tepescere cœperit, & pedes & manus eo fuerint calidiores, ut ipse eger quieverit: hoc est per nota astantibus, tempus inclinationis indicare. Si te aliqui plene laudent, tamquam aliud agens, dissimula audire. Ad plenam enim laudationem nihil potes interponere. Adde tamen, quod quum in præsentem congerantur laudes, periculum est, ne irridearis, saltem adulentur. Nec recites miracula, aut auguria, nec artis alterius scientiam profitearis, quam ejus quæ te honeste alit & ornat:

A a §

Nam

Nam apud eos qui opera tua utuntur, minus valere in propria videberis; apud alios autem contemneris, ut vanus. Et quum quis verbis bonis utitur, opera metiaris, non verba; quæ illum neque liberaliorem, neque mitiorem, nec meliorem reddunt. Sed merita tua, virtutem, & consuetudinem cum opere expende. Neque enim, nisi Dominus sit, aliter obtinere sperat.

Porro quum admirabile sit, Iuris cōsultos, quorum disciplina est in opinione, tam exercendo, quam profitendo, juxta eruditionem existimari; quod etiam accidit Theologis: (Sic illos libenter audiunt discipuli; & civitatis cujusvis Senatus eorum scriptis fidem habet:) Aliis, ut Medicis, & Mathematicis, quamquam in genere demonstrativo versentur, autoritatis non tantum esse peritioribus, neque in exercendo apud cives, neque in profitendo apud discipulos, causam [hujus rei] quærere decet. Ea est, quod regna titulo justitiæ, ob contentiones; & religionis, ob populum, sustinentur. Nam in unum convenire necesse est, quod uni parere debet: Si nulla justitiæ imago superfit, [fit] ne unus alteri hominum parere vilit; ut solus tyrannus relinquatur. Vnde recte Cicero

(lib. 2.

(lib. 2. De officiis) etiam latronum collegia quadam iustitiæ specie contineri dixit. Idigitur Iuris consulti & Sacerdotes intelligentes, enixe operam [dant,] ut Leges & Sacram Paginam (quarum titulo summam potentiam adepti sunt) in maxima æstimatione retineant. Vna itaq; conspirant, communis commodi causa; & juxta optimas interpretationes plerumq; decernunt. Quo fit, ut necessario tam imperiti negligantur, quam eruditi in pretio sint. Quod cernentes homines, & omnia in horum arbitrio constituta. nec solum opes, sed vitam, filios, magistratus, uxores, actiones, honores, quamvis Principes sint, his duabus disciplinis non dedignantur filios erudandos tradere. Nam & præferri ob hoc humillimæ sortis homines sibi vident; & [non] numquam etiam imperare. Itaque illi student totis viribus, ut evadant eruditi; quum tales cæteris non solum, sed summæ rerum præfici videant. Quamobrem nullis persuasionibus ab optimorum Doctorem quorumcumque [opinionibus] avelli possunt. Contra quum hæc potentia & honos aliis disciplinis desit, (non propositis eruditioni præmiis certis, nec ipsi disciplinæ,) neque professores una conspi-

380 HIERON. CARDANI
conspirant; nec cives & discipuli ad
eruditos confluunt. id sempiternum.

Qui munere publico funguntur,
non uno modo peccant, si existima-
tionem nō retineant. Velut qui quum
profiteretur publice, voluit præsens
assistere, ut discipulus, ægro. Quot
autem modis peccavit? Primum præ-
termisit mandatum Hippocratis; un-
de non visus est illius præcepta intel-
ligere: deinde iudicio carere: ipse et-
iam sibi conscius erroris; & ad quos
pertinet læsa [existimatio] erepto eis
sibi proprio munere, & lucro, [ipsi]
maledicunt. Passus est etiam incom-
moda, & periculo se exposuit. Inde si
pecunias recepisset, pecuniarum causa
fecisse videbatur; si non recipisset, cui
bono? Deinde si eo animo egit, ut
semper ageret, servituti se mancipa-
vit, sine fructu; quum alii ignobilio-
res medici victum & stipendium ha-
beant: si ut [id aliis] denegaret, inimi-
citiam subiturus loco amicitiae: præ-
terque id, maximum subit onus. Ho-
mines enim consueta, jam sua esse, si-
bi promittunt. Deinde quod aliis si
idem præstare voluisset, & sine pecu-
nia, amentiae simile hoc erat, imo
amentia maxima; si pro pecunia, e-
quus conductitius præstabat. Si dene-
gasset,

gasset, tot habiturus inimicos, quot fuissent illi, quibus denegasset, dum illius [unius] tantum amicitiam quærit. Demum id ipsum, quod quærebat, suo facto minuebat. Nam fungens ignobili officio, minuebat beneficii existimationem: quo imminuto, ille minus ei debebat, tanto, quantum ex opera & labore & assiduitate adjicere se putabat. Et ideo hæc non licita sunt, nisi quum necessitas eleuat facti turpitudinem, & adjicit etiam bonam opinionem. Ut in magnis Principibus, rogatus; &, ubi deneges, quasi coactus, honestius operam impendes ei, propter quem locum eum obtines.

In universum vero apud omnes nihil magis facit ad existimationem, quàm quod homo sit compositus: ad contemptum, quam vanitas, & dissolutio, seu quædam anomalia. Itaque quum accedis ad magistratum, seu potentio-rem mitte, qui sciscitetur, an liceat [introire,] antequam eo vadas: forsitan enim familiaris aliquis coram aliis te male excipiet: & si non id agat, ad neminem te conferre sine nuncio debes, à quo ostia non pateant. Nam si patuerint, tantumdem augebitur existimatio.

De captanda apud Populum auctoritate, vel existimatione.

IN adipiscenda quoque apud Populum auctoritate, illud tecum reputa: hominum laudem, gratiam, nomen, amicos non secus atque ignem propagari. Principio enim sensim & spiritus & ligna subministranda sunt: ubi accensus fuerit, paululum, follibus, & materia indiget: nihil enim tam brevi propagatur aut extinguitur. Et quum jam in immensum crescat, ubi creverit excoli debet: aliter aut invadit utilia, aut dissipatur. In ipsis initiis, antequam invidia crescat, facile ac plurimum propagatur atque amplificatur. Non est curandum diligenter [ut] innotescas, sed ut pluribus. Fama enim & flamma semetipsas adaugent: unusque & idem autor plurium loco, dum plures idem narrant, habetur. Sed non est committendum ut tota rechina sit in tuis gnathonibus: (facile enim de tegetur, & conficta videbitur:) sed in re, atque in te. Propterea meliores sunt viri simplices qui hanc disseminant laudem tuam, quam callidi atque astuti. Nihil enim tam simile vero exacte fingi potest, quam quod ita esse credi-

creditur, ac verum esse existimatur ab eo qui narrat. Ergo aliquos simplices viros curabis, si medicus sis, jam persuasos, quod insanabilibus morbis laborent: Aut, si sculptor [sis,] donabis alicui effigiem suam, summa diligentia celatam. Eum vero eliges, qui verbi malit te recompensare, quam pecunia. Huiusmodi homines enim perutiles sunt huic negotio. Si sis tonsor, musicus, vestiarius, faber, omnia apud Populum debent eadem ratione tractari: scilicet ut nova aliqua inventio ab imperitis extollatur, ita ut vera se dicere putent. Accensam hanc laudem propagari, atque augeri per proxenetas, adulatores, sycophantas, gnathones, parasitosque ac colluviem omnis generis, curabis. Neque tempus intermitteres: illud tecum reputans, quod quum omnis fama, tum magis favor vulgi, brevi concidat; tum nihil celerius quam quæ falsa est, atque commentitia. Iuvat autem in omni huiusmodi negotio vestis selecta; & pluribus comitatum incedere: quod faciunt caussidici: tum vero, quod ad opinionem liberalitatis plurimum facit. Hæc autem opinio maxime Populum conciliat; terretque, ac suspensos detinet inimicos, posse ac velle multa dare;

384 HIERON. CARDANI
dare; in parvis te liberalissimum ostendere, tum vero in gratia & officiis respondendis; aliquando etiam in magnis. Per tuos magna omnia & mediocria tractentur subtiliter, ut vitium in illis esse putent; aut, si mavis, parsimoniam. Denique illud Aristotelicum tecum considerato, duobus modis magnos evadere homines in republica: aut aliquo strenuo facto (velut Aratus apud Sicyonios, Nicoclem tyrannum occidendo; Alcibiades Mantineos in Atheniensium societatem trahendo; Scipio Africanus major, prohibendo discessum Romanorum ex urbe: in quo observare oportet, ne gloria jam claros aut virtute, evertas:) aut potentibus adhærendo. Quumque his non facta, sed verba & mores doceamus, hæc imitabimur, ut credant id nos posse ac velle facere, aliquandoque facturos, specie virtutis, & fortitudinis, gratia, studiis, verbis.

At ubi contingat munere publico fungi, id observes, ut quam familiarissime eo uti possis: veluti si orationem sis recitaturus, ne palleas,

*Vt Lugdunensem rhetor dicturus ad
aram.*

Id fiet, si tam pertritam habeas materiam, eoque ordine dispositam, ut unde qua-

ARCANA PRVD. CIVIL. 385

dequaue tibi incipiendum fuerit, nil
referre putes: tum enim secure recitare
poteris: quod ego Bononiæ observavi.
Neque plus diecula hoc exigit nego-
tium. Sed versare in jam pridem co-
gnitis, Sitq; Latina lingua adeo in usu,
ut nec bene scias quicquam aliter pro-
ferre: & si te tentarint ea in parte qua
minus vales, utpote quum medicinam
profitearis, in Græcis literis, ut tacen-
do, vel respondendo æqualiter peri-
cliteris, tum quidem ausculta, & re-
spondeas, codicem te invisurum, an
sic se habeat; forsan errorem adesse.
Et scriptis quidem pauca, & recte, &
subtiliter diseras; verbo autem absti-
ne, ne vel pronunciatione, qua non
vales, te deprehendar: sed & minus stu-
dii præferes in paribus, velut familia-
riter loquendo, quasi etiam Latinam
ignores linguam, Italica vulgari respō-
debis: ornatè autem vel in scriptis, vel
profitendo, pariter in utrisq;. Ita magis
videberis contemnere, quam nescire.
Sed & illud caveto, ne ambitione du-
ctus aliquid tamquam arduum propo-
nas, quod æmulus vel per speciem dis-
solvere possit. Præstat etiam quæ aliena
sunt, tam docendo quam scribendo,
demonstrata dicere. De quo monitus
sum per somnum XIII Kalendas Dec-

B b

cem-

cembris, anni MDLIII. exemplo appo-
posito, de quaesito, Quur recta validio-
ra sint: quod eadem die retuli in Para-
lipomena (lib. 19. sect. 1.) In expli-
candis etiam libris memineris quam
personam subeas. Velut Grammatici
autoritatibus certare debet; qui scien-
tiam Medicinæ profitentur, argumen-
tis validis, ac strictim plura docebunt;
qui exercitationem, longa verborum
serie minutissime cuncta docebunt, &
ordinatim. Nam tribus aut quatuor
curationibus perfecte explicatis, mo-
dus insinuatur pro universis. Ideo et-
iam facillimo sermone [uteris] tum
singula examinando, nomina, rem,
species, causas, victum, simplicia medi-
camenta, compositionem, modum
compositionis, tempus, locum, quæ
circumstant, quæ gratiam addunt.

Quum vero, ut dixi, in disciplinis
non sit nec profitendo, nec exercendo
debitus honos; quem occupant impe-
riti, quod inique oblatum est, iusta ra-
tione sarcire laboriosum nimis, ac pæ-
ne impossibile fuerit, Quare fucus fu-
co oblinendus erit. Id ergo constat
præceptis; ut cum æmulis summā adeo
& ambitiosam existimationem reti-
neas; cum civibus & discipulis non
ambitiosam, sed summam solum. Præ-
terea

tērea ut his quæ grata sunt, licet non
utilia, illos in admiratione & benevo-
lencia contineas: scilicet eloquentia in
suggesto, & blandiloquentia in sermo-
ne familiari. Tum vero & vestitus, &
gestus, & mores, omnia ad speciem.
Vtile etiam est docere quædam mini-
ma, tamquam ad auctoritatem; utilia
tamen sint, licet parum: in utiliori-
bus autem, ea ita extollere, tamquam
omnia reliqua sint nullius usus. Con-
siderare etiam oportet singulorū mo-
res, ut ad communia præcepta con-
fugas (cap. 47.)

Summum præterea prudentiæ ar-
gumentum est, in quo negotio versa-
ris, ei totum te dedere: si prandes, in
prædio; si mederis [ægro,] in illius cura-
tione [totus sis:] ita ut ad quamcumq;
rem te converteris, totum te conver-
tere posse videaris. Hoc enim ipso pla-
ne tui dominū esse, nec nimis hærere
alienis negociis; & sui etiam diligen-
tem curam habere, te existimabunt:
primum ad prudentiam; secundum ad
id, Ne quid nimis; tertium, ut tui mu-
neris [memorem te] esse putent. Et id
est quod maxime optant [ægri.] Mul-
tum præterea juvat, ut ex uno plura
efficias: velut si ægros postquam invi-
seris, ut ad te veniant cum matula do-

388 HIERON. CARDANI
inestici, iusseris; alia etiam additurus.
Sic enim domum plurimi frequenta-
bunt. Tum quoq; ad eos qui consilium
solum petunt, accedas. Humanæ enim
res quum sint umbratiles, existimatio-
ne potius quam essentia constant.

In publica autem concione divinum
quiddam inest, quum unusquisque ser-
monem intelligit, tamquam sibi pro-
prie ad persuadendum accommoda-
tum; ut etiam verba non eadem sint
uni atque aliis; aut (quod bona Fortu-
na contingit) ut quisque in meliorem
partem trahat [quæ audit:] quod et-
iam artis cujusdam egregiæ opus est,
contrariis causis, affectibus, studiis si-
mul ut favere videatur; aut quum au-
dientium animi quod optimum est, ad
se solum trahunt, ut hircines: velut
è diverso, quum ob invidiam & o-
dium, solum vitia & maledicta ani-
madvertunt. In omni autem hujus-
modi [concione,] ut quæ ad Populum,
vel ad discipulos, memento quantum
eminentia juvat, tantum recessum il-
lum à communi usu, ut quasi divinum
quippiam spiret, etiam obesse. Ob id
& qui non eminent, libenter audiun-
tur, dum fingunt sapientiam; & qui
habent, dum dissimulant, remittuntq;
se, ut apud Poetam: *Sermo gratior est*
viri

viri imperiti plebi, quam sapientis, atque docti. Vbi vero jam finem ac gloriam consecutus fueris, duo quidem maxime cavere oportet; tertium quoque haud negligere: Primum, ne novam existimationem, aut dignitatem aut gratiam aliquo insigni errore concutias, velut ira, avaritia, flagitio, contemptu potentioris, ingratitude, magna morum in deterius mutatione: Secundum, ne quasi pacatis rebus languescas, & eos qui tibi faverunt, spe sua defraudes: sed neque in eodem tenore permanendum, quo antea, quum rem agitares. Dicit enim solet iniustitia parari [rem,] iustitia retineri. Ita [non] per eandem retinenda est autoritas, per quæ parta est, sed mitiore modo, atque honestiore; quum necessitati locus excusationis non relinquatur; ut venustate, officiis, gratia, liberalitate splendoreque cuncta exornes. Porro quum videant plerique potentes religioni deditos; id simulando & ipsi nomen parare arbitrantur, ficta religione; non tam impie, quam etiam stulte. Itaque desertis occasionibus, ab iisdem & ut simplices, & ut mali habentur. Quamobrè illorum more tum solum fingere oportet, quum nihil ex his quæ conducunt vitias, tum maxi-

me eorum quæ in rem suam sunt. Hos namque contemnunt [potentes.] sed tacite, bonos appellantes viros, ubi illi se pro callidis volunt haberi.

Illud quoque animadvertendum, ut Præfectos & personas omnes publicas liberalitate tibi devincias admodum: (velut janitores, lictores, illorumque duces, tum histriones, ac sacerdotes;) & ut in contentionibus superior sis: conferunt autem etiam ad id (ut perspicuum est) magistratus, lictorumque duces. Itaque magistratus officiis semper (& ubi præstat, pecunia) amicos sibi facere expedit. Consuetudo etiam plurimum facit, & similia studia: tum vero & virginum sacrarum, quæ ea in veneratione sint, quales apud Romanos Vestales, autoritate, sanctitateque. Præcipue autem hæc advenis & humilioris fortunæ viris, licet divitibus, sunt necessaria. Quæ autem mala sunt omnia, vilia, aut odiosa, per ministros, non per te ipsum, agas. Ob id domesticum habere oportet fidum, omnino fortem ac sapientem, quique vultu auctoritatem, & toga, & armis, præferat, comitatum à suis, ut decet. At ob id talem ut habeas virum; summo studio (si res non desit) incumbes. Namque [tales] non [ubique] præsto sunt;

sunt; nec ubi opportunum est, ilico parare licet. Et hi multa propulsant ante pericula: [eisque] autoritas & existimatio servatur. Cujus utriusque rei commodum impensæ omni satisfacere potest. Denique nil aliud nobis superest, quam ipsum vivere, & bene atque honeste vivere: diligenter autem si studueris, illius [vitæ] commodis frui etiam licebit. Parum autem ad hæc munia, ut etiam ad reliqua, apti sunt Musici.

In quotidianis etiam tractationibus, quæ cum utilitate sunt, nec tempus admittunt, ne tantaveris opinionem aliorum permutare, sed obsequaris; quod optimum factu esse reris, subjiciens. Media enim illa ratio in actionibus fortuitis nec diuturnis optima est: nam velut instrumenta si tumultuarie corrigere properes, franges; ita & hominum errata. Velut si quis consilium in medicina requirat, ut petit dato; sed commonefacito, melius fore, si locutium afferat. Etenim si prudens est, & consilio tuo utetur, & tu gratiam inibis: si perstat in stulta cogitatione, nil offenderis. At beneficiendo quandoque, dum consulis, rem sine fructu amittis. Demum, si studium sit quomodocumque posse in Republica, imi-

tare Catilinam, ut sub virtutis aliqua specie omnia peragas quibus adolescentiæ ætas capitur; alea, stupris, conviviiis, factione, pugna, latrociniis, injuriis, larvis, post adulationibus, blanditiis, jocos, irrisione æmuloꝝ, scommatibus, donis; præterea summa comitate, & vultus hilaritate. Cave etiam ne irrites quemquam. Multi enim (maxime Bononiæ) etsi mansueti sint, reprehensi adeo irascuntur, ut inimici fiant manifesti: quare melius est, cavere; nec committere, ut tuo damno errent. In universum antequam plurimum in republica possis, jactatio etsi periculosa sit, est tamen utilior quiete, persæpe necessaria. Quum adeptus sis potestatem, modum unum & viam tenere oportet. Vbi obtinere cupis, jam autoritate potens aliquid, antiquos imitare, qui dicebant omnia ignis aquæque concordia constare. Ita si potes Principes adversarum factionum habere, omnia obtinebis; sed si etiam conciliare, & in amicitiam redigere, maxima quoque. Sic Cæsar Pompejum & Crassum; Lepidus Antonium & Octavium.

CAP.

Artificum praecepta specialia.

SED & dum diligentius rem hanc prosequor, nonnulla occurrunt praecepta, maxime artificibus, atque inter artifices medicis necessaria. Primum id est, ut quum ad aliquem accedimus, sedeamus. Multi enim stantes praecipunt, inquirunt, lotia inspiciunt: quod & parum decorum est, & aegrum offendit, dum fugam tuam meditatur, & anxium animu tuum cognoscit. At si sedeas, nec tamen diu moreris, animus aegri quiescit, & pacatius cuncta ages. Nec manibus gesticulaberis, nec multum contorquebis te, nec vestes extendes, aut contrahes, nec pedes elevabis: nec celeri sermone uteris, nec jocaberis. Lætus [sis,] sed absque risu, constans in sermone, & facie ad aegrū conversa. Pari ratione in aliis negotiis te geres. Alia etiam est habenda ratio juvenum, senum, sacerdotum, virginum, vestalium, ac huiusmodi: ut etiam in detegendis corporibus. Porro nec execrari nec jurare decens est: sed sis in omnibus continentissimus. Alea non ludes: Crapulæ operam non dabis. A pollicitationibus abstinebis. Audies patienter quæ dicat [aeger:] si ambitio-

B b 5 sus

394 HIERON. CARDANI
sus sit, etiam admiraberis. Et ut sem-
per necessarius videaris, mutabis sin-
gulo die aliquid, quod pro occasione
in melius mutari possit. Si aliquis ad te
veniat, qui ab aliis curari nequiverit; &
si ne ulli quidem illorum persolverit,
aut tenuiter, non suscipe illius curam.
Nam vel transmissus est ab aliis, ten-
tandi gratia; vel non curatus est, quia
negligebat: ob id etiam à te curari
non poterit. Sed jube adducere medi-
cos priores: ab illis enim condisces,
cur non sit curatus. Et si negat se id
posse facere, dicas non curatum, quia
noluit. nec aliud addes, etiam si roget.
Ne quemquam ita effuse laudes, maxi-
me vulgari virtute, ut vel irrideri se
putet, aut estimationem tuam mi-
nuas. Nec factum turpe, ut si obdor-
miscas in concione, verbis excusa, sed
re. Præter reliqua semper memineris,
ut nihil in negotiis relinquas imperfe-
ctum: hoc enim turpis oblivionis est
indiciu. Velut cum collegis si consul-
taveris, memineris, antequam referas
consensum communem ex æquo & ei
qui negotio præest, & domino, post
ægrum, si illi dominus sit, responsum
dare: sed aliud atque aliud, pro perso-
narum qualitate: atque ita tamen, ne
discrepent. Non rem, quæ finem con-
sequi

ARCANA PRVD. CIVIL. 395
sequi non possit, amplectaris, & ne-
que perdifficilem, maxime apud po-
tentiores, nisi paratis auxiliis, utpote
chirurgo, pharmacopola, astantibus-
que. Quod si res in contentione posi-
ta, & in principalibus domibus, si licet,
omnino abstine: [in eo enim] plus lon-
ge periculi, quam utilitatis. Si contin-
gat in arte aberrare; morsque procul
absit, læto vultu in bonum verte; au-
xiliareque rebus pertritis; ut ex hoc
erroris parvitatem coniectet. Si im-
mineat [mors,] ægrotare te fingas, aut
alio vocatum. Denique submittas qui
affirment, plurimos eo medicamento
sanatos, huic nimis fero exhibitum.
Quod ad propria attinet, unaquæque
ars suos sibi fingit mores: ælurinos
medicina; leoninos militia; pinguen-
tiorum paroninos, fœneratorum
vulpinos; Magistratum asininos; Re-
gum aquilinos; vilium artium, & ne-
cessariarum, ut cauponum; carceris
custodum, supinos; tonsorum cani-
nos; lenonum corvinos; eorum qui
à secretis Principum sunt, viperinos;
servorum agninos.

Duo præterea maxima in hoc mu-
nere, tum etiam in publice profiten-
do, quæ præterire non decet. Vnum ad
majestatem, & interpretationem; alte-
rum

rum

396 HIERON. CARDANI
rum ad inventionem ac affectus mo-
vendos. Et ad maiestatem quidem: quo-
niam Mathematica gaudent incremen-
tis, [quod] minus decorum est, expoli-
re, ac nova invenire, & superaddere
oportet. Naturalia vero, Medica, &
Logicas contemplationes expolire opor-
tet, dividendo singula, demonstnan-
do, & exornando. Maximum autem
opus est in divisione, ut perfecta sit, &
ad minima ordinata. Inde excultæ illæ
orationes, minimo ambitu conclusæ.
Velut Petri Victorii in Poëtica, quæ
numquam cancellos exit. Admirabile
tamen in his est, augere partes, ut quasi
intumescant, & amplificentur: quod
Ciceroni primum, inde Domestheni
convenit; ut videatur peculiare facun-
diæ munus. Affectus vero [movere,]
misericordiam, & metum præcipue, ut
in Tragædiis: at misericordiam faci-
le est etiam in fabula: metum autem
non adeo, quod non sit de præsentibus,
ut in actione; nec de veris, saltem
ut in historia; in hac enim magis me-
tuimus; magis autem de nobis. Opor-
tet igitur & narrationem, & appara-
tum supplere in metum; tamquam de
nobis, de veris, de præsentibus sit. Ut
in Oepido Tyranno Sophoclis.
Quum ad horam constitutam non
vene-

veneris (siquidem propiores prius invifere præftat) excufationem à neceffitate honefta fumes: velut fi ad nobilem maximo in difcrimine laborantē vocatus fueris. Et rurfus, fi, quum egeris euncta, res male cedat, quod non ab initio magnitudinem morbi intellexeris, jube medicamentū exhiberi quod conveniat, quod in promptu non fit, nec exoticum tamen videatur; ut in afcite, oleum è fparti femine. Postmodum, teftatus Fortunæ injuriam, & medicamenti fecuram fpem, substitutes aliud longe inferius.

Summa ergo diligentia, maxime in prima vifitatione, uteris, infpiciendo, interrogando, & maxime de morbi cauffa; & patienter audiendo egrum narrantem, fi validus fit: aliter admonabis ut per astantem, qui illum curaverit, affidue hæc referantur: tum vero quæ acta fint, quæres ab aliis: videbis pharmacorum difcriptionem: nomen astantis, qui illum diligentius curat, condifces; ad illum converfus, omnia ordinabis. Quum redieris, non alia ab initio (quafi oblitus interrogare) requires; fed (fi oblitus) aliunde per tuorum aliquem fcire curabis. De his ergo diligenter interrogabis, quæ intermedio tempore accidere potuerunt.

398 HIERON. CARDANI
tuerunt. Denuo etiam explorabis quæ
mutari potuerunt, licet nō nova sint,
ut linguam ac ventrem. Diligentissi-
mus etiam sis in præcipiendo atq; feli-
gendo cibos, ac medicamenta. Nam-
que diligentia circa sex versatur gene-
ra : rerum cognitionem, quantitatis
& qualitatis illarum scientiam ; nu-
merum præcipiendorum, electionem
illorum , & modum administrandi.
In sermone sis blandus ; tum etiam in
auxiliis ; ut quæ placeant maxime ex-
hibeas delicatis ; præcipue tamen ira-
cundis, ac melancholicis. Eadem ra-
tio in aliis, sed non adeo necessaria, ut
in medicina. Et ubi amaris uti coge-
ris, ea dilutis odoratis condies. Pauca
sint percolata, fervida : nam fastidium
non movent, nec sentiuntur ; celerius-
que agunt, ac melius. In Medicina ergo
quatuor quum sint excellentiæ modi :
peritia artis, gravitas morum, dili-
gentia, & sollicitudo ; in uno horum
saltem reliquos omnes socios excelle-
re oportet ; si potes, in pluribus. In
potentibus unum è junioribus medi-
cis prudentem præpone astantem æ-
gro. Hoc enim est utile ægro, & tibi
gloriosum, & juxta Hippocratis præ-
cepta : Verum in tenuioris fortunæ
ægris, sufficiet ut ille sæpius eum invi-
sat.

fat. Siquis quod nescis commemoret,
nec ad dignitatem tuam percunctari
pertinet, &c. tamquam nescias, neque
ad ægri salutem, aut pietatem: immi-
nuta enim autoritate apud ægrum &
astantes, plus nocebis quam [utile] sit
quod commemoratur; quod incertū
est; itaque cupidi potius est hoc, quam
pii hominis. Quum proponunt ali-
qui auxilium non utile, [nec] pro-
bum; si amici sint, non oportunum
esse dices; si æmuli, non tutum; in u-
trisque periculum ex morbo præten-
dens: ubi perseveraverint, melius jam
habente ægro, non necessarium. Ita
eludes petulantiam, ægro consulens.
In suspitione autem veneni, ne dixeris
venenum esse: multis enim hoc ob-
fuit; sed cave: verum dic morbum pe-
stilentem, aut materiam venenosam,
cum ventriculi imbecillitate. Ea ratio-
ne adhibebis alexipharmaca: jubebis-
que hoc velamine ut soror diligenter
degustet cibos, ac potus; unumquod-
que vitium testatus in hujusmodi ma-
gnam afferre noxam. Ita non aude-
bunt ministri [venenum propinare:]
tum magis, si eo prætextu & ipsi degu-
stare cogantur.

In conficiendis autem libris, ut glo-
riam in exercitatione compares, illud
animad-

400 HIERON. CARDANI
animadvertite, quod qui perfecte in una
materia scripserunt, ab his quibus id
argumentum convenit, præferuntur.
Velut Crantoris liber De consolatione
in luctu; tametsi multa deessent;
& Dicæarchi De Animorum interitu;
quamvis opinio illa parum grata foret
his, qui præstanti essent ingenio,
& immortalitatis cupidi: imo quasi
naturalis affectui adversabatur, contra-
raria legibus, inimica bonis moribus,
odiosa exemplo. Et quamquam pau-
ciores legant, ob argumenti tenuita-
tem; plus tamen obtinent autoritatis,
quod quidquid dici in ea causa potuit,
dictum putent. Eligere ergo materiam
decet quasi familiarem, & levem; quæ
tamen in omnium usu sit; non admi-
randam, aut raram; sed velut si quis
de Pitiana scribat, vel de Capitis do-
lore, aut Lienis tumore, aut Febris
pestilentibus, aut Hydrope, nihil aliud
loquatur, nihil aliud sonet; sed in eo-
dem perseveret; donec unicus ea in-
caussa habeatur. Vbi eo pervenerit,
cuncta ad id genus deducat. Sed non
fit ridiculum argumentum: velut qui
morbos omnes ad fascinationem re-
trahebat; jubebatq; cribrari omnium
ægrorum lectos. Sed quid poterat
aliud miser; ut qui omnino literarum
esset

ARCANA PRVD. CIVIL. 401
esset imperitus? Quantum ergo apud
vulgum addebat in opinione, tantum
sibi de vera gloria apud omnes præ-
stantes viros, non solum artis peri-
tos detrahebat. Sed (ut solet contin-
gere) multi prudentes vi compelle-
bantur stultorum iudiciis acquiescere;
permittereque sycophantam in suis
etiam & de suo debacchari. Adeo vio-
lenta res est opinio imperitorum: quæ
falsa quum sit firmitior est prudentium
vera. Itaque numquam intermittere
oportet, ubi cœperis, tympanum pul-
sare: & ex uno in aliud transferendo,
fac ut novi semper aliquid afferre vi-
dearis; turba, move, concute. Tamen-
si pleraque falsa sint, cogita quod fal-
sis omnia debentur humana & regna,
dico, & potentia omnis. Hic liber
PROXENETAE est; non de recta vi-
vendi ratione; atque divina parte, ac
summo bono. Denique si verearis, ali-
ud facient, tu vero illorum scelere jace-
bis. Nonne ergo licet dolum dolo, te-
chnam technæ, flagitium flagitio op-
ponere, ut te serves meliorem, non ut
alios perdas? Expergiscere ergo; ut ti-
bi non desis: sed primum (quod illi
non habent) bonis artibus instructus
sis. Sapiens ille ac tã laudatus Socrates
eo tendebat, multis fultus præfidiis,

Cc

inno-

402 HIERON. CARDANI
innocentia, fortitudine eximia, temperantia singulari, tolerantia admirabili, prudentia maxima, officiis in amicos gratuitis. Itaque sine arte, sine opibus, ac sine nobilitate, nullo facto egregio, ac sine magistratu tantum profecit, ut privatam quandam tyrannidem exerceret. Licuisset, ut dixi, si ad privatam utilitatem isthæc tetendissent: at postquam ob gloriæ inane studium, maluit fructu carere, atque alios docere; tamquam medicinam, aut architecturam tractaret, non fraudem; nescio qua laude dignus dici possit. Est etiam finis in huiusmodi quidam constituendus; ne semper colligas, collectis numquam utaris; idque merito objici possit:

Semper avarus eget: certum voto pete finem.

In prædicendo paucis agendum est medico. Sunt autem sex modi; quorum extremos vitare decet, nisi omnino tuta sit prædictio: in pane profligatis, Modica spes; ne dixerim, prorsus conclamatum: in mitiori, Non magna spes; non tamen conclamatus: si secus, Difficillimus est morbus, etsi non sine spe: in meliori, prædicas juxta Galenum: quædam autem parva delicta excusare, quum res secus inclina-

clinaverit, tum conqueri, & antequam
apud presentes spes decidat, plus quam
cauti est. Quod si etiam te prædicente
mortuo ægro, querantur, quum non
primum vocatus sis, dices, Si primum
vocatus essem, & servatus fuisset, vos
errastis: sin secus, magnæ est Fortunæ
bonæ meæ, quod non vocer. In mili-
tari autem disciplina, in navigatione,
in lite, quoniam magis consilio perito-
rum eventus subjicitur, dicere, oport-
et, quid contingere soleat, verum
non esse. Nota quæ alii habeant, aut
quibus innitantur: Multum quoque
posse Fortunam, aut gratiam.

Galenica ergo prædictio (De con-
stit. Art. Med. c. 18.) duplicem habet
finem, Vnus est, quum in cura fueris,
speraverisque ægrum posse servari, ut
tum dicas, Galeni nomine præterito,
Etsi non tutus sit noster æger, spes ta-
men magna est, eum servari posse, si
in nullo fiat error, & nil novi super-
venerit, nec casus aliquis; & æger in
manibus meis fuerit. Alter est, quum
supervocatus cupis retinere curam;
tunc dices, Sperare salutem: sed Gale-
num hoc imperare, ne medicus prædi-
cat quemquam servari debere, nisi his
conditionibus, ut in nullo delinqua-
tur, nec casus aliquis superveniat. &

æger in manibus prædicentis manserit. Propterea te nil posse firmi prædicere. Neque enim præstat moriturum servandum dicere, quum is in manibus inimici sit. Nam dum alium damnare studes, te ipsum deteriorem facis, & omnino deceptus videris: quandoquidem prædictio non ad solum morbum, sed etiam ad reliqua referri debet; & illius gloria est finis, scilicet veritas. Cætera magis possunt excusari, quam quod laude digna sint; imo nec ut eam parere queant.

Quod vero plurimum in hujusmodi prodest, ita difficillimum (præcipue claris viris) est, ut conjunctarum artium potentissimos sibi adjungant. Namque ut senes [adultioresve] plantæ inferi alteram alteri non patiantur, sed senior juniore, aut si utraque juvenis extiterit; ita non facile coheret famosus procurator [juvenis] seni judici; aut medico [juveni senex pharmacopola.] Plurima enim obstant, quoniam plurima desiderantur, quod potens sit: tum vero existimat, deberete illi, non illum tibi, obsequi. Eorum etiam consuetudine omnes illorum æmulos atque inimicos insensos tibi reddis; amicos non itidem [illius tibi concilias, &c.] Deinde
ut

ARCANA PRVD. CIVIL. 405
ut amicos efficias, & hoc arduum:
existimantibus illis, cogi, si te recepe-
rint, relinquere quorum consuetudi-
ne potentia sua coaluit; amicos senes,
notos, cum quibus tot fanda nefan-
daque perpetrarunt; tum etiam [tot]
candidos dies cum voluptate exegere,
huiusmodi homines [inquam,] igno-
ti viri causa (sis quantumcunque ar-
tis operibus & nominis gloria excel-
lens) exigere è domo, durum vide-
tur. Sed etsi te ut amicum excepe-
rint, durius est, ut gloriæ, ut operi-
bus, & existimationi tuæ faveant, re-
clamantibus tot amicis eorum. Quod
si non efficiant, tantum abest, ut uti-
lis sit horum amicitia, ut etiam plu-
rimum sit obfutura; cunctis, te eorum
(in arte qua excellere putas) damna-
ri iudicio, atque destitui, qui & sapien-
tissimi sint, ob ætatem; & quorum judi-
cio acquiescendum sit, ob potentiam;
quique nulla alia causa, quam tuamet
te deserant; quum jam tu ex professo
in amicitiam eos exceperis: denique
quod, quum gloria & sapientia, & no-
minis celebritate velis videri alios su-
perare, non solum præcedere, auxi-
lia ab inferioribus quæras. Quas ob
causas multi hoc genus reliquerunt.
Nobis autem, quibus artem perfectam

406 HIERON. CARDANI
tradere in animo est, non ita licet. Sed
& ad hoc ipsum, seu necessitatis causa,
seu commoditatis, deveniendum pu-
tamus. Necessitatis quidem, corruptis
illis grandi pecunia per amicos: omnia
enim jura illicedunt. Nec donare bo-
num, nec tutum aut honestum; sed
utendam tradere. Idque factum est à
pluribus & sapientibus; beneq; cessit.
Commoditatis autem, quum in po-
tentis divitis communem amicitiam,
verum valde utilem, incideritis.

Vbi denique cum pluribus fueris, ne-
clam etiam alios damnes, nisi jam fi-
nem ex voto consequutus. Primum
quidem, quod plus juverit ad famam
& benevolentiam comparandam, te
strenuum ostendere defensorem inco-
lunitatis ejus, quam sociorum accusa-
torem: Deinde quod existimabunt ja-
ctantiam in te, vel improbitatem, aut
vanitatem, aut invidiam [nullā esse:].
Tum vero, quod si per te adjuvetur æ-
ger, minus iniquo animo ferent, etsi
intelligant à te accusari [se,] experi-
mento illos damnante. At si pereat,
aut causa vincantur illi te oderint ma-
xime, & nullibi socium admittent,
tamquam inimicum (optimum enim
est in his amicos habere;) domestici
vero non laudabunt, aut minimum:
non

non solum quod non habebunt quo te laudent, & quod cito gratia fene-
 scat; sed quod in omnibus odium plus
 possit amicitia, & injuria vivacior sit
 beneficio. Ob id studiose exitum rei
 venare in unoquoque: In Medicina ex
 quatuor præcipue; Natura, Morbis,
 Vrinis, Generalibus: velut pestilentia,
 mutatione à consuetis, & motu, quum
 is etiam doceat nos respiratione, quum
 recessus à naturali exiguus fuerit.

Præterea, si mercedem minuunt,
 non laborem, avaritiam aut paupertate-
 tem significat: si laborem [minuant,]
 non mercedem, magnificentiam cum
 cente mtu. Abdica igitur te: [nā hoc]
 melius est, quam relinqui. Si laborem
 augment, non stipem, existimatione bo-
 nam indicat, cum avaritia, vel inopia:
 Si præmium [augeant; hoc] optimum
 est ad existimationem: si tum augeas
 laborem, nō rogatus, existimationem
 minuis, tamquam indignus sis auctio-
 ne illa; vel quod avaritia ductus, non
 præstiteris quantum præstare potue-
 ris. Mutata igitur forma, summam ad-
 hibeto diligentiam. Si augeant pecu-
 niam & laborem, suspiciunt, & avarū
 te existimant. Si minuunt utrumque
 (dicam autem de hoc suo loco,) hoc
 ex avaritia contemptum ostendit.

Siquis persolvat pro facultatum multitudine, operam & diligentiam illi præstabis summam; sed diviti ornatum etiam, unde plus temporis: si minus, quam pro ratione debet, moneto tacite; si perstiteris, optimus es; si non teneris; relinquere inhumanum & inutile. Fucum pro tempore adhibe.

Vbi in pæne perduto [ægro, medicum] alium quærunt, tum auxilium durum, diuturnum, optimum propones; & spem meliorem, si observet. Si ambo in cura manebitis, & non mutet, probavit; si sanatur, laus tua est; si pereat, nullum dedecus: Si mutet, quum sanari non possit, [dic] semper id prædictum à te; & mutatione, spem, quæ ambigua erat, amissam: Eadem, & evidentiora, si à curatione excidas. Licebit enim dicere, vel errasse in curatione, si tecum bene præsensit; in spe aut in iudicio, qui moriturum proposita spe salutis ab alio, curandum suscepit.

Quod si potens aliquis vir à te petat auxilium difficilis morbi, id agito quod Perusinus chirurgus, Cardinali petenti, ut illum liberaret à fistula, cuius os erat angustum, & prope anum; respondit, Curare possem; sed præstat linteis vino madidis ad renes ac lumbos

bos, appofitis, finire: Hoc dic, Nil profint[auxilia.]Persuasit se non ignorare modum sanandi: spem iniecit, quasi hoc ipso sanare posset, quod aliquid melius doceret ac præstantius sanatione; & se à tædio difficillimi negotii liberavit.

Et quamvis multi, sine tot præceptis ad summos honores evecti sint sola garrulitate, tum incredibili sollicitudine, & multitudine auxiliorum etiam periculosissimorum; tum audacia fœda, qua meliores multo se obtundunt; contemti nihilominus, præter impietatis summum crimen, tribus maximis etiam incommodis afficiuntur: primum, quod maximis periculis se exponunt, quum etiam aliqui eorū pœnas dederint stulti propositi, & sceleratæ audaciæ: secundum, quod non sufficere possunt, semet propriis consiliis impediētes; tertium, quod immensis laboribus seipfos interimunt, ut plerique eorum ante perfectam ætatem pereant: omitto quod male audiant; semperque exiguis præmiis remunerentur; & quod sæpius contingat, illos in eos animi æstus incidere, ut pigeat non solum arti initiatos esse, sed in hanc lucem umquam venisse.

Res mortalium ex minimis princi-

C c 5

piis

piis maximos effectus fortiuntur: ideo parva contemnere non decet. Veluti in Principibus singulorū dierum acta & eventus scribere, horasque; in cæteris, morbi naturam, symptomataque; ut si te pro quovis revocaverit [quis eorum] visa tabella, possis dicere, quæ tum illi contigerint. Vnde maximam fidem apud illum: inde ex illo apud ejus amicos consequeris. Addes etiam præcipua, ex quibus sanatus est.

Vbicunque fueris, sed præsertim in aliena urbe, considera semper finem, & personam, & statum ejus (divinorum tamen præceptorum prius memor.) Nam potentes tuto & blande tractari volunt, pauperes cito, & paucis impensis sanari. Si ergo morbus non urget in potentibus, etiam si spes sanationis abblādiretur diuturni morbi, non solum periculosa [medicamenta] vitabis, & suspecta, tum infamia, sed etiam non vulgata; neque multitudinem augebis, sed numerum. Hoc enim est extra aleam infamiæ & calumniæ, & tutum. Quod si spes sit omnino; & illi petant, rogentque, protestaberis; prius expertus in exigua quantitate. Si volunt, recipito. Si morbus urget, non sine sociis expones te casui. Si his non servatis, affligitur
æger

æger ex medicamento, dolore, vomitu, animi deliquio, anxietate, fluxu ventris; aut si ex importuna venæ sectione periclitatur, deficit, dum laborat, præsiidiis solum uteris, verbum nullum proferes: quodcunque enim protuleris, obesse poterit. (Memento quod dixi, propriam vocem contra te, non pro te, testem esse.) Vbi evaserit, prædica utilitatem, in risum converte ægri timorem; negligentiam, concordiam, errorem ministrorum; aut pharmacopolam, quasi aliud egerit, quasi per admirationem commemora. Quandoque juvat dicere, se prævidisse, sed noluisse dicere, ne vel terrorem augeret, vel [à pharmaco, &c.] abstineret. Multi vero curant advocari in alias urbes, ut majore cum gloria redeant in propriam. Estque ars singularis tum industriæ tum utilitatis.

Si aliqui se fecisse aut facere posse jactent, quod tu non feceris, dicas misere illos; quod in Italica lingua melius exprimitur: (emplastrare enim vocant, non curare:.) Præterea eos qui multa agunt, mimos exprimere; qui magnis gestibus significant se multa agere; quum tamen loco non moveantur, nec quicquam agant.

Vt vero aliquos serves, & medicos minus

412 HIERON. CARDANI
minus offendas, offensa ratione tuta,
votoque tuo clare declarato; si per-
sistent in epicraistica, dicas, maxime
quum amici sunt, Si igitur confiditis,
posse illum evadere, pergamus, tum-
que tale studium diligentiamque ad-
hibeto, ut ex opere optent se secutos
iudicium tuum. Relinques illis judi-
cium, an possint aliquid indulgere.
Sed hoc non potest facere nisi sapiens.
Vbi ad egrum consulturus accedis cum
improbis sociis, vide an mansurus in
cura. Si sic, omnia ostende, per quæ
res inclinata videatur: sed prius osten-
so morbo, causisque ejus. Sic enim au-
dientibus videberis prope, & melius
sociis, rem tenere & si antea vocatus
esses, plus potuisses proficere: &, si
obeat, non solum à culpa casus, sed
adventus tui (cui improbi solent ma-
los successus imputare) te liberabis.
Sin solum ea vice consulturus sis, bo-
nam spem injice, alacriter illos lau-
dans: seorsum autem dicas, si sanari
potest, bene processura, si recte egerint;
nam vera dicis: si non existimas posse
sanari, responde, ab initio, morbum
ejusmodi te credere fuisse; nunc per
tot [dies] lapsum ægrum, nescire quid
pronuncies. Sed si fideles viri sint,
quamvis imperitissimi, ab omni furo
cave.

cave. Neque enim boni viri est officium, nedum optimi (quanto minus Christiani?) in salute periclitantis veritate agere.

Cavendum est etiam, ne hominum siccorum consuetudinem ineas, etiam si enixe rogent, nedum ut te insinues, vel insinuari patiaris: nam si feliciter cedat res, adhuc illis debere videberis; si infeliciter, te funditus evertent. Magna pro felicitate ducas, huiusmodi hominibus non congregari: si cogaris, blandis verbis utaris; extorque eas quantum potes, nil plus gratiæ consecuturus; & existimationem quantum potes, retine. Hi sunt ambitiosi simul, & avari, & plurimum se scire persuadentes. Est & aliud siccorum genus deterius, qui multis verbis agunt. Committunt medicos invicem, lucro ducentes, si illi maledicant vicissim. hocque deterius est priore. Verum his respondere, te qui dent pecunias multas, & verba multa, non invenisse; qui pecunias multas, & pauca verba, optimos esse; qui autem verba multa, pecunias paucas, hos contra pessimos: & eos statim relinque; aut, si non licet, in posterum tecum statue, ne amplius accedas.

Refugies agrorum curam, qui brevi sanari volunt: [&] qui dare pollicentur,

414 HIERON. CARDANI
centur, quum evaserint. ominosa enim
res est, & cum stultis negotium. Stul-
tos improbis, & ossa canibus relin-
que. Similiter & ambitiosorum, sed
pauperum, & siccorum, & violento-
rum [genus est:] in quibus bonæ For-
tunæ munus perit; malæ eventus, per-
petuæ quærelæ obnoxius est. Quam-
obrem hos evita, & summa cum
gravitate eis congrediaris: fac etiam
ut intelligant, quam sis occupatus in
artis operibus. Socios quoque impe-
ritos & improbos, sed præcipue con-
tentiosos, fuge. Solum enim tuo in-
fortunio pares se tibi videri posse spe-
rant. Numquam litigabis, sed statim
abi; præsertim si moriturum [ægrum]
intelligas; hoc solo dicto, Galenum re-
cte de hoc censuisse: si locum postu-
lant, die tertio decimo Methodi, capite
decimo quinto. Quum vocaris ad con-
sulendum, hominum conditionem, &
ægri morbum, & quid à te postulent,
intellige. Si enim ad consulendum so-
lum; explica modum & causas dili-
gentissime: propone auxilia & com-
munia diligenter; reliqua succincte ni-
hil celando; verum neque laudando,
neque vituperando acta; nec tua ex-
tollendo, neque eligendo; quum incer-
tus sis, quid præstantius: atque ita nec
illos

illos docere cogeris. Abstine à prædicatione. causam si requirant, Galenum dic prohibere. Ex Promptuario loca habes. Publice fac ut omnes sciant, experimenta deberi consiliis in scriptis, aut curationi. Si tamen pro conditione persolvant, doce; sed coarctata ratione. Sic enim conqueri non poterunt conjuncti ægri, nec medicis esse usui. Sin autem ad curam vocaris cum aliis non prorsus malis, fac ut scias per quem vocatus sis; ut tua beneficia prædicentur, quæ illi significabis: & si iniquius agant, errores eorum detegantur. Ne deseras ægrum, nisi omnino recta pergat ad salutem: nam ubi reciderit, si mali sint, numquam curabunt ut revoceris. Ne umquam verbum illud proferas, Servassem, si in manibus meis fuisset: præterquam enim quod invidiosum est, est etiam vanæ jactantiæ indicium. Multa possem hic adjicere, præsertim rationes eorum quæ dicta sunt: sed summa gravitate medicus plura assequitur, quam tot præceptis, quæ partim oblivioni (& maxime sub occasione tam præcipiti) traduntur, aut mutuo se impediunt, ut iudicium de his ferre haud liceat; & omnino, si gravitas desit, illa etiam non sint suffectura. Consistit autem gravitas
non

416 HIERON. CARDANI
non solum in verbis, & ornatu, & ge-
stu, & incessu, sed etiam in contemptu
rei: quæ autem adscripsi, & de præce-
ptis, & de præceptorum rationibus,
pro exemplis indagandi ea quibus o-
pus est, adjecta sunt: nam (ut alias do-
cui) plus est in nudo [fine, vel modo]
per collationem, & divisionem, & re-
solutionem (à fine siquidem infinitū,
aut infinito simile) quam in innume-
rabilibus præceptis, aut præceptorum
caussis assignandis. In profitendo au-
tem partes has septem, aut ad summū
octo, imitaberis: continuationem ver-
borum, declarationem, sententiā, de-
monstrationem, amplificationem, li-
mitationem, & dubiorum dissolutio-
nem. Epilogum sunt qui addant: ego
non utor. Forte autem à lectione gar-
rulus te aliquis discipulus exagitabit,
turbas sciens, ut scire videatur. Stu-
dium enim discipulorū hac ætate ma-
gis est contentiosæ doctrinæ, quam so-
lidæ; tum quia facilius eam adipiscen-
tur; ipsi autem molles admodum: ideo
contentiosis operam dant, quoniam
ad certamina conducunt, quorum ipsi
sunt cupidi: procedunt enim captio-
sis quibusdam ac futilibus distinctioni-
bus: & ob id etiam maxime amant
doctores qui illis prompte satisfaciunt,
quasi

quasi eruditiores, & magis obsequio-
 sos; quum tamen hujusmodi viri ad
 opera ipsa sint inepti: nam opera Ar-
 tis, Naturæ operibus quam simillima
 esse debent: at hoc præstare est difficil-
 limum, ut in pictura plastica & scul-
 ptura: ideoque indigent studio longo,
 & cogitatione, & judicio: quæ omnia
 è regione pugnant cum horum docto-
 rum ingeniis. Hujusmodi itaque gar-
 rulo ita respondebis, Non intelligo
 contra quæ inveharis, contra quos di-
 xeris, quem oppugnare velis. Pudebit
 enim forsan; aut pigebit in posterum.
 Tum vero, si male recitet, respondisse
 sufficiat: Non hoc dixisse me, memini:
 modeste [autem] illius redargues im-
 peritiam: Si recte [recitet,] te multo
 labore levabis; facilius occurreris, &
 quam paucis importune garrientem
 proprio suo invento fatigabis.

Generaliter autem sic habe: In qua-
 cunque urbe fueris, ubi nondum fami-
 liaritatem contraxeris, quinimo sis
 medicis odiosus, quum de aliquo æ-
 gro, ad quem vocatus sis, bene speras,
 dicito illis, An fiditis in me perfecte?
 Si affirmant, dicas, Quid opus est il-
 lis? nam hi sine me egerant; par est ut
 ego sine illis: certum est, si adsint, cu-
 raturos ut non sanetur, nec non magis

D d

se

se ipsos, quam me, diligunt: si concedant, ac ut sanetur, in præjudicium eorum est. Dubio procul res ita se habet. Sed [hoc] non agendū, nisi in his, qui vel ob pauperiem excusare possunt se de multitudine medicorum; vel quia ob virtutem cum potentia conjunctam, ab insidiis omnino tuti sint. In aliis oportet, ut qui omnia potest, id agat; ut ex præscripto tuo singula faciat: in reliquis, si petant, in quibusdam impedimentum; in aliis, ægri voluntatem; in aliis, oblivionem; in quibusdam causam excusent, donec sanetur: multorum & ipsimet obliviscuntur. Si quis astantium neget peracta esse [que mandata sunt], ablegetur, inventa occasione; aut, si potest, emittatur. Præcipiatur ante, ut nemo respondeat, nisi ille, aut quem delegaverit ipse. Ob id astantes si quis est emittatur. Ob id Bononiæ hoc munus difficillimū exequi est. Excusabit autem mortem ægri, ex prædictione supervenientis medici: quod etiam faciet ad suam securitatē. Sed si ille te advocaverint, omnino nō procurantibus medicis, si recte, recte; si, ut te evertant (quum neq; solus possis curare, neque cum illis servare) inofficiosum tentare ut expellas: sapienter cum illis ages: si exequantur, sanabis;

his; si non exequantur, facta protesta-
 tione discedes; sanandum, si illi non
 defuerint, admonens. Si dicant, Cur
 ergo discedis? quia ex præscripto non
 agitis: res autem est in præcipiti, ut
 quemcunque errorem (dicit Galenus
 decimo Artis curandi, juxta finem)
 feceritis, æger sit periturus: ideoque
 alienum factum, seu sua mala fors, mi-
 hi imputetur. At desinent te non so-
 lum advocare, sed admittere. Hoc est
 minimum malorum, quæ tibi possint
 contingere in hoc casu. nam aliter a-
 gentem nec alii, nedum ipsi, te voca-
 bunt. Sic vero saltem fama salva erit;
 & ideo ab alijs vocaberis. Sed pugnan-
 dū erit. Vita nostra militia est: Melius
 est, ut etiam in bello, pugnantem cum
 illorum invidia cadere, quam insidijs,
 eorum autoritate aucta. Quum vero
 pictoribus atque statuariis, tum fabris
 atque vestiariis ex operibus quæ sen-
 sus ipse dijudicat, sicut & architectis
 (sed his cum rationibus manifestis)
 ex arte gloria solida accedat; geome-
 tris autem & arithmeticis, propositis
 interrogationibus, tum problemati-
 bus, tum theorematibus; musicis quo-
 que ex cantilenis, & dum canendo re-
 vocant aberrantes: juris consultis ex
 judicio judicum, & victoria causarum,

D d 2

qui-

420 HIERON. CARDANI
quibus patrocinati sunt, constanter
faveatur; soli medici, & maxime pro-
fessores, omni auxilio destituuntur:
quum ægrorū exitus mille modis tur-
bari possit; nec sint morbi, naturæ ho-
minum, atque ætates invicem similes;
discipuli vero, qui audiunt, animi fluxi,
ob ætatem, & imperiti, & qui mille
modis alliciantur, aut artibus aver-
tantur. Ob id nulla est disciplina, quæ
maiores patiatur errores in æstima-
tione peritorum; nulla minus patro-
cinatur suis studiosis, nec favet erudi-
tis. Unicum præsidium est in gravitate
morum repositum; sed fallax, quod
à quovis etiam imperitissimo usurpari
soleat. Si res ad disputationem redi-
gatur, vincet clamorior: sublatum est
è scholis gymnasium. Unum est in
tempore auxilium, quo majora emer-
gunt; aliud in autoritate sapientum
Principum: alterum mihi inutile fu-
turum; alterum in eorum manibus
constitutum, à quibus si deserar, hoc
solum relinquetur, conscientia recti;
quæ consolari debet eum, qui Deo
(non sibi ac voluptatibus vivit. Nam
de Principibus ipsis, quod fallantur in
præferendo & ipsi, liquet. Quum enim
septem sint conditiones, quibus me-
dicus præferri debet: ut sit bonus Phi-
losophus,

Iosophus, Dialecticus bonus; exerci-
tatus in artis operibus, atque studio-
sus librorum, bonus Mathematicus,
calleat dissectionem corporum huma-
norum, eorundemque partium usum
teneat; quod si etiam cum his simpli-
cium medicamentorum peritiam ha-
buerit, & literas Græcas, melius erit:
Principes eos elegerunt, qui has duas
ultimas duntaxat callerent, cæteris ne-
glectis. Sic Linacrum rex Anglorum.
Gopum & Ruellium reges Gallorum:
Ferrariensium reguli Leoniceum, Ma-
nardum, Brasavolum; hic solum ad-
jecit Dialecticam: Germaniæ Princi-
pes Cornarium, Fuchsum, atque
Marthiolum, herbarios potius, quam
medicos. Constat enim antiquo tem-
pore etiam alios fuisse herbarios, alios
medicos. Meminitque Hippocrates
Cratevæ. Sed quod laudi fuit ab ini-
tio, elegisse peritos linguæ Græcæ, vel-
ut Leoniceum, quum medica disci-
plina adhuc latitaret apud Græcos;
nunc stultitiæ tribui debet, pædago-
gos eligere, medicorum loco. Ideo non
nisi prius sublato tam pernicioso &
turpi errore, ars ipsa & artifices præ-
clari, pristino candori atque dignitati
restitui poterunt. Nunc autem, quum
sint medendi tres modi: Empiricus,

D d 3

qui

422 HIERON. CARDANI
qui pessimus, & ex quo, sine cogniti-
one causæ aut differentiarum morbi,
transeunt ad dissimilia, putantes ad
similia transire; & Rationalis, qui opti-
mus est; hunc nemo aggreditur; sed
ad Tentandum se conferunt; existi-
mantes hunc esse certissimum modum,
securissimum, & optimum; quum tem-
pus terant, protrahant morbum in
immensum, & (quod majus omnibus
est) non possint mensuram rei exqui-
sitam adhibere; quod in Rationali cu-
ra est optimum: nam & celeriter &
facile sic, ac cum ægrorum commodo
& voluptate, sanitatem adipiscuntur.
Eo ergo res medica traducta est, ut ve-
luti per cæcos exploretur iter. Atque
hi etiam sunt, qui optimi habentur.
Vide quid de aliis censendum sit.

C A P. XCIII.

*Ubi Fortuna votis adversetur,
quid agendum?*

AT ubi res non magna est, sed exi-
stimatio vulgaris ex opere quæri-
tur; quum vero cuncta peregeris, sed
maligna Fortuna reddit eos ingratos;
tunc ex adversis captare oportet uti-
litatem. Excusata enim temporis an-
gustia, & munere tuo perfecte peracto,
uni ex tuis familiaribus ex arte illum
com-

committe. Sic enim dignitatitue con-
sules; amicum evehes, & illius [ægri]
saluti prospicies; ille vero, in quem res
traducetur, curabit ut autoritas tua
augeatur, & beneficium beneficii pen-
set. At si recusare non licet, & tempo-
ris angustia premeris, legitima excu-
satione facta polliceberis diuturnio-
rem moram in posterum apud illum:
illum quoq; alicui ex amicis commen-
da interim, qui sint artis participes,
pharmacopolæ, tonsorive. Summam
vero ostende diligentiam, ubi negli-
gentia periculosa est, vel ob morbi ma-
gnitudinem, vel nobilitatē vel si pater
adsit. Eos vero qui sunt artifices, velle
scire aliquid, nec posse, decet quando-
que: nam ad gloriam hoc pertinet; ut si
medicus male canat, jurisconsultus
male oret: Ut cōtra, laudem mereri in
alieno negotio, turpe est. Vituperatur
Nero, quod citharam pulsaret bene &
caneret: & Alexander ab Apelle re-
prehensus est, quum de pictura disse-
reret. Itaque velle profiteri quicquam
extra artem, nec scire, ad gloriam per-
tinet, modo ne tu de hoc multum glo-
rieris. In communibus autem igno-
rantia vituperatur. Sunt autem com-
munia, ornatus, incessus, sermo, cu-
stodia rei familiaris, & opum, scientia

424 HIERON. CARDANI
rerum publicarum. Si ad conditionem
parum te dignam invitaverint, ut re-
cusantem contumaciæ, aut avaritiæ
arguant; recipientem indigniori post-
ponant, gratiis actis, multo plus quam
conveniat, pete.

C A P. XCIV.

Ubi cum impari colluctari necesse sit.

CVM impari colluctari periculosum
est, etiam si jure æquo pugnes, &
apud judicem æquum; at si iniquus
sit judex, longe deterius. Quadruplex
autem est pugnae genus: judiciale, mi-
litare, civile, & popolare. Iudiciale, ut
de hereditate; militare, quum per fa-
ctiones ad arma ventum; civile, ut
quum per suffragia quaeritur magistra-
tus, & uxor dives per amicos; popu-
lare, quod consistit in fama quadam
generali. Contra justum & æquum si
non pugnandum est, etiam adversus
inferiores cui bono, & adversus po-
tentiores collucteris? Tria sunt ma-
xima mala: qui pugnat contra jus,
Deo adversari velle videtur, infamiae
subjicitur: si vincitur, perit res, & ex-
istimatio, si vincit, semper torquetur
conscientia facti: utrovis modo res
cedat, odium ingens conflatur. Si jure
pugnas, aut non adversus jus, utpote
pro

pro munere obtinendo, velut profi-
tendi, aut magistratu, æquare oportet
lancem: primum, ut collucteris in eo
genere, quo ille superior minime est.
(stulte agunt, qui ob vanam ambitio-
nem volunt videri superiores ea parte
qua sunt inferiores:) deinde ut eum
adoriaris quando magis est implicitus,
& apud eos iudices, qui non solum
eum non vereantur, nec gratiam ejus
quærant, sed apud quos etiam invidia
laboret; vel id contemnant, quo ille
te antecellit: deinde, ut, si potes, fa-
ctionem fuscites pro te: demum ut in-
dustria, sollicitudine, pollicitationibus,
& dolis illum vincas. Quod si res pro
te est, cura ut quam celerius possit,
absolvatur: si contra te inclinatur,
procrastinabis eam. Sæpe mora victo-
rē effecit eum qui superatus est. Mors,
morbus, lis gravis, adversa fortuna,
injuria, avaritia, negotium pænæ ab-
solutum evertunt. Cum potentiori si
dimices, aut te parem illi ostende; aut
antequam contendas, ei supplica (ami-
co solum tuo teste,) eas offerens con-
ditiones, quæ honestatis plurimum
habeant, & tibi magnam jacturam
non afferant. Non te jactes, sed potius
queraris, etiam quum victor extiteris.
Potentes offenduntur dedecore, quod

D d 5 succu-

426 HIERON. CARDANI
succubuerint, & jactura. Adversarii
dedecus quid ad te attinet; & maxime
quum à te ipso refertur? Signum ino-
piæ amicorum, & animi infensi, aut
levis, aut ambitiosi. Plus profuere pau-
cæ pecuniæ [non] nihil liberaliter eis
utenti; quam contra [nummorū ma-
gna vis] potentibus & avaris. Vna res
potentibus favet, quum in aliis sint in-
feriores: nam tu tuam causam tueris;
suam non ipsi, sed alii, gratia Iudicum,
& Principum. His oppone religionem,
jus, infamiæ metum. Et si à Principibus
times, juvant pellices, & similia. Sed
si contra Principem pugnare necesse
est, aut violentum virum, & vim, &
injuriam, & insidias, & tibi & tuis ca-
vere oportet; timorem quantum po-
tes dissimulando; ne timor tuus illi
animos addat ad offensionem, & tuis
ad defensionem animos adimat; ut ea
re succumbas: Præterea ne illum vi-
dearis invidia onerare velle: sed & in
eo periculo versaris, ne ille carere te
iudicio sibi persuadeat, quo fiat auda-
cior ad contentionem. Propterea mu-
nimenta adversus hostes sunt, inno-
centia vitæ, [virtus &c.] & super om-
nia multitudo sociorum fidelium: ut
neque noctu, neque solus, nec nisi ex-
plorata via, progrediaris.

C A P.

*Similibus praeceptis uti in diversis casibus
oportere; unde ex aliis Capitibus pe-
tenda esse auxilia.*

PORRO, quod etiam antea praefati
sumus, si omnia necessaria ubique
scribere voluerimus, opus majus effi-
cietur, quam deceat; & repetitione
etiam frequenti deturbabitur. Ex om-
nibus igitur locis petenda erunt auxi-
lia, Vti si de pugna cum potentiore
agatur, consulendum est Caput ubi de
contentione & injuria tractatum est,
de insidiis, de judicio, de æmulis, de
inimicis exitialibus, ubi è Principis ser-
vitude exieris, taliaque ejusmodi mul-
ta. Nam ipsa inter se connexa sunt.
Antea (Cap. 2.) quid unoquoque loco
reponendum sit, docuimus: hoc, ubi
quærendum, aut ubi non quærendum,
nisi ubi repositum est? Diximus repo-
ni debere singula primum ubi res ipsa
tractatur: velut calumnia apud Prin-
cipem inimicum caput consulemus, &
potentiorum, non inimicorum; sed
inimici, qui iudex sit. Iudex enim Prin-
cipis loco habetur. Primum igitur quæ-
rendum est Caput proprium quæsitum.
Neque enim ex simplicibus ullum præ-
termisum esse puto. Secundum de
his

his quæ ad quæsitum sunt. In hoc varia est ratio: nam in aliquibus totum invenitur; velut de calumnia apud Principem abolenda distincte tractatum est, Cap. 82. De Principe inimico, non est Caput speciale. Hic ergo duobus præsidiiis opus est: unum quod est ut ex pluribus unum componas, velut de Principe, & inimico: aliud à simili, velut in prædicenti, ubi colluctandum sit cum potentiori, nam Principes sunt nobis potentiores. Sed in his melius est procul abesse: & composito quidem consideranti diligenter melior est; simpliciter autem utenti ea, non est adeo utilis, ut ratio à simili sumta. hæc enim est obvia omnibus. Si ergo injuriam pateris à Principe, (atque id est secundum principale tituli propositum) de injuria quidem Caput consules, & quod in privatis injuriis remedium affertur, notabis: inde etiam Caput aliud, de conversatione cum Principibus, & de calumnia apud Principem abolenda considerabis. Demum ex omnibus his præsidia tibi parabis. Infinita enim quum sint, quæ evenire possunt, judicio magno opus est, ut feligas primum ea in quibus consentiunt; relinquas ea, in quibus sibi invicem adversantur. At hoc facilius est.

Verum

Verum opus est præter id, ut adversas indicationes, utilitatis, & damni, aut periculi conjectes: & si forsan temporis cursu tu tuis repugnare possis; & si aliquid sit, quo sublato omnia concidant: Multi enim de fidei commissis litigant contra certos heredes acriter, & plus quam oporteat forsan; vitæ vero propriæ non satis caute prospiciunt. Consideranda propterea vita propria, mores Principis, & quid maxime illum continere possit, æquitas, leges ejus, verecundia, pietas vera, seu ficta.

C A P. XCVI.

Errores quomodo corrigendi.

ET si in tanta negotiorum multitudine errare contingat, quoniam id natura comparatum est, levissima prætermittere convenit. Vtunque enim corrigantur, plus est mali in confessione erroris, quam utilitatis aut laudis in emendatione. Quare nec reliqua restituendo corrigemus, (quod plerique faciunt; tum maxime quod omissa solum sic possunt emendari. Itaque si quis omissum quicquam objiciat, negabimus ad rem pertinere): neque enim confessio oblivionis, ægri jacturam sarcit; sed curam addit, & tibi dedecus

430 HIERON. CARDANI
decus parit: Id vero quod deliquisti,
illustriore quodam modo restituere
oportet. ut qui conscii sunt rei, omis-
sum, aut factum studiose putent. Veluti
si responsum quod dare oportuit, non
dederis, conveniens illum, te non po-
tuisse dare, ostendes. Si in sermone ab-
erres, ut ob magnitudinem erroris
cogaris excusare, noli defendere, nec
rejicere in rem quæ ad laudem perti-
neat, nec in meditatum aliquid jam
diu rejicere: vitiosa enim hæc sunt:
Sed quemadmodum ille apud Pyr-
rhum, Si plus vini fuisset, etiam mayo-
ra audisses. Sic [prætexas] morbum,
negotiorum multitudinem, atque
hujusmodi. Quod si epistolam arcana
continentem, aut librum rationum,
vel aliud quippiam, quod legi nolis, in-
solens [quispiam] arripuerit, statim
aliud objice librum, aut epistolam,
tamquam absolutam in eodem argu-
mento. Ita utriusque gravi errori me-
deberis. Quod si frustratus voto sis in
Principali domo (quod contingit no-
bis maxime, quum ardua ob necessita-
tem cogimur amplecti, & ob conten-
tionem insidiosè fraudamur fine) ca-
vendum est, ne concutiendo infamiam
& dedecus augeamus; aut, dum nos
tueri volumus, in alios culpam reji-
cientes,

cientes, totidem consciscamus inimicos, aut queramur de potentibus: sed involutis verbis contentiones, dolos, injuriamque significemus; blanditiis singulos fallendo, alios alliciendo, atque [ita] rem pluribus narrando, ut plures habeas defensores, quam calumniatores. Sin vero rem tuam conjuncto, aut amico, cui debeas plurimum, commiseris, & ille mala fide agat, de injuria numquam queraris, [cum] quod est tuum rapere. Pertinacia hoc in casu opus est: Noli divulgare factum, neque ad judices, si potes, concurrere; sed per communes amicos, & qui plurimum possunt, rem age: [idque eo] mitius, & tanto honestius, quanto turpius existimas, te possidere illi inimicum. In universum error omnis duplicem habet difficultatem; propriam facti, & eam quam error iniecit, quæ aliquando adeo magna est, ut corrigi non possit. Omnis erroris una emendatio est, ut via mutetur; & quod admissum est, tollatur: nam duplex est incommodum: At mutandi viam, una est ratio, in propriam redire. Verum & hoc aliquando integrum non est: quamobrem & quam ingressus es, nonnumquam juvat ad modum melioris instituire. Considerare
etiam

etiam oportet, an ubi plurimum debeas, vel conjunctio sanguinis arcta sit, præstet omittere contentionem, quia minor sit res infamia: in quo multi graviter peccant. At quod jam admissum est, deletur una communi ratione. Præterea optimum est, ut errores antea caveas, & cognoscas quinam sint præcipui, & è re [vel ex te] nati. Hi enim soli evertunt hominem: quoniam nec emendari possunt, & sunt exitiales. Velut si tuo exemplo pereas; ut Lud. Sfortia, qui nemini fidem servandam quum docuisset, idque ut gloriosum duceret, belli administratione iisdem proposita, ab omnibus proditus merito est:) Et ubi cogaris vel timere ab amicis, vel confidere perfidis, generose ille dixisse credi poterat, si non ab omnibus jam esset destitutus; & si non ab effœminato vox illa proficisceretur. Satius esse perire alieno crimine, quam proprio: quamquam in bellis prompta, sed rara, sævitia, feliciorum exitum habeat. Simili ratione si circa propria quis peccet, unde tota existimatio pender.

Si quando autem ex importuna calumnia transgressus sis (quod quandoque necesse est) metam in respondendo: ut quum pro gravitate mordacem

ducem querelam protuleris; aut pro
 mordaci injuriosam; velut si quis de
 medicamento dato dixerit, quod of-
 fenderit; tu vero responderis, illum
 mentiri (hoc autem levitatis, præter
 injuriam, argumentum est) aut quod
 stultus sit, aut asinus, aut ignorans (si-
 quidem septem quum sint capita, dif-
 ficile est, præsertim in ira, divinare;)
 emendabis post, non statim, excusan-
 do, sed prius accusatione instructa)
 iram: nam contemnere, nec excusare,
 nisi gerere velit apertas inimicitias,
 non expedit. Ostendes autem detri-
 menta ægri [evenisse] ob illorum im-
 probitatem potius, quam [tuam] igno-
 rantiam. Sic enim minus odiosus eris,
 & videberis æquioris animi. Aliud ta-
 men fac, ut facto intelligant. Sed si
 aberraveris in negotio, non conaberis
 omnia in contrarium vertere, (aut ne
 supinum te projicias, ut alias dixi,)
 neque etiam statim omnia emendare.
 Tripliciter enim peccari solet in his.
 Sed primum divide quæ ex peccato or-
 ta sunt, & radices illius; tum ordina;
 ac sensim immutabis radices erroris:
 corriges & quæ sequuntur: in his ob-
 servando, ut non omnia (ne pœniten-
 tia ductus videaris) tollas: & trun-
 cum ipsum ultimum dimitte, ut ra-

Ee

mis

434 HIERON. CARDANI
mis spoliatus sponte demum excidat.
Et omnia [hæc age] sine injuria, imo
perturbatione quavis animi, quum er-
roris causam tu dederis: idque ut ipse
[qui te accusavit,] in causa (etiam se-
metipso judice) fuisse videatur, dili-
genter curando: ad quod juvat pluri-
mum liberalitas quasi inexpectata, &
temporis longitudo; ut dissuta potius,
quam lacerata amicitia judicetur. Ma-
xime autem insistes in petitione levium,
quæ scis ipsum non præstiturum, ob
inorositatem aut levitatem.

C A P. XCVII.

*De consilio, & officio non numera-
ta pecunia.*

Q V V M quis consilium auxiliumve
petit à magistratu, jurisconsulto,
medicove, proponitque soluturum,
nec tamen numerat (quod certe ca-
ptatotis est officium,) negare se factu-
rum, rusticum; quum nimium vide-
tur, polliceri, nec præstare, donec nu-
meraverint, (quod exemplo frequenti
didici, licet plures id agant,) fallacis
non solum est, sed & inutile; quoniam
ocasio & fervor habēdi persape præ-
terit: at neque pacisci, (istud enim mi-
nus civile est,) nec facere, quum jam
ille captator videatur; (hujusmodi au-
tem

tem hominib⁹ nihil potius est lucro:) verum conseribes, aut facies, omisso præcipuo auxilio, præcipuisve; quæ ad- des, si persolvat: si non, & quæratu- se non adjutum, dices rem esse fami- liaris tui; quum tempus tibi ob nego- tia tum non suppeteret. Quod si jam consilium dederis, jam homini satis- feceris; jam aliquid acceperit ille; ne- que ex conventionem, tecum illud con- siderare debes. Quod & ipse, si sapit, cogitabit; Si plus quam debet; repen- dat, ei obligatus ero; si minus, ille mi- hi [dedit,] quantum oportet; uterque absolutus erit. Propterea liberales esse solemus in omnes eos, quos magnifa- cimus, seu ob potentiam, seu ob amo- rem. Iusti quod par est, omnibus retri- buunt: cæteri in eos quos contem- nunt, parum sunt liberales: ob id etiam in multos insigni virtute prædi- tos ingrati sunt. Contemnuntur enim pauperes, senes, inglorii, atque infame- s, etiam si per calumniam accusati jaceant, tum qui procul sunt, quique sedes firmas non habent, & qui nullo in numero sunt apud Principes. Si quis ab initio pro mercede munera- dat, hunc scito pecuniam non nume- raturum. Si igitur avarus est, accepto munere abstine ab officio: si munifi-

436 HIERON. CARDANI
cus, donis egregiis remunerabit te.
Non arduum est, diligenter initia &
mutationes animadvertenti, tum ver-
ba, tum gestus, intelligere, quid possit
expectare.

Quum potenti amico, vel qui in
magistratu sit, officium præstiteris, ita
ut alii eo intermedio, munus quod-
cunque dent, in usu est ut alacriter re-
cipias: nam si [munus illud] sit quale
mereris, gratiæ & existimationis testi-
monium [est;] si minus, ac leve, testa-
tur se velle tibi debere. Atque ideo,
qui volunt ut accipias munus, mit-
tunt, aut dant: inurbanum est autem
non recipere: & legem in huiusmodi,
quod humana res sit, usus facit, ac fi-
nit. Si vero pecuniam proponunt, quia
officii magnitudinem æquare student,
illud vero incertum. Accipere ab hu-
iusmodi, rusticum habetur: quo fit,
ut retinere cupiant mercedem, seu à
se, seu ab aliis debitam [quando] illo-
rum medio ipsi dant: quod perinde est
(nisi pauperi dent, & omnino egenti,
aut emptions loco) ac si nil darent,
offerrentve. Dare enim sic, ut ob mo-
rem accipere non possis, deterius est,
quam non dare; hac in causâ, quod
ubi renuas amplius sperare non potes.
Hac in parte melius est, quod indigenti
licet

licet accipere. Ob id etiam qui accipere cupiunt, non ipsi accedunt, quum numerandum sibi prævident, sed neque per suos suis, nisi se coram, dant, si res magna sit; quoniã multipliciter & illis gratia, & tibi utilitas perire potest. Ergo vel illi tuis dant, idque minus civile tibi, non illis; aut quod optimum factum est, per suos tibi mittunt. At vero, hoc, ut est maxime urbanum ac decens, ita periculosius est, quam si illi tuis dent. Quod ergo honestius est, ideo minus tutum; quod tutius, minus civile. Nam quum pecunias, [quas] ad te detulerint, occulta quasi manu tradant; ubi recognoveris rusticum (etiamsi minima sit) est eam reddere postquam acceperis; si retinueris, & avaritiam sine fructu, & contemptum tui fateberis. Ob hoc qui cupiunt utrique satisfacere, quoniam libenter dāt, jubent ministros, ut pronūcient quantum sis accepturus: nam & recipere liberalibus verbis licet, & renuere, salva prorsus existimatione. Melius igitur, quia tutius, tuos ad illum mittere, specie officii: nam retinere potes, sine pudore, & remittere pro arbitrio (etsi pauca sint) absque lēsione existimationis, modo statim, tamquam nec accepturus quantacunque fuerit. Quod au-

438 HIERON. CARDANI
tem præstantius, ut nuncius tuus, si
viderit minorem iusto esse pecuniam,
dicat: Ego libertatem accipiendi pe-
cunias ullas à te non habeo ab hero
meo, nihilominus, postquam jubes
ad eum illas referam: nescio an rece-
pturus sit. Tu vero, tamquam te in-
vito receperit, increpitum remittes.
Quod si postmodum mittant, non au-
tem tunc dent, nec quanta sit, prius
dicant, insidiosum est. Tunc igitur vi-
de an conjectari possis de paucitate,
vel quantitatis ratione, vel quia co-
gnoscas argentum esse quod offertur:
si non dicas, te donare illi, tum nun-
cius instabit, ut accipias: quia, si paucū
est, velit te accipere, ut irrideat, si mul-
tum, ut splendidus & magnificus vi-
deatur. Tu ergo accipies, his verbis:
Mihi animus erat non accipere: sed
postquam me cogis, accipiam, ea con-
ditione, ut & ipse nostra non rejiciat.
Tunc, si dignum est te munus, multis
verbis, ubi occurreris, cum ipso age,
illius humanitatem liberalitatemque
testatus: si indignum, tantundem aut
aliquanto plus in munus expenso, il-
lud ei mitte. Perurbanum est hoc, gra-
ve, & amarulentum. Nam quidam,
quibus talia licent, pecunias ejusmodi
contemptim & palam inutiliter con-
sumptas

ARCANA PRVD. CIVIL. 439
sumptas spargunt. Sed hæc ignomi-
nia non carent.

Quum negare vis aliquid, (quod
omnes norunt) blandis verbis uta-
ris. Si licet, ostende non posse; si non,
omnia pollicearis, præter illud. Spem
propone, aliquando facturum. Qui-
dam etiam petunt tempus, tamquam
aliud expectent, & statim mittunt.
Nuncius postmodum facit excusatio-
nem; referens, illos non potuisse. At-
que ita denegatio beneficii in alium
transfertur. Nostra ætate consueve-
runt polliceri: postmodum languescunt
sensim: quod turpe est, & odiosum.

C A P. XCVIII.

De negotiatione cum minimis.

NEc te inferiores prosequaris ver-
bis, accusando, quum (præter of-
ficium mali viri) dedecus tibi, gloriam
illi, pariturus sis. Videberis enim in-
videre eis, aut forsan aliquid esse exi-
stimare: te vero maledicum ostendes.
Proximus rei est, ut magis civile, ac
synceri speciem referens, malefactum
narrare, quam honestis verbis suggil-
lare. Vbi ergo noveris, gloriæ tuæ
quemquam insidiari, atq; tibi ex pro-
fesso adversari si minore fuerit condi-
tione, atque exillimatione, sufficiat

Ee 4

occa-

440 HIERON. CARDANI
occasione adveniente, uno verbo illum evertisse: Velut, Quod equo sit similis, aut stultus, aut literarum & artis imperitus. Ita uno verbo omnia comprehenduntur. At si æqualis est, aut major, nimis petulans est huiusmodi accusatio: sed sufficiat ex latere illum petere: ut, Quod misere in ejus manibus aliquis obiit; aut, Quod invidia numquam perit; aut, Prodeat [vel prodatur,] si quid habet tam egregium: Non artem callere; Extra artis limites eum egredi. Longior sermo de alio, ut quivis de te ipso, reprehensione non caret. Verum gravitas summa, cum peritia artis, & diligentia singulari conjuncta, his argutiis non indiget: sed sufficiat subrississe. Si iudicium de emulo non vulgaris autoritatis exigant, amici suspecti, medium laudabis, quod sit animosus, & factum dictumve carpes, quod defendi non possit.

C A P. X C I X.

De negotiatione cum incognitis.

CUM incognitis non est tractandum, & maxime de rebus magnis, nisi intercedente persona cognita. Quoniam tamen, dum in novam regionem venis, multi quandoque veniunt

nunt salutatum, maxime si personam publicam agas, non solum vitia, sed suspicionem vitiorum; nec solum opes, sed opum opinionem abscondere oportet. Si malum novum [aut nuncium] potenti afferre cogeris, ne imprudenter aut inopinato illud afferas: (nam pluribus hoc exitio fuit:) sed vultu ad rem composito, meditare, expectans ut te interroget. Vbi id cegeris, velut Pharisatidi Artaxerxis matri apud Phaleræum, aliquid propone secundum virtutem. Vt enim acris amaritudinem obtundunt; ita luctus, generosorum facinorum commemoratio. Etenim ille ad eam, Vicit Cyrus. Cui Parisatis, Quid de Rege? fugit. Cyrus ubi nunc est? tum ille, Quo loco fortes viros esse decet. Si quis amicus non est, & præsentia sua te gravat, velut apud Horatium, in Satyra illa, *Ibam forte via Sacra (sicut meus est mos,)* eum ablegabis silentio primum; aut modeste, ubi dixeris scire illi esse negotium: quod si non assentiatur, finge cum domesticis secreta colloquia. Demum, quum etiam hæret, simulata necessitate discedas, tamquam rediturus: inde paullo post per puerum mone, supervenisse negotium longius; itaque tunc discedere posse, alias me-

E c ; liore

442 HIERON. CARDANI
liore occasione redituro. Quod si
amicus adsit cum importuno, utroque
emisso, amicum per nuncium mone-
bis, ut statim redeat. Sed si incognitus,
aut parum tibi familiaris, munera sæ-
pius tibi mittat; scito primo cuius sint,
& qualis ille sit; inde an invidia gravi,
aut inimicitia laboret. Quod si sine
beneficio, vir minime malus, munera
mittere consuevit, aliquid à te petitu-
rum scito, aut amicitiam communi
bono inire cupere; at si avarus est, ut
captet. Præterea cavendum est, ne cui-
quam horum fidem præstes: nam in-
ter duo mala versaris; vel ut delusus,
damno simul & dedecore afficiaris;
vel ut servata fide, debeas ex eo ipso,
quo tibi debere cogeatur. Referunt
tamen Saladinum Ægypti Regem ali-
quid tale erga captivum Imperatorem
Germanum fecisse, dum pignore sacro
illum dimisit. Sed non à Principibus
(in quibus potentia eminet, & gloriæ
amor non solum invalet, sed etiam il-
lis magnum cedit in commodum) pri-
vatorum vivendi institutionem sume-
re debemus; in quibus inopia sæpe et-
iam premit. Si ignotus, nomine viri
potentis, amici, & cui debeas etiam,
præcipue iracundi; & quasi periclite-
tur, te rogaverit (nam & hanc causam

ARCANA PRVD. CIVIL. 443
sam sycophantæ non prætermittere
solent;) ut, si neges, gratiam ne amit-
tas amici, periculum sit; si facias, offi-
cium delusus incassum præstes; idcirco
in huiusmodi syngrapham, aut sym-
bolum illius require. Vel enim desi-
stet, vel si afferat adulterinam, irritus
voti, periculo se exponet. Ostendes
enim illam amico, qui eam norit. Sed
si tibi notus sit, & illi familiaris, & res
non levis alacriter suscipies facturum:
interim mittes qui moram excuset,
non interroget, an miserit.

C A P. C.

*De communi sermone, laudeq, propria,
& suorum; & scommatibus.*

AT quum necesse sit miscere sermo-
nes, communibus utendum est.
Ita nec de te tuisque, aut rebus nego-
tiisve [tuis] quicquam dicito, nec de
publicis factis. periculosum enim est
Deos tangere: nec de civium mori-
bus: quos si vituperes, in periculo es;
si falso laudes, adulatoris aut impru-
dentis opinionem præbes. Communes
igitur sermones sunt de temporibus,
de itinere, de situ urbis, de amico ali-
quo communi, de externis bellis, de
morbis qui vagantur; de morte Prin-
cipum, aut nuptiis; de rerum pretiis,
de

244 .HIERON. CARDANI
de Magistratibus, qui sint, quam ha-
beant potestatem, an sint perpetui; de
domibus; & si paulo familiarior sit, an
habeat filios; de studiis. Caveas in lo-
quendo, ne faciem inflectas (quod
multi faciunt,) sed directe inspicias:
nec nimis elata nec submissa voce lo-
quaris: tum etiam ne rideas: tamquam
insanus, aut irrisor. Nemini appro-
pinques ore: neve os fœteat. Proœmio
commemorationis rei generosæ, aut
nullo, utaris.

Accidit & in communi sermone, ut
nos nostraque laudare, aut alios lau-
dantes audire contingat: quæ quidem
tam multipliciter divisione recipiunt,
ut difficile sit recte explicare, quid con-
veniat: adeo ut Plutarchus, qui accu-
rate & ornate (ut solet) de laudando
se absque invidia scripsit, multa omi-
serit, quæ ad rem pertinent; nec in eo
quod amplexus est, omnia recensue-
rit; ac ne maiorem quidem forsitan par-
tem: in quo tamen non solum venia
dignus est, sed laudem promeretur,
quod de his quæ tractavit graviter dis-
seruit; quæ omisit, ob multiplicem ni-
mis divisionem eorum, illa eum sub-
terfugerunt. Oportet autem non sim-
pliciter de unoquoque agere, (nam sit
repetere multa cogermur,) sed com-
muniter

munitur primum quæ possumus quam
maxime amplecti; inde ea quæ sub his
non comprehenduntur, singillatim.
Quod si quædam sub communi divi-
sione comprehensa, etiam singu-
lari regula indigeant, aut sub pluribus
communibus contineantur, in primis
quidem adjecisse quod deerat sufficiet;
in his simpliciter & communiter de
unoquoque dicendum erit: neq; enim
erit repetitio, quum non eadem, licet
de eisdem, dixerimus. Igitur primum
duo illa supponere oportet. quod non
de Natura aut Diis hic agitur, de qui-
bus certa habetur tractandi ratio; sed
omnia ad civilem normam sunt refe-
renda: quod etiam bene à Plutarcho
animadversum est. Secundum, quod
qui audiunt, delectantur, vel quum
ea quæ ad ipsos pertinent bona, aut
quum mala de aliis referuntur, aut
condiscunt aliquid: hoc enim inter
utilia; illa inter jucunda numerantur.
Quæ igitur ad laudem tui tuorumque
pertinent, cæteris audientibus odiosa
per se sunt, nisi quatenus tibi conjun-
cti sunt sanguine, aut amicitia; tanto
difficilius, si ab his proferantur quos
existimemus judicio falli: hi sunt qui
suas proferunt, laudesque suorum;
nam eos *φιλαυτία* facile decipi, veri-
simile

446 HIERON. CARDANI
simile est. Suorum triplex est genus :
inanimatorum, seu animatorum, ra-
tioneque carentium ; ut equi, tabulae,
viridarium : aut ratione præditorum ;
ut famuli, pueri : aut intimorum ; in-
ter quos præcellunt filii, uxor, paren-
tes, & fratres ; hos honestius, quam
te ipsum, laudaveris : adeo ut si com-
munem tui tuorumque laudandi for-
mam serves, in his peccare non possis ;
in te ipso autem possis.

Indicium autem magnum inepti ser-
monis, qui est de se suisque, præbet
ipsa confessio in tormentis, quæ per
vim exigit facta nostra nostrorumque.
Verum quum in aliquibus casibus sit
potius necessaria, quam honesta ; com-
munis regula est, primum ut loco &
tempori servias, & personis ; utpote
quum neque sine causa, neque coram
æmulis aut inimicis, aut qui te irri-
dent, nec apud Principes (apud quos
nec os aperire fas est, nisi interrogeris)
nec apud viles personas, aut stultos,
aut in sermone de seriis rebus, aut in
luctu, in magnisve gaudiis, aut ut ab-
rumpas inchoatum sermonem, & præ-
ter reliqua ut quasi vocatus ad hoc ve-
nias : inde modeste ac moderate, tum
graviter atque paucissimis verbis, ac
quasi imminuendo proferas. Velut si
quis

quis dicat, Audivimus quod filium e-
gregium habeas; responderisque, Cer-
te pro temporum horum conditione
non malus est: aut si dicas, Animum
saltem bonum habet; vel satis probus
est. Hujusmodi laudatio, quæ magis
in innocentia posita est, quam gloria
aut virtute, vitio caret, & libenter ab
omnibus excipitur. Ergo primum ha-
bendus est delectus personarum, inde
loci & temporis; inde occasionis; post
eorum quæ dicuntur; demum quo-
modo dicantur. In audiendo autem
quæ alii de te dicunt, aut tuis, tutior
est occasio; nisi multiplex metus ob-
staret, adulationis, irrisuionis, aut in-
vidiæ. Atque hæc generaliter de his
dicta sunt.

Porro de singulis in communi hæc
accipe: ignota omnibus, vel etiam
apud ignotos, vel ut æternitati com-
mendentur, vel ad exemplum eorum
quos instituere convenit, vel in ma-
gnis periculis, vel ob Reipublicæ bene-
ficiu, vel ad levandam calamitatem,
præsertim communem, prædicare li-
cet. Quumque septem sint casus, in
uno duntaxat, scilicet apud ignotos,
magna necessitas id agendi exigitur; in
aliis conditio ipsa pro necessitate ha-
betur. Nec tamen ita intelligendum
est,

448 HIERON. CARDANI
est, ut ubique & apud quoscunque id
liceat, absque discrimine ullo, sed sem-
per servatis his conditionibus quas
dixi, nec ita ut omnes sint necessariae,
& si non adsint, id non sit peragen-
dum: sed sic statuamus, ut quum ne-
cessario peragendum commodiores
personas, loca, tempora, occasionef-
que eligamus ad id agendum. Princi-
pio igitur dictum est, quod quæ nobis
nota sunt, (etsi ad laudem pertineant,)
quum per nullum alium detegi pos-
sint, propalanda sunt, si ad laudem
pertineant: nam aliter sciri non pos-
sunt. Si igitur vitia sunt occultanda,
quæ ad virtutem aut divinum favo-
rem (qui maior virtute est) pertinent,
erunt detegenda. Sic suum Dæmonem
Socrates (in ejusmodi & sapientissimus
& continentissimus) revelavit. In Rei-
publicæ etiam emolumento, & æter-
nitatis commendatione, magnitudo
rei tollit vitium, si quod sit. Utuntur
tamen occulta quidam insinuatione,
ut scilicet significant domesticis: alii
contententur interrogari, non dicunt:
quidam scriptum relinquunt, tam-
quam memoriæ causa, atque sic lau-
dant se tacite: neque enim parva laus
est, talia ab eo consequi. Verum, ut vi-
deo, ubi vere id referamus, nil ho-
nestius

nestius simplici & spontanea confessione. Nam non solum id Socrates, sed & Synesius, & Dion, & Iosephus, & quotquot habuerunt tale donum Genii, sponte testati sunt: neque venire forsan dignabitur ad illum is quem puduerit testari illius beneficium, aut per ambages, qui simplicissimum donum sit consequutus, aut obscure, qui clarissimum. Itaque de divinis alia quam de humanis si statuatur, non erit reprehensione dignus. In reliquis etiam omnibus est modus insinuationis, quum quasi irati, & iusta insinuatione coacti id agimus: aut si per aliquem inchoetur laus, &c. injiciat autem desiderium sciendi audientibus. Velut si dicat quis, te non audiente, quam egregiam rem, aut claram, aut quam vafre dolum excogitavit, utriusque nomen referens: Princeps autem, aut alius, à præsente te quærat, quomodo acta ea res sit? Verum in institutione, & ad exemplum tuorum non hujusmodi indigebis, neque moderatione, aut modestia, aut loco, aut tempore, aut brevitate: sed, ut B. Paulus dicebat, Vrge, increpa; adeo ut aliqui existiment mendacium sibi licere. In cæteris casibus importuna laudatio impudentiam arguit, quum etiam soleamus

Ff

vere-

450. HIERON. CARDANI
verecundari, si ab aliis nobis præsenti-
bus laudemur, iniquitatem, quum
aliorum officium præripiamus, & in-
vidiam, si alios præsentes non etiam
laudemus, aut si laudemus, adulatio-
nem. Ostendis præterea deesse tibi ami-
cum, si non habes alium qui te lau-
det; aut iudicium, si quum possis lau-
dari ab alio, vis à te ipso potius, vel
falsam esse eam laudem. Secus ergo
importuna laus non solum sui, sed et-
iam suarum rerum tædium & fasti-
dium affert; juxta illud Flacci in Na-
sidienuum:

*Suavis res, si non causas narraret eo-
rum, & (gimus uli,*

*Naturas dominus: quem nos sic fu-
Ut nihil omnino gustaremus, velut illis
Canidia afflasset, peior serpentibus Afris.*

Specialiter autem, quum è re oritur
laudis occasio, ut quum factum dam-
nant, vel si falsi insimuleris, rectæ ad-
ministrationis testimonio in hoc ge-
nere mentionem [laudis tuæ] facere
licet, tum maxime quod [hoc] ad in-
nocentiam pertineat: si ignorantia,
ex finis laude: si de jactura, recensere
quæ bene gesseris, atque extollere. Se-
cunda ratio est, quum in adversis quasi
cum Fortuna dimicare cogeris. Ter-
tia, quum vel patrociniū à Deo, aut
socie-

focietatem cum audientib⁹ sumimus. Velut illud Ciceronianum: *Vestri enim pulcherrimi facti furiosus ille me Principem facit.* Quarta, quum si rem ita deprimas aut obscures, aut cleves, maxime errorem confitendo, ut minime invidiosa fiat: Vel si labores & vigilias & jacturam addas, aut casus adversos. Laudatur illud Vespasiani triumphantis dictum: *Merito plector, qui triumphum, quasi aut majoribus meis debitum, aut umquam mihi speratum, inepte concupiverim.* Sexta, quum ad retundendam falsam aliorum laudem, aut immodice auctam, ad id cogimur. Demum quum ad comprimendam licentiam, velut illud Aristotelis Alexandro: *Non solum qui multis imperant, eos decet esse elato animo, sed etiam qui vera de Diis sentiunt.* Et illud Agesilai, de Persarum Rege: *Quid me ille major, nisi etiam justior?* Et si re humanitatem testeris, & quam de te humiliter sentias: ut Agathocles cum suis figulinis vasis; quod figuli filius fuisset.

Est laudandi genus, aliud per insinuationem, à comparatione similis, quem laudas in re, qua tu præstas; ut etiam, si concursorem, vel si alium ex re deprimis. Nam laudem ex alterius

452 HIERON. CARDANI
infamia quærere, non solum mali viri
est, sed etiam incivilis.

Quærat quis forsan, quid commodi
in propria laudatione, præter aliorum
[molestiam?] nullum in ipsa laudatio-
ne, in materia autem, ex qua laus sumi
potest, scilicet actis, gestis, rebus ipsis,
vitæ cursu, plurimum. Primum, quod
rem integre solus ferme narrare potes.
Secundum, quod quæ conjuncta sunt
causæ, & in rem tuam non faciunt,
tu solus etiam commode prætermi-
tere scies. Tertium, quod tibi narranti
major fides habebitur, si ita te compa-
raveris vitæ, sermone, ac moribus, ut
illam promerueris. Ob quæ contingit,
ut & Oratorum, & Romanorum Du-
cū non aliæ extent laudatoriæ ora-
tiones, quam ipsorummet: velut De-
mosthenis, Epaminondæ, Ciceronis,
Catonis, Scipionis, Annibalis, &
aliorum.

Vt vero in reliquis casibus, omni-
bus importunæ laudationis occasio-
nes devites, cum bene cultis homini-
bus, & minime nugacibus ac petulan-
tibus versare. Non inideas, non am-
bias, non irascaris, non adeas poten-
tes: Contemplare alios, qui se laudant,
quam invisi, & ridiculi etiam sint apud
domesticos. Memento illud Demo-
sthenis:

Athenis: *Qui seipſos laudant, auditores molestia afficiunt: & ut ipſi ab aliis tales exiſtimentur quales volunt, non efficiunt.* Verum ut apud ſapientes & prudentes viros hæc non ſolum vitioſa ſunt, ſed de exiſtimatione minuunt, ita apud plebem sæpe expediunt, & utilia ſunt: adeo ut viri plures virtute & gloria inſignes, dum ſapienter apud ſtultos agere volunt, contempti vixerint, & aliis longe inferioribus ceſſerint.

Quod vero magis refert, (quoniam non in tua eſt poteſtate, & sæpius accidit) eſt ut lauderis ab aliis, quum tu ipſe præſens ſis. Tum vero animadverte quis ſit qui te laudat: aut enim inimicus eſt (nam & æmulus, qui id agit, inimicus jam eſt) aut adulator, aut amicus ſimplex. Si inimicus eſt, dicas, Hanc laudem non quæro, neque ea indigeo: quæ ſi falſa eſt, ad me non pertinet; ſi vera, jam me antea ſcire oportuit, ut audire eam ab alio non expediat. Si adulator [ſit, qui te laudat,] capite concuſſio dicas, Si non ad eſſem, an tu iſta diceres? Si dicat, Sic; dic tu, Cur ergo non exſpectaſti? Si amicus te laudet, dicito: Ita me laudato, ut ea laude exiſtiment te mihi amicum talem eſſe, qualis tu es. Ita audire laudes ſuas non decet, ut vix

Ff 3 à mox

454 HIERON. CARDANI
à mox diceſſuro , aut apud diſceſſu-
rum, aut non ex compoſito, ſed obi-
ter ab indignante, quum periclitariſ,
[tolerandæ ſint.] Verum & horum
omnium ratio eadem in episto-
lis conſcriptis conſcribendiſve habenda. Nec
illud tibi faveat , quod episto-
la non erubeſcit.

In conſcribendis autem libris dupli-
ci genere laudationis uſi ſunt. Qui-
dam manifeſto minusque honeſto, ſed
non adeo invidioſo, ut ſeipſos lauda-
rent; velut Cicero: alii honeſtiore, ſed
invidioſo, ſcriptores cæteros damnan-
do; velut Ariſtoteles. Galenus vero
utrumque, [ne erraret in lectione)
complexus eſt: nam & ſemetipſum
laudat, & alios damnat.

Rurſus in familiari inter duos , ſe-
cretoque ſermone alia conſideranda
ſunt. Primum, ſi ad actiones dirigan-
tur, (quod de duobus dico, de omni-
bus dico,) quum conſilium initur, li-
cet laudare ſeipſos & prudentiæ & for-
titudinis: ſecus, res ipſas narrabis vere;
iudicium alteri relinque: ſi te laudat,
conſidera perſonam, & ut erga te af-
fecta ſit, & finem. Majores enim lau-
dando hortantur: Et laudari ab infe-
riore, quum potens ſis, & ille amicus,
ad idem pertinet. Reliqua pro ratione.

Sed

Sed hæc magis ad institutionem. Pu-
blica [laus,] & inter multos, magis
turpis, si ex te prodeat, aut dolosa, si
ab alio.

Illud etiam inter loquendum obser-
ves, ut neminem docere velis, nisi eos
quos instituendos suscepisti; aut ami-
cum singularem: aut in ea causâ, in
qua necesse est id facere: imo nec cur
dixeris, nec cur facias reddas ratio-
nem. Aut enim videberis velle illis esse
præceptor, tamquam pueris; aut ab
autoritate tua recedes. At postulanti-
bus, quibus è re sua est, & sapientibus
rationem reddere convenit, ne errare,
vel fallere illos te, credant. Quod si
aliquid dixeris noto vel amico circa
suos mores, ut sinistre interpretari
possit, velut quum injuste premitur,
quod violentus sit, nulla cura melior,
quam qua usus est Annibal Laurea Bo-
noniensis mecum: Hoc dixi, inquit,
quia etiam ego talis sum.

Epistolas autem conscribere decet
materna potius lingua, quam Latina,
tum ob affectus linguæ semper con-
gruentes, mores, titulos, consuetudi-
nes, ac res; ut difficillimum sit, ista
recte Latine scribere. Melius est autem
multo, recte & ornatè ac faciliter scri-
bere in propria lingua, quam contra-

456 HIERON. CARDANI
riis rationibus in aliena. Excipiuntur
ab hoc munere professores linguæ La-
tinæ: tum, quum de interpretatione
antiquorum librorum, seu Græcorum,
seu Latinorum agitur; Græcorum qui-
dem, ob maiorem affinitatem; Lati-
norum autem, quia eisdem cum cogi-
tationibus atque imaginibus explicari
debent aut referri, cum quibus con-
scripti sunt: tum, quum antiqua nar-
ramus gesta, quorum artificii Latina
lingua nomina exquisitiora habet. Li-
quet igitur quam multipliciter pec-
cent scriptores nostri temporis, maxi-
me circa secundum, quum ex Græcis
Italica faciunt.

Consilium ne dederis nisi petenti-
bus amicis, aut his qui sub tua custo-
dia sunt; vel quum particeps fueris ne-
gotii, ita ut error etiam redūdet in te.

Et in familiari sermone scommat-
um usus [odiosus est;] qui etiam in
Cicerone vitio vertebatur: adeo ut
numquam nisi laceffitis conveniat. Eo-
rum utilitas [tamen] est, obscure, quæ
parum honeste dici possent, & brevi-
ter, quæ longo sermone indigerent,
ubi eis uti minus civile esset, significa-
re: & quum ex responso captamus ne-
gandi occasionem; velut Vasco cenant
in caupona, supervenientem Hispanum

ARCANA PRVD. CIVIL. 457
num interrogavit, quomodo ille vocaretur? Quumque ille respondisset, Alopantius Aufimarchis Hiberus [Loper] Alorchides; inquit Pyrrhenæicolus, Profecto quinque [vel tam multis] equitibus hic anaticulus minime sufficere potest. Rursus in eos, quorum nequitiam comprimere è re est. Demum, quum simul excusare & accusare & indignationem ostendere propositum est; quum sit Laconismus cum affectu, & eo solum differat ab apophthegmate. Velut quum Mediolanenses adolescentes, juri operam dantes, impulsore magistro Apulo, alienati animi essent à me; & inter ipsos orta seditione quidam essent vulnerati, interrogantibus quibusdam, an illos curarem, respondi: Absit, ut quum omnia illi contraria ratione agant, imperitissimum me putarem, si advocassent. Ob id occasio observanda. Consequuntur ad hæc delectatio & voluptas; & ex ea conciliatur amor, & ut fiat favorabilis causa. Vnde non nisi apud Principes aut Magistratus, aut saltem potentes eis uti debemus, & maxime in causa inclinata, nec admodum gravi & odiosa. Ostendit autem acumen ingenii; & inopinato (ob brevitatem, in qua nimis multa continentur) percellit.

F f 5

cellit

cellit garrulitatem hominis, & confu-
sum illum relinquit Propterea [scom-
ma] tale esse debet, & parva cū mora.

Quomodo autem ex verbis mores
deprehendantur, supra dictum est. Me-
mento etiam verba ad homines com-
paranda: esseque ut cerusam in derafa
charta: quæ si digito leviter affricto
sæpius adhibeatur, lacrymam superat
juniperi: nam flos tantum adhæret
quod si digitum compresseris: vel in
tangendo cerusam, vel chartam, di-
luitur atramentum. Ita si excusatio-
nem amico prudenti proposueris factis
atque errati, illum tibi amicum serva-
bis; si simplici vel stulto, tua venia red-
des insolentem: ut si aliquid rescripse-
rit, & male, sufficiat dixisse, Multos
admisisti errores. Persæpe etiam con-
tingit, ut de aliis tibi similibus quæ-
rant: ut, si Iurisconsultus sis, Quis op-
timus in urbe sit Iurisconsultus? Huic
interrogationi non una convenit re-
sponsio; non est enim una interroga-
tio. Sed si qui quærit, jam tua opera
usus est, favorabilis est; ac perinde si
requirat, Cui sub tua fide credere non
debeo? Propone ergo tibi amicissimū
ex optimis. Sin autem non est usus
opera tua, multa ex hoc dicto condi-
sces: Primum, te apud illum nullius
pretii

pretii esse: Secundum, summam in eo arrogantiam, aut quod stultum [te] putat, qui velit vel cogere, vel ob simplicitatem tibi imponere tentet, ut laudare alios velis in arte in qua tu cupis esse primus: Tertium est, quod hic vir agrestis est: neque enim quatumvis superbus, tantam tibi inferre injuriam tentabit, nisi omnino etiam rusticus fuerit. Nisi ergo Princeps fuerit [qui te interrogat,] pessimum & contemptissimum in ea arte præferes; eumque summis laudibus ornabis. Sit autem contentus, ut prælato eo nullus ex aliis, qui digni sunt, sibi prælatum nisi pejorem existimare possit. Si autem qui rogat Princeps est, lauda tibi amicissimum; & quam rarius potes, ad illum accede.

Pessimi quoque animi indicium est, & fraudis non vulgaris, si quis apud discipulos professorem, ut bonum medicum; apud imperitos, ut professorem, aut disputatorem, laudet: ut si calceos manibus aptet, pedibus chirothecas. namque quanto magis effuse laudat, eo plus detrahit; quum, si posset alia in re laudare, facturus omnino videatur. Amici est, tantum laudare id quo illum possis apud eos juvare: est enim illud bonum,
& va-

460. HIERON. CARDANI
& valet in omnibus: reliqua ad odium aut impudentiam pertinent. Ita quandoque vituperamus, ut fides laudi habeatur. Vt vero omnibus placeas, non tibi serviendum, sed audientium auribus. Id vero præcipue in potentibus observandum. Sunt autem potentes quatuor generum: vel amicitia Regum, vel sacerdotio, vel bellica administratione, vel opibus hereditariis, aut fœnore paratis. Omnibus grati sermones in genere sunt, de opibus, potentia, & voluptate. Sed de voluptate eduliorum, quum alia aliis sapiant, perpetuus sermo esse non potest: Venereorum fœda altera commemoratio, altera non sine injuria earum quas pro amicis habemus. Ita res ad vinum & aleam, tum ludos seu pompas deducitur. Alea etiam non omnibus placet; & pompa juvenibus gratiores est. Specialiter ergo hæc consideranda sunt, ratione personæ. Distinximus autem in quatuor, & cujus sit ille, aut illi, & ætas, inde proprii mores. Nam milites violentis & apertis magis gaudent; sacerdotes de occultis, & his quæ damnari nō possunt, etsi reprehensione non careant; Principum amici de rapinis: (nam luxus & prodigalitas omnibus communes sunt:)

sunt:) opulenti laudant ut opes extol-
lantur, & omnia his post habeantur,
oderunt laudem omnium aliarum re-
rum; Barbari de vitio, [vino,] pugna,
libidinibus, rapinis. Vnaquæque civi-
tas, [& ætas] suos mores habet. Cum
senibus, de sapientia & prudentia, cum
juvenibus, de robore ac libidine, cum
adolescentulis, de humilibus rebus, &
jucundis, de prodigalitate [sermo sit:]
ut & apud senes de lucro & congre-
gandis opibus. Singulorum autem mo-
ribus se accommodare facile est; intel-
ligere illos, difficilius: præscribere nul-
la ratione licet.

Quum vero familiares adolescen-
tes, qui ratione non persuadentur, ad-
monere velis; ut simul auctoritatem
retineas, & animos illorum percellas,
scommaribus utendum est: velut si di-
cas, Papiliones pro avibus aucupami-
ni; id est, nullius pretii voluptates pro-
veris. Similiter quum simul redargue-
re & excusare se, propositum est: ve-
lut objicienti quod errassem in prædi-
ctione, dum essem cum alio medico,
respondi, Mirari, si quicquam cum il-
lo recte agi potuisset.

Maxima autem pars sermonis com-
munis dirigitur ad tentandū animos,
ad dignoscendos mores, ad animum
erga

462 HIERON. CARDANI
erga te, ad facta tua, quanti te faciat.
Ergo & dato simul, & non accipito. Id
autem maxime contingit in nugis, in
incredibilibus, in repetitione, in im-
portunis quæsitis, in laudatione tui
ipsius. Intelliges autem dolum, quum
ad hominis mores & consuetudinem
talìa contuleris: & si potentior est.
Sin autem contra, periculosum, licet
callidum, consilium. Quum vero ver-
ba & actiones omnes ad utilitatē ali-
quam sint, & alicujus finis gratia; ubi
non sit spes, si non omnino [loqui]
necesse sit, silentio uti melius est; quan-
to magis, si offenderis audientes, aut
existimationem tuam. Propterea ma-
xime dignosces, an [loqui] expediat,
ex duobus, ut mores illorum & perso-
nas dignoscas, tentaverisque alias, quæ
maxime oderint, aut negligant, aut
quibus delectentur: Alterum est, in ipso
statim ingressu, ex attentione: contra,
si dormitaverint, si inter se loquantur,
si inturbent, quod fœdissimum est
omnium. Ob id diligenter animad-
vertere opus est, quam graviter ferant
sermone tuos, aut avide excipiant.
Quod si divisi sint, tunc in contentio-
so certamine [versari] necesse est; in
aliis, excusatione præmissa, silere me-
lius est.

CAP.

PR O X I M A sermoni familiari epistola est : de qua tamen si superius (cap. 54. 80. & 81.) sed breviter, & in De conscribendis libris (verum ad alium finem) sermonem habuerimus, hic tamen locus est ut tractemus : quum nil aliud sit epistola, quam sermo manens, & ob id diligentiore cura indiget : & ex dictis, quum jam sit sermo scriptus, & ad absentem, perfectior sit, oportet, quoniam satisfacere debet tacitis etiam interrogationibus : & ob id brevior sit, quum etiam prolixitas in sermone (in quo nullus est labor, sed solum auditui danda est opera; in epistola vero legere oportet & intelligere) tedium afferat. Quapropter & pulchra scriptura conscripta esse debet, ne laborem labori addat. Est enim impudentis animi, aut nimium insolentis, scribere dubiis notis. Tum, vero quæ non objicit, ita sicco pede transire decet, ne frustra adjecisse verba videaris, aut instruas illum contra te. Forfan, si dubium est, prætermittere omnino melius est, & ad dilemma reducenda sunt, quæ scribuntur, nisi existimes aliquando tibi opus esse altercationis.

464 HIERON. CARDANI
catione ante iudicem. Vnde etiam tū-
quum proficere non posse speras, stul-
tum est admonere, in quo ne tempus
[quidem] habeat cogitandæ respon-
sioni. Et certe, ubi prætermittendo &
objiciendo, par periculum videatur
tutius est prætermisisse. Atque ideo
multi prudentes litigatores, robustissi-
mas rationes improvise objiciunt, &
quum iudex sententiam ferre vult; ut
utrumque incautum opprimant. Sit
ergo lenis epistola, & gravis, juxta mo-
res temporum, & usum. Nihil tradas
literis, quod etiam si cadat in manus
inimicorum, probari non possit. Sit
connexa ne negligenter scripta videat-
tur. In universum enim nihil facilius
est, quam scribere epistolam, quod il-
la sit varii argumenti, brevis, & di-
visa ab aliis: ut ob argumentum num-
quam possit deesse materia, ob brevi-
tatem, quilibet stylus, quælibet sapien-
tia, quodvis tempus sufficiat, siue in-
interrupta sit, siue continuata. Possumus
de emptione, agris, magistratu, &
morbo disserere: at quid magistratu
cum agri emptione, vel morbo. Ita
non solum facile est, conscribere epi-
stolam & epistolas, sed confarcinare
librum. Quanto magis, qui argumen-
ta conficiunt, non sequuti sunt, sed
fingunt,

fingunt, ut sapius cœlicum Plinium fecisse crediderim, &c. At contra difficillimum est, conscribere bene epistolam; ut vix ipse post tempus tua probes. Primum quod in ea soleant homines prodere arcana mentis suæ: hoc autem quantum utile umquam esse possit, non dico. Deinde quod ille, cuius mentem primum nescias, etsi scire possis, mutari potest; ac postea, si non recte sentias, damnet [te] & irrideat; ita ut alterum duorum incurras, scilicet vel insulsi vel improbi hominis opinionem; & etiamsi recte sentias, non ille tamen probet. Neque enim quod justum est, vel optimum, probant; sed velut in vinis, aliud dulce, aliud potēs, aliud austerum; & quidam capras præferunt carnibus & ovis; ita de iudicio. At qui librum omnibus conscribit, modo recte sentiat, necesse est ut quod bene scripserit, multitudini tandem probetur, & qui adversantur, inviti trahantur in sententiam. Est & temporum mutatio, qua quæ [olim] probabantur, damnari solent. Scribis amico, qui nuper è carcere exivit, epistolam omni arte, in qua universos nervos rhetoricæ exprimis. Quamdiu species illa deformis carceris, oculis obversatur; dum illuvies, dum tristitia,

G g

maxi-

456 HIERON. CARDANI
maxime probatur, laudatur, placet
gratulatio: Vbi tristitia illa evanuerit,
[si] incidat in manus epistola, tum se-
cum ait: Cui bono iste hæc scripsit? Si
non ob crimen carceri intrusus est, in-
quit, Quid attinet ut odiose criminis
memoriam, & quod vellem ego &
ipse (si mihi talis amicus est, qualem
se præfert) exstinctum, foveat & susci-
tet? cui bono? quid hoc ad alium atti-
net? Qui vero sibi injuriam factam pu-
tat, secum reputat refricari injuriam,
cui ipse causam nullam dederit, &
dedignatur meminisse jam acceptæ.
Sed & illud difficillimum est in episto-
la, scilicet dicendis & metæ præfigere
clavum. Sæpe enim quæ dicimus, aut
contra propositum sunt, aut alia ra-
tione in contrarium & adversus nos
facere possunt, aut inimicos efficere:
ut si [quempiam] velis laudare, quod
servaverit hominem, omnes illius a-
micos primum vituperas, & inimicos
reddis: fieri etiam potest ut ingratus
videaris, quum ex illis te vocaverint
aliqui [ad cœnam, vel ad ægrum, &c.]
aliqui laudaverint: certe omnes red-
des ex amicis inimicos, ex inimicis ini-
micissimos. Ita difficile est sua narranti
modum servare, ut (velut ille ajebat,)

Dicenda tacendaque norit.

Demum

Demum illud accedit pessimum in epistola, quod pollicendo, damnando, laudando, averfando [vel adversando,] in posterum negotiis tuis & occasionibus magnum impedimentum affers, aut vanus omnino deprehenderis: quæ in sermonibus non sunt adeo periculosa, quum verba, ut Homerus dicebat, [alata sint, &] evolent. Quamobrem in epistola scribenda non solum exigam ut quis valde considerate agat, sed etiam ut circa generalia versetur, & sermones bene conditos solum inferat. Quod si cura aliqua laudis tuæ significandæ te pungat, [tamen eam prædicare] verearis: si ea enim fuerit [digna relatu,] honestius multo, & majore cum autoritate ab aliis spargetur. Nec te moveat exemplum Ciceronis, quod fecerit hoc: sed vide quantum ob id improbetur, & quanta illi damna hoc attulerit. Demum memeto quod mori potest [ad quem scribis,] & omnia in inimicorum transire potestatem, etiam si ille, qui mille modis delinquere potest, in nullo delinquat.

Quum ad Principes epistolam dirigere velis, oportet ut ex initio illum ad legendum invites; velut si dicas: *Etsi inter amplissima negotia, & arduas ac pane infinitas occupationes tuas, o* [Clem-

G g 2

men-

mentissime, &c.] locus nullus tam longæ
 epistolæ legendæ (quæ etiam privatis [vi-
 ris] fastidio esse possit) relinquatur; hu-
 manitas tamen illa tua singularis, præ-
 fertim in eos qui non solum injuste, ve-
 rum miserabiliter, & ad extremam usque
 calamitatem opprimuntur, spem addunt,
 ut epistolam hanc (quæ longior videri
 possit) sub libelli parvi forma oblatam, le-
 gas. Non autem requiro ut simul totam
 legas, sed ipsum libellum, etiam in partes
 minutiores divisum, per intervalla. Sic
 enim neque legendo, tadio afficeris, neque
 abjiciendo, addictum tibi hominem, &
 qui non nisi in justitia & humanitate
 [tua] spem habet, tamquam feram cani-
 bus dilaniandam relinques, ut non solum
 me miserum, imbellemque meam stirpem
 evertant, sed (inaudito exemplo) bonos
 omnes & impotentes perterreant, & auto-
 ritatem tuam ac sanctitatem ludibrio ha-
 beant. Scimus etiam quoscunque bonos
 Principes, & quanto majores fuerint, tan-
 to humanius supplicum subditorum por-
 rectos libellos legisse: ut sic agendo non so-
 lum miseris succureretur, sed etiam labor
 ipse minueretur. Nam quum intellexerint
 subditi, Principem velle videre, quo modo
 res subditorum agantur, curabunt judi-
 ces, ne sua causa patiantur [huiusmodi]
 libellis optimi Principis laboriosam vitam
 onera-

ARCANA PRVD. CIVIL. 469
onerari. Atque ita tranquillior reddetur
administratio. Sic [fecit] Augustus o-
lim, sic Trajanus, Adrianus, uterque An-
tonius, Alexanderq; Severus, quotquotq;
alii imperatores: qui ob tam insignem hu-
manitatem pro Diis habiti sunt; quod hoc
ipso praeipue Deo assimilarentur, quem
Theologi omnes referunt in tam ampla
omnium administratione non ignorare ho-
minum facta, velleque intelligere, quid
homines agant. Adeoque res ipsa probatur
ab omnibus Principibus, ut etiam hi qui à
fide nostra alieni sunt, & nomine Tyran-
norum horrendi, hanc patientiae consuetu-
dinem inviolabiliter observent. Quorum
regnum forsitan non ob aliud (nam secus
gravissima est dominatio) tam diu felix
bello paceque perseverat. Igitur res ita se
habet, [&c.] Curabis autem ut quam
ornata sit, & lingua in qua maxime
praestas, conscripta, notaque eleganti,
ne contemptum pro humanitate sub-
jecisse videaris.

C A P. CII.

De dolo, ac seductione.

DOLIS praeterea fictis vincere ni-
tuntur, ac seducere viros, pueros,
puellas, aliaque ratione. Nam finis non
omnibus unus. Observant iter quo-
tidianum, mentitoq; nomine obviam

G g 3 facti,

facti, tamquam ex urbe longinqua illo advenerint, salutant. Inde quasi specie simillima aberraverint, jam amplexati, ac disfluaviati, ferunt sermones, explorant animos, ingenium, mores: eoque omnia tendunt, ut attentissime audiant, statum illius intelligant, atque prudentiam, tum quibus capiatur rebus, & ut illum maxime laudent. Inde socium immiscent: conveniunt de sequenti die. Si gravior sit paulo sensus, abducunt ad cauponas, ut pecuniis spolient; aut in domos solitarias deducunt, altero patrono, aut socio, altero qui in callidum, seu credulum, & ἀταμίον se exhibet; ut dum illum decipere studet, succumbat. Interim cibi deliciae, vina, & jentaculum, lusus, blanditiæ, veneratio, admiratio, honesta omnia palam; atque suspicitur, laudatur, dum spoliatur. At puellæ per lenas eodem modo sollicitantur: quæ si abduci possunt, jam putarem peractam; sin domi manent, occupare hæsitantes solent, & adhuc dubias, ut non desint ostentationi, mulisculis, pollicitationibus. Namque

Pollicitis dives quilibet esse potest.

Verum puellæ misericordia & lacrymis, pueri jactabunda spe, & incauta tractatione, viri primordiis lucris magis ac-

gis acquiescunt. Cætera eodem modo, ut dixi, se habent. Quare videndum est, quibus fociis utantur, ne sint soli, filii: Nec cum incognitis solum ver-
fari, præcipue numatum [minorem natu] oportet. Rationem dixi. Et nihil tam tutum, quam pater, aut frater natu major, puero adolescentive: & ut aleam non norit, neque Musicam; vel summa custodia habendus. Puellæ mater aut soror [adlit,] sed melior etiam frater. Patruī quoque omnium vices explent. Ut summa omnino necessaria sit in molli ætate, tum sexu, societas, diligentia. Est, ut ad rem redeam, modus seducendi, procul inchoando. Velut sacerdos improbus ludique literarii magister, titulo exomologesis, rogat puerum [aut puellam,] an quisquam eum [vel eam] requisisset; ea spe, ut si non pernegasset quod non erat magnum, inde ulterius procederet. Interrogatur rursus, si concessisset, inde quoties, & quando, & ubi, & cum quibus: ut demum ad ultimum scelus perveniret. Vnde optime forsan consultum esset, ne quisquam posset exomologesin exercere, nisi in ignotos, aut sexagenario natu major. Vix enim cum familiaribus recte explicari potest.

Est & aliud doli genus in negotia-
tione: velut eandem rem bis vendere:
accipere depositum, & cum tabellione
pacisci, ut per alium, qui illius notam
[aut nomen] imitetur, fides actionis
publice (quam instrumentum vocant)
subscribatur. Ita hoc fiet periculo nul-
lo. Vt si puer subscripserit, hortante
aliquo ex his qui sunt intimi ejus, apud
quem pecunia deposita est, vel si in-
strumentum, ex atramento carbona-
rio fiat; aut, si antequam pecunias ac-
cipiat, fateatur per publicum monu-
mentum, ingentem summam ab ami-
co accepisse: die sequenti amico red-
diderit: nam sic creditoribus, à qui-
bus in posterum sumsit, ostendere po-
terit, se non habere: Nec vitio verti
poterit alterutri: quoniam à Procura-
toribus, quibus nec deferri potest ju-
ramentum, defendetur.

C A P. CIII.

De eripiendo ab invitis.

QUUM possidere quid, quod emere
non decet, ad usum, in animo est,
nec [possessor] ille [id] ulla ratione
concedere vult, pulcherrimum ac ju-
cundissimum ultionis [aut seductio-
nis] genus est, rem eam coram illo
summis laudibus extollere: aut, si ve-
nalis

nalis sit, submittere emtores, qui certatim pretium augeant, aut etiam si non venalis sit, proposita conditione quavis petant, nemine tamen certum quid statuente: atque sic delusum & hiantem relinquere, ut cogatur apud se retinere, memor priorum oblationum, quum nullam conditionem ei æqualem esse videat. Inde quaecunque genus rei sit, curabis ut elegantius in eo genere possideas, dicesque multo minore pretio obtinuisse, sed ita ornatibus ac tractabis, ut si uxor fuerit, &c. citharista ille, &c. qui negavit, & quam non duxisti, dolore conficiatur, & pereat. Quod si quis interroget, an voveris eam ducere? siquidem pater adsit, illam ad cœlum usque laudabis & evehes, quasi pigeat non duxisse: suspirabis, dolebis, gemes, submittes fidos amicos, qui quasi id agant, tamquam denuo sis ducturus. Perpetuo etiam, si aliud sit, quod liceat habere, submittes qui conditione meliore proposita fingat te id quærere. Eas autem [conditiones,] ubi prope finem fuerint, abrumpes, minima ex causa, sed quæ tamen illi plurimum cordi sit, aut negata, si placeat, aut requisita, si displiceat: atque diu tortum dimitte. Nihil autem est quod maiorem dolo-

474 HIERON. CARDANI
rem afferat invidia, & memoria amiffæ pinguis occafionis: adeo ut quidam pœnitentia ducti in eas eofve qui locum occuparunt, infidias moliti ſint, alii etiam deſperatione ſe ſuſpenderint. Acrem autem & exitialem invidiam movent bona, præcipue ornatus, dona, honor, voluptas, libertas, virtus: his enim ſex rebus circa perſonam aſſumptam excitatur rivalibus invidia: in eo vero qui quæſivit, potentia auget deſiderium, liberalitas & gloria. Sed ſi abſente patre ejuſmodi fiat interrogatio; dicas, optime tecum actum eſſe à Fortuna, quod quum tantum errorem admittere cogitaſſes, illa tuo ingenti commodo factum id interruperit, teque liberaverit.

Similiter & à Principibus ut corradas præmium, arte opus eſt. Si quidem in nuncupatione librorum per Proxenetam ex intimis, aut Aretas exige primum pro anagnoſtis firmum ſtipendium: deinde pro impreſſione: ſic tibi libri ſupererunt, unde etiam licebit ſperare aliquid doni: tuncque erit triplex lucrum. Si non, fac ſaltem ut primum, aut ſecundum cum tertio non deſit.

C A P.

AT si (quod frequentissimum est) con-
spirationibus æmulorum op-
primeris, ita ut illudant tibi, tu contra
bonos & prudentes ad te trahe: in il-
lorum inimicis catervam amicorum
tibi facito: acriter repugna. Sed cave,
ne aliqua ex parte inconstans, quic-
quam condonando spe, metuve delu-
sus videaris: sed persta, donec vincas:
quod facilius quam speraveris, eveniet.
Constantia, tolerantia, fortitudine,
atque prudentia opus est in evincendis
adversis. Porro quum artium quædam
utiles sint valde, ut militaris, jurispru-
dentia, medicina; aliæ ad voluptatem,
ut musica & pigmentaria, & picturæ
quædam; ad utrumque, ut vestiaria,
& architectura; quædam ad horum
nihil, ut numerandi & metiendi: in
uno è tribus generibus excellere oportet
eum qui existimationem habere
velit apud homines: maxime autem in
primo, ac tertio genere. Omne enim
lucrum ab existimatione in artib⁹ pro-
ficiscitur, existimatio à nobilitate, no-
bilitas à substantia artis, seu fine, aut
raritate, raritas ab excellentia artifi-
cis, vel exercendi modo. Erunt igitur
tria:

tria: nobilitas artis (atque de ea, in quibus constet, satis dictum est,) præstantia artificis, & exercendi. Verum præstantia artificis qualis esse debeat, unicuique manifestum est, & quomodo habeatur, scilicet studiis, meditatione, multa exercitatione, atque raris experimentis, & quod non omnibus datum est adire Corinthum: at, quod maxime conspicuum est omnibus, diligentia artificis, adeo ut etiam frustrata sine, existimationem retineat. Hæc vero duplex, ut etiam duo sunt genera artificum peritorum. At peritorum utilis est, & honesta ac pia, imperitorum vero inutilis, fucata, & detestanda. Quamobrem & priorem exercere oportet, & hanc maledictis prosequi, non quidem aperte, ne socios infectari videaris, quamquam omni reprehensione digni sint. Id ergo facies quasi commiserando. velut si dicas, Vellem ut recordatus esset inspectionis linguæ, aut ventris, hortisque illos, ut eum moneant, ut hæc animadvertat. Quod si dixerint, dorsum inspexisse, gratia exempli, quod tu neglexeris, statim respondebis subridens. Quorsum id? Hæc autem responsio statim facta, cum maxima auctoritate tua est, elevatque illius existimationem;

mationem: ita si non statim fiat, contrahasque vultum, multi pro malignitate interpretabuntur animi tui erga illum. Subjicies vero, ubi illa dixeris, denuo ut meminerit hæc inspicere, atque considerare.

Observare etiam debes, ut quicquid ab aliis constitutum fuerit, addendo, minuendo, locum, tempus, quantitatem, determinando limes. Denique si contra te unum multi consentiant, admonebis ex adstantibus unum atque præcipuum, ut saluti ægri consulat quod expediat; te contrarium propositurum: illos, ut tuam existimationem frangant, bene consulturos. Tum vero si id fecerint, dicet te prudentem & eruditum, qui quod oportet facere eos coëgeris. Si quod proponis, [fecerint,] imperitos rursus ostendes, & non audentes tibi repugnare. Ergo si existimationem tuam per conjunctos ægri, tum suos parasitos, elevarint; quadruplici via occures. Aliis enim fautoribus opus habes, & contemnendo verba prorsus, & detestando operi totus incumbes, imperabisque coram illis, cogesque assentiri: tum vero & infirmum & astantes terrebis, ne quid te inconsulto agant, commemorando (si non per alios id commode & honestius

478 HIERON. CARDANI
nestius facere licet) eos qui in illorum,
qui laudantur, manibus inopinato in-
terierint. Præstat in his, qui jam fa-
mam adepti sunt, partes quascunque
ægro parum utiles condere, ut teme-
ritatis (quam omnes formidant) opi-
nionem de illo seras cui suspitioni ar-
gumentum numquam deesse potest,
& quæ tibi locum præcipuum ad au-
toritatem, moderationis scilicet in a-
nimis omnium existimationem relin-
quat. Id vero modestius significare de-
cet, quam ut eum accuses, atque apud
tuos, non suos, fautores, (parum enim
prodest ferere in alieno agro;) & ut
magis illius infelicitatem, quam facta,
damnes. Id vero scire ut peragas, pru-
dentia opus est: exemploque superius
(sectione 79) te docui, quum singula
scribere nimis operosum esset. Interim
& animum eruditione plenum habere
oportet, & omnia ad simplex impe-
rium (quod maiestate quadam, ex au-
toritate, gravitate, operibus, sapien-
tia, ornatu, & comitatu constat,) tra-
ducere; ne vel minimum circa hoc sol-
licitus & imperitus, vel peritissimus
quamvis [sis,] & doctrina atque usu
præstes, plurimum tamen impeditus,
ægri salutem prodas: & ut in Prover-
bio est Glauci armorum permutatio,
ut

ut Deum offendas stultæ ambitionis,
 & prodigæ avaritiæ, & incerti lucri
 causa. Quamobrem etiam magis an-
 gue cavere oportet, ne (ut stulti qui-
 dam) ad verbosam contentionem de-
 venias. Ut nesciam quid turpius aut
 fœdus, maledicere ne, an male audi-
 re: hoc enim impotentia, illud stulti-
 tiæ argumentum, utrumque apud om-
 nes æque execrabile. Quum vero sint
 genera malorum sociorum, ambitio-
 forum, qui doctrinæ [aut eruditionis]
 prætextu omnia sibi vendicant, & cal-
 lidorum, qui visa damnant, & alia exe-
 quuntur, executionique mandari ab
 astantibus jubent, aliter alterius cura
 est. Nam ambitiosos fallere oportet
 clam; fallaces palam actorum coar-
 guere, non illorum mentionem fa-
 ciendo: (ad contentionem enim de-
 venires, & odium irritabile tibi com-
 parares:) sed contraria jubendo, atq;
 autoritatibus & ratione, si [res] expo-
 scat, cogendo ut assentiantur. Turgi-
 dum autem illum medicum coargues,
 & veterum autoritate palam. Quod si
 perseveret (ut plerumque contingere
 solet: omnes enim hi contumacissimi
 sunt, atque etiam impii, ac crudeles)
 dicas non venisse te ad certandum:
 hanc esse veterum sententiam; & (si
 licet)

480 HIERON. CARDANI
licet) alium tibi amicum advoca, qui
clam cum astantibus conveniat. Ita
sine strepitu auctoritatem illius elides.
Observare autem cum huiusmodi viris
occasionem oportet, velut in venatio-
ne & bello. Namque qui hostem in-
consulte, aut feras aggrediuntur, hi
quidem vacui præda redeunt, illi vin-
cuntur. Errores igitur manifestos, &
successus infelices, tum in eo ægro,
tum aliis, ejusdem observabis, ac dete-
ges. Nimis enim patientiæ est (ne fo-
cordiæ dicam) falsa illum opinione
laudari; & te, longe illo præstantio-
rem, & humano generi salubriorem,
posthaberi. Cave tamen, ne tu prior
illum carpas, vel ulla ratione irrites;
sed veteratorem deprehensum tua te-
stata innocentia publica, &c. Quod si
in emulum ambiciosum & stultum in-
cideris, difficile est recte facere. Magni
enim infortunii est, pugnare cum pro-
digis vitæ; & contendere cum his qui
ut te, evertant, se ipsos negligunt.
Nam urceus urceo frangitur; nec unius
damnum affert quippiam alteri com-
modi. Id vero accidit immodice am-
bitiosis præcipue viris: atque eo magis
procedit, si tu labores invidia mul-
torum, occupant in inscriptionibus,
consiliis, sedilibus, pompis, adulationi-
bus,

ARCANA PRVD. CIVIL. 481
nibus, familiaribus, loca indebita, &
non tam illis decora, quam tibi tur-
pia: quæ si negligas, præter dedecus,
in illis augment audaciam, ut jam nihil
tutum tibi sit, quod præripere non au-
deant. Quum enim omnia vitia nullis
terminis coërceantur, ambitio, tum
& avaritia præcipue; sunt natura infi-
nitæ. Quum hoc ergo sit arduum ne-
gotium, memineris illius dicti, Quum
non potes facere quod optimum est,
optimum esse puta facere quod minus
est turpe, periculosum aut damnosum.
In inscriptionibus, tum etiam aliis, si
ille primum occupet locum, tu extre-
mum accipito; si supremum, tu infi-
mum. Semper enim extrema eandem
habent autoritatem: aut si non, con-
fundis ordinem: quo sublato, nullum
tibi dedecus provenire potest; nec ille
quicquam obtinuit. Deo tribui solet
 α & ω : quoniam principii ac finis ea-
dem est ratio, & ambo præstantissima.
Præterea nimium & parum ad arro-
gantium pertinet; & Lacedæmonio-
rum vestis, (inquit Aristoteles 4 Polit.
cap. 7,) &c. Vbi ergo primus esse non
possis, ultimus sis. Sensim etiam per
amicos & modeste resistendum est illi,
ut discat nihil ei esse tutum ac sine
controversia, etiam in minimis, ne
Hh majora

majora audeat. Extremum enim ma-
 lorum est, finire ut gratis [aut impu-
 ne] insaniat: sed paulo minus, si con-
 temnēdo excites risum in scriptis, plus
 lœditur existimatio; quoniam scom-
 matibus locus non est: per quæ sæpe
 (quum reliqua non tibi importune ad-
 sunt) illudes illius temeritatem. Quale
 illud, Vbi sedet Pontifex, caput mensæ
 est; at non, si in capite mensæ sederis,
 Pontifex eris. Quod si acrius illum
 mordere velis, dices, In mensæ capite
 sedent aut Principes, aut moriones
 Semper autem in hujusmodi viris ob-
 servare oportet, ut summam retineas
 gravitatem; ut factis generosis excel-
 las; ut illum perpetuo per amicos in-
 quietes, ut illius fugias consuetudinem
 ut quum sermo de ipso habetur, con-
 temptui eum habeas, ac negligas, risu
 tantum levissimo testatus illius impro-
 bitatem, & quam parvæ apud omne
 debeat esse existimationis, nec ejus ul-
 lam rationem habendam. Quod si
 præter ambitionem, minime malum
 sit, cede; at subride. Sed rara avis est
 hæc, In universum, cum æmulis au-
 gravitate tanta esse oportet, ut illos ac-
 tui reverentiam compellas, aut tanta
 morum suavitate, ut illorum acerb-
 itatem edulcores, ac ruborem eis inji-
 cias.

cias, aut tanto splendore, tum artis
 præstantia, tum Fortunæ, ut eos ob-
 ruas, aut tanta potentia, ut te timeant,
 aut tanta calliditate, ut illos eludas.
 Hoc solum ut facillimum est, ita om-
 nibus aliis minus tutum est auxilium.
 Quoniam vero improbi debacchan-
 tur, nihili facientes necem hominum;
 luduntque in capita miserorum tam
 impie quam nefarie: ut (gratia exem-
 pli) quum multos tentando occidant,
 ut sanati sua industria videantur; tu
 quum jure quiescas, quoniam ea sola
 spes salutis relinquitur, in alterum
 duorum incidis; vel, ut, si moriatur
 æger, negligentia & imperitia tua mor-
 tuus videatur, si sanetur, casu sanatus
 credatur, quum nihil circa illum pere-
 geris. Crimen hoc, ut patentem viam
 ad falsam existimationem, aperire de-
 bes, tum queri quam late pateat ad
 falsam gloriam ex tam scelerato facto
 via. Tutissimum hoc solum, interquie-
 scere: tum ea ages quæ nihil movent,
 nec culpâri possunt. Magnum tamen
 videtur restare periculum ex perperam
 facto. Interim attentus esto. Nam etsi
 [æger] liberetur, non sine terribilibus
 casibus id contingere poterit: quibus
 tum opportune occures, & prædi-
 ctione casus facta, rursus comparatam
 Hh 2 funesto

funesto scelere gloriam, tamquam perituum servaveris, è manibus illius eripies. Rursus si auxilium in morituro, antea astantib⁹ proponant^r quod noxium sit, deinde instent, & assentiaris, hoc nihil pejus excogitari potest: qui mos est Bononiæ multis imperitis. Nam si assentiaris, reus es pœnæ capitalis: neque enim lex quicquam excusat qui causam mortis dederit, etiam animam agenti: Præterea, si sanetur, ab his sanatus creditur: si pereat, & dicas obfuisse, ut qui nullus sis, nec audeas contradicere his qui perperam consulunt, contemneris: si probaveris, videberis imperiti arbitrio regi. Si dicas, obstitisse vim morbi, (quod rectius dici potest;) quærent, cur non prædixeris? at hoc ipso etiam mendax fies. At si resistas, quum jam sit moriturus; ubi mortuus fuerit, te ignorantie & studii contradicendi accusabunt; dicentes, non perituum [fuisse,] si permisisses. Quod si illos damnes coram astantibus ægri malæ societatis, reddes tibi inimicos. Hoc tamen tutissimum est, postquam jam pessimos esseprehendisti, palam corripere [eos] autoritate [tua, quod] proposuerint malum auxilium; ut si [ita] facias, [à calumnia] absis; si non facias, & mo-

& moriatur, calumniam subeas. Nam si agrum deferas, odium conjunctorum subibis, & contemptum astantium: & si forte aliquando (quum omnino certus non fueris de illius morte reviviscat, vituperaberis. Rarissime quidem vidi egros utiliter quovis casu aut causa deferi: quamvis hoc jubeant clariores medici, nostri non tamen ferunt mores. Ergo illo reprehenso, & re improbata, relinque illi judicium, faciat ut volet. Quod si liceat, paucis mutatis, tuto adhibere, testatus parvam spem, & postquam illi summe placet, admittes. Demum, si non adhibito præsidio, te retractante [vel detrectante,] moriturus moriatur; illi vero te accusent; dicas illud omnino obfuturum; sed aliud esse quod illi non intelligebant, ut si pro unctione spinæ in distensione, unctionem in futura coronali [adhibuerint,] pro attonito morbo, vel, quod gravius est, Vtinam me celerius advocassetis, ante illud auxilium! alio ab eo facto commemorato. Sed si adeo profuturum confidebat, cur non & hoc adhibuit? sed postquam vidit obfuisse, hoc commentus est, ut velaret factum. In summa, in hujusmodi quam brevissime agere [optimum est, & ut multi intelligant illorum errata;

486 HIERON. CARDANI
nihil distincte proferendo, sed in quo
maxime errarunt, detegendo: velut
si dicas, Optarem ut [me] ante sectio-
nem venæ vocassent: [hoc] licet con-
tra tales sycophantas. Nam pessimo
nihil est pejus. Quod si querantur, ob-
jicito impudentiam eis; & illos malæ
societatis argue. Nam hos aut vi, aut
nullo alio modo tibi æquos reddas.
Cavere debemus in æmulis insectan-
dis, ne nimia insectatione pro con-
temptis efficiamus gloriosos; vel ne
nos carere iudicio deprehendamus:
velut Valverda; qui dum singulis fi-
guris adjicit, quomodo differat à Ve-
salii figura, prodit vanitatem propo-
siti; ut non docere veritatem quæsie-
rit, sed nil aliud, quam ut Vesalium
everteret. Itaque tantum absuit, ut id
consequutus sit, ut stultitiam suam
prodendo, & perturbato omni ordi-
ne, pulcherrimum opus (si quidem
in exprimendis figuris valde felix æ-
re fuerat) inutile prorsus reddiderit;
& quem nimis anxia cura deprimere
concupierat, assidua insectatione, &
stulto opere suo magis illustraverit.

Adversus autem æmulum ambitio-
sissimum, imperitum, perversum,
malignum, ac nequitia omni plenum,
potentem, fastuosum, nō aliter quam
ad-

adversus incompotum & magnum exercitum, cum minore, sed è veterano milite, certare oportet; scilicet instructa acie, autoritatibus, ratione urgendo, impellendo, ad contradictionem reducendo. Vbi terga paululum verterit, admone, accusa, coram increpa; nec umquam desinito, [antequam eum] profligaveris. Quod si ad maledicta & probra devenerit; dic, non esse his locum, sed de salute ægri certari: ad illa omnia, se suamque domum respiciat: satishabere domestici mali, ut non necesse sit, quærere aliunde. Antea vero ægrum, ejusque domesticos monebis, quod salutis ejus causa hoc solum facturus sis, aliter vitam illius in periculo versari: ob hoc expecta occasionem gravioris morbi. Illud præterea semper contra hujusmodi viros in ore habendum, etiam extra propositum, adesse ibi non contentionis causa, sed ut opitulemur ægro. Nihil autem tam utile fuerit in his, quam si artem ad genus earum revocaveris, quæ opera sua ostendunt. Errata enim quum mors tegat, à fine auspicari, oportet. Cadaver [itaque] dissecando, erroremque detegendo, [eos] prosternes.

Quum vero æmulum habes gravem,

H h 4

qui

qui te premat, exploratorem omni arte, omnique ingenio subijce, qui omnium eorum quæ æmulus tuus agit, certio[re]m [te] reddat, quæque tibi expediunt, consulat: & eum eligas etiam, quo (si oporteat) illum opprimere possis. Porro quomodo id facias, inferius edocebo.

Tum vero & eos qui agrum, te neglecto, curant, sic elides. Constat sane productum morbum vitæ efficere brevior[em]. Itaque ægros ipsos reprehendes, qui se illi commiserint: edocens, membra ejusmodi invalida reddi, & manere semper, unde necesse sit, numquam secunda illos frui valetudine, sed perpetuo obnoxios morbis ex hoc membro affecto: demum vitam efficere brevior[em]. Tua autem interest, ut non solum ratione, sed autoritatibus id comprob[es]. Quod si certamen sit de lucro, & ille [æmulus tuus] pauper, aut avarus, aut familia oneratus, operam precario locabis, merces vili pretio vides, donec eum discedere cogas.

Quum vero æmuli junguntur, velut chirurgus cū medico diætetico, tum fac ut chirurgus tuus cum diætetico conveniat, & chirurgus ejus tecum: inde ubi disruperis societatem, uterque deserat suum socium. Illi enim
jam

jam in graves inimicitias pervenerūt, quum serio disjuncti sint, nec tam facile poterunt coalescere, & illorum secreta rimatus es, ut qui finxeris inimicitias, non gesseris.

Quumque semper concisa brevitate in loquendo opus sit, & limato sermone, tum maxime erga æmulos, & præcipua à contrario sensu. Velut, Omnes amici me amant; nec ausi sunt vituperare inimici, nisi qui faciem hominis non sunt [conspicati.] Simile illud Antisthenis: Dubito ne mali quid egerim, quoniam improbus me laudat. Sed accommodatius huic proposito, id est, ad augendam existimationem à contrario, Non vituperabit me, nisi cui displicet innocentia aut virtus, juxta accusatoris & calumniæ naturam.

C A P. CV.

De Delatoribus.

VERVM & illud est delatorum [genus,] qui dum adulantur, aut insidiantur, aut ut benevolentiam captent, amicos, aut etiam notos, qui tibi non nocuerunt, infimulant: ut, si credas, inimicos tibi compares, illis frustra injuriam gravem inferas, si nō credas, quomodo admoneri poteris

H h 5

de in-

490 HIERON. CARDANI
de infidiis, quæ in te parantur? de pe-
riculis? de iactura? de infamia? deni-
que si amicus sit delator, merito te o-
derit, in posterumque in tuam perni-
ciem connivebit. In conventionibus
autem produnt literas, ut perdant,
aut alios ad conditionem compellant:
quorū causā nuncius mitti solet cum
epistola fidelitatis: sed & nuncium fal-
lere consueverunt, absconditis æmulis
post tabulatum, etiam ficta surditate,
ut clariorem vocem edere cogatur.
Quibus ambabus artibus proditus est
Regulus Sancti Pauli à Rege Galliarum.
Cavere igitur, & in suspitione abstinere
oportet.

C A P. CVI.

De infidiis ubi de Exploratore.

Q V V M vero aliquid habueris oc-
cultum, infidiabuntur, ut clancu-
lum id eripiant, mille infidiis; submis-
sisq; primum pauperibus, qui eo mor-
bo laborent, nonnumquam pro ali-
quo qui extra urbem sit, petentes auxi-
lia. Quod si non dederis, inimicos
ascisces tibi: si dederis, tuo invento,
sine labore, sine gratia, sine tuo com-
modo ullo insigni, potentur; imo &
irridebunt [te:] Si fefelleris, reus es
apud Deum. Itaque pulsus in unges oc-
cultis

cultis oleis, ordinem ac mensuram miris modis, ac difficillimis statues, ministros deterrens, si aberrent: præfatus etiam, ne numerum pervertant: magno id periculo fieri, non addas, vitæ, ne ægrum terreas, non [tamen] *magnum* omittas adjicere, ne tentare audeant. Multos etiam ministros adhibebis, & singula singulis mandabis: sic enim magis confusa res reddetur: Atque ea ratione omnia, ut quam maxime à medicorum traditionibus in illa causâ devient. Similiter de cibis, & cubili. Quædam etiam magis perpetua sint, quam id in quo est vis tota. Nam si plura sint necessaria, perturbato ordine facile est occulere. Iuramentum quoque exiges pro eo quod artificiosissimum videtur, in quo tamen vis non est. Nonnumquam coactus sum, quum suscepissem curandû, quem pro morituro dereliquerant, jubere ægro, ut tamdiu deterius se habere conquereretur, donec evasisset periculum; ne per pharmacopolas venenum subministrarent, aut mutarent profutura. Sunt & alia insidiarum genera; per domesticos, familiares, clientes, pueros, simplices, in te non solum; sed etiam in tuos. Quod si ut subscribas, aut rescribas, nomine potentes viri, atque

492 HIERON. CARDANI
atque amici tui, requirant, recipias te
facturum : sed tempus exige, quan-
tum sufficit, ut illum moneas, nisi res
periculo vacet, aut nuncium & episto-
lam ex sigillo & caractere noveris. Si
urgeant, dicas solitum illum esse pro-
priis notis ad te scribere, nunc te ne-
scire, cur omiserit. Rursus si amicum
subjiciant, qui à te petat, ut sua causa
magistratū aut Principem adeas, con-
tendes, &c. ut si neges, eum tibi red-
das inimicum, si assentiaris, Princi-
pem fatiges, si te ille amet; aut negli-
gat, si non amet. Fac igitur ut amicus
respondeat, invenisse alium qui eo mu-
nere fungatur. Cui dicto si acquiescat,
jam dolo res caret; si non, odium tui
quærunt, non communis amici rem.
Tunc ergo abiste, & amicum mone.
Quod si non acquiescit, stultus est, aut
non tibi amicus. Vtrovis modo expe-
dit deserere consuetudinem damno-
sam. Sed etsi dolo res careat, turpi fa-
cto operanda non est. Et si insidiis
per fictos amicos intervertere te quæ-
rant, re intellecta spem præbe, donec
illos fatiges, & ut nihil aliud interim
adversum te moliantur, prohibebis.
Hac occasione etiam deprehendes du-
bios amicos, jussio ut amicus ille fictus
cōsiliū à dubio petat, tamquam an-
cipiti

capiti animo tuo hac in re. Quodsi
convenit, & is inimicus tibi est, &
quodsi tibi consulenti etiam id sua-
deat, proditor plane est: si vero etiam
repugnantem in sententiam trahere
nititur, proditor est, & te contemnit,
ut stultum. Quare, ea occasione arre-
pta, graviter, (si potes) ut de exitiali
hoste, ultionem sumere oportet.

Porro insidiæ quæ ad prodicionem
spectant, & quæ contra potentes sunt;
adeo ut gravissimo cū periculo exer-
ceantur, initium ducunt à qualitate
personæ iratæ, vel levis, vel ipsi valde
amicæ, à causâ scilicet, querela vera,
vel ficta, à præmio ingenti; à modo; ut
scilicet per eos res agatur, qui non in-
vidiosi sunt, aut suspecti, tegaturque fi-
nis rei, priusquam negotium attinga-
mus: velut si cum sororio ejus magnis
pollicitis paciscamur, tentare dum à
proditore literas impetremus. Illis
enim tuta est nuntiis negotiatio, nec
periculum est, nisi ut ante primas lite-
ras re domino detecta, proditio ficta
agatur; quod persæpe contingit. Nam
secus literæ illæ loco pignoris sunt.
Reliqua deinceps prosequi haud ar-
duum est.

Si quis inimici amicus ad te veniat,
aut suspiceris de his qui causâ aliqua
tue

tuæ familiaritati se insinuant, quidam oblati cibis aut potibus illorum animos explorare consueverunt. Sed si res non ferat, aut illi sint audaciores (persæpe enim multis bonis & insciis proditor se adjungit) verbis illos blandis tamquam prius non agnovisse pœniteat, [ablega, & noli te] objicere importunæ consuetudini in futurum. Quod si omnino perseverent, suspicandum est. Tum vero, ne ex occulto aut dubio, verum & apertum facias inimicū (quum manifeste impudentiam suam prodat, & animum ad hostiles infidias, violentiæ, aut veneficii, aut delationis paratum) objicere oportet famulum aliquem petulantem: aut, si non licet ob potentiam, impedimentum menstruum ex negotio, aut ut referant te dormire, aut abesse; ipsis autem [famulis aut domesticis] otii nil superesse. Si vero quis interroget te [de] tributo Cæsaris, ille autem sit amicus, aut simplex, ut expisceris quis submiserit, dicas: Memoratu dignū affer: amicum tibi esse necesse est, & prudentem virum, qui hujus te admonuit: dicis fodes, quis est, qui tam utile tibi consilium dedit? Sed tempus interponere non oportet.

Si medicus (gratia exempli) socius
alia

alia seorsum præcipiat (quod multi facere consueverunt) ab his, in quibus convenerat jam, decet ex aliquo astantium scire. Nam jactus [in] incertum, parum utiles esse solent. Secus, admonebis hominem (tamquam in illo maxime fidas) officii: rationes autem addas periculi, si aliter fiat; eumque autorem facias inventi utilis. Ad astantes [vero conversus dicas,] te non dubitare de illius summa fide; periculum augendo, tamquam de dolo aliunde suspiceris. Vbi suspectum habes aliquem, quem scire qui sit tua inter sit, ad amicum verba facere oportet, ut exploret: at si non habes [verum, sed] simulatum amicum (nam horum numquam deest copia) verba habebis, ut velit explorare, qui sit: sed si non agit, vilisque conditionis sit (ac in tua potestate aliquo modo) dicas, Tua interest, ut quis sit ille, resciam; aliter tu ipse es. Nam infidos amicos, & ignobiles homines, ac fallaces, non nisi metu adversus se ipsos coges. Nonnumquam à principali blande sciscitaberis,

Insidiarum vero violentarum à latronibus (cujusmodi in urbibus magnis frequentes esse solent) tempus & consuetudo quædam est. Tempus; quoniam ad nictum [oculi,] aut aliud
signum

496 HIERON. CARDANI
signum id conficiunt; non ante. (Est enim & in his ordo quidam:) Consuetudo; quoniam [aliqui] malleo, alii gladio interficiunt. Cura enim est illis, ut uno ictu, & sine voce concidant. Ideo ne incognitos admittas solus; multo minus prope, ac retro: sed expeditum te serva. Aspice si adest apparatus. Tales enim ut lanii suum habere [cultrum] solent; maxime qui sues occidunt. Caveas scalarum summa, & fallaces structuras, & loca horrida, & sine pavimento; quoniam ibi facilius cadunt, & sanguis absorbetur, nec hominibus obvia sunt [& in iis] facile sepeliuntur [occisi.] Nox periculosior est, quam dies: & loca solitaria. Risus fictus adest, & verba plurima, sed non satis condita. Summa rei est, quod ubi imminet tempus, abscedentem sequuntur. Exemplum sume à laniis, quum boves sunt mactaturi. Sed de his omnibus infra.

Insidias vero, de quibus supra actum est, pietatis titulo, [sic] dignosces. Personam noveris primum: deinde quod blandis [verbis] te aggreditur: hæc enim via ad obtinendum aut detegendum animum. Deinde eo te deducunt, si renitaris, ut confitearis: si nolis, hæresis te reum agunt; si velis, & non cedas,

das, interrogant an sumturus sis corpus Christi? si neges, contemptus præceptorum te infimulant; si sumturus dicas, non absolutus, hæresis manifesto es in crimine. Si absolutum te dicas, negat id fieri potuisse: petit ut adducas sacerdotem; ostensurum id non fieri potuisse. Ita ex minimis initiis te implicat metu infamiæ, periculo fortunarum omnium, existimationis, & vitæ; ut nescias quo te vertas. Tum te aggreditur levibus: consulit quid agendum. Tunc cave: quodcunque exciderit seu acerbum, seu dissonum à prioribus, seu quid pollicearis, detinearis. Propterea nega colloquium. Si urgeat, dicas te illum cognoscere. Nam qui prudentiores, discedunt; non ignari, quanto periculo se exponant. Quod si incautus in casses decideris, docuerisque veniam impetrasse; opponas roganti illud, ut is ad eum potius eat, qui sit eruditior.

Si ergo propinatum sit [ægro] aliquid pravi, ut gloriam tuam evertant: dicas, Ego rem quæ te iuvit, antea exhibui; nunc immutatum est; nescio causam: nollem ut aliquid finistri contingeret. Propterea ignoscas mihi: nolo amplius tecum habere negotium. Intelligas modo tu: sed si consilium

Ii petat,

498 HIERON. CARDANI
petat, offeras curam ex scripto, quam
aliubi exequatur.

Est præterea infidiarum genus illud
exitiale, de quo mirabar diu, Bononia
quum essem: Maxime huic negotio
dabant operam, ut qui accederent ad
infirmum, animum illius confirma-
rent, dicentes ut nō formidaret, quod
omnino in tuto esset, etiamsi in extre-
mis laboraret. Id qua ratione agerent,
non poteram intelligere. Tandem a-
nimadverti, heredum esse consilium
vafrum: qui seu procurarent illius ne-
cem, seu saltem quidem expectarent,
id agebant, ne æger sibi timens cogita-
ret de mutando medico, aut de infi-
diatoribus abigendis, aut (quod magis
referret) mutandis testamenti tabulis:
ut nullum sit maleficarum infidiarum
magis argumentū hac importuna pro-
curatione confirmandi animi; quum
auxiliis bonis, (ut ego objiciebam, ne-
sciens quo tenderent,) non tam forti
animo ægrotantis opus esset.

Explorator duplex: [alienus, &] con-
junctus: is longe melior, quod non so-
lum actiones, sed & consilia novit. Sed
potentium est, & Principum, invenire
qui velit personam & nomen prodito-
ris (& plerumque non sine gravi peri-
culo) alterius causā subire. Et specu-
lato.

latoris aut puer [est,] aut vir: Puer, non quivis, sed callidus valde, & multa experiendo edoctus: minus suspectus est, & plura ei licent, sed iudicio inferior: Vir, unus aut duo, si fidi, longe meliores, minusque suspecti; aut ut alter ignoret: si unus, aut omnino vilis sit, aut qui contemnatur, aut splendide ornatus: medii conditione, sunt magis suspecti. Communia omnibus, assidere procul, ubi præstolentur, nec videantur, nec tum surgere; post accelerare gradum, oculo, non facie, aspiciendo. Vbi via mutanda est, prope sit, iuvat ad tarditatem, inspectio domorum, & figurarum, mictus, colloquia cum obviis: ad celeritatem, illos morantes ut prætergrediaris, inæqualitas incessus, maxime in puero, etiam cursus, lusus cum lapidibus, cantus, imo & saltus: in viro suspiria etiam quasi excusant, &c. Omnes hos non te, sed per amicum, invenire oportet. Quibus etiam optimum est (si tutum) per viam aliam eundo, necessario in eandem rursus redire: ut si sit in A, speculator in B, quum eum viderit, eat in D: ille in C: inde transibit ad H per [G,] & occurret speculatori quasi fortuito: quod si dum speculator est in E, non videt A ipse, & in F G, &c. Oportet

500 HIERON. CARDANI
tet igitur diligenter metiri gressum il-
lius, ut illi se accommodet speculator.
Quidam etiam mulieribus utuntur;
nec male. Plurimum enim absunt à
suspicionem.

Est etiam insidiarum genus duplex,
valde maleficum. Vnum, quum amicis
tuis persuadent, non esse quod sua-
dent, tibi noxium. Ita dupliciter ob-
dant: non solum re; sed amicos in
tui iacturam inducunt; ut etiam tu
merito illis irascaris. Aliud est, quum
quod per ipsos factum est, tamquam
vitio tuo contigerit, tibi imputant.
Velut quum mihi Bononiæ paucita-
tem discipulorum objicerent; cujus
causâ ipsi erant, quum etiam violen-
ter abducerent, & locum legendi at-
que horam occuparent; aliosque lecto-
res inducerent.

C A P. CVII.

De invidia abolenda.

INVIDIAM autem declinabis, si
apud æmulos & eorum amicos de
fortuna tua conqueraris; & non jactes
te, nec glorieris; verum illos humani-
ter amplectaris. Difficillimum sane est
existimationem [retinere,] & invidiam
fugere. Neque bonum est, valde fami-
liarem esse æmulis; nam incognitis in-
videre

ARCANA PRVD. CIVIL. 501
videre non solemus. Sed & fortunæ
potius [accepta] referre decet, quam
industriæ, vel virtuti, quæ eveniunt
bona. Vnde Sylla se Felicem voluit ap-
pellari. Invidia constat, non existima-
tio, quiete. Ergo ut alterum serves, al-
terum declines, mutationes apud æ-
mulos occulere oportet, ut lucrari,
honorari, vocari à Principibus: sed an-
tiqua solum ostentare.

C A P. CVIII.

De contemptu & irrisione.

Q VUM vero aliquis (gratia exem-
pli) domesticorum egri te irridet,
id magnum est: nam contemptum do-
minorum indicat: unde haud malum
fuerit missionem impetrare. Audiunt
enim famuli aut domestici quæ dicun-
tur in domo; & continere non pos-
sunt. Id vero ex aliis signis animadver-
tes: solutione, quæ minuitur; & risu,
dum discedis: nam tristes te excipiunt.
hæc enim proprie sunt contemptus si-
gna. Quod si cedere, grave nimium
sit, tu te ipsum contrahe, ac fortiter
resiste his, qui te oppugnant. Irrisio-
ni iracundia adversatur; tum alteratio in
causâ, præsentibus fautoribus tuis. Age
ut Paulus dicebat: urge, obsecra, &c.
increpa: memineris agi de honore tuo:

502 HIERON. CARDANI
causam contemptus venare. Si medicus molitus est technam, non servum aut ancillam reprehende, sed palam medicum: urge, quasi inscium culpæ. Dissimulabis enim. Omnibus præterea participibus, pharmacopolis, tonsoribus, obstetricibus, lucri causam honeste præbebis, autoritate tua servata. Nam quorsum tua imminuere, ut alterius nomen illustres? Perstare posses in proposito, & spernere, vel desperare restitutionem: sed res humanæ brevi finiuntur, & non constant diu; ut expectatio periculosa sit plerunque, semper autem damnosa: desperatio autem absurda; quum nihil apud nos tutum sit, aut spe careat. Similia, ut dixi, similibus, si superior sis, sunt propulsanda; atque id tantum. dissimilibus, si inferior; id enim necessarium. Si vero irrides, aut contemptum pateris, seu causa tua, seu causa non tua, ut restituaris, prorsus danda est opera. Sed exemplo utamur: Sit ut vocatus inter belli consultores, irridearis à Principe, aliis (ut fieri solet) in unum conspirantibus: tu vide an inconsulte aliquid, egeris, aut dixeris. Ut enim medicus numquam recte curabit morbum, nisi qui causam cognoverit bene; ita morborum, qui nobis in existimatione contingunt,

ARCANA PRVD. CIVIL. 503
tingunt, summa curæ est, cognitio
causæ. Fac igitur ut scias causam, an
sit error tuus an conspiratio æmulo-
rum, an Principis iudicium; an plura
ex his. Si autem causâ est error tuus,
ne excusaveris: fera enim excusatione
nihil pejus, quæ fatetur errorem, &
non in tempore illum diluit; nisi te op-
portunitas iuverit, ut quum refrica-
tur: tunc enim ut recenti vulnere me-
dendum est, diligentia, cura, & ora-
tione, quæ aut crimen & errorem esse
neget; aut doceat, nisi id fecisses, de-
terius negotium se habiturum. Ergo
corriges teipsum, seu error fuerit in
re; velut consuetudo; seu in modo, vel-
ut quum intempestive, minus appo-
site consulueris; seu in aliis, quæ ad ne-
gotium non pertinent, sermonibus
vanis, inanibus, incessu, ornatu, atque
similibus. Sic autem corriges, ut non
solum te ab erroris opinione in poste-
rum admittendi vindices, sed etiam
prioris suspicione, dum in contrarium
habitum versus es: Velut si de levitate
suspectus sis, continentissimus esto,
atque gravis admodum; adeo ut liceat
in contrarium transire vitium, modo
leve sit, atque purum: velut ex loqua-
ce, nugace, vaniloquo, in taciturnum,
& eum à quo verba sint vi extorquen-
da.

504 HIERON. CARDANI
da, ne refrices, aut iterum erres: tem-
pus omnia abolet, imo eluit. Vt erro-
res tuos cognoscas, amicum habeas,
qui quæ agas ac dicas consideret, ac li-
bere tibi renunciaret: dicat & quæ ab ini-
micis tuis objici sentiet. Quod si Prin-
cipis iudicium te premit, si parum pru-
dens est, tu te contineas, fautores quæ-
re, atque homines qui tecum sentiant:
licebit adhærere illi cuius opinionem
probat, tuam mutasse simulando sen-
tentiam. At si prudens est, credas ca-
lumniam persuasum: itaque apud illos
te tueberis. Si veriamans est, & vere
prudens, excusantem libenter audiet;
& defensionem amplectetur. Si ni-
mium pervicax, aut te oderit, aut ab
aliis fuerit persuasus, discede, si potes.
Periculosum enim, semper oblectari
potentioribus; plerumque & damnosum.

Si tui te, extra patriam dum fueris
(quod mihi contigit) contemnant,
diffamentque; contemptum illorum
perferre oportet. Dixi ego quærenti,
& interroganti, cur hoc? non esse illos
patrios, sed mercatores. In eos reci-
det contumelia, si (quemadmodum
& [evenit] mihi) duæ res affulserint:
auctoritas ex virtute, & [favor] à nobi-
lissimis concivibus eo in loco in quem
te contulisti.

De calumniâ apud Populum eradica-
dicanda.

AD abolendam vero calumniâ, quum ea duplex sit, judiciaria, & popularis; popularis multitudine & potentia amicorum te laudantium, tum vitæ synceritate, & oppositis rationibus vivendi dissolvitur. Velut si de pueris te accusant, mulieres habeto in domo; si de ignorantia, disputa, ede libros: sed & hoc jacta. Putant non posse convinci falsum testem, nec negantem orationem posse demonstrari. Verum falluntur. Nam Daniel senes, falsos testes, convicit, atque damnavit. Vbi vero hæc non sufficiant, libello edito te tueberis: sed ita, ut accusationis caput omittas; respondeas his quæ antecedunt, antequam ad illud descendas, & (ut dicitur,) *Excipias quam vulnus, te decet ante mederi.* Velut si inconstantem, cogitabundum cerebrosumque te appellare vulgo soleant; tu ne hujus memineris: sed ita exordieris: *Magnus abusus est, quod in tam periculosa re, qualis est hominum vita, medici tam inconsulto, ubi ad agros accesserint, statim nihil cogitantes dicunt medicamenta, præcipiant agenda, non cognito*

gnito morbo, non intellecta causa; atque id impune non solum sit illis, sed unde mors tot hominum, & miserorum languentium originem ducit, illis glorie cedat? O infandam audaciam, perfidam nequitiam, stultas hominum mentes, & in sua damna proclives! Adeo ut si quem suspensum stare virum probum, & sapientem, piumque, & in miserorum agrorum commoda intentum videant, tamquam ignarum (qui non statim doceat quae agenda sunt) aut alia cogitantem, & cerebrosum vocent. Tantum error potest Populi, & improborum artificum malignitas. In judiciaria autem [calumnia] exerce illud: (de hoc autem supra actum est:) scilicet, repetita interrogatione post aliquot dies; quod si justus sit iudex, accusator, & testes poenas luent; si improbus, opprimeris. Sed talia judicia ira Dei subsequi solet. Quum etiam coarctata loco & tempore fuerit calumnia, facile refellitur, aliud probando, eodem loco & tempore [à te factum aut dictum fuisse:] at sic etiam negans oratio probari solet, scilicet per affirmantem oppositam. Dubitatur autem, an melius sit, accusari, & absolvi in iudicio, an non esse accusatum? an per calumniam accusatum absolvi, ut innocentem, an non

non accusari? an intentari iudicium, sed omisſum deſperatione, an non intentari? an nominari; an in ſuſpicionem veniſſe, nec nominari? an veniſſe in ſuſpicionem; an prorſus non cogitaſſe quemquam de hoc? Et ſane in hiſ quæ effectum notum habent, ut occiſiſſe hominem, melius eſt per calumniam accuſatum, & innocentem pronuntiari: nam ad alia iudicia multum confert abſolvi; at alia ratione deterius eſt, quam non accuſari, quum gratia, pecunia, vi oratorum deſenſus videri poſſit. At in criminibus quæ effectum apertum non habent, ut hæreſi, concubitu puerorum, nullum eſt auxilium ab innocentia: ideo melius eſt bona Fortuna uti, ut ne in ſuſpicionem quidem cadas: adeo enim quædam maligna ſunt & exitialia, ut etiam cogitatio propria labefactare, & polluere hominem videatur: velut ſi quis de Deo male cogitare poſſe ſibi perſuadeat. In populari autem opinione omnis etiam ſuſpicio maculam affert: aut enim flagitioſus eſt, aut odioſus, & ob id huiuſmodi feruntur. Quamobrem nec dolori indulgens, queraris [te] petiſſimum veneno, vel ferro: exiſtimationem enim minuit, & animos inimicis & æmulis addit: videris

derisenim talis, in quem audere lice-
 rit: (Persuasum est enim imperitis, e-
 gregios viros etiam à cogitatione tu-
 tos esse debere :) Sed sufficiat queri de
 gravibus persecutionibus. At in judi-
 ciis, si æqui sint iudices, quæ non pro-
 bant, ubi de noto effectu agitur, ad
 opinionem calumniæ juvant. Absolu-
 tum autem de jure esse, ut indifferens
 est, ita ad innocentiam numquam tra-
 hi potest. Sic trifariam distinguendum:
 Si tu, tamquam non cures rem, que-
 raris publice, fabricatam in te pulcher-
 rimam technam, de re de qua nec cogi-
 taveris quidem; hoc autem breviter
 narrabis, cum risu indignationis ple-
 no: Aliter vero etiam si ad non ami-
 cum, tamquam ad amicum singula-
 rem, narrabis commentitiam fabu-
 lam, capita argumentorum tangendo,
 solum non enarrando; dolebis Fortu-
 nam tuam, mores hominum; quere-
 ris nullam esse his rebus propositam
 legem, aut saltem non observari: om-
 nia autem cum indignatione, ira, fre-
 mitu, verborum paucitate: nam hæc
 innocentia sunt indicia. Adjicere po-
 tes, quanto damno tibi sit; & criminis
 magnitudinem augere. Quanto enim
 majus à te fingitur, tanto quisque ab
 illo te [longius] velle abesse crediderit.

Noli

Noli tamen adferre probationes, nec proferre experimenta, quasi confusus in innocentia tua; sed expende amici opinionem, an à te, vel ab alio potius sit persuasus: Frigide consolabitur ab alio persuasus, aut tacitus manebit: si à te, ad ultionem incitabit te, & operam suam pollicebitur. Si ab alio persuasus est, ab ejus amicitia prorsus te subduces. Neque enim honesta vel utilis amicitia esse potest ejus, qui de te male sentit: sed aut fraudulenta est, aut ob timorem solum te cogit. Sic vero agendo, utriusque improbitatem testaberis, & tuam tueberis existimationem. At si stultitiæ te insimulent, jam hoc majus est æmulatione atque calumnia, &c. sed si hostilis infectatio: publiceque provocandus in judicium; & vindicanda quovis modo injuria. Nihil enim non licet contra tanti sceleris autores: quin etiam proscribere, atque vulgare maledicta de illis, factionem suscitare; & beneficio uti injustæ calumniæ si non potes, nihil melius, quam concessis à populo id ostendere. Est autem id: *Nullus majorum meorum stultus fuit: inde ridere.*

Vbi de religione agitur (quoniam hodie in ea summum est periculum.) ne umquam detegas te errasse: sed melius

lius

lius est omnino prætermittere; quum secus agendo, nec magis pietatem colas; velut vestis diebus primis quum impeditus sero ad sacrificium iveris, plus iacturæ affert quod videaris contemsisse, quam auxilietur pœnitentiæ opinio. Et ideo ne accesseris: sed postridie, aut alio die, quasi duplicato fœnore & re & exemplo utrique satisfacies. Hocque tutius apud plebem, honestius etiam apud nobiles: quorū ut non est simplicitas garrula, ita maximum decoris studium. Porro huic negotio maxime studere debent vere sapientes: nam nulli magis obnoxii populari calumniæ; ut optimi pro pessimis, & præstantissimi pro imperitis habeantur tot falsorum criminum seminatoribus: adeo ut nulli magis fiant obnoxii legibus, maxime tyrannorum; quibus innocentes opprimuntur, improbi elabuntur.

Quandoque juvat in aliis causis petere præsidium coram multitudine, aut prorsus contemnere rem, atque negligere. Quandoque enim ex compacto te oppugnabunt; ut si renitaris, turpiter cadas. Ostende itaque te veritatis tantum studiosum. Multum juvat hæc tensa [prætensio.] Quinetiam contemptum, ut dixi, ostendendo, magnitu-

ARCANA PRVD. CIVIL. 511
gnitudinē præferes. Quum vero quic-
quam multitudini invisum facere in
animo est, ne antea queraris; sed po-
tius laudibus evehas, optareque simu-
les. Sic enim omittendo quæ laudasti;
quæ optare visus es; id necessario fe-
cisse videberis; nec maledictis virulen-
tarum linguarum subjicieris. Solent
autem hæ occurrere calumniæ, his, qui
conjunctis sanguine destituti sunt, &
in principiis sementis hujus exitialis
parum diligentes fuerunt, & virtuti, &
persuasioni de se nimis confisi sunt.
Quod si per potentes viros, & aperte,
æmuli te calumnientur, potentiores
opponere oportet; indicia, &c. nam
& illa potentibus prosunt, &c. turbas
in populo fuscitare: tum vero æmulum
forſan (raro enim hoc genus infecta-
tionis à pluribus pendet) facilius fue-
rit evertere, quam resistere potenti.
Vbi calumniæ fundamentum verum
sit, res tamen ipsa dolo agitur; ut si me-
dico philosopho aut eloquenti (neque
enim prorsus imperitus omnium esse
potest) objiçatur quod novit, ad exi-
stimationem in arte elevandam; non
negabis (quod stulti faciunt,) sed opta-
re hanc gloriam simulabis: inde ali-
quo facto optare non esse, ostendes.
Horum altero existimabunt se nō no-
cere,

cere, ob idque desinent; altero totus videberis principali negotio intentus, & solum in eo perstare [aut præstare.] Nec versaris in periculo, ne non invertant exemplum, opinionis in principale; quoniam in eo acrem propugnatorem te esse oportet. Quid enim magis nocet existimationi, ut nullus sis, quam profiteri, & non præstare; verum turpiter vinci, atque nullum te exhibere? Si ergo hoc ipsum simulaveris, nonne omnem opinionem de te vulgatam eximes, atque eradicabis? Vbi vero indictis, & de calumnia doctrinæ, calumnia vulgetur maximæ adversus professores, juvat non è directo petere, neque sine occasione, sed transversim, & quasi per ænigma, perque occasionem, & brevi sermone, nec sine autoritate, si potes; & tacite illos ad certamen invitare. Quod (etsi postmodum parum præstiturus) agebat recte Cavenagus: *Veluti quum dicerent amuli, me fucatam doctrinam, atque coloratam, sed neque veram, neque ex veterum sententia, sed novam, spargere; dixit, tria genera animalium esse, quæ singula armavit Natura: viribus hac, illa fuga, alia dolo: in quo [postremo genere] sunt serpentes. Ob hoc Aristotelem dixisse, leonem esse ingenuis moribus, quod viribus suis*

suis confidat. Non occulte, si quid habent,
 insusurrent in discipulorum aures: Faci-
 le intellecturos, qui cervos se credunt, saltu
 esse asinos. Legant quæ de huiusmodi vi-
 ris scripsit Galenus (etiam producto loco:) *nam & idem certamen imperitorum & stupidorum adversus illum fuisse. Prodeant, prodeant [vel prodant,] si quid habent, dicebat Cavenagus; geminato verbo. Certum est quicumque nunc profitentur Papiæ, esse e nostris discipulis; nostraque scripta jam ubique legi: Tyrannicum esse, imo impudentium, maledicere, non adjecta ratione: Voces esse sparsas à quibusdam medicis, qui videant brevi futurum, ut si discipuli audire pergant, non solum se futuros longe superiores, sed etiam illos vera doctrina in lucem prodeunte, apud Populū contemptui habendos. Propterea sua interesse, ut quanto plus illi urgent, ac dissuadent, tanto acrius his studiis incumbant. Sed neque voto potentur. Nam si qui modo decepti verbis eorum, discedent; hi solum erunt qui imperiti sunt, & ob id desperabunt se posse eo pervenire ut illos superent. Nam qui præstant ingenio, non dubito quin sint perseveraturi. Talibus verbis & ipsi autores machinæ absterrentur. Quum vero numquam satis adversus hoc malum, quo præcipue omnes virtute præditi (velut asilis del-*
 K k , phini)

514 HIERON. CARDANI
phini) urgentur, [muniti simus,] id
maximum est calumniæ argumentū,
de pluribus generibus accusari. Nam
si falsa sunt, calumnia fere palam est;
si vera, quorsum tot, quæ ægre post-
modum probari possunt, inculcare;
quum in uno convicisse sufficiat? tum
præsertim [quum eum] in eodem ge-
nere multis exemplis peccasse, demon-
straverit. Atque hæc excusatio plus
habet efficacix apud magistratus, &
sapientes; & magis seria est illa apud
populum; quæ inanis ac levis, [&]
omnino fucata. Nihil autem efficacius
in respondendo, quam si coram po-
pulo vel iudicibus, ad certamen pro-
vocaveris. Quod mihi bis feliciter con-
tigit: Primum quidem simpliciter Me-
diolani; post Bononiæ; proposita con-
ditione, quum de lectionibus conque-
rerentur, simulata accusatione, dixi:
*Si omnes una ex his [calumniatoribus,
nam] professores, quam discipuli, vel pa-
ginam [unam qualem ego] scripseram,
super eodem libro (prositebar autem tum
secundum Hippocratis Epidemiorum li-
brum) conficere potuissent, gratis me velle
per annum profiteri: Sin non possent, sti-
pendium trecentis augerent coronatis, &
in posterum à calumnia desisterent. Ne-
mo nec in prima, nec in secunda obla-
tione*

tionem ausus est conditionem recipere; sponteque victos se fassi sunt. Potest & contorqueri conditio ad solos æmulos: idque tanto honestius, quanto prior efficacior, & gloriosior.

Porro scommatibus in his locus datur, tum etiam fabulis, sed brevibus admodum. Velut quum quidam gravitatem maximam immerito præ se ferret, dixi, Vt plures sibi sapiunt! ille probandus est, qui pluribus sapit. Quum aliquando non pro dignitate libri Epidemiorum, quem explicaturus eram, orassem, dixi, Bonum pannum numquam pulchrū habere limbum. Alteri dixi, Conon [aut Codrus] Rex mortuus est ut servaret exercitū, &c. quod non blandirer discipulis; nec equus, qui domini servat vitam, sed canis inutilis. Quum existimarent rarum me habiturum auditorium, respondi, Plures venduntur Donati, quam Virgilii; & Virgilii, quam Aristoteles. Observandum est in his, ut non solum rem ipsam honeste excuses, sed autores calumniæ simul graviter accuses; & ut facto ipsi simul medearis: & ut, si res aliter cedat; (velut quum postmodum pleno auditorio legi) ne eam partem inconsultius improbes. Verba humilia, vel res obscenæ numquam

516 HIERON. CARDANI
conveniunt, nisi indignabundis, & in
injuria manifesta, quum ipsi alioquin
graves habeantur. Nullum enim est
tam exiguum discrimen in sermone
apud multitudinem, quod evidentem
non faciat varietatem.

At quum res in angusto fuerit, op
pugnauerintque te, hinc urgendo, il
linc per suppositos astantes; tunc opus
est summa mansuetudine, patientia,
solicitudine, ac gravitate; diligenter
omnia considerando, & librum ha
bendo depromptum, omnia conti
nentem: & nihil est mali, nisi jactu
ra temporis: sed si potes, (ubi nec
illos flectere vales, nec cives intelli
gunt, sed sunt dementati) ne illo
rum vestigia sequaris, ac Deum offen
das, melius est locum abominabilem
relinquere. Verum si aliam sustine
provinciam, velut profitendi, & ibi
(maxime ob ambitionem discipulo
rum) viget hoc malum, ut nec retiro
nere tuto possis, nec honeste relinque
re munus, suscita sensim (si potes)
juvenes aliquos, eos ad rectam viam
dirigendo: aut gregarium te medicum
exhibe: hoc enim exoptant; & nil aliud
primum cupiunt. Verum nec id suffi
cit. Nam facilius ex secundo loco ac
ultimum te rejicient; quam ex primo
ad se

ad secundum. Necesse est igitur favere junioribus, atque illos instruere; & vitare truculentorum carnificum consuetudinem, ne in aliquod magnum malum importunitate sua te ingerant. Est enim difficillimum cum illis pugnare; nisi apud Principem aliquem optimum & prudentem sis: quum id accadat [in hoc negotio] quod dimicantibus cum illis qui vitam suam desponderunt: nam hi non vitam, sed animæ suæ curam abjecerunt.

Si injuria publica sit, & per pueros aliorum, in te, aut tuos, (maxime autem in usu sunt nomina insanix, ebrietatis, pædiconis, mœchæ mariti, aut deformitatis in corpore, tum ignavi,) nec pœna proposita publice est, velut Bononiæ, ac Romæ (ut mirer contra criminis inustam falsam notam solam actionem civilem relictam esse) Dominum, non illos, si vales, solus solum, de summa injuria, quæ nunc habetur in uxoris impudicitia, saltem dolore afficies, perterrefaciesque. Si cum præfracto negotium est, & tu per pueros idem ages, sine luce, per inanimata; inanimatis animata ulcisceris: post r. c. l. f. noc. ap. si potentior sit, ita ulcisceris in suis, ut non solum te cogatur relinquere, sed etiam perpetuo

518 HIERON. CARDANI
in mœrorevivat. Digni enim ejusmodi
homines sunt, quorum stirps prorsus
extirpetur, ab omni humanitate atque
virtute alieni. Illud diligenter cave, ne
ex tribus præfidiis perperam unum
pro alio eligas. Quod si lege agere li-
cet, nullo alio præsidio uti debes; non
solum quia melius multo, sed quod
Rempublicam bene constitutam esse
id doceat; ac illam non violare decet,
quæ te tuetur. Et qui peccat, minori
pœna dignus est; quoniam haud ex li-
centia id agit.

Specialiter autem si te insanum esse
divulgaverint, quod (ut dixi) sum-
mum est omnium convitium, dicas:
Si opinionem illorum de me, Dei esse
arbitrarer, utique ex hoc sermone, &c.
me suspenderem: Verum quum hanc
opinionem contrariam esse mihi per-
suadeam illi, quam de me Deus habet
(ut qui inimici Dei sint) gratulor mihi
ipsi non parum: Et tamen cum hoc
ipso etiam, si quando occasio detur,
meritas illis gratias agam.

C A P. CX.

De contentione.

IN contentionibus ansam præbent
improbi & æmuli, & qui te oderunt,
injuriâ inferendi. Summa est, ut pau-
cis ver-

cis verbis utaris, nec irascaris; & ut eo refugias, ut roges, an velit quicquam plus quam jure illi concessum? Si negat, respondeas, Igitur vim inferre paras: audite qui adestis: neque tu ergo, te ipso teste justus es vir. Si concedit, dices. Iam convenimus: neque ego quicquam aliud volo. Hæc maternæ linguæ sunt accommodata, nō ut Latine proferantur. At si cum sycophanta res sit, versa vice eisdem ille te obligat verbis, ut te decipiat. Respondebis igitur, Te velle sane quod jus æquumque præcipit: sed quale illud sit, videre te cupere: nam hoc titulo illum inique agere atque injuste.

Quidam adeo sunt impudentes, ut etiam ab incognitis quæ neganda essent amicis, petant; & si neges, minentur. Vbi tales videris, tempus petas ad deliberandum. Quod si velit in longum producere sermonem, ne feceris. Ipse enim paratus consilio, (& forsan vi etiam,) venit. Vbi respondendum est, meditata oratione paucis, & coram Principe, vel magistratu, vel potentioribus amicis, sermonem habeas: alium omnem recuses. Propterea obniti decet quantiscunque viribus, ne ulla ex parte te de tuo deturbet statu.

IN IURIAS ergo minores hoc in casu ulcisci debemus acriter & obstinate: sed ita, ut aliud quidvis potius, quam hoc, agere videamur. Blandum te inimico ostendes; & levibus etiam officiis quibusdam ita eum prosequeris, ut facilior ulciscendi occasio detur. Sed nec ulcisci injurias temere conaberis in levibus. Primum, quod turpis est vindicta, quæ offensæ non ex toto, neque maxima ex parte responderet. Dici enim solet, Inimico ad lumbos tenus demerso, manum præbe; ad scapulas vero usque, præcipitem age. Sed nec in quibusvis tentabis. Submitter enim forsitan amicos, etiam potentes, qui tuum animum explorent. Unde primum illum cautum reddes, ne in posterum amplius queas illi insidiari, aut ægre; & forsitan ille præoccupabit. Inde & illos qui ei amici sunt, concitabis; & ut improbum & vindicem gravem existiment. Neque est recta talium sententia: sed amici salutis potius consulunt, quam quod justum sit, judicent. Ob id ignotis hominibus numquam communicabis animum tuum, nec fides. Et quanto occasio pulchrior esse

esse videtur, fac ut aviculæ, &c. quæ suspectam, habent pinguiores escam, verba vero quæ infamiam, aut jacturam magnam tibi non pariunt, noli vindicare: est enim furiosus. Non est vindicta tentanda, nisi quum tanta & talis fuerit, ut illum saltem de statu suo dejicias. Quinimo si te rogant, noli (ut stulti solent) medium tenere; aut alacriter juva, aut omni studio illum perdere delibera. Si quis filium aut filiam [tuam] injuria affecerit (clam tamen, & illis non repugnantibus) non palam ulcisci oportet, quod absconditum est, &c. nec inultum sinere possit gloriari, &c. sed ubi gloriatur, aut ingratus sit, tunc clam, & ipso in scelere erga tuos, aut alienos, tamquam injurium & desertorem ulcisci illū oportet: hoc autem facile est, implicitum flagitiis & amore seductum. Si quis improbum te dicat, trifariam solent satisfacere; vel negando, his verbis; Non veritatem dicis; hoc honestius: Illud acrius, Mentiris: tamen æquivalent. Tertium est, Sum probus: hoc majus est, quam si dicas, Non. nam fieri potest, ut nec improbus sis, nec probus. Et quamquam ita sit, non tamen satisfacit: ut si dicas, Vera non dicis; licet plus dicas, quam si respondeas,

K^k 5

deas,

522 HIERON. CARDANI
deas, Non. & neges: nam illud super-
additum, Probus sum, non repugnat
illi. Quia quum dicit, Improbus es,
duo comprehendit, vel quod impro-
bus sis civiliter, id est, malus; vel ἀφι-
λόπρῳ apud Principes, vilis animi:
hoc non negas, quum dicis, Probus
sum; sed incumbit onus probandi ti-
bi: ideo injuria affectus es. At duorum
priorum modorum altero, ille ideo
injuria affectus est; quod si adjicias di-
cto, Probus sum sub omni sensu & si-
gnificato, honeste ultus es injuriam;
quia incumbit munus ei probandi. At
si cum periculo sis, melius est tacere,
aut dicere, Sum. nam dissimulantia
præsupponitur: incumbit tamen mu-
nus probandi tibi; nam injuriam fate-
ris. Melius est hoc, quam respondere,
Probus sum: irritas enim, & non sa-
tisfacis. Callidissime agitur, si audeas
dicere, Probus sum, addita generali
nota, ut dixi (modo enim sensus ma-
neat, nil referunt verba:) nam si adi-
ciat, Mentiris, putabit injuriam fecis-
se, quum acceperit. Neque enim post
juriam relatam licet amplius inferre,
aut excutere verbis; sed judicio aut fa-
cto opus est. Minor autem, & in po-
testate aliena, injuriam non dicitur
accipere, maxime in periculo, vel di-
gna ira,

gna ira, vel iusta suspicione ex ver-
bis contumeliosis, aut levi facto, ob
exempli utilitatem, & necessitatem
rei. Quod si quis præoccupet, dicendo
Mentiris, nec ille injuriam dixerat; suf-
ficit respondere, Quod sit improbus;
relataque est injuria: nec juvat eum, si
denuo repetat, Mentiris: sed injuriam
accepit; quia lex, & communis homi-
num consensus favet referenti. Et
multum etiam refert, an dicas, Verum
non est; &, Vera non dicis. Nam ex
communi consuetudine fertur primū;
nec dicit, illum scire, & fallere; sed po-
tius falli. Cum prudentibus plurimum
refert, ubi te onerent verbis, illud de-
esse tibi testari, quo maxime superbi-
loquentiam exercent. Velut si opulen-
to dicas, Tametsi pauper sum; (perito
literarum, imperitus;) non tamen de-
beo à te contemni; aut efficacius, in-
juriose me compellere debes. Nam &
per ironiam dicta suspiciantur; etsi se-
rio pondus hujusmodi verba habeant,
quasi ei causæ & tuo juri confusus hoc
agas, & superbe se gerat. Vnde con-
fessione illa, & tam ancipiti verbo, huc
illucque animo distorquetur.

○ Injurias Principum æquo animo &-
ras; ne te præcipitem agas. Memento
quā nihili singulos mortales faciant,
qui

§24 HIERON. CARDANI
qui non pari sint potestate. Exemplum
illud Proregis Neapolis nostris tem-
poribus, te moneat; qui tres pueros
(quorum natu maximus sextum deci-
mum annum non excesserat) nulla
caussa, nec inimicitia privata, quum
non potuisset invenire qui damnare
iudicio vellet, jugulari iussit; & pedi-
bus in campum qui ante arcem erat,
trahi. Hæc quum cogitaveris, nullã ti-
bi à Principe injuriam fieri posse, puta.

In universum, injurias Principum
& aliorum leves, spernendo prorsus
obliterabis, quum te id alto animo fa-
cere intelligant: graves preme, ut op-
portune vindicare possis. Sic Aftyagi
Harpagus, Cambyfis Prexaspes: quum
unus [patri] unicum filium epulan-
dum dederit; alter nulla causa filium
coram patre sagitta per cor directa
occiderit.

Injuriarum autem, quæ in verbis
constant, maximæ sunt, impietas &
insania. Prior periculosior; præcipue
his temporibus; posterior semper dam-
nosa in omnibus actionibus, atque
apud omnes. In priori, si semel in ca-
lumniam incideris, neglige, si absque
iudicio sit; si accusatus, fac ut iudicio
libereris: deinde accusatorem ita tra-
ctabis, ut exemplum præbeat aliis. Ne-
que

ARCANA PRVD. CIVIL. 525
que enim inultum quicquam ex his finire oportet. Interim vero sic vivas, ut nullam de te suspensionem præbeas; & ut contemnere [calumniatores] videaris.

C A P. CXII.

De iudicio.

IN his vero qui iudicio publico ipsi, vel in suis, perculsi sunt, nec desinunt æmuli infamia illos aspergere, mutatio loci necessaria est: aliter Hydra fiet Lernæa; & si pati etiam velit,

Veterem ferendo injuriam, invitat novam.

Si conetur ulcisci, aut resistere, quid inter tantos? aut etiam si cedat, dicent, In minoribus fervidus & impatiens, majora æquo animo tulit. Hoc est senum delirorum opprobrium. Aut igitur patienter omnia ferre, & Cynico more contemnere oportet (quod non est præsentis instituti) quaecumque sit, aut mutare locum necesse est, & in voluntarium cōcedere exilium, magnorum exemplo virorum; (Nasicæ, Metelli, Solonis, Lycurgi: qui tamen tolerabilia passi sunt) ne te, velut ignobiles canes, vulgus, & despecti homines, gloriæ inimicorum tuorum minime participes, prosequantur: à quibus si
vexe-

§26 HIERON. CARDANI
vexeris, ad quos recurre, ut dedecus
propulses? Liceat (ut mihi seni, & æter-
na molienti, non ut recte agenti, sed
ut minus male) rebus suis consulenti
differre aliquantulum. Semper enim,
ubi de spe æternitatis agitur, omnia
alia contemnere non solum licet, sed
etiam expedit: tum eo magis, quod
propositum huius libri est, hominem
(quantum fieri potest) ab exteriori-
bus damnis restituere [vel immunem
reddere.]

At generosioris spiritus fuerit, si ca-
lumnia publica opprimaris (nam sine
ea ut inimicus tractandus est) exem-
plum sequi Alcibiadis, & Coriolani,
Sertorii, ut [ad inimicos,] non ad a-
micos Reipublicæ tuæ refugias, apud
quos inimici tui plurimum potuerunt;
&, si ibi cadas, tua culpa cecidisse vi-
deberis; justamque priorem injuriam
dicent; velamenque sceleri obtendent;
& utcunque res cedat, ultionis spe ca-
rebis; quum necessarium esse constet,
ut quietus vivas: Nam si adversis post-
hæc premaris, duplici modo afficeris,
& contemneris miser. Si felix [fueris,]
quanto felicior [fuiisti,] eo magis luctus
dolor augebitur: Vt in huiusmodi ca-
sibus nullum sit solamen, præter vin-
dictam; in aliis omnibus (velut Cæsar
dere-

de regno dicere solebat) pietatem cole. Ita ergo liberali animo remitte, & ignosce. Sed neq; ad impotentes (quibus præter omnia hæc mala illud accedit, ut non habeant quod dent;) sed ad inimicos & potentes [confugiendum:] apud quos ne negligaris, aut opes, aut insignis facti gloriam tecum feres. Vix possis hoc facere, si inops abieris. Inde totus in vindictâ publicæ calumniæ intentus, & in commoda Regis tui, ne quicquam anceps, aut timidum, aut vile, aut ambitiosum, aut contradicendi studio cogitare videaris; sed grandia, utilia, prudentia. Etenim ulcisci pravos, liberare miseros aut servitute aut morte, forsan Deo ingratum non erit, si te magno animo justam ulcipientem injuriam foveat, & actum secundet: (nam sine ejus numine quis dubitat hæc fieri nō posse?) id tecum meditare, *Me evexit in apicem, illos excæcavit, ut mihi injuriam inferrent; & mihi animos addidit, & ut ulcisci possim, effecit. Sequamur igitur ea, ad quæ favor Dei, & inimicorum injuria nos invitat. Solatur me Philosophi dictum: Pulcherrima mors est in bello: & Virgilius,*

— pulchramque petit per vulnera mortem

& rur-

& rursus,

—— *Pulchrumque mori succurrit
in armis.*

Quum accusatus in quæstionem veneris, obfirma animum recta ratione Philosophorum: (Parum differt hoc ab illo:) Inde contra finem: aut fugias damnationem, in qua omnia continentur mala, supplicium, dedecus, irrisio, jactura rei, contemptus tuorum, verecundia, servitus. (Damnatorum enim corpora pro mortuis habentur; nec sunt suorum, sed publicata:) Demum adversus interrogationem. Veluti quendam amicum, quum accusatus esset, quod puerum corrupisset, illo etiam vehementer læso, quia de facto constabat, testis deerat, interrogarunt quanto tempore non concubisset cū femina (erat autem in juventutis flore) & ille miser dixit, jam quadriennum intercessisse: quum hoc responso non solum criminis suspensionem augeret, sed videretur jam pæderastes. Multum autē interesse videretur apud leges, an quis scelus admiserit, an sceleratus sit. Constat enim (si res apud justos judices agatur) longe gravius hoc puniri. Nam punire scelus, est inimici, non judicis, aut judicis, prorsus corrupti avaritia vel gratia aliorum;

ut sce-

aut sceleratum dimittere impunitum, iudicis nullius pretii, aut infamis. Ergo in huiusmodi dicere debuit, Se mulieribus usum. Sed si [plura] quarant subiciat, Hoc non esse arbitrii ipsorum, divinam confessionem exprimere: (quum etiam in illa nomen non requirant:) cum pluribus etiam potius quam cum una rem sæpius habere te, melius fuisset dixisse. In principali autem admirationem præferre oportet. Velut illud; Non puto hoc umquam dixisse [quemquam,] nec dicturum esse. Vbi affirmant; vocetur coram. (Neganti nulla possunt absque comprobatione adhiberi tormenta.) Vbi adfuerit, tuæ solertiæ [erit,] ut omnes credant, te infontem esse. Hoc autem alias docuimus (in Dialectica.) Per frequentes interrogationes etiam si factum constet, conjectura mendacii erit apud minus solertem, modo Iudex æquus sit.

In litibus, ab initio (si potes) conare excindere testes, corrumpendo, & iudicem adversariumque leniendo, vel deterrendo. Si non potes, aut sufficere non existimas, acriter procuratoribus obsta; iudicem non fatiga. Aut enim majore crimine obstrictum, aut majoris lucri rem esse putabit. Sed ut medi-

L I

camentis

530 HIERON. CARDANI
camentis concoctum morbum, non
amicis levibus, sed pecuniæ imperio
eradicabis [adversarium.]

Oportet etiam qui aliquid velit im-
petrare, scire mores eorum à quibus
obtinere debet. Sunt autem proprii, &
communes. Utrosque igitur scire de-
cet, & propriorum media propria, &
à quibus: potentium, & iudicum, (nam
& hi potentium, quod ad tempus atti-
net, è numero sunt.) Potentium igitur
& semper, & nunc, qui medii sunt, &
horum qui (ut dixi) proprii sunt. Ergo
huius ætatis (melius enim est, propius
accedere) voluptas scopus est. Ad vo-
luptatem autem via pecunia. Sed &
gloriam sub voluptate collocarunt.
Quicquid sub horum altero non est,
extra aleam est. Porro sub gloria, po-
tentiam collocant. Quinque ea se di-
gnos existiment, non metuunt, neque
infamiam, & sunt voces, neque facta
aliorum; unde minis non moventur,
sed irritantur. Propter voluptatem au-
tem molles effecti, & nolentes de mor-
te cogitare, illam, contemnunt, & quæ
ad illam, & quæ propter illam. Quam-
obrem quum propriam vitam negli-
gant, alienam nihili ducunt. Itaque
misericordia non moventur, neque
iustitia, neque æquo; ideoque neque
preci-

precibus; sed in fastidium vertuntur. Amicitia autem, quoniam ambitiosus non habet, &c. nisi quos vult esse pares; neque familiaritate, neque beneficiis amicum definit. Non ergo movetur aut iustitia, aut amicitia, neque metu, nec misericordia (sunt enim duri cordis,) neque precibus. Ergo quibus [movebuntur?] his quæ secundum voluptatem, & his quæ ad illam, & ambitiosa actione (sub qua etiam & contentio æmuli, & ultio continetur;) & demum reliquiis juris; ob id quod hoc est prædium iudicum & tabellionum: ob id etiam audaces & improbi (sed neque id semper) violare audent [jus.] propria autem uniuscujusque ex communibus discere licet.

C A P. CXIII.

De hostibus: ubi de Reconciliatione.

INIMICOS non prius inimicos esse, detegas, quam ulcisci illos possis: antea vero, non ut amici, sed nec ut inimici tractandi sunt. Præstiterit autem de illis utilitatem captare; velut in libris de Utilitate capienda ex adversis, dictum est. Porro de illis numquam sermonem facere decet; sed eorum actiones observare. Cave autem in omni contentionis genere, ne ordina-

rios iudices relinquo; sed illis insiste;
 & quantum potes, benevolos tibi red-
 de. Plurimi enim dum ad supremos re-
 fugere, periclitati sunt. Sed si inimicus
 per exploratores te tentet, numquam
 desistet; viamque nocendi inveniet tan-
 dem; nisi effecerit, ut suo se ipse malo
 conficiat. Quod effeceris, vel explora-
 tore supposito, qui tuus sit; aut eo,
 quo utitur, decepto. Præterea occul-
 tum inimicum ne apertum feceris. Qui
 enim occultum se putat, & mitius
 agit, dum detegit timet, & facilius op-
 primitur: cuius rei innumera sunt ex-
 empla. Itaque dissimulare inimicitiam,
 prudentissimorum hominum est. Et
 scias quod ab inimicis furibus, &c. pa-
 rum de vita timendum est: maxime si
 te non imparatum invenerint.

Quod si inimico reconciliari expe-
 diat (quum non exitialis est,) ad tem-
 pus, seu pro occasione, quum improbi
 est animi; aut etiam perpetuo, quum
 generosi; id optime ages communi ex-
 citato in tuum inimicum hoste. Vnde
 qui inductus est, pœnam facile luit,
 quum per eos per quos inductus est
 plectatur. Velut Fr. Sfortia secundus,
 quum Rhetos in Iacobum Medicem
 excitavit; inde junctus Rhetis, ad de-
 ditionem illum coëgit. Propterea per
 alios

alios id faciunt, ne proditores dici possint. Sfortia licuisse sibi dicebat, tamquam in rebellem. Ideo recte animadvertere oportet, pro quibus pugnare decreveris. Quum vero sint duo genera offensarum, publicum & privatum, reconciliatio in utroque per paria effici debet: nam privata, in publica offensa, non satisfacit injuriam passo; nec tuta est ei, qui fecit: Publica autem reconciliatio, in privatis inimiciis, scenici quid habet. Tutissima vero in unoquoque genere [reconciliatio fit] per amicos, potentes, generosos: primo per potentes & generosos, ideoque per magistratus; post per amicos generosos; inde per amicos potentes; post per generosos, si vere tales sint; post per amicos; post absque intermediis; pessime & inique per solos potentes, aut alios, qui neque generosi sint, neque amici.

C A P. CXIV.

De inimico exitiali.

QUOD SI quempiam ex illis exitialem tibi imminere cognoveris, nec te supinum projicias; (nulla enim in misericordia spes; postquam neque à Principibus, neque à ministris parci-
tur viduarum infantibus, frigore vel

Ll 3

fame

fame morituris:) neque contemnas,
quod tot modis, & tam facile cuique
paratum exitium est à quovis dome-
stico per venenum: Sed enitere ut il-
lum tam fortiter, quam etiam sapien-
ter, superes his quibus potes modis.
Tum primum, quod melius sit ul-
ciscendo mori, quam inultum. Sup-
pone igitur amicissimi tui amicum,
tamquam inimicum tuum, in illius fa-
miliaritatem receptum: quem adhor-
tationibus potentioris, officiis, polli-
citationibus onustum, imo etiam pe-
cunia corruptum, impelle ad detegen-
dum omnes illius machinas, consilia,
vimque ejus frangendam. De te num-
quam verbum habeat. Loco solitario
condat epistolas, obscuris descriptas
verbis, non tamen alienis notis, ne in-
suspicionem læsæ majestatis incidant:
vicissim & alias accepturus epistolas,
atque pecuniam: observato, ne quis
alius tollere possit: quum obviam fa-
ctus ei fueris, certo signo accepisse
quisque alteri, aut non accepisse, signi-
ficabit. Hujusmodi rationibus ampla
multiplexque via patebit ad securita-
tem tuam; totque modis, quot sunt
moriendi. Verum fac, ut & ipse ti-
meat: & quam pluribus potes ac gra-
vibus negotiis illum distine, & si
clam

ARCANA PRVD. CIVIL. 535
clam id agere non potes, minus odio-
sis.

Quum pugnandum est cum impari
conditione, &c. si ferro superior eva-
des; vel mora, si plures conspiraverint;
vel diversitate armorum; vel impari-
tos aggrediendo; vel carptim; vel ro-
bustiores imbecillioribus opponendo,
vel necessaria intercipiendo; vel per
suasmet [artes, vel per suosmet] oppri-
mendo; vel deducendo ad iniquum lo-
cum. Summum autem in periculis ad-
jumentum est, impræmeditados aggre-
di, & maxime admirandis consiliis.
Porro totam hanc tractationem in
quincto libro Fabularum docuimus;
dum vatre facta, Stratagemata, calli-
dasque technas enarraremus.

In reconciliatis autem inimicis de-
lectus habendus: non in quibus non
fidas, sed de quibus omnino non con-
fidas, ut de veteri inimico, velut in
proverbio: de viro improbo, si causa
manet odio: de ambitiosis, si tu hu-
mili sis conditione; (quod pleriq; non
norunt,) si periculum ei à te imminet,
vel subditus aliquando illi fueris.

C A P. CXV.

De ultione.

EXPEDITIVS est autem eos qui
proprii sunt, & semi corruptos, se-

Ll_4

pius

536 HIERON. CARDANI
pius urgendo corrumpere; ut siccissimorum humidissima, &c. & cœnam largiorem, &c. sectari. Natura enim pauperibus tot telas ad justas ultiones subministrasse non perperam videtur: sed ut intelligeremus [eam,] modo fortes sint, ac prudentes, magis illis, quam potentibus, cum suis stipatoribus, fuisse auxilio. Sed, si potes absque hoc in tam brevi vita, & fragili conditione, plenaque periculis, melius est civilem viam sequi, modo non sis viribus valde inferior: per amicos, sub inimicitiae specie suspectos, & fidos ministros, &c. reddes, & colloquiis fictis. Contra insidiis captos, iratos, avaros, inconstantesque dignosces. Ultionem, [inquies,] libenter dimitto; securitatem mihi: meisque quæro. Nam amicum fingere, non inimicum se ostendere, decet, qui ulcisci satagit. Aliud præterea est metuere, aliud est dolere. Necessaria est ultio, ob securitatem: Dignus est venia, qui justum ulciscitur dolorem. Lege Naturæ par pari referre licet. Ut non male declamator ille finxerit pauperem filios divitis ad pœnam exposcentem. Propterea inanis gloria in ultione, quando justa non est. Quum enim ultio sit ob securitatem, & justum dolorem, quorsum quærere famam,

famam, ut securitatem amittas? Solum ea ratione convenit, quum conjunctum ulcisci volumus, non ignotam illi esse vindictam, ut eum graviore dolore afficiamus. Et, si ultio publica sit, causa ejus esse debet, in quem ultio dirigitur; non ergo gloriæ.

Quinque sunt genera exitialium inimicorum: Qui solum volunt; quos permittere suo dolori par est: Qui possunt, & sciunt, non tamen audent; tuum est, in his an experiri tuo periculo velis: Quique audent; quos cogeris ulcisci: Qui etiam luctum intulere; ut non postea sit timendum; quibus, quod tuum non est, condonare nequeas; & (ut dixi) in quibus maxima pars ultionis est, ut eam intelligant: Demum quum etiam persequuntur; ut duplici ratione compellaris ulcisci: nec tunc parcendum est propriæ vitæ.

Ultio autem generosa sit, contemptis legibus, nec obnoxia: velut si[quis] clam solus occidat inimicum: deinde purpura vestitus in publicum prodeat. Sic quidam quum adulteram uxorem veneno sustulisset, illam (tametsi potens, & in magistratu) nullo funere dignatus, sed per vespillones solos extulit. I nunc; dic veneno sustulisse: ubi indicia? non ultum injuriam; satis con-

938 HIERON. CARDANI
stat nece, & contemptu cadaveris. Ge-
nerosior, contra leges, cum securitate;
ut in alieno loco. Generosissima, vi
hominum, & temporis occasione, se-
curitate parta; ceterum aperta, & con-
tra leges.

C A P. CXVI.

Ubi in arbitrio sis negotiatoris.

UBI in arbitrio sis negotiatoris: vel-
uti quum discessurus, statim au-
rum velles, aut à publica persona, aut
à debitore; [quod] ille pluris longe
vult existimare, quam valeat; si reci-
pis, magna jactura afficeris; si non re-
cipis, modus non est, ut perficere ne-
gotium possis: nec litem intendendi
tempus. Tunc bonis verbis agendum
est. Noli dissimulare, quod occultare
non potes. Sic ego in hujusmodi causâ
apud ministrum Regis testatus sum
necessitatem; ut, si vellet, etiam coge-
rer accipere, longe deteriore condi-
tione: sed scire, nobilem eum esse; fa-
cturum quæ nobilem deceant: me
beneficii memorem futurum. Dices,
Quid obstabat, ne quantum posset, ar-
roderet? Pudor primum, & quod tant-
illa re non fiebat dives, & nomen suum
ac existimationem profanabat: inde
quod accepta pecunia possem queri
apud

apud præfectos; atque ita coactus esset reddere ad quadrantem usque; ut nihil illi superfuturum fuisset, præter dedecus: denique, quod si perstitisset in pretio intolerabili, poteram accepto argento invenire aliquem, qui longe meliore conditione aurum in argentum illud commutasset. Dictum est autem superius de aliis huiusmodi: sed non par ratio, quum illi nil pensi habeant, honoremque jam prostituerint; & occasio magis sit momentanea. Negotiatorem superbum & iracundum cave; etiam procuratorem. Nihil enim aliud quærit ira illa injusta, quam tibi iuste non liceat irasci; imo nec queri. Hos igitur homines, ut pestilentissimos, devita.

Nec credas pecunias trapezitis, quantumvis fama opulentis, qui sumptus supra conditionem faciunt. Aut enim velare cariem, qua exesi sunt, cupiunt; aut stulti sunt. Sed & pecunias creditas, ubi hæc videris, (dico canes, equos, aleam, convivia, regiam supellectilem) repete.

CAP. CXVII.

*Ubi omnia tibi sint adversa: &
de mœrore.*

QUUM vero quasi irato Deo omnia tibi adversa contigerint (velut mihi

540 HIERON. CARDANI
mihi anno MDLXIII filius æmuli do-
mestici) ne te supinum abjeceris, nec
tibi defueris, neque spem abjicias. Co-
gita Deum cuncta disponentem, cœ-
lum, astra, aëremque communem, For-
tunæ volubilitatem; & ut sæpe maxi-
mis calamitatibus, tum multiplicibus
incommodis magna succedunt com-
moda. Vitæ contemplare brevitatem;
& quod illi eo perventuri sunt quo tu,
licet alia via. Nihil denique gratius his
qui te oderunt, cōtingere potest, quam
ut intelligant te succubuisse dolori, ces-
sasse, & pedem è pugna retulisse. Dum
Fortuna admodum contra te sævit,
omnino quiesce, aut velocissime cun-
cta age. Immota enim non tam facile
læduntur, à procellis; nec quæ sua ve-
locitate prævertunt ventorum impe-
tum. Sed & incisiones omnino aut
lentæ, aut celeres admodum, dolorem
non afferunt.

Sed quoniam tristitia solet oppri-
mere homines in hujusmodi casibus;
unde negotia abrumpuntur, vigiliæ
succedunt, corporisque ac virium con-
sumptio; & in senibus persæpe attoni-
tus morbus, aut resolutio, tum cæci-
tas, aut surditas, vel oblivio, aut stul-
titia; in juvenibus vero insania, aut fe-
bres malignæ, ex quibus moriuntur:
præ-

præterea [accidit] ut indignatione per-
 moti erumpant in verba aliqua, unde
 occasionem arripiunt inimici, scelera-
 tique magistratus, aut Tyranni, per-
 dendi illos: Ideo adversus hæc omnia
 præmunitum esse oportet: corporis
 cruciatu: mordeas: brachia unguibus
 discerpas, ad dolorem vehementem
 usque: [Nihil melius est, quam per tor-
 menta corporis, animi lenire anxietate-
 tem:] Præterea inedia, abstinencia vi-
 ni, ratione; potissimum ea admirabili
 quæ ante dissolutionem nulla videtur;
 ubi dissoluta est, demonstrat: Aut enim
 nihil à morte nobis superest, atque ita
 prope nihil sumus; in eo vero quod
 prope nihil est, nil magnum contin-
 gere potest: (Et quamquam quidem
 fingant magna, ut in ultionibus, pom-
 pis, atque huiusmodi; ubi tamen re-
 frixerint, & ipsi idem sentient, etiam
 in prospera Fortuna, & quantumvis
 secundis rebus:) Sed si animus est su-
 perstes, multo minus aliquid hic esse
 fingi potest, per quod beati vel miseri
 in hac vita possimus existimari: sed om-
 nia ad aliam vitam referenda erunt,
 cogitatione in Deum, quum vix dici
 ullus possit, qui deteriora patiatur his
 quæ fecerit, vel obfirmato animo fe-
 cisset, si potuisset: tum illius benigni-
 tatem

542 HIERON. CARDANI
tatem considerare. Iuvat & in hoc
Martyrum vitam, & supplicia indigna,
& patientiam legere, ac contemplari.
Croci etiam potu expertus sum levare
curas. Sed & diuturna [profunt] pe-
dum balnea calentis aquæ. Princeps
[Avicenna] recitat de Hyacintho [la-
pide pretioso:] non contigit mihi ex-
periri, an adeo præstet. Et dicitur et-
iam de Insulæ succo, cum vino. Orien-
tales maxime gaudent suo Opio: quo
etiam fortes in bello, & ad Venerem
prompti evadunt. Huiusmodi tamen,
præter necessitatem, violenta sunt, &
vitæ obsunt. Plurimum ex Philosophia
commodi habebis, dum oblivisceris
malorum omnium. Bona solum spe-
res: in virtute felicitatem constituas;
& ut ex malis bona decerpas. Difficil-
lima tempora sunt, habitatores iniqui;
non jus, non modus servatur: uxor
contumax, filius perditus: dic, Quam
felicior ceteris vivam cum aliis? Aleam
non laudo: nam primum fit jactura
nimia temporis; & homo assuescit ei
vitio, etiam si sine tristitia cogatur lu-
dere; & si certet de parvo pignore, non
tollit curam; & si exponat multas pe-
cunias, quum vix sufficiat, &c. liber
amicus, &c. ad victoriam occupatus,
disperdet omnino, & abiciet eas.

Sed

Sed redeo ad primum. Quum in desperatis casibus, iuvet tentare Fortunam absurda ratione, quæ quandoque utilior est, quod inexpectata (velut in Agathocle;) ideoq; hæsitatio & communicatio omnino inutilia & periculossima sint, & tota spes in audacia reposita sit; inutilis tamen, nec tentanda servis; (nisi quum alii multi in eodem discrimine fuerint, ut Spartaco;) neque tuta admodum privatis; Regibus solis persæpe necessaria; quibus non pugnare periculosius, quam pugnare. In universum acrem esse oportet.

C A P. CXVIII.

De his qui gravibus vitiis obstricti sunt.

Q V I C V N Q V E scelerate aliquid agere cogitat; primum respicere debet, ne contra leges id agat, pœnasque det: deinde si tuto etiam id agere liceat; cogitet an eum revocet à fine proprio humanæ vitæ, de quo dictum est. Insania enim mera est, maxima mala minimis deliciarum voluptatibus commutare. At ardeo, pereo, si illa non servantur. Non est amare hoc, sed furere. Propterea furorem cura; non exple libidinem. Ferri possunt quæ-

quęcunque ad finem bonum sunt; non meretrix sterilis, multo minus puer. Hic magis abominandus; illa damnosior. Sed priore consuetudine nihil deterius: fœditas, tot impedimenta, periculum, odium, & quod è directo pugnat cum principali felicitate. Ita in decipiendo spes saltem magna sit, ne fallas pro Caridionis, &c. Sit ergo flagitium semper cum fine atque virtute conjunctum: ut concubina, cum proli spe. In aliis occasioni serviendum, non pertinaciter inhærendum; neque etiam tum sine aliqua virtutis & finis humani specie: Ut raritate dedecus, & infamiam; virtutis factio, conscientię morbum sopias. Neque enim illud Tragicum probaverim,

*Per scelera semper sceleribus tutum
est iter.*

Κακοτροπία omnino fugias; in qua exitus infelix insitus est. Velut qui cum uxore divite divortium fecit, quod præpostere concumbere cum eo nollet: inde infamis; paulo post, etiam mœrore consumptus est. Minorum aliqua in domo; aliqua extra admittere, minus malum est. Nam concubina melius est ad securitatem proli habere in domo, & quæ excusari possunt; meretricem extra: utraque enim con-

ARCANA PRVD. CIVIL. 545
conditione caret. In domo si habeas,
habeas & custodem prudentem & fi-
dum, qui illarum impetus effrenes co-
erceat: Nec quicquam magnum com-
mittas, sed sub specie honoris: In di-
sciplina semper intenti, &c. sint, ut
locus non detur malę cogitationi. Phi-
losopho cuidam noto, quum nihil ho-
rum servaret, meretrix aufugit, ex-
pilata tota domo: inde etiam accu-
satus ab eo qui illam abduxerat, diu
fuit in vinculis. Vt habeas, lenone sci-
to, & pecunia opus est, aut possideas:
nisi vis tibi placeat. Multę enim cogi-
volunt; virgines præcipue. Fertur enim
illud Nasonis:

*Aut numquam tentes, aut perfice. Tol-
litur index,*

*Quum semel in partem criminis illa
venit.*

Cave etiam ne grandia pollicearis.
Nam quod præstare debent, etiam
majus existimabunt. Si dederis, ex-
haurieris; & ut glorientur, diffama-
bunt: si non dederis, discedent, aut
perpetua molestia te afficient. Cave
[eas] cum quibus non solum negotium
sit: Nam quę habent fratres, aut ama-
tores violentos, in magna te incom-
moda protrudent. Cautum etiam in
conversazione esse oportet; & magis
M m leviuscu-

546 HIERON. CARDANI
leviusculis donis persape, quam spe,
vel pecunia, allicere præstat. Si rem
iniquam tentaveris, queranturque, a-
manda, velut iratus, proxenetam. Me-
lius est etiam amarulentia continere,
quam se exponere periculo levitatis,
aut avaritiæ illorum, aut alicujus æ-
muli tui insidiis. Verum ita tempera-
factum, ut securitati tuæ caveas, & li-
centia moderate utaris. Memineris
quodcunque malum, magnum esse;
magna, dura: Dura mollia fiunt con-
suetudine intermediorum, &c. ni-
mium docemus: sed si pudorem occu-
pas, parcas dedecori. A sævitia absti-
neas: temperatus sis, nec ingratus. Tot
modis etiam apud Deum forsan ve-
niam sperare possis.

Porro quum tria sint bonorum ge-
nera; animi & corporis, ac fortunæ;
id malum inter vitia proprie dici me-
retur, quod omnia hæc simul evertit,
& etiam parens est aliorum omnium
vitiolorum: id vero est gula. Nam & for-
tunæ bona dissipat; & corpus langu-
idum reddit, & infirmum; & animum
vitiis replet. Nec quemquam ex his
non summe turpem invenies: Infini-
tisque id confirmatur exemplis.

C A P.

EX his autem quæ extra nos sunt, nulla est major cura, quam filiorum. Eorum enim amorem Deus nobis insinuavit, & opum: qui quamquã ob immoderantiam, malorum multorum causa sit: necessarium tamen est, illum esse, ac semper fuisse. Est etiam utilis: nam ob opes, artes coluntur; ob vitam, & filios, lucrum: ob filiorum etiam, vitam, & lucrum, ipsi erudiuntur. Porro filiorum causam omni pecuniæ antepponendam censeo. Quod si unus sit, quis ambigit? At si unus inter plures, nonne etiam ex illo continuata stirpe, quum (ut alias declaratum est,) orbis Dominum nasci necesse sit, plus habebunt quam quicquid quod amissisti, etiam si regnum sit. Qua etiam ratione, quum proportio infinita sit omnium, ad partem quamvis, & perpetui, ad id quod aliquando finem habet; palam est etiam in dubiis posthabendas omnes opes, (etiam si sint centum millia coronatorum Philippearum) filiorum periculis. Excipere debemus eos filios, qui extra spem sunt in posterum propagandæ stirpis: nam etiam si certo perituri sint, nihil hac

M m 2 causa

causla curabis: Et si opum amissio pluribus aliis, vel tantundem, id est, exitium pro exitio, aut periculum pro periculo afferat: pensanda denique diligenter; quum unius certum exitium si tollatur hac iactura, quæ periculum vitæ afferat pluribus, aut si plurium periculum, uni, opibus amissis, exitium afferat certum. Si qui vero ad vitia ardentes sint, & à patris obsequio alieni (quod etiam in fratribus & amicis utile est, & ferme unicum præsidium) illos accende adversus inimicos suos veros, aut fictos. Commune enim, aut grave odium, & quanto majus fuerit, conciliat animos. Narratur fabula de duobus canibus pugnantibus, & lupo adveniente. Secundum auxilium peti debet ex his qui moribus cū eis communicant; improbitatem autem & infamiam eandem nō habent: Nam ab illis qui eis se credunt permutantur; quum alia perturbatio à contrario violenta sit. Habet autem hoc rationem Alexipharmaci. Verum ubi aliquid boni inchoaverint, si damnes, spem & ardorem extingues; si laudes, vanos efficies, & ridiculos. Vna est ergo via; studium, promptitudinem, finis electionem probabis; tum quædam in singulis tamquam absoluta eliges, quæ

quæ laudes egregie. Docebis autem
 pauca, & quam leviter in singulis par-
 tibus; multa ut sint in omnibus, atq; ea
 una ratione comprehensa: Vt in pictu-
 ra, primum totius schema, inde mayo-
 rum partium, & ad totum & per se, &
 inter se delineationem; post partium
 in quibus illæ perficiuntur, & per se, &
 ad partes maiores, & inter se propor-
 tionem. Tum ad minores devenies:
 inde ad exiguas: post ad minimas: ul-
 timo ad umbras, fines, & insensiles no-
 tas. Triplicem illam rationem obser-
 vant. Demum ab initio repetens, ad
 colores totius devenies, partiumque
 maximarum; inde ad sequentes, ac mi-
 nores, exiguas, minimas, ac reliquas,
 quæ quasi termini sunt, & fines, & pa-
 themata. Ita magna leviter, & plurima
 paucis docēdo, illum ad multa & ma-
 gna errata corrigenda induces; quum
 in paucis ac levibus se defecisse, & sibi
 solum, persuaserit. Vt vero tradas ma-
 gistris, eos eligas, qui sciant docere, &
 qui hoc velint: Magnus enim labor,
 tædiumque majus. Rem tamen & ab
 experimento in aliis dijudicabis. In lu-
 dis, laboriosos solum permitte: nam
 perseverādo robustiores fiunt; & faci-
 lius desistent, qui sunt molliores. Ita in-
 dulgētia hæc illis aut utilis erit, aut pa-

550 HIERON. CARDANI
rum noxia; certe laudabilis. Quod præ-
ceptum est, generale esse debet. A lu-
dis sedentariis arcere oportet, ne di-
scant; ubi didicerint, occupatos adeo
tenere, ut dediscant; fido socio etiam
apposito: aliter tam diu habere in vin-
culis, & obscuro loco, ut visus jactu-
ram faciant. Nihil enim atrocius ludol-
alex, qui mane divitem, sero [vespere]
possit efficere mendicum. Absint de-
nique blanditiæ omnes, & maxime ab
educatoribus. Eorum loco perpetua
sint benefacta. Sed & omnes blandidi-
cos, & blandiloquentes summoveas:
tum quia hæc nihil juvant, & sunt im-
probi animi indicia certa; tum quia
assuefaciunt animū juvenilem ad hæc
veneficia. At si extra domum in spem
collocare velimus: gratiosos, & effi-
caces, cum Principibus; solertes, & la-
boriosos, cum opulentis mercatori-
bus; ingeniosos, cum magnis artifi-
bus; mansuetos & æquales, cum filiis
ditiorum, ut simul erudiantur; cum
osoribus suorum, &c. senibus præci-
pue, atque avaris, obsequiosos, pa-
tientes, sagaces, sed experitos [aut ex-
peditos.] Secus stulte: nam non plu-
ra genera sunt, nisi propter conjun-
ctionem sanguinis. Porro pro studiis
liberalibus adhibenda (communi et-
iam

ARCANA PRVD. CIVIL. 551
iam regula in electione puerorum) in-
itia Geometriæ, pro rerum memoria:
nam vocant imaginationem; syllogi-
smos, pro ratione; orationibus solu-
tis experieris memoriam verborum.
Ratio alterutri memoriæ bene copu-
latur; ipse inter se minime. Sineratio-
ne neminem studiis, imo ne negotiis
quidem, adhibebis. Memoriæ ergo ver-
borum [inserviunt] oratoria, gram-
matica, leges, hiſtoriæ; rerum, omnes
ferme reliquæ disciplinæ liberales, tum
artes mechanicæ. Communes quasi,
geographia, & simplicium cognitio. In
docendo, &c. quæ jucunda eſſe præ-
ſtat, repetitione, addito ſemper deco-
re; quæ jucunde & celeriter, intenden-
do exercitationem, admirabilem fru-
ctum paries. Quum vero duo ſint mo-
di pueros ad virtutem inducendi; per
blanditias, & vim; blanditiæ conſtant
verborum lenitate, æmulatione, ad-
hortatione, rationibus, promiſſis, ac
præmiis: vis, timore, verberibus, car-
cere, fame. Meliores ſunt, in univer-
ſum, blanditiæ, vi: & in vi, fugere
oportet verbera: nam etſi proficiant,
ex his, ubi defecerit ætas, impleto ce-
rebro lachrymali materia, ſtulti aut
improbi evadunt: ut niſi militiam ex-
ercitaturis, ob doloris patientiam, nō

M m 4 con.

conveniat. Fames autem valde convenit: nam non solum curat, mutatque temperaturam, & gravia flagitia emendat, omnemque contumaciam frangit; sed in consuetudinem versa, etiam adulta ætate plurimum auxilii ad moderationem morum affert. Metus autem medius est inter vim & blanditias. Carcer non, nisi fame adjuncta, convenit. Filias ne nuptui des, ante vigesimum annum. In puerorum quoque institutione literaria, gravem propone sententiam, quæ diligenter pensanda est: quam eleganter vertant, recta ratione scribendi, charactere pulchro, & in syllogismum convertant. Ita moribus, facundiæ, orthographiæ, scribendi exercitationi, & demum dialecticæ prospicimus. In his etiam cavenda sunt duo maxima vitia, de quibus magistri grammaticæ (veluti virtutibus) gloriantur: unum est, ut pueri excipiant notis quæ illi docent; nam scribere dediscunt: alterum est, ut sine mora interrogatis respondeant; quo fit, ut inconsulti evadant, & linguæ præcipitis.

Ei autem qui plures habuerit filios, & maxime jam adultos, & si laboret invidia, aut locus sit factiosus, aut tyrannica administratio, [utile est,] ut
non

non solum dividat binos ac binos extra domum, sed ditionem: ne uno veneno, ruina domus, seditione, rixa, accusatione, terræ motu, fulmine omnes perant: ut Vgolino olim [evenit;] & nostra tempestate illi qui septem habuit filios, quos inimici exilio damnarunt, corrupto pecunia iudice; inde statim circumdata domo ignibus, acceptos sub fide omnes jugularunt. Nec audebunt in paucos; quum sciant ad vindictam superesse multos. Eruntque tamquam speculatores; & plura noscent: Nec, si unus peccet, adeo animi illorum commovebuntur in omnes; nec cogentur [aut conabuntur,] etiam si possent, cunctos occidere; vel si non occidant, ut vindicare honeste nequeant, qui vitam acceptam habet. Sed si parvi sint, etiam melius erit, majores extra domum habere. Multis hoc profuit. Sed & si duo; & habeas cui alterum eorum committas.

CAP. CXX.

Quum duæ conditiones simul repugnantes proponuntur.

IN electionibus vero, quum duo proponuntur, aut plura, quæ simul haberi non possunt; aut, si unum habeas, aliud melius loco ejus consequi velis,

M m 5 multi

554 HIERON. CARDANI
multi modi sunt: in quibus plerique
decipiuntur. Verum unus tantum se-
cucus est, ut non abjicias unum, ante-
quam alio potiaris. Sed quia retinen-
do, versaris in periculo, ne non coga-
ris postmodum continuare in priore
conditione; oportet aliquid, quantita-
te solum differens, interponere, cui
possis assentiri, aut renuere: velut pe-
tendo mille, illi offerant sexcentos;
differ promissionem, donec cum se-
cundo exegeris conclusionem, tum si
obstrictus, &c. fueris, tacite conve-
nias; & eo usque obdura, donec libe-
reris à conventionem. Si autem non po-
tueris convenire, illis cede, & conven-
tionem retine. In universum, in hu-
jusmodi etiam fidem frangere licet.
Nam in his turpius est, decipi, & stul-
tum esse, quam perfidum.

C A P. CXXI.

De contrariis indicationibus.

QVVM vero contrariæ fuerint in-
dicationes; ut pote à genere, di-
versa ei quæ à specie, vel magnitudi-
ne, aut numero, aut modo, aut occa-
sione, aut multitudine generum; me-
dicis facile est se explicare ab hac diffi-
cultate, dicentibus, Esse observandam
potentiolem. At non tam perspicuum
est in

est in hac causâ. Vtar autem exemplo : Lucius Mutinensis , à secretis Principis Ferrariæ, vir moribus ornatissimus , res meas sine vectigalibus transmitti curavit : Ego quum postridie Ferrariam venissem, memor beneficii , quod tanto gratius mihi erat, quanto minus illi notus è facie eram, nec ulla cum eo intercesserat consuetudo ; hæsitabam (quod togam non haberem) an illum inviserem. Officium ad pecuniam pertinebat; sine toga esse, ad honorem. Vincebat species generi juncta, genus solum : nam genere tenebar. Præcipuum enim genus est, gratiam reddere. Sed quia erat de pecunia, & pauca, etiam vincebat ratio existimationis. Quamobrem in huiusmodi maxime oportunæ sunt excusationes, etiam si veræ non sint: velut morbi, celeritatis nimix; venisse, sed invenisse; aut illatum impedimentum, quod ego dicere poteram vere. Nam quum gratiam soleam anteferre omnibus, adieram hominem; sed non sum admissus à familiari, quod illum diceret ægrotare. Prima ergo ratio generis est, gratiæ, inde honoris; posthabenda est ratio cæterorum. Nec potest constitui generalis regula : quia ubi parva est differentia magnitudinis officii,

ficii, genus numero & speciei præferri debet, tum etiam generum multitudi-
ni: species ubi genus imminuat, & oc-
casio, velut prodire palliatum coram
magistratu, plurimum potest: ob id
officium in magnitudinem, personam
illius, tuamque, occasionem præsen-
tem, & quæ immineant, & quæ expe-
ctes, in recte judicando considerare di-
ligentissime oportet. Semper autem
non agendo melius est peccare, quam
perperam agendo; & in his quæ emen-
dari possunt quavis via; & quæ à peri-
culo multum, ab honesto parum ab-
sunt; & ubi de vita tua, aut filiorum,
aut omnibus opibus non pericliteris.

Contingit etiam aliquando casus
multipliciter involutus: qualem exem-
plo nunc demonstrabo. Quum Bono-
niæ essem, ægrotabat frater ejus, qui
legatus fuerat apud Pontificem alias,
quum ægre ac vix obtinui conditio-
nem minus honestam, profitendi Bo-
noniæ munus: tum vero nec ille ad-
fuerat in secunda electione, quod, ut
dixi, tamquam suffragium, &c. me
posuerit, &c. haberi potest. Ego tamen
memor prioris officii, & quod frater
ejus inter primarios haberetur, & cō-
parandæ bonæ famæ causā; pecunias
repudiaram; tum quia minime de exi-
tu cer-

tu certus essem. Tum vero alius medicus me inferior, omniratione nitebatur locum occupare, & me antecedere. Quum ergo vocatus essem, missio- nem fecisse illius, æger simulavit : sed postmodum apparuit, illum ut simul mecum colloqueretur, vocasse : atque ille pecunias accipiebat. Is autem imperitus admodum erat; ut morbus huiusmodi nec ab illo, nec socio, qui cum eo colludebat, curari posset : sed neque ego certe sperabam, me illum sanare posse. Itaque, si negassem, quum tam paucis antea diebus, consensu miro senatus, muneri profitendi addictus essem; verebar, ne ingratitude me insimularent : si accederem, multa obstabant: dedecus quasi, quum ego precario [aut gratis] operam meam, ille cum præmio collocare videremur: deinde existimatio multis modis imminuta, pugna; quum ego præponi inferiorem nollem, ille digniores antecedere vellet : præterea quod etiam arcana esset intellecturus mea [medicamenta,] nec quicquã ægro profutura, contradicente illo : demum, quod maximum erat, existimationem recuperaturus [esset ille] societate mea, quam dissidio funditus everterat: præterea si cum ipso colloqui volebam,

nec

558 HIERON. CARDANI
nec propalare arcana, nec quo morbo
laboraret, patefacere, impium erat : &
etiam quod gloriari posset, me super-
vocatū nihil profecisse : inde ut ever-
teret jam partam de aliis bonam fa-
mam : & maxime, quod fratres, & di-
spensatorem domus in suam senten-
tiam traxerat. Ergo in huiusmodi dif-
ficultatibus optimum est, aliquando
invisere ægrum, bona consilia dare :
Ita locum retines eundo ; existimatio-
nem, raro adeundo : Si quid boni eve-
nerit, particeps es laudis ; si quid fini-
stri, immunis es ab accusatione : quin-
imo ægrum coges illis [aliis] relictis, in
manus tuas se committere. Memento
autem præceptorum superiorum.

In hoc casu est dedicatio librorum
Principibus : nam si veterem sequi mo-
rem velis, ut si te Summo Pontifici
præponas, præter id quod rideberis,
non ferent : novam consuetudinem
sequi velis, exhibilabunt te Grammati-
ci, ut barbarum ; & inconditam facies
orationem : si mediam sequi, ut pleri-
que faciunt, rationem, nec uni nec al-
teri satisfacies. Huic tamen difficulta-
ri viam aperuit Plinius Cæcilius ; &
eam tulit Trajanus, Princeps alioquin
modestissimus, ut Dominus appella-
retur, quum esset hoc nomen maxime
Roma-

Romanis invisum: Quapropter illum
 sequamur, ut sit brevissima: eo enim
 nomine, in quo omnia contineban-
 tur, merito uterque contentus fuit; &
 ut hic de maiestate nihil minueret: &
 ut ille ambitiosus non videretur. Si-
 mili mediocritate in Epistola ad Prin-
 cipem uteris: ut negando id facere
 posse; quod Vesalius ad Carolum quin-
 tum scribens, pulchre observat; nec
 exiguus, aut negligens, nec adulator
 videberis. Nam aliud est munus, Epi-
 stolam ad illum dirigentis; aliud histo-
 riam omnibus narrantis; aliud ejus,
 qui vitam illius narrando, quibus eum
 potest modis post obitum laudare in-
 stituit, quum nec legere possit. Tum
 enim eo latior est ad laudationem
 via, quo minus ille potest intelligere se
 laudari.

C A P. CXXII.

Opes, an honor, præferenda.

QVÆRI autem solet, an ceden-
 dum potius honori; an fortunis
 omnibus? Sit senex (ut ego jam nunc
 sum) falso accusatus, nec iudices vin-
 dicent: ut vel transmigrandum sit, si
 honori consulere velis, atque omnia
 evertere, aut stando contumeliam fer-
 re; quid agendum? Excusat sane ætas:
 sed

sed non in Philosopho, & sapiente; nec ob levis exilii metum. Quid si fugiendo etiam, præter damnum, dedecus subeas, ut ferunt tempora? Deinde quomodo consulam nepoti? Ergo propter spem immortalitatis, quiescendum. Est enim, ut alias dixi, res infinita: Mutantur magistratus, & regna, & imperia; æternum manet in omnem spem. Propterea talibus quiescendum est. Si hæc spes non adsit transmigrandi statim, semper honestioribus consulendum. Honestiora autem sunt necessaria, & perpetua. In reliquis honos præferendus est: sed si fugiendo servare possis stirpem, considera quid illi magis conducatur. Neque enim par est illos [liberos] deserere; aut, si neque errarunt, neque peccarunt, tuis infortuniis affici. Vita enim tua transibit; illorum manet. Omnia ista dedecora tempore obliterantur, & delentur; posteritui in tua patientia aut gloriabuntur, aut saltem stabunt, ac vivent. Imitare animalia bruta, sed generosa; quæ pro catulis suis ac prole pugnât: quanto magis, si te & illos servare possis? Sed si manendo idem periculum fuerit, ob contemptum, nec tunc tuis consulueris. Æqua igitur lance hæc perpendenda sunt. In universum: Pro se ipso

ipso solo, honori; pro suis, utilitati
(quandoquidem dedecoris ex alterius
facto nemo particeps sit) consulendum est.

CAP. CXXIII.

De gloria.

DV B I V M fane satis est, an melius
illud *λάτρε βιώσεις*, ut dicebat, E-
picurus ille, seu Epicureus fuerit. At
qui gloriam præferunt, velut Plutar-
chus, scire debent, quid sit gloria: ne-
que enim aliter eam adipisci poterunt,
nisi noverint quid sit. Et quamquam
ab Aristotele definiatur, obiter tamen
quasi; à Cicerone autem (licet de ea
duos conscripserit libros,] quum non
esset sui muneris, non adeo definiri
potuit: cujus indicio est, quod plures
de gloria tradidit diffinitiones, & et-
iam multas illius species fecit; quod
recte definienti, minime conveniebat.
Est ergo gloria, admirandæ virtutis
celebris fama. Itaque opum nulla est
gloria, neque roboris, nec honorum,
neque magistratum, sed fucata; quo-
niam non sunt virtutes huiusmodi;
unde etiam neque perennia. Virtus au-
tem triplex: vulgaris, ut fortitudo mi-
litis legionarii; hæc gloriam non parit,
ob multitudinem exemplorum: excel-
lens,

N n

lens,

562 HIERON. CARDANI
lens, velut L. Petrosidii aquiliferi; nam
etsi obrutus multitudine hostium, for-
titerque pugnans, aquilam intra val-
lum, ne ea hostes potirentur, projece-
rit; non tamen fuit mors ejus cum
gloria, quia multa talia exempla indies
accidunt: [tertia, mirabilis;] nam Co-
riolani, Curtii, Coclitis, duorum Scæ-
volarum admiranda sunt fortitudinis
exempla: sed Crispini gloria nulla, qui
pro factione pugnavit, nec virtutem
exercuit. Rursus virtus duplex: in actu,
velut fortium virorum; & in habitu,
velut sapientum; & justorum. Videtur
autem gloria potius esse actus secundi,
quam habitus solius: nam Aristides &
Ptolemæus non celebrantur ob habi-
tum; sed quoniam alter justitia in ex-
teros patriam decoravit; alter monu-
menta sapientiæ suæ reliquit. Quum
famam vero dico, apud multitudinem
gloriam cōstare perspicuum est: quum
vero celebrem, ut constans sit, atque
diuturna, & cum affectu ac lætitia, at-
que gratulatione, qualis in Deorum
ceremoniis, sit necesse est. Quare nulla
mors damnati, gloriam parere potest;
(sit quantumvis exulta innocentia,
fortitudine, atque sapientia;) quo-
niam cum exultatione esse non potest,
neque jure celebrari, tametsi injusta sit
damna-

ARCANA PRVD. CIVIL. 563
damnatio. Sed sufficit ei, qui sic ut de-
cet moritur, ne gloriam jam partam
violet: velut Socrates, alique multi,
qui damnati publico iudicio perierūt.
Atque id satis est. Neque id mirum:
quum gloria duobus constet; facto
ipso, quod in nostra est potestate; &
multitudinis assensu, qui in aliorum.
Vnde gloriam parare, non est nostri
arbitrii; sine dedecore mori, in nostra
est potestate. Eas enim mortes, quan-
to iniustiores sunt, quia involuntariæ
[aut iniustæ] videntur, commiseratio
[tanto major] sequitur; quæ contraria
est è regione gloriæ: illa enim, ut dixi,
exultat. Ergo ut gloriam consequa-
ris, necesse est fructum edere singularis
virtutis; idq; tempore, & loco; atq; adeo
plene, ut in hominum animis admira-
bilem illum affectum, & constantem
pariat. Quo fit, ut etiam levium non
sit, oporteat: quamquam enim admi-
rabilis sit, levium, aut, si sine delibera-
tione fuerit, exolefcit ex animis homi-
num, & neque celebratur factum: qua-
re gloria non est, sed gloriosum fa-
ctum, quod per se dignum est gloria,
non tamen gloria ex illo consequitur.
Et certe hujus expressam habem⁹ ima-
ginem in Deo; unde Ecclesia optime
decantat, Gloria in excelsis Deo. Est

N n 2

enim

564 HIERON. CARDANI
enim vel illius solius gloria, aut saltem
multo præstantior: ut differat tam-
quam immortale à mortali; & ut So-
lis lux, ab igne. Ergo gloriam sequitur
dilectio multitudinis, fides; ut honore
dignum putet eum qui illam habet, ut
Cicero ait (2 de Officiis.) Ideo fructus
hic est insignis virtutis optimus; &
summum quod homini consequi in
hac vita concessum est.

C A P. CXXIV.

Quæsitæ circa gloriam.

I V R E autem merito quis dubitabit;
(omissis his quæ ex ipsa consequi so-
lent commodis; velut potentia, ami-
corum copia: quæ etiam ampliora si-
ne illa ex opibus & aliis esse possunt)
quid boni in gloria esse possit. Nam
quod de me eam habeant opinionem,
quod ad illos attinet, nihil interest me
felicitatis; quod ad voluptatem meam,
etiam falso imaginari si velim, eadem
sequetur voluptas: ut nulla subjici so-
lidæ felicitatis portio possit. An forsan
quod velut in opibus, hoc differt vera
opinio à ficta, quod hic habet imagi-
nem vanam; ille tamquam lucem ex
Sole firmam, & quæ substantiæ natu-
ram quandam habeat: ita opinio per-
cepta de gloria, quum subjectam ha-
beat

beat laudationem; amorem multitudinis, potentiam, ac memoriam, non ergo gloria neque in opinione nostra (quia etiam ea falsa esse posset;) neque in fundamento, celebratione (quoniam non nostrum est;) neque in fructu (tum quia aliud est, tum quia ex aliis colligi potest;) sed in ipsa opinionis substantia, cujus fundamentum id ipsum est. Quod vero quis moriendo laudatur, an ad gloriam pertineat, quum non sit jam ad locum hunc, &c. determinare non pertinet. Forſan illud magis conveniet; in quo tandem differt gloria ab honore? Est autem gloria ſupereminens honor; nec eſt viventis ſemper, ut honos: & honoris latior eſt ſeges, velut opum, magiſtratus; gloria autem ob ſolam virtutem. Eſtque honoris proprium, beneficium, aut factum, aut quod ſperatur, aut pro exemplo habitum. Quapropter honor eſt uniuſcujuſque, omnium autem ob id; gloria autem omnium, & ob id ſingulorum. Patet autem ex hoc, gloriam extingui, & augeri; ac minui factum, aut glorioſum perpetuo eſſe. Vnde multa quę videntur invicem adverſari, in nullo diſcrepant. An vero ad communem illam gloriam, quę inextinguibilis videtur, faciat aliquid, ſi

566 HIERON. CARDANI
adverso casu opprimaris, magnitudo
& gloria adversariorum, videtur sane
hoc probasse Cicero in secundo de Glo-
ria, versibus illis Homericis, sub Ajacis
persona:

*Hic situs est, vitæ jam pridem lumina
linquens,*

*Qui quondam Hæctoreo perculsus con-
cidit ense:*

*Fabitur hoc aliquis: mea semper glo-
ria vivet.*

Sed quoniam in hoc genere multa tra-
dita sunt alias (in libro de conscriben-
dis libris,) hucusque dictum sit.

C A P. CXXV.

Quantum decipiamur circa finem.

PORRO circa finem nostrum mul-
ta sunt, in quibus homines invicem
discrepant: & (præter leges) id pessi-
mum est, in quo multitudo convenit.
Lex enim Dei cultum, & prolis curam,
& in parentes obsequium, ac justitiam
(quæ optima sunt) suadet. At in reli-
quis censet vulgus meliora esse bona
Fortunæ & corporis, quam animi, in-
juriam inferre, quàm accipere; quum
utrumque pessimum sit. Sed si quis et-
iam inter pessima ordo est, pejus etiam
est inferre injuriam, quam accipere.
In hoc enim læditur corpus, & fortu-
na: in

na; in illo animus sauciatur, & Deo
 inuisi sumus. Similiter putant plenitu-
 dinem vacuitate, & otium laboribus;
 & multitudinem amicorum, quam
 paucitatem; potiora esse; & voluptate
 frui, quam abstinere; & innumera
 ejusmodi: & decipiuntur; dico etiam
 seclusa omni spe succedentis vitæ. Ita-
 que consuluerim quietem agendam,
 nec frustra niti; quibus Fortuna favet,
 aut Genius, amplectendam occasio-
 nem. Sed [hoc] non ob id magis di-
 ctum est, verum potius, ut homines
 in unoquoque negotio sapientes ejus
 rei consulerent: velut philosophus de
 optimo statu, qui est diu & incolumem
 vivere; medicum vero; quomodo hæc
 adipiscantur. Nunc in utroque errant
 homines; & quoniam brevem volu-
 ptatem longo dolori præferunt; & pu-
 tant sine arte posse diu vivere, & inco-
 lumes; nec existimant longævæ vitæ
 artem ullam peculiarem esse. Simili ra-
 tione consules Iurisconsultos pro liti-
 bus, aut emendis fundis; pluresque fa-
 bros, quum quid agendum est, quod
 ad illorum artem pertineat: ut sit et-
 iam non solum universalis finis neces-
 saria dignotio, sed & modi adipiscen-
 di, tum etiam uniuscujusque actio-
 nis. Etenim est errare circa finem, non

568 HIERON. CARDANI
 solum in eligendo, & inadipiscendo,
 sed in sciendo, scopum illum commu-
 nem, qui propositus est pro adeptione
 omnium. Verum illud nescire (quod
 præcipuum est,) te nolo, quæ maxima
 homines arbitrantur, nec esse [qui-
 dem] mediocria: dico regna, & po-
 tentiam. Nam respice tot Regum fi-
 nem; & temporis brevitatem, in quo
 perierunt; meliusque de rebus tuis sta-
 tues; nec discruciaberis.

C A P. CXXVI.

De ῥαδδοποιῶσι: & fascino.

EST etiam modus quidam quasi su-
 pra naturam, & admirandorum
 effector; quem Galenus sibi laudando
 tribuebat, ῥαδδοποιῶν se vocari
 dicens, qui legum latoribus proprius
 est, mirabilia facere, mirabilique mo-
 do; tum etiam mirabilia dicere. His
 convenit, præter persuasam multitu-
 dinem, quæ etiam si non succedat fa-
 ctum tuetur, &c. At ad civilem poten-
 tiam, eatenus, quatenus, &c. Regibus
 enim Principibusq; felicibus vanæ præ-
 stigiae favent plurimū, & decoræ sunt.
 Sycophantiæ etiam cōducunt ad tem-
 pus; plerunque tamen ad perniciem
 deducunt, ut de Sertorii cerva, & Syllæ
 simu-

simulacro Apollinis [memorant.] Nam dementavit eum, & ut crudeliter victorias exerceret, & fructus earum sponte amitteret [Sylla.] Sic Pistratus, sic Minos infelices in felicitate, ira Deorum facti sunt. Privatis autem personis generaliter talis opinio abest. Nam si fallat experimentum, in ludibrium res vertitur; si succedat, obnoxius fit superstitionis apud sacerdotes. Artificibus quoque invidiam parit; ut quibus lucrum his præstigiis perit: vellenteque omnia ad artis præcepta reduci; semperque de dolo suspicantur. Omnibus præterea invisum hoc genus est: quod si vera dicat, non ex hominum ordine est, sed velut alienum; si falsa, ambitiosum, & mendax. In humanis enim optimum est, humana solertia mediocris, & summa artis scientia; ut maximæ existimationis, scientia mediocris, summa solertia. Itaque bonum est habere, sed occultare; omnia enim divina non solum maxima sunt, sed optima. Profiteri enim talia, odiosum est, & maledictis obnoxium, atque periculosum. Ut contra, perfectio summa quædam peculiaris partis in arte, honesta & gloriosa; ut pulsum in Galeno. Vmbra vero divinitatis incertæ præferre juvat

370 HIERON. CARDANI
eos qui infamia iniusta premuntur a
populo, & qui plures habent inimicos.
Vfus autem[ejus] est, quum naturalem
inventionē occultare proposuisti, aut
quum celerrime, apud turbam existi-
mationem quærere; vel quum quid
importunius petitur; aut si consulant
quæ è re tua non sunt, nec tamen quur
nolis, dicere velis: in huiusmodi casi-
bus religionem opposuisse tutum est,
atque honestum. Est etiam quippiam
divinitate minus, natura admirabilius,
quod ex industria non vulgari profici-
scitur: quod nec dissimulari omnino
debet, nec promulgari. Cave autem,
ne fungorum quorundam instar, pe-
diculum habeas tenuem, & capitulum
amplum. Est enim indecens, & non
diuturnum, neque securum. Sic qui te-
nuibus initiis volunt mirabiliter eve-
hi. Forfan vero nec inutile erit gem-
mas quasdam feliciores, aut pruden-
tiam, aut gentes, si quæ sunt, secum
deferre; & cum bene fortunatis versa-
ri; & supplicationibus Vestalium vir-
ginum, quæ tunc sanctissimæ haben-
tur, protegi. Videntur enim aliquid
prodesse.

Fascinum autem horum est, quum
in eo excellant, [aut eos antecellant,]
qui maiora possunt: quum & sectarum
autores,

autores, tum alii, tam bene alliciant hominum mentes, & maxime professores, ut illas omnino fascinare videantur; & ut ipsos (his relictis quos sciunt esse præstantiores) sequantur. Et hoc est de quo Galenus suis tēporibus querebatur: quum id agant, ut omnium aliorum dicta irrideant & calumnientur; perpetuo vero contineant illos in sui admiratione, atque exercitatione. Vnde etiam Maumethi cultores, & maxime in Aphrica, adeo in illius religione firmi sunt. Est autem fascinatio, res quædam inter mortalia supra naturam: quamquam hæc quæ sola calliditate hominum fit, non sit vera fascinatio: illi enim deprehenſi & divitias & vitam & filios exponunt; quod hi facere nolunt. Est ergo vera fascinatio solum tum horum tum eorum qui natura divina præditi sunt: de quibus paulo post dicemus. Est & tertium [genus] quorundam ad quosdam, ob naturæ similitudinem: quæ est quasi posita in medio omnium illorum, in amicitia, aut in quadam ratione in imperando. Vnde qui ad amicitia hoc genus apti sunt, etiam ipsi fascinantur; non ab omnibus, sed ab aliquibus, qui plus possunt apud illos, quam illi ipsi. Hocq; genus fascini ad unam gentem solam

ex-

572 HIERON. CARDANI
extenditur. Est autem duplex: amoris
& odii unaquæque. Et amoris quidem
instrumentum præcipuum, sunt ver-
ba etiam arte carentia. Causæ autem
utrorumque sunt, Cælum, & Natura
inferior. Et non fascinantur nisi cor-
pora per se, & animæ imbecilles, tum
quia minus munitæ ratione, tum quia
parent corporibus.

C A P. CXXVII.

De Axiomatibus.

C O N S T I T V E N D A autem sunt
unamquamq; disciplinam tractan-
ti quædam principia; quæ pro Axioma-
tibus sunt habenda. Axiomatum præ-
cipuum est, ut sint generalia, clara, &
certa: atque horum quædam spectant
ad cognitionem, quædam ad operatio-
nem. Ea omnia potius casus ostendit,
quam ratio. Ea propter hoc solum ca-
put, & de Exemplis, imperfectum re-
linquetur; tamquam habitura incre-
mentum indies.

I Primum igitur Axioma est: ut cre-
das multa in dies mutari, non solum
res ipsas, (hoc enim nimis assiduum,)
sed etiam cogitationes hominum; &
(quod majus est,) tuam de negotio ipso
existimationem. Propterea ne præceps
ruas, nisi occasio prætereat.

2 Se-

2 Secundum; auxilia paria debere esse malis: ut nec pro levi re, magnis exclamationibus, aut actionibus, aut defensionibus utaris; aut in magna re, levibus,

3 Tertium: considera locum, leges, dominos, usum, cum quibus negotium sit, qualesque fuerint; tuas vires, ætatem; inimicos, seu æmulos; fortunam in negotiis, demum causam.

4 Quartum: tibi præfige felicitatem in Deo, & in virtutis operibus, & moderatione, & minori spe, quam iure sperandum esset: & considera æternitatem, & longitudinem temporis, in qua everfi sunt non solum Reges, sed etiam stirpes eorum: & vitæ præsentis brevitatem; ut non doleas,

5 Tuta consilia præpone majori expectationi; & utilia ambiosis. Primum enim, etiamsi succedat, quid eo indiges? Paucis enim deest sumtus ad vitam; quod superest, tot modis evertitur, ut in malis plerumque reponi possit: Secundum autem, si præterita revolvās, nil omnino esse comperies.

6 Difficillimum omnium est tenere medium; dico Geometricum, non æqualitatis: ob id necessitas aliquando utilis est; quæ vel monstrat quod utile est, vel excusat, si erres.

7 Sed

7 Sed in reliquis ita te ante præpares, ut non possis errare. Quod si neque hoc possis; maximum est, hominum mores agnoscere, aut ex actis, aut studiis. Qui enim veritati student, plerumque boni sunt; qui simulant, pessimi. Quomodo enim fidem habebis eis qui simulationem questum esse putant; aut qui ex dolis vivunt? sic & his qui ex paupertate ad ingentes divitias pervenere?

8 Artem tibi para occultam, ad ulciscendum injurias graves, & omnino sine causa factas; non potum, ne fortis versuram facias, dum usuram recuperare studes; neque fulmen, ne te ipsum perimas; sed dicas [vel diras] obnunciatas; aut, si non audes, per querelam significatas: velut illud, Spero non defuturum divinum jus, si humano mihi uti non licet. Inde omnibus argumentis animam illius vexa, donec pœnas det, sed cave ne maximam, rem ut ludum tractes. Ad eos enim convertatur solum, qui prorsus te evertere, & non etiam magno suo emolumento, student. Nam horum est vindex Natura occultior.

9 Cave ne te in Labyrinthum injicias: vel ubi exitus obscurus sit, vel nullus sit; vel ubi procedendo regrediari:

diaris: velut qui servili officio fungun-
tur, ut auctoritatem adipiscantur.

10 Res male cœptæ malum ferme
semper finem sortiuntur: nam si male
terminantur, cadunt illi; si etiam be-
ne, stulta confidentia audientius pro-
grediuntur, & ruunt. Quin etiam non
solum hoc ipso sunt difficiles & peri-
culosæ, quod multa desint; sed quod
necessè sit, vel necessitate agi, vel de-
ficere iudicium.

11 Undecimum: ne verferis cum
æmulis tuis, aut invidis: (Nam tem-
pus tandem occasionem præbebit, ut
te evertant; si præoccupes, proditor
videberis.) Neque cum his, qui natura
seu moribus contrariis sunt velut tar-
dus cum prompto, bonus cum malo.
Tractu enim temporis errabis sæpe; &
propriam naturam exues, nec alienam
indues quæ illi (ut reliqua vitiosa cum
nobis nata) utilis est, aut saltem non
badeo damnosa. Etenim non minus
errabit assuetus prompte agere, si dif-
feratur; quam meditare, si cogatur ex-
templo deliberare. Sed tamen in hoc
maius est incommodum. Et quovis
modo eorum fugies conversationem,
cum quibus errores aut calamitates
contingunt: seu enim manifesta ra-
tione id eveniat, seu quia genius tuus
illius

576 HIERON. CARDANI
illius genium reformidat, male tibi
cessura est.

12 Res præterea maxima in huma-
nis est, quod dum homo potest, non
experitur extrema, quia sperat; quum
desperat, non amplius potest. Medium
hoc inane captant improbi, lactantes
te verbis, dum potes te tueri, aut ul-
cisci. Propterea, quum res sit violenta,
nisi omnino securum te reddant, pu-
gnando fortiter aut depelles injuriam;
aut conditionem tutam offerant; aut,
si vincaris, non adeo pigebit te victum
esse neque ita turpe erit: tum tu ludi-
ficando illos vicissim, fidemque eis ha-
bere simulando, & verba dando, me-
liore conditione negotiaberis; quum
saltem te credere sperabunt: cui tu rei
operam, quam diligenter poteris, dare
debes; quum in hac parte nihil turpe sit.

13 Quum vero actionum aliæ sint
propriæ animo, ut intelligere; aliæ
corporis solius, ut ob gravitatem de-
scendere; aliæ totius hominis, de his
solis tractatio est, quod prima ad hanc
referatur; de secunda autem omni-
no non consideret liber hic. Opera-
tionum igitur quæ hominis sunt, aliæ
quidem ad animam & in se referun-
tur, de quibus etiam superius dictum
est, velut amare; aliæ autem extra ten-
dunt,

dunt, ut emere, decipere; & comprehenduntur ambo genera sub actionis nomine. Verum primum non proprie est de quo institutus est sermo; sed de secundo, tum factione; cuius duplex est ratio: Vna, quæ ex nobis magis pendet; velut ambulare, canere, literas eradere: alia ex re ipsa; velut instrumentorum subtilium tractatio, ut horologiorum, & lapidum motio. In omnibus ergo his tribus quicquid duri fit, si efficere coneris, vix à magno inconvenienti evades; ratione habita subjectæ rei: ideo conari non debes. Est enim regula generalissima; nec exceptionem patitur, nisi quum negotium fuerit cum avaro. Sed & tum non evades sine iactura, nisi vi agas. At & vi agere, periculosum est, ubi secundum leges vivitur.

14 In maximis rebus maxima auxilia profunt, ut dicebat Hippocrates. Propterea alterum extremorum in his amplecti oportet: præcipue quum negotium est cum Principibus.

15 Qui non dat, aufert.

16 Si vis amari, ama. Ad Solomonem enim refertur.

17 Omnis homo servus (dico civili servitute) est: nam omnes superioribus parere cogimur, præter Principes;

O o

inopes

inopes præterea his qui dant; divites, ut servant, operam præstare: quæ semper major est, quo plus habent. Ob id Principum [servitus] adeo magna, ut nisi consuetudo illam leniret, nemo laborem & tædium ferre posset. Adolescens ergo qui libertatem habere dicit cupere se, pessimus est; ac statim in compedes conjiciendus; fame, verberibus, ac labore annuo [aut assiduo] macerandus. Quid enim aliud est, dicere se optare libertatem; quam sine labore velle vivere, alex & furto deditum? qui quum honestam refugiat servitutem, carnifici pareat. Licet commutare servitutem, non optare libertatem: nam servitus optima est, honesta, amabilis, cum spe certa præmii.

18 Est compendium temporis (quoniam fugere non possumus ne serviamus amicis profitentibus, &c. etiam in sermone familiari) ut discamus aliquid, aut quid discendum non fuerit. Ergo in omnibus est quod discas, seu quod agas, seu non agas.

19 In nullis inutilibus tantum progrediari, ut regredi non possis.

20 Denique causa infelicitatis nostræ, quod ad homines pertinet, ad hæc duo redigitur, scilicet errores nostros, qui maxime proveniunt ex avaritia,

ritia, ambitione, amore, odio, & inconstantia quadam naturali; atque in pluribus etiam ignavia; qua vel non agimus, vel per alios agimus; ut fides, autoritas, celeritas & cognitio desiderentur: his fit, ut postmodum damna sarcire cupientes, perfidia utamur. Vnde invisi Deo & hominibus, necesse est ut ruamus.

21 Omnia demum ad hoc unum rediguntur, ut quantitatem noris omnium. Nam aut bona duo, aut mala duo, in quibus electio cadit; aut, quod facere vis, bonum & malum continet. Ergo qui quantitatem noverit, omnia, velut Apollo quidam, optime faciet: quia omnia ad duo rediguntur, aut ad unum, in quo duo, inter quæ electio cadit; licet vita nostra multa habere videatur. Aberrant autem trifariam: vel quia consultationem negligunt, ob animi perturbationem, præsertim voluptatis, iræ, vanæ spei, aut timoris inanis: vel quia negligunt consultationem, ob inertiam, vel ob laborem: vel quia se scire multum putant: vel quoniam non tanti referre putant: aut quoniam non sciunt quæ necessaria scitu forent; idque frequentissime accidit.

HÆC igitur dicta sunt, quantum Prudentiæ lumine inveniri poterat. Cæterum id supererat considerandum, an esset aliquid ulterius? Et certe omne id ad quatuor capita reduci potest: Genium, Fatum, Astra, & Fortunam. Et de his diverso modo inquirere decet: generaliter quidem de omnibus; an sint causæ nostrorum eventuum? specialiter autem, an omnium, puta, aut majorum, aut eorum tantum quæ ad nostras non pertinent actiones; an omnibus hominibus convenient? Nam Astra & Fatum aut sunt omnium, aut nullius: Genius, & Fortuna forsan, solum quorundam. An omnino inevitabilia sint? An plura, an omnia simul, an unum tantum ex his? Hoc autem ex præcedentibus manifestum fiet. Demum quomodo, si sint? Neque hæc tractanda hic tamquam ex instituto; sed solum ut ad deliberandi negotium pertinent. Ergo Fatum omnes Sapientes admiserunt; sed non ut rerum causam: verum quia res ita futuræ sunt, ideo Fatum est: ut quod ad nostrum negotium attinet, nihil afferat

afferat commodi, vel impedimenti.
 De Fortuna haud dubium est, esse bo-
 nam & malam; & non solum in diver-
 sis hominibus, sed in eodem homine,
 ad regiones diversas, & homines di-
 versos comparato: eosque quibuscum
 male convenimus, refugere oportet.
 Quamobrem illud Ægyptii Magi: Tua,
 ô Marce Antoni, Fortuna per se illu-
 stris est, & splendida: sed Genius tuus,
 ut video, in omnibus hujus juvenis
 (Octavianum designabat) Genium re-
 formidat: quare discede ab illo. Sed
 & idem homo, ad eosdem compara-
 tus, & in eisdem negotiis diverso tem-
 pore bene maleque fortunatus repe-
 ritur. Adeo ut consulam hominibus
 ut fugiant has occasiones. Franciscus
 Galliæ Rex tempore nostro cum Ca-
 rolo Cæsare diu pugnavit: omnia ces-
 serunt infelicissime; adeo ut in poste-
 rum caute se gereret iu negotiis. Obiit
 Franciscus: successit Henricus; juve-
 nili animo: qui quasi ulturus pater-
 nas injurias bellum multis in locis si-
 mul accendit. Visus est primum fortu-
 nate id agere. Dicebat mihi Prorex
 Gallus apud Scotos: Rex noster co-
 gnovit Fortunam esse feminam; bacu-
 lo debere domari: verberatam tamdiu
 venturam in partes nostras. Nolui

582 HIERON. CARDANI
contradicere. Visus est vera dicere; &
Fortuna illi favere: adeo ut quum per
licita & illicita transisset, in apice feli-
citatís consistere existimaretur. Ite-
rum non contentus hac aura, voluit
denuo tentare Fortunam. Succubuit.
Inde factus est amicus: affinitatem
contraxit: digito (ut dici solet) cœlum
tangere videbatur. In nuptiarum fe-
stis occiditur. Galliæ regnum seditione
totum devastatur. Filius primus mor-
bo perit. De his satis. Quorum unum,
ut dixi, nihil in hoc momenti habet,
sed solum prævidetur, quia futurum
est; non futurum est, quia prævidea-
tur. Alterum vitare, aut sequi oportere
docuimus: nullam certam ratio-
nem quærentes, quia incognita sit; &
si cognita foret, infinita esset. Venio
ad Genium. Illum fuisse puto: quia est
mihi; fuit Socrati & Plotino manife-
ste: existimant Dioni etiam, ut alias
dixi, affuisse; & Synesio, tametsi Chri-
stiano, & Episcopo; tum vero Cæsari,
& Augusto, & Syllæ, Marioque, &
Marco Antonio: An omnibus sit, du-
bium est: sicut & illud, An magnis so-
lum viris adveniat; an, ubi advenit,
eos eminere faciat super alios. Hunc
docere, & stimulis occultis impellere,
retrahere, animos addere, instruere,
certum

certum est. Quamobrem, postquam non magnum est negotium, consulere innocentiae vitae, ciborum continetia [aut abstinencia,] benefactis, summa in Deum dilectione, tum iustitia, atque studiis (nullis precibus, nullis sacrificiis: absit enim hoc) experiri si quid in nobis sit; quale inveni ego, cui fortuito praesto adesset, &c. Valeant divites cum suis opibus, & bene fortunati cum potentia tanta; juvenesque cum suis voluptatibus; hoc ipsum majus (si contingat) regnis fore existimo. Nam ducem habere vitae, quum Deum sincera fide colueris, tutum, in tantis tenebris, res non mediocris est. Noli existimare, ut dixi, maxima, quæ nec sunt mediocria. Reliquum est, ut de Astrologia dicam: circa quam paullo plus est immorandum; quod celebre sit illius nomen, & experimentis aliquibus confirmata sit, nec naturali repugnet rationi. Igitur si causis non indigeret secundis, frustra essent actiones nostræ. Sin autem ad omnes causas referatur, idem erit quod Fati principium: &c. deliberatio nostra libera est igitur, non potest cogi. Videtur ergo Fatum ex duobus compositum: ex actione naturali, prout ab astris pendet; & voluntaria,

ria, prout à Deo. Quum ergo Cœlum non possit nostris animis imperare, non poterit de futuris decernere quæ ex voluntate fiunt. Solum ergo Cœlum ostendere poterit ea quæ ad causam pertinent naturalem: velut quod non potero transire centum annos. Ab ortu ergo, usque ad centesimum annum, totum repositum est in potestate nostra; atque id clarum est. Exitus autem violentos decernunt, per causas importunas; veluti stultitiam, iram, impatientiam, ludos, lasciviam; tum vero connexionem quandã quam habent cum aliorum genesi. Veluti Solest mihi dominus, oppositus Marti. Qui sub Marte sunt nati (hi autem violenti sunt, atque sicarii, ac latrones) me naturali odio prosequuntur; audebuntque, &c. Quid aliud autem est periculum, quam naturale odium cum cassâ audendi? quo perseverante multæ occasiones incidunt. Non sunt ergo Astra causæ eventuum, sed præparationum, &c. Eventus autem fiunt ex errore aut prudentia tractantium. Atque hæc consentiunt experimentis, consentiunt his quæ sapientes dixerunt; consentiunt etiam his quæ nostra lex tradit. Propterea [exempli gratia] si hoc anno habuero Solem in Martis

Martis quadrato; in genesi vero in op-
posito; refricabuntur causlæ periculo-
rum, tam ex parte aliorum, quam mei:
& juxta multarum causarum concur-
sus, ad mensem ac diem, & horam usq;
significabitur occasio; velut etiam in
naturalibus. An vero eventus futurus
sit, eorum quæ sciuntur, talis exitus
erit qualem nos esse volumus; quæ ne-
sciuntur, erit, quoniam extra delibera-
tionem sunt, & tamquã causlæ natu-
rales. Similiter & circa opes idẽ ferme
contingit. Et causlæ quidẽ quædam
sunt determinatæ ad præparationem,
& eventus in consilio repositi. Itaq; &
Astrologia ad hæc utilis erit, ad profe-
quendum & fugiendum: & nihilomi-
nus nec inutilis opera nostra.

C A P. CXXIX.

De divina natura.

PORRO præter hæc omnia divi-
num quoddam est in nobis; uni ma-
jus, alteri minus, non solum ex Theo-
logorum sentetia, & Academicorum,
sed etiam Medicorum, scilicet Hippo-
cratis, & Principis [Avicennæ:] quod
quum liberatur à gravitate corporis
hujus, non exiguum affert commo-
dum, & per somnia, & vaticinatio-
nem, & prudentiam, sive idem sit Ge-
nius

§86 HIERON. CARDANI
nius (quod non credo,) seu non sit;
idem secum bonam Fortunam affert;
aut si malam effugere non potest, pro-
videntia præstat. Plerumque utile est ad
securitatem, ad tranquillitatem, ad vi-
tæ longitudinem. Cæterum cibaria
prava, velut legumina, carnes salitæ,
atque pisces similiter saliti, pravus pa-
nis, vinum corruptum, vigiliæ, invita
continentia, tantum abest, ut quod
divinum est in nobis liberent, ut etiam
illud fœdis imaginibus obturbent. Ta-
lis fuit vita multorum Eremitarum,
atq; Philosophorum. Itaque nihil ne-
gligere expedit. Preces autem ad Deum
(etiam si homo per hæc præcepta pro-
fecerit,) ad inveniendum medelam in-
fortunii, mensuram docent, quæ nulla
arte tradi potest, nec humano iudicio
perpendi, in plerisque etiam de finis
deliberatione, in imperitis etiam mo-
dum: velut de Oratione B. Augustini,
quadraginta diebus, nudis genibus,
nondum pregustato cibo recitata, plu-
res testimonium ferunt. Omnia hæc
ex lumine in nostram animam addi-
to. Ideo cuncta ferme sunt in nobis,
quæ nos tamen in rebus ipsis, aut casu
esse putamus. Causa autem cur hæc in
imperitis nō adeo possint, ut hæc ope-
ratio partim ex lumine, partim ex ac-
quisita

ARCANA PRVD. CIVIL. 587
quisita animi sapientia pendere videatur, est, ut reor, quod non recte in sapientiae contemptoribus lumen illud propagatur.

C A P. CXXX.

Exempla.

I OANNES Pont. Max. hujus nominis XXII. plus reliquit thesauri non solum quam quivis alius Pontificum aut Regum, sed etiam supra fidem. Quippe in pecunia centum octagies cēties mille; in vasis & coronis septuagies centies mille aureorum coronatorum (quum etiam esset exutus patrimonio,) satis superque ad debellandos hostes omnes Christianae Religionis; si mens aut cor successori non defuisset. Neque enim in alium usum congesta tanta pecunia fuit ab illo. Id autem sola parsimonia, & optione. Vbi enim vacaret pingue aliquod sacerdotium, optione permutabat: adeo ut trium aut quatuor sacerdotiorum annuos redditus pro uno exigeret. Exempli gratia, Pontificatum redditus quatuor mille coronatorum datur habenti Pontificatum, trium millium: illum habenti duo millia quingenta: illum rursus habenti mille septuaginta. Adeo ut quandoque ex uno sacerdotio quindecim millium coronatorum exigeret

588 HIERON. CARDANI
geret ex annuo redditu solito supra sex-
aginta millia, sex aut septem factis per-
mutationibus.

2 Exemplum aliud: Bernabos Bar-
bovus Cremonensis, quum vellet eme-
re prædium intra pomœrium portæ
Beatricis Mediolani, primum expecta-
vit, ut illi vèdere cuperent: deinde sub-
jecit duos amicos qui se simularent e-
mere velle. Vterque autem mediocre
pretium, sed alter minus offerebat, ipse
quoque, sed etiam minus. Ita factū est,
ut omnes deterrerentur tū multitudi-
ne emtorum, tum pretii vilitate; ipse
vero rescisceret quanto plus simularēt
oblatum: nā non dissimulabat se scire
alterū, scilicet qui minus offerret. Vn-
de etiam ex illo conjecturam faciebat
de aliis. Vnus vero eorum, tum ipse
cum aliis emptoribus, dolose collude-
bat: donec hi quum viderent falso ja-
ctare se illos de pretio, fidem non ha-
bentes eis, infra subsistebant. Atque
sic multo minore pecunia amicus al-
ter, ejus nomine emit.

3 Aliud præstans argumentum, quo
usus sum. Quidā volebat mihi vendere
agrum ccxx nummis: ego dare vole-
bam ducentos, dicens non mihi futu-
rum redditum quatuor pro centum. A-
jebat ille, decem me habiturum. Tum
ego,

ego, ut vel compos voti fierem, vel illius nequitiam coarguerem, dixi: Primum locabo emtum c c in singulos annos (ad novem usque) pro octo: jam lucrificis ultra id quod petis. Quum rursus negaret, proposui contraria ratione: Dabo c xx & locabo novem annis, ad octo pro centum. Ita, quum & hoc renuisset, agnitus est illius dolosus animus. Porro plurimū juvat ut scias à quo emerint: nam tum vel à tabellione, quod tutissimum est, scire poteris, quanti emerint. Quo duce plurimum emolumentum habebis.

4 Quum domum Bononiæ emere vellem; nec venditor satis esset firmare, persuasit Iacobus Machellus, procurator litium, eruditus ac probus, mihi amicus, tribus illis quos vades pro portione obtulerat, ut quilibet in solidum constitueret: nam pro portione in solidum unum pro tota summa, grave illi in soli; dum unumquemque, postquam jus reliquitur illi contra socios, tutius. Ita mihi consuluit, ut pro uno tres haberem vades; & illi non plus quam ex spontanea oblatione gravabantur. Hæc autem sunt peritiæ legum admista solertia.

5 Quum Iacobus Sancti Pauli captivus esset Ludovici Gallorum Regis, ejus

eius nominis undecimi, adeo scite illi respondit, ut & arces, & latifundia, & Equitum præfecturā meruerit, quamvis frater hostis ac proditoris Regis. Cur autem, vide apud Argentonum [Cominæum:] Ibidem videbis quomodo legatos Conventualis deluserit. Eaque via (quod maximum fuit) captum Conventualem securi percussit: ut nec profuerit illi fratris gratia, nec fratrem ob id Rex reliquerit, nec Regi ob id ille venerit in suspicionem.

6 Quum Petrus Nicolaus, Narniensis Episcopus, Bononiæ Gubernator, negasset mihi petenti Phratriorum D. Dominici [Collegium, &c.] velle mea in medendo uti opera; ego vero scirem, eum antea pro alio rogasse: subrisi, quasi nihili ducerem rem hanc; dixique, Nil referre: Id solum à me quæsitum (quod mea multum interesset,) eorum amicitia uti, ob librorum editionem longam inter nos familiaritatem, commodum publicum, ut discipulos docerem, re & verbis ostenderam: meque dignum existimare Collegium illud, propter nominis celebritatem, & multitudinem hominum: & incidisse in manus ejus, qui omni arte, industria, conatu curasset evertere autoritatē meam, & me loco

ex-

excutere, quum ferrent etiam vitæ
 insidiatum: nunc illi datam esse occa-
 sionem, ut hoc facto, & conspiratio-
 ne omnium medicorum praxin doce-
 rem, nec exercerem, candemque esse
 rem, oppugnare nos, & tam sævo ho-
 sti subministrare auxilia, quibus id fa-
 cere possit. Apposui autem ex industria
 sermonem, &c. quo cum Principibus
 utendum est in querelis.

7 Quum adolescens è domo exis-
 set, patri ostendi, è re sua esse, ut ma-
 neret; docuique causas. Eo deduxi
 rem ad extremum. Si diffidit de re,
 vadem me præsto; & statim ostensurus
 sum, si, quod laboris pigeat, nõ redeat.

8 Bononienses pueri formosi sunt,
 elegantes, & plerique optimi musici, ut
 videantur omnibus Italiæ pueris præ-
 stare: nec tamen ea consequuntur bo-
 na, quæ multi alii longe inferiores,
 velut Mediolanenses & Florentini, con-
 sequi solent; scilicet ut fiant hæredes
 dominorum, aut saltem partis alicujus
 hereditatis participes, aut ut opima
 adipiscantur sacerdotia, vel ut præfi-
 ciantur opulentis administrationibus
 aut mercaturis, vel ut ad insignem gra-
 dum virtutis aut dignitatem perve-
 niant: quæ quatuor sunt magnæ feli-
 citatis in hac vita fundamenta. Causa
 ergo

592 HIERON. CARDANI
ergo est, primum avaritia parentum,
& magistrorum: nam pueros illos lo-
care solent, non secus ac domos. Vnde
domini, tamquam soluto debito, nihil
putant plus se debere; nec illos exigere
aliud quicquam. Alia ratio est, volu-
ptatis usus. Quum enim à parentibus
didicerint vivere in delitiis, amare ne-
queunt dominos, à quibus putant sibi
plus deberi libertatis, & voluptatum
vitæ, quam à parentibus. Vnde do-
mini, intelligentes, non se amari, sed
omnia ad lucrum dirigi, amare cos
non possunt: illa vero omnia ad amo-
rem vehementem pertinent. Tertia
caussa est, quoniam jam effœtis viri-
bus, ob musicæ studia nihil præcla-
rum ad virtutem perficere sustinent,
aut possunt: unde dominis in gratiam
arctamque consuetudinem devenire
nequeunt.

9 Quum aliquando sanassem po-
tentem virum: atque is in re justissi-
ma me pæne ad desperationem com-
pulisset, ubi obviam factus mihi est
qui à secretis ejus erat, inquit, Cur non
ad me potius scripseras? ego te hac cu-
ra statim liberaassem. Quid fœdus?
scripseram ad dominum decies: hunc
palam est interrupisse negotium: glo-
riabaturque. O miseram illorum
usque

isque adeo felicitatem! Sed defendi potest, divisa esse munia, ut ex condito privata intimis relinquuntur. Ergo vi-
 les quomodo humanæ res agantur; & quæ rerum fortuna; & quid agendum. us jam eorum est, tum illis majorum. Sed ut reliqua peccata (ut reor) non æqualia in omnibus, sed majora in ambitiosis, ignavis, & flagitiosis.

10 Quum Regis Gallorum Legatus primum locum occupasset in Concilio Tridentino, Legatus Philippi Hispaniarum atque Indiæ Regis, sedit ante scribam, nullo ordine, ex adverso Legati Pontificis, ne alteri cederet. Quumque judicium præcedendi Pontifex devitaret, ne alterius Regis offensam subire cogeretur; quorum unus & amicus & potentior; alter iure prior, & alienato animo esse videbatur;) consuluit Hispaniarum Regi, ut semper Episcopum mitteret, si Gallorum Rex Episcopum non misisset, quod jure sacerdotii præcedat Episcopus: aut si ille Episcopum, ipse è Proceribus unum, ei cessurum jure sacerdotii, non regni.

11 Quum legatus Epidauriensem apud Turcas captivos quosdam ut fugerent juvisset, intercepto duce itineris periclitabatur. Dum recurrisset ad purpuratum è primis, petiit, Vbi rem

Pp

cum

cum illo tractasset? respondente eo, In cubiculo; iussit cuncta inverti. Itaque iudicio ad purpuratos relegato, consuluit cæteris collegii ille, ut an verum esset indicium, ex conditionibus [cubuli, &c.] quæreretur. Quum nihil eorum quæ prædixerat, inventum esset, palo infixus est; non solum ut delator falsus, sed ut qui pecunia corruptus, facinus perpetraverit. Equidem & illud considerandum, quamquam falso iudicio oppressum, maiore tamen in culpa illum fuisse, quam legatum.

12 Quæ mihi maxima detrimenta attulere, sex fuerunt: Simulasse simplicitatem usque ad vecordiam: Astrologiæ fidem adhibuisse: Ludus latrunculorum: Musica: Liberis procreandis minus operam dedisse: Caruisseque prædago.

14 Vincentius Toscus Cæsenas, medicus & philosophus, quum consenuisset, opibus comparatis, uxorem duxit: Ut vero ad Venerem accenderetur, cibos paucos sumebat, salaces, ut ova dura, avellanas ex saccharo, offasque ex aromatibus, vocant Mostacinos, vinique potentis parum; experiebaturque commodiora: bulbos, carduos, tortas, caseum, pineas ex saccharo: inde suppositis lectis juxta ignem. Sæpius

pius enim per hiemem hæc agebat. Atque ita susceptis duabus filiabus, unoque masculo, ut se exhauriret, dum proli studet, finem huic conatui imposuit: novamque curam educationi adhibuit. Custodia autem mirifica circa uxoris pudicitiam utebatur: quam & nactus fuerat probam, & elegerat fecundam. Ita singulari hac industria vitam felicem duxit; & tres liberos (qui etiam nunc vivunt) continuata prole reliquit heredes, & divites: Ut diligentia nihil negatum sit.

14. Quum Caraffa Cardinalis eligere nollet Angelum Mediceum in Pont. Max. sponsonem accepit CL. Maureorum. ut ajunt, sane CM. à Florentiæ Principe; quæ res ei exitio fuit; quum jam magnorum criminum accusatiónibus urgeretur. Præstabat vel liberaliter suffragia exhibere, vel nō omnino exhibere: hoc ipso tutus; illo securus, ob verecundiam tanti accepti beneficii.

15. Quod autem nulla potentia erroribus par esse possit; & quod ex hujusmodi genere vitæ etiam Principes ruant, duorum Principum vita, inter cæteras, nos docet: una Lud. Sfortiæ, Ducis Mediolani. qui in carcere mortuus est; altera Ludovici XII Gallo- rum Regis. Ille dum fallere omnes vul-

596 HIERON. CARDANI
& à suis proditus, ab alijs deceptus, &
oppugnatus: hic dum fœdere juncti
Venetis, ipsos ambitiose contracta c
alijs Principibus societate, solus pro
figavit. Vnde illi & invidia, & jactura
& parum constantis animi opinio ob
fuit: ut, pari exemplo, ab omnibus
alijs, perfidiose in unum consentienti
bus Mediolanensi principatu privato
fit, maxima jactura etiam in Regno
accepta; ut Fr. Guicciardinus narrat in
Historia legi digna.

C A P. CXXXI.

De senum vita, pro exemplo.

Q UO N I A M hujuslibri propositum
est omnibus prodesse, longumque
esset singula calamitosorū genera de
scribere; hoc unum, quod diu vivendo
neque Principibus ipsis effugere [licet,]
pro exemplo describemus. Nam seu
Principi filii sint, seu nepotes, seu alii
heredes, seu nulli jure, ut Antistitibus,
& his qui per electionem creati sunt;
contingit ut vel ab illis, qui hæreditati
inhiant, aut qui rem totam in manu
habent, ut solent Principes, velut dixi,
unum habere, qui non contentus eo
quod nimis habet, & plus habere quam
possit, humanam cōditionem secutus,
habere vult; aut omnino, si vir sit gna
vus, qui cuncta per se efficere velit; ab
omni-

in omnib⁹ irrideatur: quanto magis me-
 ocris conditionis senex? Quod si se-
 cectuti orbitas & paupertas, aut mor-
 aus, aut vitium animi adjungatur, vel
 ultitia, nulla spes residua est, præter-
 quam in morte. Nihil tamen prohibet
 nem, etiam pauperem, felicem esse, si
 lios bonos habeat, aut incolumis sit,
 c sapiens. Ergo seni injuria gravis est,
 tum quod ea nullo suo merito infer-
 tur, tum quod ad ulciscendum minus
 paratus est; &, ut dicebat Laberius,

Veterē ferendo injuriam, invitas novam:
 quod gravissimum est in hac causā, at-
 que inevitabile malum, etiam si ferre
 quaecumq; injuriam paratus sis. Mo-
 lestum est ergo ferre: siquidem ira tri-
 stis est, & magis dolor: spiritus autem
 tristis exsiccat ossa, ut Sapiens dixit.
 Tertium incommodum est ex contu-
 melia, quod tui redduntur difficiles erga
 te; & pares te accusant ut segnē; & in-
 feriores te contemnunt, fiuntq; contu-
 maces: ut ea ætate non possis vivere.

Auxilium igitur à prudentia, patien-
 tia, potentia atq; loco sumendum est;
 ut velis vivere in bene instituta Repu-
 blica. Ea est, ubi senibus honos habe-
 tur. Olim felix vita [erat senibus] apud
 Lacedæmonios, & Romanos; contra
 miserrima apud Athenienses, cum sua

198 HIERON. CARDANI
Philosophia. [Felix] ergo Respublica
ubi per senes cuncta administrantur.
Vbi autem petulantia viget, etiam
magistratus iustissimi sint; quis cohi-
bebit petulantiam horum; & quantum
cumq; leges severæ proponantur, mille
modis eas eludunt. Cogitatione vero
patientiam induces: quum ejusmodi in-
solentes dignos misericordia potius
quam ultione, existimabis: nam cito
in aliquam magnam calamitatē inci-
dent. [His] diebus adolescens lictor in-
sultabat aurigæ meo (anno MDLXX,
Iunii initio) & ad portam terrebat e-
quas, quæ carpentum quo vehebar, il-
ludens equabus, quod paulo macilen-
tiores essent; reprehendentibus publi-
canis. Irasebaturque mihi ex hoc au-
riga, quod causam præberem huic in-
juriam, quam receperam. Idem triduo
post retulit, eundem lictorem interfe-
ctum. Cogita ergo felicitatem esse in
sapientia; finis propinquitatē esse opti-
mum, quum ad ingressum melioris vi-
tæ spectet. Societatem ineas cum Phi-
losophis; non cum Grammaticis, aut
Poëtis. Neque etiam verum est quod
Cæcilius in Hephæstione dicit;

*Tum etiam in senectute hoc deputo mi-
serrimum,*

Sentire ea ætate esse odiosum se alteri.

Et

et illud Varronis initium detestabile:
 homo est bulla, eo magis & senex. Annus
 nim octogesimus admonet me, ut sarcinas
 colligam. Quin potius Senecam audia-
 mus, dicentem (Epistola 26.) Viget ani-
 mus in senecta, & audet. Hunc ait esse flo-
 rem suum. Et alibi: Quemadmodum quod
 in mellis imo, dulcissimum est; ita vita
 extrema pars jucundissima: in qua extin-
 ctis perturbationibus, suavissime ea frui
 licet. Et Plato inquit; Senectus si in homi-
 nem modestum & facilem incidat, mini-
 me laboriosa est; sin contra, & senectus &
 juvenus his [morosis & immodestis homi-
 nibus] difficilis est. Et quamquam pauperi
 senectus molestior sit, non tamen majus est
 praesidium in divitiis, quam quod pertur-
 bationibus carens, quietiorem vitam de-
 gat. Et in nono de Legibus, (juxta fi-
 nem) Senior non parvo intervallo antepo-
 nendus est, & apud Deos, & homines qui
 feliciter victuri sunt. Cedi ergo seniore
 a juniore, & turpe est, & odio a Diis ha-
 betur. Quemlibet ergo seniore decet &
 re & verbo a juniore coli; & , si major sit
 xx annis, velut patrem. Aristoteles quo-
 que ait (30 Problem 4.) Seniores ma-
 gis mente valent. Si ergo mens est quic-
 quid boni homo habet, manifestum est,
 senem esse beatissimum; si ei honos habe-
 tur, nec ab aliis inquietetur: Ei vero jure
 debe-

600 HIERON. CARDANI
debetur [reverentia; ut idem testatur 9 Ethicorum, cap. 11.]

Quare tota res in nobis est, [ut habitationem inveniamus, amicos quæramus similes. Multum enim profunt, imo necessarii sunt, ut [idem Aristoteles] ibidem docet, (8 lib. cap. 1.) Patria ergo, opes, amici, studium in his quæ parte maxime valet, scilicet mente, nõ exercitatione corporis, aut musica; sociis Philosophis, aut Theologis, præcipue senibus. Neque enim senex senem irridebit ob ætatem. Domestici acres sint viri; partim ob tutelam, partim ob morum similitudinem. Neque sine horum custodia umquam prodibis in publicum. Abstinebis à vitiis, & dissimilium conversatione, tum conviviiis. Nam loca ipsa amœna numquam te irridebunt. Piscatio, & etiam aucupium, voluptates honestæ sunt. Latrunculis cum paribus certare [potes.] Ne tamen umquam res eruditioni, eruditionem ætati, ætatem moribus anteponas. Vteris pueris, ad servitutem. Promptiores enim ad munia, & à contemptu tui remotiores. Cum ceteris autem caveas loquacitatem (quæ senes reddit despectos, & nimis familiares) cum quibus versaris; acris magis, quam levis. Principum & magistratuum gratiam promerearis

ARCANA PRVD. CIVIL. 601
merearis magis, quā aucuperis. Quod-
vis dictum petulantis adolescentis ita
calide & pertinaciter prosequaris, ut
exemplo aliis sit. Exercearis aliquo in
negotio, in quo præstes omnibus. So-
lum etiam te delectare poterunt plan-
tæ, lapilli, cætya, figuræ, atque ejus-
modi; & propria stirps

Vt vero (quod summum est) neque
contemnaris, neque odiosus sis, illum
per quem omnia tractas, cave ne læse-
ris. Imperio, non consilio, utitor. Spem
cum re conjunge: ut donec vivas, plus
habeat, quam te mortuo. Sed & inex-
spectatis beneficiis, illius rem augebis.

C A P. CXX XII.

Teroratio.

HÆc igitur de his dicta sunt, quate-
nus scribi potuerunt: nam in opere
ipso sunt conjunctiones, & compara-
tiones, & occasiones; & moderatio,
quæ ex generalibus regulis habetur; &
amicorum monita, & exempla eorum
qui plurimum possunt, & qui sunt pru-
dentes, & usus ipse in omnibus dux.
Quod etsi damno afficiaris, noli existi-
mare, te ob id non profecisse; aut hæc
quæ scripta sunt, non recte se habere.
Etenim quidam adeo sunt stulti, ut se-
ipsum cum aliis perdant, ira, improbi-

P p 5

tate,

602 HIERON. CARDANI
tate, ignorantia: quorum occursum,
conversacionem, ac cum illis negotia-
tionem prorsus fugere oportet. Sed ta-
men metuendum, est tibi, quum qui
damnum intulit, ex damno lucri quid
fecerit. Signum enim est, te non recte
egisse. Memento autem in omnibus, ne
immortalem rem, vel impetu animi,
vel lenocinio præsentium bonorum,
aut quæ speras, cum mortali ac volati-
li ulla ratione commutes. Plurimum
autem juvant epistolæ Principum: in
his enim plurima cognoscuntur quæ
hic scripta non sunt: tum exercitatio
horum præceptorum, atque usus. Pro-
diit autem in publicum liber earū pri-
mus: in quo mediocria sunt plura, quæ-
dam etiam bona valde, multa insulsa.
Hæc sic dignosces: Quæcunq; scribun-
tur à ministris magnarum rerum, &
de rebus secretis, optimæ sunt: Quæ
de magnis rebus, etiam ab iisdem, licet
manifestis, sunt etiam bonæ: Similiter
& quæ à Principibus ad hujusmodi vi-
ros. Oportet autem, ut dixi, etiam de-
lectum habere: ut in quibusdam exem-
plū actionis etiam sumamus; in non-
nullis modi agendi; in quibusdā etiam
solum excusationis exemplum. Natu-
ra quoq; ineptis, quum vel non totam
artem didicerint, vel non sensim, ut in
natu-

naturam transeat, vel non accurate
eam quantum oportet tractarint; vel
si omnino simplices fuerint, tantum
abest ut profutura sint hæc præcepta,
ut ridiculi futuri sint, & tum ob con-
sensum, tum ob confidentiam mayo-
ribus damnis, atque turpiori dedecori
obnoxii: Frustraque accusabunt hanc
disciplinam: cujus tamen utilitatem,
quanta sit, nos exemplo, quamdiu fui-
mus Bononiæ, ostendimus, tametsi
omnibus oppressi incommodis, mul-
tisque infamiæ falsis notis, quum om-
nia in contrarium vertendo hostes
longe lateq; superaverimus intra quin-
que mensium spatium; re & celeritate
miraculo similibus. Verum illud cogi-
tare decet, quod hæc non ut tradun-
tur exerceri possunt, tum quia obstant
mores, consuetudinesque, tum leges
perperam editæ: & quod qui præsumt,
non rem ex tua sed sua sententia tra-
ctare volunt & cupiunt: & ob id sæpe
continget, ut nisi loco, tempori, tum
vero rationi tractandarum rerû (quæ
scribi nullo modo potest) te ipsum
præceptaque hæc accommodare no-
veris, frustratum te his, eademque ina-
nia esse existimes. Quum vero hæc bo-
ni causâ scripta sint; nec fieri possit,
quin optima etiam in malos usus trahi
queant,

604 HIRRON. CARDANI
queant, velut felicissime venena insa-
lutaria medicamenta; quicumque (sine
necessitate summa) male his præceptis
utetur, præter conscientiam sceleris,
metum futurorum, & Adraſtiæ, ſciat,
laxatis rationis & pietatis frenis, ſibi,
& perturbationibus animi hoſtilibus
indulgento (quum cupido ſit inſini-
ta, mortales caſus varii & incerti, na-
tura fragilis & imbecilla) male pereun-
dum. Sunt præter hæc quædam quaſi
conjuncta, & ad argumentum rei fa-
cientia, velut qui præferuntur libri de
Antonini vita, ad oſtentionem ſcri-
pti, quum illam maxime vituperent.
Quorſum enim ſe adeo laudare, atque
hæc ſcribere, quorum plurima mani-
feſte falſa deprehenduntur, ſi ſua late-
re voluiſſet? Ideo cum maxima cura
legendi ſunt. Difficillimum eſt enim
inter multa perperam dicta, pauca
oportuna ſeligere. Sed & in privatis
affectibus Muſica multum poteſt, &
antiqua in mentem revocat, eandem-
que percellit, ſicut in publicis rebus
flamma illa cœli, & Cometæ, genera-
lesque conſtitutiones, quæ mirum in
modum hominum mores inſtitutaq;
mutant. & quæ ſequuntur ad illas,
magna mole cogitantes incitantes, &
vim inferentes. Memento etiam re-
ceſſum,

ARCANA PRVD. CIVIL. 605
cessuum, & reflexionum, tū redituum
atque remissionum nostrarum.

Quę vero extra & supra artem sunt,
tria sunt præcipue: in naturalibus ju-
venescere, in privatis negotiis, quod
jam periit aut prope est, ostendere po-
tuisse non perire; quod in medicina
maximum esset: & in publicis rebus,
fœdera sancire, ut tuta essent ab utra-
que parte. Sed primum fucata ratione
peragimus, vitam futuram pro præ-
senti subjicientes: eam quę superest,
diligenter custodientes, filiorum cura,
tamquam imagine nostra, & gloria.
Privatorum negotiorum Galenus ja-
ctat se modum quendam invenisse, (10
Artis curat. cap. 3.) Probo exemplum
illud: sed magna felicitate opus est, ut
in hujusmodi occasiones incidas: &
qualecunque fuerit, in tam ardua re
laudo inventum; quando nil melius
excogitari possit. Sed adeo multa re-
quiruntur, ut vix è pluribus uni vel se-
mel contingere possit. In publico fœ-
dere quæsitū sunt viri probi, commu-
nes amici, in quorum manibus arces
pro pignore deponerentur: aut Res-
publicæ, quibus mercatores (ibi nego-
tia habentes) pro magna summa auri
ex utraque parte pollicentur. Sed diffi-
cile est integrum virum invenire: & si
sit,

606 HIERON. CARDANI
sit, etiam ut uterque ei se credere ve-
lit. Demum potentioris metus, vis di-
scrimen non leve afferunt. Respublicæ
quantum delinquant, novimus Ro-
manorum exemplo, qui agrum, cujus
judices essent, sibi adjudicarunt: (Val.
Max. lib. 7. cap. 3.) Sed & decernere
longum, postquam per calumniam li-
gator negat prius à conventis disces-
sisse. Sed tamen melius est hoc, quam
simplici juramento fidere. Est etiam
quartum, sed non absolute despera-
tum, verum difficillimum, quum in-
defessi hostes, & plures, ac potentes.
Herculeus labor Hydra Lernæa repræ-
sentatus: à quo vel vi, vel fatigatione,
vel tædio, vel desperatione, vel casu
vinci, etsi sæpe viceris, necesse est: ut
Troja à Græcis, Numantia à Roma-
nis, & nos hic Bononiæ pertinacia ho-
stis victores vincemur. Auxilium et-
iam Hydræ; exurendum esset caput,
non solum amputandum. At nobis
non licet. Quamobrem hujusmodi vi-
ris eligenda est, ut dixi, civitas, in qua
Princeps inhabitet. Aliis, qui primum
non possunt, secundum non observa-
runt, non alia est via, quam non ul-
cisci, sed ex inimicis amicos, & factio-
nem (ut dixi) suscitare. Sed primatum
deponere oportet, & alteri cedere.
Quo-

Quorum duorum unum mihi non li-
cet, ob dignitatem; alterum non pos-
sum, ob ætatem & studia. In hujus-
modi occasione expectare melius est;
interim remorari. Deniq; quamquam
pater noster hic non sit, proximus ta-
men illi est, quem boni malique Prin-
cipes, ac privati expetivere; & in quo
omnia, præter naturæ dona, bona
constituta esse videntur; est Venera-
tio: ut contra continere hominum
studia in hoc difficillimum. Ob id-
que illa etiam difficillima. Venerantur
Deum & Principes, & familia bene
constituta herum suum. Complecti-
tur autem quatuor illa conjuncta &
indivisa simul; amorem, timorem, af-
fectum naturalem, & opinionem ma-
ximam probitatis, sapientiæ, atque po-
tentiæ. Efficiunt autem venerationem
maxime consuetudo, religio, & jura-
mentum. atque hæc ubi desit, parum
boni adesse potest: minus tamen obest
Principibus. Hoc ipsum deesse quid ti-
ment? Post metum est amor. Exem-
plum amoris absque veneratione, est
parentum in filios. Verum ne illud for-
san admireris, quod multa esse dixe-
rim, quibus universum hoc negotium
tribuat, velut scientia animi, vene-
ratio, persuasio, movere affectus, po-
tentia,

rentia, & tranquillitas: Id accidit dupliciter. Primum ut finis ipse diversaratione accipitur: ideoque ut, modo illum adeptus fueris, nihil referre [putes:] veluti tranquillitas alia est habere quod velis, alia ut his quæ habes contentus sis. Ita ergo duo erunt, quibus adipisceris finem, prorsus diversa, & pene contraria. Secundum: ut causæ sint ordinatæ, atque perfectæ singulæ: velut ex animi scientia accidit ut affectus moveam; ex quo persuasio, ex persuasione veneratio, ex veneratione potentia; ex qua adeptio quorumcunque atque tranquillitas. Optimum igitur est, unum ex huiusmodi assequi. In reliquis imitare optimos Musicos: qui tamdiu concinunt donec melodia stare utcunque potest, quum non potest, desinunt; indignum putantes, vel alios corrigere, vel aliena culpa dedecus incurrere.

LIBRI DE PRVD. CIVILL

FINIS.

